

湖南通志卷二百六十五

藝文志二十一 金石七

唐嵒臺銘

嵒臺銘 有序

河南元結字次山撰 涪溪東北廿餘丈得怪石馬周行三四百步從未申至丑寅涯壁斗絕左屬同鮮前有磴道高八九十尺下當洞潭其勢崢嶸半出水底蒼蒼然泛泛若在波上石顛勝異之處悉為亭堂小峯嵌竇宜間松竹掩映軒戶畢皆幽奇於戲古人有畜憤悶與病於時俗者力不能築高臺以瞻眺則必山顛海畔伸頸歌吟以自暢達今取茲石將為嵒臺蓋非愁怨乃所好也銘曰 湘淵清深嵒臺階巖登臨長望無遠不盡誰厭朝市羈牽局促借君此臺壹縱心目陽崖鸞琢如蓮如珉作銘刻之彰示後人 有唐大曆二年歲次丁未六月十五日刻

集古錄跋石斯人之作非好古者不知為可愛也然來者安知無同好邪

金石錄目嵒臺銘元結撰篆書無姓名大曆二年六月

通志略嵒臺銘李庚篆書在永州

弇州山人四部臺元結次山撰嵒臺銘見歐陽永叔集古錄中次山凡文多從顏尚書真卿李學士陽冰索書此篆書不知陽冰作者或自作之次山於文爾雅然不能高而愛身後

名其銘亦類是昔杜襄陽碑峴首一絕頂一深澗曰吾懼千秋後之陵谷也嗚呼古人之名如此

錢邦芑古蹟記嵒臺之南峻厓矗起得次山嵒臺銘二百一十餘字篆書無書者姓名字闊一寸七分長二寸八分古麗清道實為罕觀今人徒知涪溪有魯公碑蓋未覩茲刻之奇俊也

王士禎涪溪攷案集古錄止載嵒臺一銘無涪溪唐亭二銘金石錄止載嵒臺唐亭二銘亭銘注瞿令問書臺銘篆書無名氏近日于奕正司直又僅載涪溪一銘云李康篆涪溪志云涪溪唐亭二銘乃黃山谷與陶豫同遊摻得之意歐陽作集古錄時二銘尚幽僻荒僻未之見耶然趙明誠既錄唐亭而遺涪溪奕正亦錄涪溪而復遺唐亭又何也又案豫章集答長老新公書云涪溪銘筆意甚佳以字法觀之嵒臺銘亦季康篆也知金石志李乃季字之譌書又云又有袁滋篆唐亭銘三十六行凡唐亭東厓石上刻次山文合袁滋季康篆共七十一行山谷題壁又云唐亭東厓銘刻數百字皆江華令瞿令問玉筋篆更不云袁滋與書語矛盾金石錄後出蓋以題壁為據略無辨證凡此數端皆不可解聊跋次山文編後質之博雅君子云爾

潘耒金石文字記嵒臺銘刻在臺之背甚完整涪溪銘亭銘刻

於東厓石上隨石欹斜辭厚難搦而篆筆特佳視臺銘更勝金石跋尾續右晤臺銘後題大歷二年歲次丁未六月十五日刻次山尚有浯溪唐頤二銘皆墨令問篆書以地僻辭厚難搦惟此銘世多有之雖不著書人姓名當亦令問筆也說文只有浯字晤唐則次山自出新意名之書家以其形聲相應即依偏旁而爲之篆所謂自我作古也李少溫名陽冰本取木華海賦陽冰不冶之義其兄澥字堅冰皆冰雪之冰也而少溫書名亦從俗作冰蓋由楷書借冰爲久相承已久章奏告身既用冰字篆書不便更易故爾

金石萃編案晤臺之晤字與唐亭之唐字皆不見於說文臺與亭似因浯溪得名則字體亦出次山新意爲之凡水之以浯字得名者有三說文浯水出琅邪靈門壺山東北入濰此別是山左之浯水若浯溪則在今湖南永州府祁陽縣在唐時屬江南西道永州零陵郡又今福建泉州府有浯江見陳懋仁泉南雜志蓋同一浯字地分三處異其名也方輿紀要浯溪在祁陽縣南五里山溪諸水匯流於此稱爲奇勝流入湘江唐元結自道州歸愛其山川家於此今浯溪磨崖碑結所撰中興碑也而獨不及晤臺銘及浯溪唐亭二銘殆推搦者所不易到耶碑題河南元結字次山撰舊唐書無元結傳新唐書有之其官道州刺史不詳何年玩傳語是代宗卽位

後之事自宋吳曾以下多言次山愛祁陽山水遂寓居焉顧祖禹則云自道州歸愛其山水家於此傳不言結寓居浯溪而未云罷還京師且此碑銘序亦無家居之語則非家於浯溪者顯然据次山集次山嘗僦居瑞昌之灤溪上因自號灤溪居士有詩云尤愛一溪水而能存讓名則次山所居者灤溪也溪在今江西九江府之瑞昌縣與永州隔遠惟其官道州時或是愛浯溪山水常來登眺因而刻銘刻頌蓋道與永相距不遠也顧氏諸說殆沿舊志之譌銘文篆書無姓名銘中書體不合六書者如涯嵌銘三字皆徐鉉說文新附字涯當作厓嵌當作嵌見集韻銘當作名春官小祝注今書銘或作名既夕禮大喪禮注並云今文銘皆作名是其證也摹借二字亦徐氏所補鈕布衣樹玉云峯疑封之俗字漢書司馬相如傳云厓封巒又云論以封巒義雖不同或後人本此作峯耳封亦有高義漢書西域傳出封牛師古曰封牛頂上隆起者也集韻峯或作峯又與封之古文望形相似也借當作藉抑詩借曰未知漢書霍光傳引作藉曰又趙充國傳遣使至匈奴藉兵師古曰藉借也司馬相如傳乃著書藉易父老爲辭師古曰藉假也溪磴礪礪皆俗字又銘文云三四百步百字竟書作自亦所未詳案百字作四百字平津讀碑記文云左屬回鮮爾雅小山別大山鮮釋文引李

巡云大山少故曰鮮毛詩公劉傳嘯小山別於大山也古與嘯字通用

金石文編晤臺銘首尾共十五行文首二行十五字餘行皆十七字因就厓石高低鑄鑿故二行獨參差不齊篆書無姓名結體頗類涪溪銘或如山谷所云一人之筆也書多俗體不合六書之旨王述弇少司寇據說文等書正之是也而云百竟作自今細審石文似自上一畫作百亦百字之謬體也厓字從水從山皆係俗體而此刻序既作涇銘又作崖至暢達之暢說文作暢乃從田旁後代書家於田字中豎偶出頭尾作申因相沿從申旁與未申之申從曰從一者不同而此序暢字偏旁竟似從申之古文作厓則又謬之尤甚者祁陽縣志載此文廿餘丈誤作三十餘丈三四百步誤作三百餘步蒼蒼然脫蒼字重文宜間松竹誤作其間松竹古人有吝憤悶脫去有字湘淵清深之深誤作溪壹縱心目之壹誤作以賴石刻無恙可據以正之也王阮亭尚書謂金石錄止載晤臺唐亭二銘亭銘注瞿令問書臺銘篆書無名氏予案家藏舊鈔本金石錄目錄第一千四百一唐亭銘之唐作容下注元結撰瞿令問篆永泰二年十一月今唐亭銘石刻後題大曆二年歲次戊申閏口月亭名年月俱不相符又案輿地紀勝引圖經云江華令瞿君善篆籀元次山陽華巖等銘

窳尊銘舜廟狀舜祠表寒亭記皆其所書集古錄云竝承泰二年刻云云獨不數唐亭銘何邪外舅錢少詹先生謂唐順之順次山本用說文高字或體與亭字義別俗儒誤讀爲亭予攷窳尊銘文有爲亭尊上句令問公書亭作嶺其字下亦從價但變厂爲耳又大和四年李諒湘中紀行詩有唐亭仰文哲句正書作亭字恐次山當日本以亭字名之第篆書者用古文寫之耳攷次山所作亭文於唐亭銘之外祇有寒亭記則知金石錄所載永泰二年瞿令問書容亭銘即寒亭記之誤也鈔本誤寒爲容又誤記爲銘阮亭遂誤以唐亭銘當之以至議論轉難於定斷竝疑與山谷答新公書語不合矣又攷次山別有東厓銘石刻載朱長文碑文攷山谷題記所云唐亭東厓銘刻皆江華令玉筋篆者當指東厓銘而言竝非與書有矛盾處阮亭特攷之未審耳

唐唐亭銘

唐順銘

袁滋上下俱唐賦

涪溪之口有異石焉高六十餘尺

周回四十餘步山面在江中東望晤臺北面臨大湖南枕涪溪唐亭當厓石上異木夾戶疎竹旁檐瀛洲言无由此可信若在亭上目所厭者遠山清川耳所厭者水聲松韻霜朝厭者寒日方暑厭者清風於亭厭不厭也厭猶愛也命曰唐亭旌獨有也銘曰功名之伍貴得茅土林壑之客所耽水石年將五十始

有唐亭愜心自適與世忘情亭旁石上篆刻此銘 有唐大歷三年歲次戊申閏八月九日 林雲刻

金石跋尾續石唐頌銘其文自左而右篆法與岢臺銘相似而字較小說文高小堂也或作頌讀去類切與亭字音義各別次山此銘本是頌字俗儒罕通六書誤讀爲唐亭失之遠矣碑書厭爲尙蓋取省文但厭當從甘此卻從白未合六書之旨

平津讀碑記錢辛楣少詹謂厭當从甘此卻从白未合六書之旨諦視此碑同字七見皆从甘少詹之言蓋失之或釋謂此可信作譌此可仰亦非

金石文編唐亭銘篆書其敘與銘及年月日刻人姓名共三十行又前標題爲一行唐亭銘三字徑二寸強標題之後約有五行應是次山及書人官銜姓名而第五行有袁滋二字尙可辨餘皆模糊不清卽山谷與新公書所云爲厓灑所敗也統計行數正與山谷言三十六行合其字則皆徑一寸二分此此刻歐趙二公皆未見王阮亭先生誤以金石錄所載永泰二年瞿令問所書之寒亭記當之于於岢臺銘跋中已詳之矣攷輿地紀勝謂寒亭在江華縣隔江瞿令問棧險道入洞穴作亭石上元次山大暑登之疑時將寒故云又宋蔣之奇暖谷銘序亦謂永泰中元次山爲道州刺史嘗巡行江

華登縣南之亭愛其水石之勝當暑而寒遂命之曰寒亭而爲之記刻石在焉蓋次山官道州刺史時令問公作江華令其銘故卽令問公篆書今道州有公所書寒亭銘石刻後題□□二年十一月紀年二字已漫漶而据歐公集古錄則此銘與陽華嚴銘皆永泰二年令問公所書也寒亭記亦刻於是年十一月與窳尊銘同至涪溪諸刻有年月可攷者如岢臺銘爲大歷二年唐亭銘爲大歷三年右堂銘爲大歷六年中興頌刻於大歷六年皆非永泰二年則知趙德甫所載永泰二年令問公所書者必非唐亭銘矣又山谷謂此銘袁滋篆今審石刻袁滋二字姓名顯然可辨其非令問公書更無疑義攷唐書袁滋傳字德深蔡州朗山人疆學博記少依道州刺史元結讀書自解其義結重之厓官至中書侍郎同門下平章事後終湖南觀察使工篆隸有古法此銘書於大歷三年尙在建中元年前十三年蓋正德深依次山於道州讀書時也篆書多用古籀結構頗似石鼓文其書戶作屮遠作楚風作風與作岷從青之字作岑皆用古文申作引用籀文竝見許氏說文將字作廌乃借用古文斲字又乃五之古文此卽借作伍字高字或作頌乃從广頌此從厂俱爲異鼓吹之吹依說文作歛此依周禮用省文作歛其餘高作拿州作夙由作皓若作嚙狀作岢貴作罌多有見於汗簡及古文

四聲韻二書中者祁陽縣志載此文山面在江中句誤作西面在江口北面臨大淵句脫去面字若在亭上句在下衍乎字

金石補正先後得拓四五本再四細審標題第一字似作水旁與前人所言者殊第三行有一泰字可辨與五行滋字齊裕泰上僅存下半子字第五行袁滋上有一君字皆前人所未審出者標題後五行之右似尚有兩行以山谷所言三十六行又不應有紙幅有接縫痕或分紙惟拓粘連時誤多之或有空行無字均未可定亭古作廎出碧落文又作領出義雲章並見汗簡瞿氏謂次山本以亭名篆書者用古文寫之其說近是諸家記載瞿氏最詳亦有未盡細審者如从青之字用古文而小變之作山字申用籀文而小變之作山吹用古文而省變之作山魚瞿氏則以為作岑作山巨作山此亭字作山順者二作山順者二瞿氏概以為从厂價也獸字作山者三作山者各二並不作山也瞿氏概以為作山也洪氏以為皆从甘亦非謂此可信諸家或釋謂為由瞿氏云由作山細審之左旁作山山雖已磨滅其為山字無疑右考作山山不作止下巴字稍泐其為山字無疑瀛洲言无之无疑非本字特不知何字之古文耳

唐右堂銘

右堂銘 元結字次山撰 大曆六年歲次辛亥閏三月

金石錄唐右堂銘元結撰篆書無姓名大曆六年閏三月

墨池編右堂銘元結撰高重明書

涪溪攷案山谷題壁有所謂右堂銘者今次山文編不載金石錄僅列其目皆無可攷而墨池編以為高重明書不知何

據 宋涪涪溪新志右堂銘在今勝異亭後高三尺餘廣二尺字皆漫滅僅存右堂銘篆書三字字約二寸許左有大曆六年

四字右有元結字次山撰六字尚可識

金石文編右右堂銘正書左行字多剝蝕不可讀惟右堂在中堂之西七字可辨首尾其十六行其序及銘十四行行九

字末行約止三四字文之前二行首行低一字題右堂銘三字次行低三字題元結字次山撰六字文之後二行皆低一

字題大曆六年歲次辛亥閏三月月下尚有數字已磨滅矣字徑八分許文首行標右堂銘三字而當文之中六行上又

橫題篆書右堂銘三字作額字長徑三寸許橫徑二三分亦

左行筆法絕似岷臺銘疑出一人之手案此刻始著錄於趙德甫金石錄云篆書無姓名朱長文墨池編則云高重明書不言是篆是正今以后刻證之知趙氏誤也石刻年月下及

後行皆漫漶書人姓名有無不可辨未知朱氏之言是否攷次山文編未載右堂銘前人又未有著錄全文者予身至涪溪訪得於勝異亭之後亟命工人椎拓數本其文首云右堂在中堂之西攷宋皇祐中孫適三絕堂記云東厓之嶺次山嘗銘右堂又元至元中王榮忠重建笑峴亭記云笑峴亭者次山元水部右堂之故基也自次山後其堂遂圯至宋熙甯間邑侯莆田蔡君瓊作亭於其上更名曰笑峴云云今石刻在岨臺之上勝異亭之後想即當時右堂之故址也未以來著錄金石家及縣志溪志從未言次山之有中堂今據此文則有中堂明矣又見存齋厓石刻宋湖南轉運判官屯田郎中沈紳題名云治平四年孟春丙子訪涪溪元子次山故居讀中興頌岨臺中堂右堂三銘云云然則次山亦嘗爲中堂作銘刻石無疑矣右堂銘之石高出地約二尺半厚不及五寸上圓而下直其右另有一石下與此石連而稍低予細審竝無文字乃題名於上募工刻之及刻竣拓視微見楷書字迹頗類右堂銘字小不及半而一字不可辨識爲恨且悔予之題刻鹵莽也故并書於此以志予過予有涪溪雜詠絕句云德甫雖然攻錄精右堂銘欠認分明後人競撰涪溪志未爲中堂一表名非敢訾議前賢實歎讀書稽古之不易云

金石補正右右堂銘漫漶已甚諦審再四所謂首行標題右

堂銘三字者已不可見二行爲元結字次山撰六字三行見右堂在中堂之西七字四行見南隅二字十五行見是者勒三字十七行爲大曆六年歲次辛亥閏九月十八行見三月高明書五字知墨池編謂高重明書其言可据也橫額三篆字橫徑寸四五分瞿氏以爲二三非脫一寸字即誤寸爲二行數字數瞿氏亦均誤余寬拓此碑三年而得之惜漫漶不能卒讀較諸瞿氏所載止多八字耳

唐中興頌

有序

尚書水部員外郎兼殿中侍御史荆南節

度判官元結撰

金紫光祿大夫前行撫州刺史上柱國魯郡

開國公顏真卿書

天寶十四年安祿山陷洛陽明年陷長安

天子幸蜀太子卽位於靈武明年皇帝移軍鳳翔其季復兩京

上皇還京師於戲前代帝王有盛德大業者必見于歌頌若今

歌頌大業刻之金石非老於文學其誰宜爲頌曰 噫嘻前朝

孽臣姦驕爲愾爲妖邊將騁兵毒亂國經羣生失甯大駕南巡

百僚竄身奉賊稱臣天將昌唐繫腕我皇匹馬北方獨立一呼

千麾萬旗戎卒前驅我師其東儲皇撫戎蕩攘羣兇復復指期

曾不逾時有國無之事有至難宗廟再安二聖重歡地闢天開

獨除秩灾瑞慶大來凶徒逆僑涵濡天休死生堪羞功勞位尊

忠烈名存澤流子孫盛德之興山高日昇萬福是膺能令大君

聲容云不在斯文湘江東西中直涪溪石崖天齊可磨可鐫刊此頌焉何千萬年 上元二年秋八月撰大曆六年夏六月

刻
集古錄跋右大唐中興頌元結撰顏真卿書字尤奇偉而文詞古雅世多模以黃絹爲圖障碑在永州磨崖石而刻之模打既多石亦殘缺今世人所傳字畫完好者多是傳模補足非其真者此本得自故西京舊臺御史李建中家蓋四十年前崖石真本也尤爲難得爾

金石錄大唐中興頌元結撰顏真卿正書大曆六年六月磨崖刻在永州

輿地碑目在祁陽涪溪石崖上俗謂之磨崖碑又案練潛□
輿甯開作笑峴亭記曰次山文遒勁魯公筆畫□□皆有以驚動人耳目故中興頌寶之中州士大夫家而涪溪之名因人稱著詩此磨崖巖有練潛夫

廣川書跋中興頌刻永州涪溪上斷其崖石書之刺史元結撰結以能文卓然振起衰陋自以老於文學故頌國之中興頌成乞書顏大師以書名時而此尤瑰璋故世貴之今數百年鮮封葺固遠望雲煙外至者仰而玩之其亦天下之偉觀者耶嘗謂唐之文敵極矣結以古學爲天下倡首芟擢蓬艾奮然拔出數百年外故其言危苦險絕略無時習態氣

質奇古踔厲自將嘗曰山蒼然一形水泠然一色大抵以簡潔爲主韓退之評其文謂以所能鳴者余謂唐之古文自結始至愈而後大成也

容齋五筆元結作中興頌所書天子幸蜀大子卽位於靈武直指其事殆與洪範云武王勝殷殺討之詞同其詞曰事有至難宗廟再安二聖重權言重權則知其不懼多矣

騷錄錄乾道癸卯二月十九日游涪溪涪溪近山石澗也噴薄有聲流出江中臨江石崖數壁纔高尋丈中興頌在最大一壁之上餘石無幾所謂石崖與天齊者或謂是天然整齊之義

能改齋漫錄湖南涪溪在永州北一百餘里流入湘江其溪水石奇絕唐上元中邕管經略使元結罷任居焉以其所著中興頌刻之崖石撫州刺史顏真卿書

玉堂佳話劉太保云中興頌雄偉如驅之一字若千金駿馬倚邱山而立

陵川集書至於顏魯公魯公之書又至於中興頌故爲書家規矩準繩之大匠河湖嘗見三數本皆完好而森森如劍戟有不可犯之色今得此本頗爲殘缺既裝構則反得石中韻勝乃知崖角頑弊本真全露有李白所謂秋水出芙蓉天然去雕飾者尤可賞激也

石墨鵝華磨厓中興頌碑自歐陽公集古錄已謂其歲久剝裂字多缺殘好事者以墨增補之王元美最博雅乃云字畫方正平穩不露筋骨當爲魯公法書第一豈元美所見乃厓石真本耶余獲一紙恐是棗刻雖筋骨不露而神氣全亡惜不得至永州厓下一證之

金石文字記宋馬永卿曰中興頌云復復指期此兩字出漢書匡衡傳云所更或不可行而復復之注云下復扶目反又何武爲九卿時奏言宜置三公官又與翟方進共奏罷刺史更置州牧後皆復復故注云依其舊也下復扶目反

錢邦芑浯溪記磨厓碑以今尺較之高八尺五寸闊九尺許其文卽次山大唐中興頌顏魯公所書也字形大四寸七分爲平原生平第一得意書亦元公之文有以助其筆力故與山水相映發耳

潘耒遂初堂集浯溪遠望之石壁嶙峋如屏如闕近視之嵌空玲瓏巖峯而多穴石質類太湖復類靈壁面背皆奇隨步異態設窮人巧爲假山未有能髣髴者岸畔槎柯老樹交柯垂陰蒼藤倒挂瓔珞百千清溪一綫注於江觸石而墜有聲鏗然境致清絕元次山罷道州築其幽勝遂移家焉一水一石各爲之銘又乞顏魯公書其所作中興頌鏡諸崖壁

劉青黎金石續錄唐中興頌刻於永州浯溪厓上上元二年

秋八月元結撰顏真卿書大曆六年夏六月刻魯公諸碑無大於此者歐公云模打既多石亦殘缺世人所傳完好者多是傳模補足非其真者故子函疑王元美所獲恐是棗刻余所見亦完好只缺一字耳訪之曾遊此地者皆云崖石如故不知歐公何以云爾案序天子幸蜀太子卽位靈武二語据事直書而褒貶昭然後來作者惟山谷能暢其旨余嘗有靈武樂府云靈武帝苦太早胡不延俟冊寶南京使到差晚已尊上方相裴冕三十六日須臾耳可惜草草作天子七寶雕鞶爲誰頌樹雞無聲日對壘牝味奪晨又一時飛龍小兒相表裏阿瞞歸來甘露閉枉著山人費牙齒鶴駕雞鳴望眼穿白首拾遺痛欲死意亦相同而筆力去十舍矣

金石萃編案顏頌者元結新唐書傳史思明亂命結發軍挫賊南鋒結屯洛陽守險全十五城以討賊功遷監察御史襄行荆南節度使呂諲請益兵拒賊帝進結水部員外郎佐諲府與碑題銜合呂諲傳稱上元初拜荊州長史禮朗峽忠等五州節度使則結之爲判官亦在其時頌撰於上元二年正與兩傳合也碑題顏真卿書末云大曆六年夏六月刻顏真卿官撫州刺史亦在大曆六年則是元結撰頌後十年而後書且刻也碑頌肅宗中興卽位靈武收復兩京上皇還京等事唐書肅宗本紀至德二載十二月丙午上皇天帝至自蜀

郡則撰頌又在還京後四年頌磨厓在祁陽縣涪溪結判荆南時寓居於此其刻岨臺銘在大曆二年涪溪銘磨亭銘俱在大曆三年不知何以刻此頌獨遲至大曆六年也此碑爲昶族姪宸官永州知府及小門生林崑瓊知永明縣先後以捐本見貽較之外間傳本最爲精審至次山此頌竝無春秋譏刺之意山谷所言殊不足憑

國朝王文簡公士禎所作磨厓碑詩議論頗正附錄於後云有客新自湘江歸登堂示我涪溪碑芒寒色正三百字忠義之氣何淋漓白日行天破幽暗走避罔兩潛神夔憶昔天寶初喪亂漁陽突騎如騰馳二十四郡少義士平原太守獨誓師平生不識顏真卿乃能一木支傾危清河年少氣慷慨十歲作質平盧兒中興大業起靈武功成不死神扶持道州刺史昔漫叟振筆大放瓊瑤詞請公磨厓書絕壁鐫錢千仞青雲梯蠻煙瘴雨不剝蝕萬古照曜天南陲昨者劇賊亂滇海盜據衡永爲根基太平祭告徧羣望山川一洗無磷緇宜有雄詞繼前代磨厓重刻涪溪碑

舊涪溪志厓石在涪溪之東北高二十餘丈橫闊二十餘丈厓顛多老樹瘦藤其下三丈許平坦如削石色清潤元次山因安史旣平作大唐中興頌請顏魯公楷書鐫於厓壁上共三百三十二字大四寸五分是魯公生平第一得意書

金石文編右顏魯公書中興頌在涪溪磨厓石刻之縱橫九尺二寸文與前後題款其二十一行行二十字正書左行孫氏星衍寶字訪碑錄載四川劍州有此碑翻刻本案四川通志在劍州之鶴鳴山案四川有三本一在劍州鶴鳴山一在資州北岩一在資州東岩

唐涪溪銘

涪溪銘有序道州刺史河南元結字次山撰篆此字之上文已漫漶

涪溪在湘水之南北匯於湘愛其勝異遂家涪畔溪世無名稱者焉爲自愛之故命曰涪溪銘□□口銘曰 湘水一曲淵回

旁山山開石門溪流潺潺山開如何巉巖雙石臨淵斷崖隔溪絕壁山實殊怪石又尤異吾欲求退將老茲地溪古荒蕪蕪沒蓋久命曰涪溪旌吾獨有人誰遊之銘在溪口

通志略涪溪銘李庚篆書在永州碑文攷李庚作李康

黃山谷答新公書專人辱書勸懇竝惠送季康篆元中丞涪

溪銘筆意甚佳以字法觀之岨臺銘亦季康篆也然猶有袁滋唐亭銘三十六行何不見惠滋唐相也他處未嘗見篆文

此獨有之可貴也凡唐亭之東厓石上刻次山文合袁滋季康篆共七十一行爲厓潤檐水所敗當日不如一日矣若費

三十竿大竹作廈更以吞槽走檐下其下開撇沙土見厓令走水快亦使元公房祠乾潔院門免時有聒噪也

天下金石志唐涪溪銘李康篆

菽園雜記涪溪晤臺唐亭皆在今永州府祁陽縣治南五里唐元結次山愛其勝異遂家其處命名制字皆始於結字從水從山從广曰吾者旌吾獨有也案晤唐字韻書無之蓋制自次山涪本瑯琊水名古有此字湘江之溪命名涪則自次山耳

涪溪攷案豫章集答長老新公書云涪溪銘筆意甚佳以字法觀之晤臺銘亦季康篆也知金石志李乃季字之謬書錢邦芑古蹟記唐亭銘猶刻在平厓涪溪銘石面凸凹字亦大小長短橫斜不一應是厓石生長以致字形改變耳

涪溪新志案晤臺銘篆書石刻無姓名其後黃山谷趙德甫王弇州紛紛異說王阮亭亦再三辨證無所得攷

欽定佩文齋書譜載金石略云唐永州涪溪銘晤臺銘竝李康篆書唐書宗室世系表李康為襄邑恭王神符之後湖南觀察使兼御史中丞唐書家中竝無李康名亦無所為季康者阮亭以李字為季字之謬今始知李字未謬而康字乃康字之譌耳山谷云以書法觀之晤臺銘亦季康所書則其筆意相似固出一人手也李陽冰篆書號為神品瞿令問袁滋亦工篆然諸書未有言為次山書治溪銘者則此刻應據鄭樵金石略屬之李康為確漁仲精於論古良不誣矣
平津讀碑記右涪溪銘銘後有釋文并權克謹等題名次山

集中有此文淵同集本作淵洞多石作雙石斷崖作斷岸隔溪作夾溪於茲作茲地釋文與集本同惟斷岸作斷岑
金石文編涪溪銘首尾三十五行行四五字不等篆書無年月首有次山銜名三行次為篆書人銜名二行已漫漶殆盡僅存一篆字可辨此刻集古金石二錄皆不載近代金石家亦抄著錄因其橫鐫厓石低凹不平且為厓酒所敗多漫漶剝蝕故搨本難得予親至厓下用薄紙手自椎拓方能審辨就篆體論之此刻形長而圓似李斯小篆而豎筆下尖如錐唐亭銘則體方不尖文多用古篆至我家令問公所書窠尊銘近類唐亭而豎筆又帶尖為異知此銘必別是一人所書矣晤臺銘與此字形絕相似惟結體方而不圓微有不同山谷云晤臺銘亦季康篆其言似屬可據當從金石略及涪溪新志以正季康為李康二字之謬計此銘共三十五行涪溪銘共三十六行正合山谷所云合袁滋季康篆七十一行之數祁陽縣志錄其文多脫誤世無名稱者焉句脫者焉二字銘曰之上脫銘□□句溪古荒蕪蕪沒益久譌作溪古地荒蕪沒已久皆當据石刻正之攷山谷遊愚溪詩有云下入朝陽巖次山有銘鐫辭石破篆文不辨瞿李袁陳后山注謂李乃陽冰袁氏未詳予疑李即李康袁即袁滋耳
金石補正銘曰上有口字可補湖南舊通志之闕山實殊怪

山誤作水亦宜校正府志與省志同

浯溪銘釋文

○水一曲淵洞旁山山開○溪流潺潺山開○何巉巖雙石
臨淵斷岑夾溪絕○實殊怪石又尤異吾欲求退○
溪古荒溪蕪沒蓋久命曰浯溪○吾○人誰遊之銘在溪○
金石文編浯溪中興頌石刻側直抗邱存節等殘題名後有
正書元次山浯溪銘釋文四行已殘缺似是舊刻隔溪誤作
夾溪荒蕪誤作荒溪

唐東厓銘并序

碑文攷元結撰

舊浯溪志元次山家浯溪作三吾及東厓寒泉諸銘皆刻於
石後人遊記只見岬臺一銘餘皆不可得付之惋惜會修志
於中宮寺銳意搜討得溪亭二銘及山谷老人書後一百九
字至東厓寒泉二銘終不可復見風雨剝蝕或後經剗削代
以已刻未可知也今三銘以藏於荆棘中幸得保全後之君
子加意珍護毋使名賢真蹟漫以消沒是好古者所三致意
已

嘉慶通志案此刻僅見於朱長文碑文攷又不著書人姓名
及年月山谷浯溪題記所云最後於唐亭東厓披翦榛穢得
次山銘刻數百字皆江華令瞿令問玉筋篆筆畫深穩優於

岬臺銘者恐即指此銘而言也文載祁陽縣志

唐中堂銘

案中堂銘在浯溪見宋治平四年沈紳題名金石文編攷
之甚詳但其文已佚耳

唐寒泉銘

浯溪志元結撰

唐韋武浯溪題名

建中三年秋八月廿三日○兆韋武記

金石補正右韋武題名一行在中興頌左同治甲戌秋始搜
出之字畫瘦挺將近平曼矣案韋蘇州之從祖昆弟有名武
者官至京兆尹御史中丞見宰相世系表疑即其人

唐杜傑等浯溪題名

杜傑杜例貞元十八年三月十五日時討幽奇同遊至此

孫星衍寶宇訪碑錄正書在祁陽縣

浯溪新志在磨厓右

唐覃季子墓銘

祁陽縣志柳宗元撰

唐修浯溪記竝元友讓詩

修浯溪記 元公再臨道州有嫗伏亂活之恩封部歌吟旁夾
于永故去此五十年而俚俗猶知敬慕凡琴堂水齋珍植嘉卉

雖欲傾荒斲終樵采不及馬仁聲之感物也如此今年春公季子友讓以遜敏知治術為觀察使袁公所厚用前寶鼎尉假道州長史路出亭下維舟感泣以簡書程責之不遑也乃罄撤資俸託所部祁陽長豆盧下字歸嘉獲私向會余亦以恩例自道州司馬移佐江州帆風檝流相下字畢寶鼎竦然曰茲亭荆治之始既銘於巖側矣至於水石之秀賦咏所及則家集存焉然自空闕時餘四紀士林經過翰相屬今圻墁移舊手筆亡矣將編於左方用存此亭故事既適相會蓋為志焉余嘉其損約貧寓而能以章復舊志為急思有以白之故不得用質俚辭命元和十三年十二月六日江州員外司馬章詞記

余自朗州刺史以奉法不謹謫佐于道去年五月四日維舟於此負罪奔迫不及題記故於簡餘書之 寶歷元年五月廿三日

日涪溪山客元友讓建 襄陽羅洵書 隴西安政興鑄

復涪溪舊居 涪溪山客元友讓 昔到纔三歲今來鬢已蒼

剝苔看篆字雜草覓書堂引客登臺上呼童掃樹旁石渠疏擁水門逕刷藜篁田地潛更主林園盡廢荒悲涼問書畫置界指

垂楊

金石錄目章詞撰羅洵正書寶歷元年五月

寶刻類編在永州

金石萃編案此碑金石錄墨池編二書皆著錄撰記者章詞

書者羅洵兩唐書皆無傳此碑題曰修涪溪記蓋涪溪為元結所嘗居逾五十年季子友讓官道州長史重到涪溪修其舊居而章詞記之也唐書元結傳稱結拜道州刺史請免百姓所負租稅及租庸使和市雜物十三萬緡又為民營舍給田免徭役流亡歸者萬餘即碑所云元公再臨道州有軀伏亂活之恩封部歌吟去此五十年俚俗猶知敬慕也但傳未嘗有再臨道州之事又不載結有幾子賴此碑知友讓為季子其長子友直次子友正並見元次山集中記後刻友讓一詩見全唐詩與此同而題曰復游涪溪此刻題曰復涪溪舊居詳玩詩意云覓書堂云田地更主林園廢荒云置界指垂楊則是經營復舊之事為多不止於復游而已詩首云昔到纔三歲今來鬢已蒼可知友讓是時亦五十餘歲矣記云路出亭下維舟感泣殆即唐亭也又稱友讓用前寶鼎尉假道州長史是其歷官也而年月下自署但云涪溪山客殆以此為自號歟然以自號冠於姓名之上則始見於此 金石文編修涪溪記碑章詞撰羅洵書共十六行每行三十三字正書涪溪諸題詠俱係磨厓鐫鑿獨此係另刻碑石嵌置厓壁觀其字迹不似唐時原刻疑後代好事者為之其章詞記後附元友讓題語題語之後始署書人羅洵姓名後又附元友讓復涪溪舊居五言律詩敘次無倫款式不雅可疑

一也豆盧下空六字及相字下畢字上空六字語氣不相屬可疑二也又據韋詞記元友讓假道州長史維舟亭下在憲宗元和十三年春而友讓題語在敬宗寶曆元年上距已逾六年而云去年五月維舟於此可疑三也其記文云士林經過篇翰相屬今圯壞移舊手筆亡矣將編於左方用存此亭故事題語云負罪奔迫不及題記故於簡餘書之細玩語意似記文爲友讓編集涪溪諸名人題詠成書而作並非專爲修復涪溪也種種可疑必非原刻碑後又有宋皇祐時人王仁壽篆書題名十九字亦不類爲游涪溪而題之語恐此碑卽其所刻至王侍郎昶謂傳未嘗有再臨道州之事攷元次山於代宗永泰中爲道州刺史先於肅宗上元間以水部員外郎佐荆南節度使呂諲府其時或曾經游涪溪亦未可定今縣志溪志俱改爲元公刺道州皆非是韋詞字踐之官至湖南觀察使見唐書宰相世系表楊於陵爲嶺南節度使辟詞與李翱在幕府咨訪得失見於陵傳又案舊唐書韋詞傳字踐之祖君今本誤卿洛陽丞父翊官至侍御史傳稱詞少以兩經擢第判入等爲秘書省校書郎員元末東都雷守韋夏卿辟爲從事後累佐使府皆以參畫稱職元和九年自藍田令入拜御史以事累出爲朗州刺史再貶江州司馬長慶初韋處厚路隨素知詞有文學理行亟稱薦之擢爲戶

部員外郎轉刑部郎中充京西北和羅使尋爲戶部郎中兼御史中丞充鹽鐵副使轉吏部郎中文宗卽位與李翱同拜中書舍人出爲潭州刺史御史中丞湖南觀察使在鎮二年吏民稱治大和四年卒時年五十八贈右散騎常侍案其歷官年月約略與石刻合惟石刻云以恩例自道州司馬移佐江州則詞先爲道州司馬後改江州而傳不書者蓋以再貶二字括之也攷劉禹錫撰詞父翊墓志趙德甫金石錄跋之云翊有子詞仕爲湖南觀察使舊史有傳而新史無之墓志云翊父卿而傳作君卿墓志云翊官殿中侍御史而傳作侍御史皆非也中溶案新史宰相世系表詞父名缺亦書其官爲侍御史又書其祖名幼卿卽刻本而非君卿官洛陽令而非丞與墓志舊史又多不合然表列幼卿之兄名幼成弟一名幼奇一名幼章則似以幼字爲排行者恐舊史亦未盡得實今舊史刻本章詞名誤作辭故金石萃編謂兩唐書皆無傳蓋偶未深攷耳唐制左遷謫降官授州刺史司馬者皆員外置詞以事貶爲此官故自署江州員外司馬蘇子瞻謫授黃州團練副使不得簽書公事其詩有俗客不妨員外置之句可見宋時亦沿其例云

金石補正通志金石略碑文攷均作羅涓書碑非原刻未知孰誤然趙書固作涓也湖南志職官詞作辭蓋本唐書此作

詞疑是模刻之誤

唐皇甫湜浯溪詩

次山有文章可惋只在碎然長於指敘約潔多餘態心語適相應出句多分外於諸作者間拔戟成一隊中行蘇雖富刺粹美君可蓋子昂感遇佳未若君雅裁退之全而神上與千年對李杜才海翻高下非可概文於一氣閒爲物莫與大先王路不荒豈不仰吾輩后屏立衙衙溪口嘯素瀨我思何人知徙倚如有賴 侍御史內供奉皇甫湜書新元

容齋隨筆皇甫湜李翱雖爲韓門弟子而皆不能詩浯溪石閒有湜一詩爲元結而作其辭云云味此詩乃論唐人文章耳風格殊無可采也

漁隱叢話皇甫湜浯溪頌云次山有文章可惋只在碎亦善評文者

放翁跋皇甫文集右一詩在浯溪中興頌傍石閒持正集中無詩詩見於世者此一篇耳然自是傑作近時有容齋隨筆亦載此詩乃云風格殊無可采人之所見恐不應如此或是傳寫誤兩

金石萃編案此詩缺泐三字今檢全唐詩補注於旁標題題浯溪后四字而詩首句云次山有文章似係贊美元次山之

刻中興頌之石屏也此刻與全唐詩不同者二字溪口嘯素瀨徙倚如有賴全唐詩嘯作揚賴作侍當是傳本有別也詩末題曰侍御史內供奉皇甫湜書新唐書傳湜字持正睦州新安人擢進士第爲陸渾尉仕至工部郎中東都留守裴度辟爲判官其官侍御史內供奉傳所不載其書此詩亦無歲月因附元和之末持正在元和時最有文名幾與呂昌黎相等觀昌黎和其陸渾山火詩其能爲長篇可見然多不見於世惟后刻中有此一詩洵可寶也

金石文編浯溪厓閒有皇甫湜詩刻十二行每行十一字正書洪容齋陸放翁俱有題跋趙德甫金石錄亦載其目無年月容齋隨筆錄其全篇嘯素瀨作揚素瀨如有賴之賴作待與全唐詩同知全唐詩即以洪爲藍本也石刻完好無缺中行下有小注蘇預二字金石萃編偶遺之又末題銜名下書字已漫漶細審石刻其下尙有小注數字亦磨滅僅存新元二字可辨浯溪新志君可蓋作見冠蓋一氣閒作兩氣閒皆非是

金石補正萃編列元和未按金石錄目載皇甫湜撰衡嶽寺瑗公碑爲大和三年是持正至湖南在大和閒此詩當作於是時祁陽志載此多餘態多作有餘同溪志此詩經後人修刻尙不全失真面目

唐李諒湘中紀行詩

湘中紀行 湘江永州路水碧山翠兀古木暗魚潭陰雲起龍窟峻屏夾澄澈怪石生溪渤巨艦時迴迴輕舸已超忽疾如奔羽翼清可鑿毛髮寂寞榜漁舟逶迤逗商筏我行十月杪後嘯中夜發楓葉寒始丹菊花冬未歇凝流綠可染積翠浮堪擷峭嶠每驚新幽奇信誇絕網峯疊玉嶂淺浪翻殘雪石鷲雨中飛霜鴻雲外別退雁沂河已勞苦覽詵還愉悅鶴嶺訪胎仙蘇白志靜再仙處唐百亭仰文哲中丞次山所居元川開有漁釣山上多薇蕨無以佐雍熙何如養疵拙安人苟有續撫已行將蓋此路好乘梓吾其謝羈繼 大和四年十月廿五日桂管都防禦觀察處置等使桂州刺史兼御史大夫李諒過此偶題并領男頴同登覽

永州

寶刻類編湘中紀行李諒撰并書大和四年十月廿五日在
金石萃編案李諒兩唐書無傳全唐詩有其人小傳稱諒字復言三宰劇邑再為郡牧終京兆尹而不詳所牧何郡所載詩但有蘇州元日郡齋感懷寄越州元相公杭州白舍人詩一首題下注云時長慶四年也而不載此詩詩中缺泐無從校補此詩題曰湘中紀行是官桂州刺史道經永州題此詩於唐亭者合而觀之是諒先於長慶四年守蘇州至此時相

距七年而移守桂州所謂再為郡牧者是已蘇州元日詩句云新知四十九年非是長慶四年年五十也至此則五十六矣有一子名頴諒之可見者祇此

金石文編李諒湘中紀行詩二十行行三十字正書左行述蒼侍郎金石萃編所載闕十五字又溪渤之泐誤作勒積翠之翠誤作學蓋拓本未精之故予游涪溪親督拓工椎打所謂闕泐者一一皆可辨識乃為補之中云唐亭仰文哲亭字並不作頴此唐人手筆可見次山當時本用亭字也

唐王軒等涪溪題名

王軒 輅 李嚴 大和五年五月廿四日
金石文編王軒等題名三行篆書年月一行正書在涪溪李行修題名之下攷唐范攄雲溪友議載王軒游西江泊舟葦蘿山下題西施后事謂軒少為詩頗有才氣全唐詩采其事云大和中進士案之時代正與此合恐即其人也
金石補正李行修題名下為房魯一刻此刻更在其下瞿氏所言者誤

唐盧鈞涪溪題名

戶部侍郎盧鈞開成五年十二月十一日赴關過此
金石文編盧鈞題名正書三行左行在涪溪王軒等題名之下案鈞字子和系出范陽徙京兆藍田舉進士第以拔萃補

祕書正字累官檢校司空太子少師封范陽公節度河東大
中九年召爲左僕射罷以檢校司空守太子太師又同中書
門下平章事又爲山南西道節度使俄檢校司徒爲東都置
守懿宗初復節度宣武辭不拜以太保致仕卒年八十七贈
太傅諡曰元見唐書本傳傳稱鈞與人交始若淡泊既久乃
益固所居官必有績大抵根仁恕至誠而施於事玩服不爲
鮮明將相沒而無贏財又敘其官嶺南節度使時諸善政時
稱廉潔南方服其德不懲而化又除采金稅華蠻數千走關
下請爲立生祠刻石頌德鈞固辭以戶部侍郎召判戶部此
題名蓋其自嶺南赴關路經涪溪時筆也

唐盧鈞再題名

盧鈞子和 開成五年十二月十一日□□同遊

金石補正右刻三行未經人道同治壬申九日楊海琴前輩
搜得於晤臺石上拓墨見寄亟錄之同日兩題游興殊劇

唐馬植涪溪題名

黔州刺史馬植赴任黔中後戶部九日過此

金石文編馬植題名正書三行左行在涪溪盧鈞題名後案
馬植唐書有傳云字存之鳳州刺史勛子也第進士又擢制
策科校書郎歷官至戶部侍郎同中書門下平章事進中書
侍郎又罷爲天平軍節度使貶常州刺史以太子賓客分司

東都起爲忠武宣武節度使卒傳稱其開成初爲安南都護
精吏事以文雅綉飾其政清淨不煩洞夷便安羈縻諸首領
皆來納款遣子請賦和約束植奏以武陵縣爲陸州卽東首
領爲刺史既而州部廢池珠復生以政最檢校左散騎常侍
徙黔中觀察使會昌中召拜光祿卿此蓋植自安南赴黔道
經涪溪時所題傳云觀察使而題名云刺史者唐季邊郡每
以節度觀察等使兼刺史也

金石補正戶部卽前刻之盧鈞也後九日爲開成五年十二
月二十日

唐涪溪銘

寶刻類編盧倚撰夏中書會昌三年在永州

唐楊漢公涪溪題名

寶刻類編會昌五年十一月二日在永州

嘉慶通志案楊漢公新唐書附其父虞卿傳後史言由戶部
侍郎拜荆南節度使此題名蓋其時刻也史未詳其歲月据
此可以補之

永州府舊志案東觀奏紀漢公由荆南入爲工部尙書以不
廉追論左遷及命刺同州又以貪殘封駁則其題名亦無足
重也

唐房魯涪溪題名

史下尚有八字不可辨者五字桂林之命下尚有十七字不可辨者十一字纒經數月下尚有四字不可辨者三字容齋所引止於誠為忝幸句以下尚有七十五字可辨者僅四十八字耳今據

欽定全唐文補足二十七字後半乃成完璧矣攷瑾字茂宏及進士第新唐書附韋夏卿傳後史稱其會昌末累遷楚州刺史今據其自述乃在大中元年史亦未得其實

金石補正石韋瑾題記在涪溪鏡石下自洪容齋後皆定為大中二年余以三四本諦審之非三年即五年以文內逮今十六年句及史稱德裕罷相韋瑾坐貶合之則可定為三年也韋瑾為賢良方正正卿之子宰相世系表瑾不詳官職正卿亦不言賢良方正均闕漏湖南通志載此譌兩字缺四字唐李行修等涪溪題名

前廣州刺史李行修掌書記施肱巡官李黨大中三年四月十一日赴闕過此

金石文編右李行修等題名正書四行左行在馬植題名之下李行修署銜云廣州刺史而下有掌書記施肱巡官李黨二人姓名攷唐書百官志天下兵馬元帥其屬有掌書記又團練使防禦使皆有巡官惟節度使觀察使俱有掌書記巡官各一人至諸州刺史竝無置掌書記巡官之文然攷唐武

德初邊要之地置總管後改曰都督又兼刺史又或領兼防禦團練使又其後節度觀察防禦團練等使皆兼所治州刺史據地理志云嶺南道廣州南海郡中都督府蓋廣州本係邊要之地以都督兼刺史都督亦無置掌書記巡官之制蓋因其時刺史多有以節度觀察等使兼領者皆置此二官因而都督亦置矣此亦唐末方鎮擅權之漸也

金石補正石刻在房魯題名之上瞿氏謂在馬植題名下非唐胡璠涪溪題名

寶刻類編咸通十二年七月二十五日在永州嘉慶通志案今岷臺銘側唐人李行修等題名之後又有題名數人石已殘缺模糊似有咸通字疑卽此刻也

唐穆栖梧涪溪題名
寶刻類編在永州

唐白鶴觀鐘文

名山記祁陽縣白鶴觀唐末觀有鐘重數百斤一夕風雷忽吼躍入江後有客夜宿昭潭夢一道流曰吾祁陽白鶴觀道士欲歸久矣幸附後載客諾之暹明忽有鐘臥水次文曰祁陽白鶴觀鐘乃載以歸之

元家坊三字

涪溪新志在小岷臺南谿園東久圯舊址有大石猶存原刻

元家坊三字

浯溪谿園二字

金石文編篆書橫刻小嶠臺南石堂下小石上字徑六寸許
筆法深穩唐人筆也

浯溪唐亭燈道四字唐亭銘三字

金石跋尾續於何君元錫齋見所拓磨厓大字有云唐亭燈
道者有云唐亭銘者驗其筆蹤似唐人所題

浯溪石門二字

金石文編在東厓下左右上字大一尺五寸案元次山浯溪
銘有山開石門之句則石門二字當是唐以前刻

案石門二字舊志唐宋兩載宗績辰跋宋志云右刻佚名
旁有元字不能定其為元祐元符而不詳其所刻之處此

條云在東厓下而字大與宋志略等恐非兩刻元字當是
元次山所題故錄此而置彼

浯溪殘題名

開直伉 邱存節 口傑 杜例 成萬 王袞 水尹海

略陽權克謨

金石文編浯溪中興頌石刻之前有正書殘題名三行第一
行二人第二行四人第三行亦二人上下及前俱殘缺無字
其後即刻浯溪銘正書釋文案浯溪舊有杜傑杜例貞元十

八年三月題名今據拓未見而此刻有口傑杜例未知即一
刻否

金石補正右題名殘刻首一字省志作直府志作邱審之似
是邱末一字省志作謨府志缺洪筠軒作謹審之似謨省志
系唐末今移次貞元間府志以連屬浯溪銘釋文讀為左行
恐非

湖南通志卷二百六十五

後雖不盡同此文之為表祠無可疑矣其刻二年者立廟之次年也

湯煊跋秦道州舜廟立守戶狀唐刺史元結撰江華令瞿令問八分書永泰二年立鑄於元山下學署前之西大石上北向廟久廢石塊然根地不可琢移日炎雨林莫知其為碑刻也歲戊辰煊權州篆公餘訪得之剡涪別蘇拓視之分十八行字蹟大半漫漶其約略可識者有置字半廟山下年代遠二字盛德字已大業百王師表致祭二字奠酌字半特望天恩稍他奏聞及三月十五日使持節道州諸軍字事府志道州刺史賜緋魚袋臣元結伏奏置廟戶志右志道州刺史元結奏請免字近廟志式兩家令歲時掃灑志承為恆式中書門志下奉敕宜志依承泰年月中等八十字而永州府志所載乃佚前半以中存五字行為第一於五字上下文俱不審僅約存三十餘字且廟戶掃灑等字俱訛別風淮南古今同慨嗟乎漢碑尙矣唐碑今亦無幾存此千餘年吉光片羽也石之東面刻正書一方為唐人張吉甫和漢戴侯熊渠詩秀勁古質亦可寶玩亟築亭以護之俾免剝蝕後有好古者知不俛窳尊陽華兩銘獨垂不朽也

金石補正右元次山奏置舜廟廟戶狀并牒在道州元山下

自來金石家從未著錄全文已已秋湯斐齋大令權代道州精拓見詒並示跋語亟讀之剝蝕已甚乃舉永志祿祀門所載狀奏釋之按格推求逐細審勘前列狀奏九行年月銜名兩行後列敕牒六行牒尾署銜五行後列書人銜名一行上石一行凡廿四行得百七十一字較斐齋所審多至一倍有餘並正一字其首行結謹在九疑五字均有筆蹤可辨結字較為清晰而志載全文無臣結二字也二行古大陽處秦五字三行字字四行令而盛三字五行役字六行山已訖三字七行獨近廟一合灑六字八行代彰二字十三行免字十九行黃字廿行侍字廿三行瞿字或存其半或有數筆可審合諸志載之文罔不昭合廿二行平上第二有門字隱約可見蓋中書門下平章事也廿三行瞿字已蝕其半下所缺是令問二字其上則不知幾何矣六行於字九行狀奏二字皆秩祀志所無八行廟誤祠掃灑承誤拂灑示代誤世欲誤使九行彼誤及皆當以碑為正瞿氏未見此刻宗氏謬誤百出斐齋已言之漁洋山人悟溪考序謂古來名蹟不遇其人鹵莽載筆與黥劓何異然能免此者寡矣攷文獻通考云永泰二年詔道州舜廟宜獨近廟佃戶充掃除與碑相合又牒尾有中書侍郎黃門侍郎書者攷新唐書宰相表廣德二年王綰為黃門侍郎杜鴻漸為中書侍郎承泰元年綰為河南副元帥

大曆元年創承泰二年二月鴻漸爲黃門侍郎其時同中書門下

平章事者又有元載碑已磨滅其列銜下所署之姓不審與

表合否又未行之左有祠部郎中李僅辨右田勞真字屯外郎數

字下皆漫滅又下截有小正書僅見來字敬拂字當是後來

續題附識之以諗來者至所謂張吉甫詩無可辨識以偶存

之字蹟對勘之悉不合恐係傳謄斐齋但据道州志言之耳

案碑極漫漶茲据金石補正如式錄之

唐右溪銘

遊名山記元結撰在道州右溪石上文載道州新志

唐七泉銘

道州新志元結撰在道州東郭

唐五如石銘

道州新志元結撰

唐窠尊銘有序刺史元結下唐道州城東有左湖湖東二十

步有小石山山顛有窠石可以爲尊乃爲亭尊上刻銘爲志銘

曰片石何狀如獸之跋其背類窠可以爲尊空而臨之長岑

深壑廣亭之內如見山岳滿而臨之曲浦回淵長瓢之下江湖

在安彼成全器誰爲之力天地開鑿日月扞拭寒暑琢磨風雨

潤色此器太璞尤宜真純勒名亭下以告後人 瞿合問書

○二年十一月廿日刻

集古錄跋右窪尊銘元結撰瞿合問書次山喜名之士也其

所有爲惟恐不異於人所以自傳於後世者亦惟恐不奇而

無以動人之耳目也視其詞翰可以知矣古之君子誠恥於

無聞然不如是之汲汲也

碑文攷窠尊銘元結撰瞿合問書在道州承泰二年

方輿勝覽在道州城中報恩寺西

孫克宏碑目在報恩寺小石山顛有窠穴可爲尊刻銘於上

金石文編窠尊銘十五行一百四十七字紀年已漫漶不可

辨据集古錄跋乃承泰二年也元結撰瞿合問篆書于奕正

天下金石志作顏真卿書誤也刻在道州下津門外江之北

岸石上次山此銘載文編志乘多采錄其石刻則著錄於歐

公集古錄及朱長文碑文攷吾家合問公時官江華合爲次

山屬吏工篆籀故命書之次山陽華嚴銘亦公所書故序云

江華縣大夫瞿合問藝兼篆籀俾依石經刻之黃山谷遊愚

溪詩有下入朝陽巖次山有銘鑄辭石破篆文不辨瞿李袁

之句瞿卽指公也公之事蹟畧里無可詳攷此外惟見諸容

州都督元公碑稱故吏江華合瞿合問云又寶刻類編載有

貞元中朗州武陵合瞿合瞿合瞿合瞿合瞿合瞿合瞿合瞿合

弟惜亦無從訪求質證矣籀篆古文久已失傳惟收諸許氏

之謬體矣類作𨮒郭夏二書所無亦可据以補之片石之片今誤爲井技拭今誤爲拂拭真純今誤爲直繩皆當以石刻正之石刻後十一行上下皆齊其前第一行標題低四字第三行序低三字第四行低二字小石下空二字似皆石有高低凹陷故就勢鐫刻之其第二行刺吏下已漫漶不可辨矣次山又有窠尊石詩又有杯尊銘其序曰廊亭西孔有叢石石臨澗水漫叟構石顛以爲亭石有窠顛者因修之以蔽酒命爲杯尊作銘云云據此知在武昌者爲杯尊而非窠尊窠尊當以此在道州者爲正黃山谷次宋懋宗詩有安得風帆隨雪水江南石上對窠尊之句任淵注云元祐有窠尊銘今在武昌攷東坡武昌西山詩序云元祐元年十一月二十九日翰林承旨鄧聖求會宿玉堂偶話舊事聖求嘗作元次山窪尊銘刻之巖石因爲此詩請聖求同賦云云則武昌之有窪尊銘即鄧聖求所摹刻也又趙氏金石錄有唐李氏窪尊銘云篆書無姓名亦無年月前賢名蹟後人景仰其事往往轉相摩勒以爲佳話予遊衡州石鼓之西谿見河干一大方石上多宋人題名其一面亦刻正書窪尊二字亦似唐宋人手筆窪窠二字並見說文其義亦相近可通今據此刻知次山道州之原名作窠而非窪也唐代宗永泰二年即大歷元年是年十一月甲子始改元故十一月以前猶稱永泰

二年此刻据歐公云永泰二年則當在十二月以前今石刻十下一字似弋乃古文一已漫漶不明矣

金石補正右窠尊銘在道州報恩寺西石久湮沒嘉慶甲戌州士黃如穀搜訪得之明年雷震石仆又明年游擊張大鵬力挽以上復植原處州牧張元惠建亭護之并記以文而此石乃復顯於世矣浯溪亦有窠尊石祁陽志載此銘於浯溪非實也片誤作井技拭誤作拂拭惟江湖在馬作焉不作安爲得之耳通志又載有宋張舜民窠尊銘云在郴州此又仿爲之者序云道州城東有左湖宗氏輯永州府志謂州治東有直澗即湖之故蹟澗以東爲報恩寺今此石得於寺西知方輿勝覽之言信而有徵曩者或指在五如石內或指在元山皆誤也左湖既廢後遂混左溪爲一舊志云左溪在下津門外其源九井所出東流與沱水合古州記云五如石在下津門外江北岸今爲東門外水涯五如石中如尊者元次山名以洞尊不得與窠尊混爲一物瞿氏謂此石在下津門外者蓋誤以左溪爲左湖以洞尊爲窠尊矣下津尚係古稱今無此名焉篆體奇古瞿氏攷證詳贍已極大備其所未及舉者更徵引之道作𨮒見郭顯卿字旨而內多一筆爲小異此碑如名尊亭等字皆多一筆不獨題也城作𨮒案王庶子碑城作𨮒成作𨮒此以成爲城者古或用成字

耳方十里曰成城之从成本取諸此左氏文十一年王子成父管子小匡篇作城父詩板無俾城壞漢書諸侯王表作母俾成壞又漢郡國志高城阜城魯峻碑陰勃海高成河間阜成皆作成劉寬碑陰以聊成爲聊城楊君石門頌以西成爲西城皆古人城亦作成之證山顛有窠石有作𠄎又古文以爲有字儀禮鄉射禮惟君有射于園中注云古文有作攷工記弓人有三均注云有三讀爲又參禮記內則三王有乞言注云有讀爲又易繫辭又以尙賢也釋文云又鄭本作有尊作𠄎又作𠄎上尊見華岳碑下尊見碧落文不特鍾鼎款識可爲印證也刻銘爲志銘作𠄎古無銘字本只作名名从夕此變從夕已見諸漢曹全碑長作𠄎見華岳碑岑作𠄎下从夕古今字見石經故念字亦有作𠄎者廣作𠄎从古文光見義雲章內作𠄎凡古文从內之字多如此作滿作𠄎𠄎爲古文漣亦見於一切經音義說文有漣字正字通云漣與漣同未有以爲滿者惟淮南子椒真訓乃始備舡離鼓注云漣讀簫簫無逢際之漣云無逢際則於滿義爲近要亦未可据也竊意心爲氣所充塞乃致憂漣漣之从滿本取諸此於盈溢之義可相通故楚辭云惟煩漣而盈甸以漣爲滿者借漣爲滿非別有一去水从心之別體滿字也至變从艸从雨由來已久史記秦本紀到滿正義

云滿或作滿莊子天地門無鬼與赤張滿稽釋文云滿本作滿又漢堯廟碑滿而不溢張公神碑蕙草生兮滿園田冀州從事郭君碑持滿不傾其滿字皆變从兩張公神碑并變从艸未可卽以時俗嘗之焉作𠄎焉安古通瞿氏所引之外又得兩證論語焉知來者之不如今也劉向新序雜事作安知來者之不如今孟子爾焉能免我哉韓詩外傳作彼安能免我哉是也又案裴光遠集綴安作𠄎華岳碑焉作𠄎二字相似而有別此作𠄎蓋本華岳碑而微變之是焉字非安字較安字爲多一筆後人以字形相似音義亦通遂以安字釋之殆非也全作𠄎全之本字全乃篆體見說文開作𠄎較說文所載多一筆案王存又切韻門作𠄎此蓋从之而省其一筆耳技作𠄎从古文文書作𠄎案古尙書諸作𠄎此蓋从諸凡古文从諸之字皆如此作瞿氏謂从者之字當有三恐未必然潤作𠄎案義雲章閻作𠄎此蓋从之後作𠄎見古尙書式作𠄎中从乙知古人乙一二字亦可通借又天地之地華岳碑作𠄎石刻此字不甚明顯右旁上半似作𠄎形則用華岳碑而多一筆也又十五行後一行似尙有字蹟十四行瞿令問書四字筆意與前不類疑瞿令問書款本在第十六行後人以其漫滅乃補刻於十四行之下然書人姓名何以列於刻石年月之後亦

殊不可解耳余曩得此拓本模糊不明未能摹錄今湯斐齋大令以精拓本見論較諸宗氏跋語所載勝於倍蓰是故椎擗貴精也

唐道州刺史廳壁記

道州刺史廳壁記 唐刺史元結撰 天下太平方千里之內生植齒類刺史能存亡休戚之天下兵興方千里之內能保黎庶能攘患難在刺史爾凡刺史若無文武材略若不清廉肅下若不明憲公直則一州生類皆受災害於戲自至此州見井邑邱墟生人幾盡問其故不覺涕下前後刺史或有貪猥懦弱不分是非但以衣服飲食數年之間蒙以私欲侵奪兼之公家驅迫非姦惡強富殆無存者問之耆老前後刺史能恤養貧弱專守法令有徐公履道李公虞而已徧問諸公善或不及徐李惡有不堪說者故為此記與刺史作戒自置州以來諸公改授遷紉年月則舊記存焉 次山此記為後人所易呂刺史溫復之坊壁而書慶曆中王公贊為州始刻石澧祐中李公襲之正其誤又刻之予攷得之曰是刺史箴也摹勒之石明知州漳浦王會謹識小篆書二行刻於文未行之下

金石文編石元次山道州刺史廳壁記八分書十行明王會重摹本有跋據述是記一刻於宋慶曆中州守王贊再刻於澧祐李襲之案襲之亦官郡守卽刻九疑山銘者隸書端勁

有法與九疑山銘筆法頗類恐亦李挺祖所書今碑無書人姓名蓋重摹時易去道州新志載此文材作數年之間下誤行蒼生二字又刪去末自置州以來諸公改授遷紉年月則舊記存焉十八字皆當以石刻為正唐人避太宗諱其見於文字者民字多改作人字此記所云生人幾盡必次山原文也道州新志改人作民亦非是

金石補正石碑為明代重刻從始事之例列次山道州諸刻之後附承秦二年湖南省府志均載此碑衣服飲食下脫為事二字故為之記作此記按徐履道刺道州在中宗朝李虞在肅宗朝事蹟無攷呂溫字和叔河中人憲宗時以謀逐李吉甫由刑部郎中出為道州刺史寬刑恤役治多善政遷衡州卒嘗作廳壁後記唐書不言其轉刑部也

唐懷古亭石刻

輿地紀勝在道州懷古亭西石上有州刺史河內字又有前江華令瞿合問書石之趾有二三十字末有大曆字八分書

唐廳壁後記

名勝志在道州呂溫撰碑在天慶觀州新志嘉慶通志案廳壁後記者因元結廳壁記於前也呂溫新舊唐書俱有傳憲宗時由知雜事貶均州刺史再貶道州五年徙衡州道州新志秩官表列溫名於元和中是也名勝志呂

温撰下有承微甲寅四字殊謬今去之又案九疑山志載温撰謁舜廟文首云唐貞元十一年歲次乙亥四月一日東平呂温敢盥沐齋潔敬謁於舜帝之神攷史言温於貞元未擢進士則貞元十一年謁舜廟時恐温尙未登科先因遊歷至道州而謁舜廟是時并未居官故文內不書銜志於文之姓名上卽書唐道州刺史非是此記或與謁舜廟文同時作永州府舊志今道州已無天慶觀此碑竟莫求所在

唐陽城謁五龍祠石刻

孫公談陽陽城謫道州未行有書生五人訪城冠帶甚弊減各以一縑與之比至道州城謁五龍祠其縑皆在神坐側今刻石載其事

嘉慶通志案晏殊類要亦載此事据新唐書循吏傳城實道州在德宗貞元間石刻未知在何時

唐含暉洞記

天下金石志劉禹錫撰在道州

唐道州文宣王廟碑

道州新志永州刺史柳宗元撰元和九年八月

唐道州毀鼻亭神記

天下金石志柳宗元撰在道州

道州新志元和九年

唐虞山二字

湘僑聞見偶記道州學西爲唐時虞廟址今存虞山二大字剝蝕僅存形似益唐迹也

唐李嶠九疑山無爲洞題名

寶刻類編在道州無年月

孫克宏碑目永福寺東十餘步有貞元間李嶠篆刻

天下金石志唐李嶠碧虛洞篆刻在甯遠縣

九疑山志李嶠唐時官舍人遊九疑至碧虛洞有貞元篆刻於石

嘉慶通志案李嶠新舊唐書俱有傳其官鳳閣舍人乃在高宗朝卒於元宗嗣位之後安得後於德宗貞元間而遊九疑貞元或是開元之譌

唐舜祠表

輿地紀勝在道州元結撰江華令瞿令問書

嘉慶通志案表文載甯遠縣曾志文稱有唐乙巳攷乙巳當爲永泰元年

唐元結九疑山石穴題名

方輿勝覽紫虛洞真宮在營道縣行二十里有石穴上通於天有元次山永泰年題名天聖中寺僧雲亮於洞前百步築隄爲塘緒水溉田洞遂爲池

道州新志甯遠縣碧虛洞亦名嘉魚洞去二十里有石穴仰

見天光有元次山題名

唐元結九疑山無為洞詩刻

何志偉游九疑山記永福寺旁即無為洞洞門旁刻元次山

詩惜漫漶不能讀

唐元結九疑山無為洞三字

無為洞 廣德式季刺史元結因祭山名此洞曰無為洞

格古要論碧虛洞一名嘉魚洞元結改曰無為洞篆刻在焉

道州新志在甯遠縣碧虛洞

嘉慶通志案道州新志又云元次山題曰無為洞据九疑山

志有宋治平四年沈紳與蔣之奇取元次山無為洞天四字

正其體篆刻於巖竇云云則結所題實係無為洞天四字而

非無為洞三字也

金石補正題篆三字長徑一尺二寸直書款五行四字亦

篆書在甯遠洞阻於水從未有椎拓之者余屬譚仲維接訪

之今甲戌夏早乃得施工也案方輿勝覽云紫虛洞京條樓

稱有石穴上通於天有元次山永泰年題名天聖中寺僧雲

亮於洞前百步築隄為塘潄水溉田洞遂為池据此則洞之

阻水已歷數百年無怪金石家之不得一見矣石穴題名疑

即是刻九疑山志謂洞門有次山詩刻疑亦即此何志偉未

讀之耳石本無天字湖南省府志以為無為洞天者非廣德
無三年是年正月癸巳改元永泰癸巳為朔日祭山時改元
之詔未至道也

唐張謂虞帝廟碑

九疑山志潭州刺史張謂為宇文宣撰

嘉慶通志此碑當在甯遠之九疑各縣志多有載之者非是
碑當作於元和間

永州府舊志案一統志謂張謂元宗時刺史省志長沙風土

記下斷為大曆三年任刺史本碑條下又据邵陽縣志謂元

和時作竊意九疑山志既稱潭州刺史作其在大曆中無疑

所云宇文宣攝邵陽令疑是營陽之誤其碑似當在道州近

城之地惟碑銘云九疑嵯峨則又似指甯遠而言然永泰距

大曆不遠道州新建之廟豈煩更置自以在甯遠城隅為合

至以御史攝令恐尚有闕文若以邵陽之官越州建廟於理

斷不合因傳異縣名竟以九疑之廟歸為邵陽則更誣矣

唐孟簡九疑山無為洞題名

寶刻類編元和間人在道州

嘉慶通志案孟簡新舊唐書俱有傳簡字幾道舉進士宏詞

連中累遷倉部員外郎元和和中拜諫議大夫出為常州刺史

召為給事中又出為浙東觀察使以工部侍郎召還進戶部

加御史中丞又出為山南東道節度使左授太子賓客分司東都再貶吉州司馬進睦州刺史復徙常州仍太子賓客分司卒是簡未嘗官荆南不知何由至九疑題名然實刻類編云元和間人其為即唐書之簡無疑簡與韓愈交見愈集又陝西華陰及廣西臨桂俱有元和元年題名九疑題名疑即赴廣西時道經永州刻也

唐九疑山舜廟記

寶刻類編道士孟可再記朱介一書咸通十年九月二日在

道州

唐敕建舜廟碑

九疑山志僖宗時長沙胡曾權延唐令請立廟於玉瑄巖下有敕建舜廟碑記

永州府舊志案宏簡錄楚寶胡曾傳以權延唐令事在事蜀王衍之後據此則必唐莊宗時楚奉正朔之際矣明統志以曾為天福時及第曾補甯遠令後署延唐令省志駁之良是愚意當是昭宗景福中登第乾符中權延唐後人不知有昭宗之後乾符遂謂是僖宗時事山志之誤殆坐此至其入蜀而又還楚復任延唐馬氏或以故令治舊地明志恐未盡誣宏簡錄遺其先為延唐一節與山志迥異亦未可為確據也

案昭宗懿宗之子僖宗之弟昭宗嗣僖宗即位僖宗紀年有乾符昭宗凡七改元有景福乾甯天復無所謂後乾符及天福也諸志多誤

紫霞巖詩刻

鄧雲霄遊九疑山記洞刻有唐宋人詩皆讀不可讀

唐周如錫月波亭詩

永明縣周志亭在縣西二十里久頽惟存唐刺史周如錫月

波亭觀書詩石刻

唐陽華巖銘

陽華巖銘有序 刺史元結 道州江華縣東南六七里有回山南面峻秀下有巖巖當陽端故以陽華命之吾遊處山林

幾三十季所見泉石如陽華殊異而可家者未也故作銘稱之縣大夫瞿令問藝兼篆籀俾依石經刻之巖下銘曰以上

九疑萬峯不如陽華陽華巖巖其下可家洞開為巖巖當陽端巖高氣清洞深泉寒陽華旋回岑嶺如關溝塍松竹暉映水石

尤宜逸民亦宜遐士吾欲投節窮老於此懼人譏我以官矯時

名蹟彰顯醜如此為於戲陽華將去思徠前步卻望踟躕徘徊

以上三體書先古 大書永泰二季歲次丙午五月十日刻

以上小篆次八分 大書永泰二季歲次丙午五月十日刻

以上書 廬陵龍津趙子拜觀在刻字之下雙

集古錄永泰二年元結撰瞿令問書元結好奇之士也其所

集古錄永泰二年元結撰瞿令問書元結好奇之士也其所

居山水必自名之惟恐不奇而其文章用意亦然而氣力不足故少遺韻君子之欲著於不朽者有諸其內而見於外者必得於自然顏子蕭然臥於陋巷人共見其所爲而名高萬世所謂得之自然者也結之汲汲於後世之名亦已勞矣

碑文攷瞿令問八分書在道州

稻古要論邑令瞿令問以雜體篆刻之厓上在道州東南七里山下

錢大昕潛研堂金石目元結撰瞿令問書序八分書銘古文篆隸三體書後題年月篆書永泰二年五月

平津讀碑記次山集中有此文字多譌舛當以碑爲正

金石補正石陽華巖銘在江華同治己巳劉彥臣宰江華搜得拓贈數十年不施蠶蠟矣碑文攷通志略謂在道州者唐

宋時江華俱隸道州也格古要論謂在道州東南七里山下

則誤矣其以爲八分書雜體篆者皆未明晰瞿氏輯通志載

此文於山川宗氏輯永志載此文於名勝嶢嶢志作嶢嶢石

本古文作嶢篆隸作嶢嶢嶢一字而異文永志誤篆爲嘉未

也作未有也亦非碑末小注八字或當時原刻或後來續題

明統志云陽華巖在江華縣東南六七里有回山南面峻秀

下有大巖巖當陽故名唐元結撰銘瞿令問書蓋即據此文

記之令問所書古文恆見者居多大都稍變其文王庶子碑

疑作𠄎此作𠄎王存又切韻華作𠄎此作𠄎史書

家作𠄎此作𠄎華岳碑爲作𠄎此作𠄎楊氏阡銘

碧落文端作𠄎此作𠄎義雲章洞作𠄎此作𠄎碧

落文深作𠄎此作𠄎華岳碑土作𠄎此作𠄎古尚

書懼作𠄎此作𠄎古文官字作𠄎此作𠄎華岳碑

名作𠄎此作𠄎皆小異也至嶢書作嶢廣韻嶢高也嶢

嶢高也集韻嶢或作嶢此嶢嶢同字之證史記漢書嶢嶢字

皆如此作然嶢嶢皆說文所無依字當作𠄎毛詩漸漸之石

序釋文云亦作嶢嶢是漸爲最古𠄎爲本體嶢嶢皆後起之

字而嶢古於嶢言小學者所當知也陽書作嶢又作嶢說文

嶢山在遼西一曰嶢嶢嶢谷嶢日出也虞書曰嶢谷此嶢嶢

古通之證諸書多作嶢谷後漢張衡傳注云嶢谷日所出也

作嶢谷蓋日爲嶢故以日出處爲嶢谷以其爲日也故作日

旁之嶢以其爲山也故作山旁之嶢嶢古只作𠄎从山从日

皆合制字之義易陽古今字耳首陽山亦或作首嶢論衡寒

温云陽者陽也書洪範時嶢若漢書五行志作陽禮記殷人

祭其陽注云陽讀爲日兩日嶢之嶢爾雅十月爲陽釋文云

陽本或作嶢嶢即嶢字是嶢之可作嶢嶢固不獨陽谷之陽

也至其所書篆體多與說文不合前古作舟此作𠄎乃即剪

字氣古只作𠄎此加从米乃古之𠄎字嶢古只作嶢此加从

山乃徐鼎臣新附字雖皆見於漢碑究非六書本惜其餘屈伸增損不盡拘拘於點畫之間殆亦如漢人作隸隨勢爲之抑亦好爲奇異哉

唐寒亭記

寒亭記 刺史元結 永泰丙午中巡屬縣至江華縣大夫羅令問咨曰縣南水石相勝望之可愛相傳不可登臨俾求之得洞穴而入又棧險以通之始得構茅亭於石上及亭成也所以階檻憑空下臨長江軒楹雲端上齊絕巔若曰暮景氣煙靄更色蒼蒼石壙含映水木欲名斯亭狀類不得敢請名之表示來再於是休於亭上爲商之曰今大暑登之疑天時將寒炎蒸之地而清涼可安不台命之曰寒亭歟乃爲寒亭作記刻之亭背博陵瞿令問書

輿地紀勝在江華縣元結撰瞿令問書永泰二年

蔣之奇暖谷銘序永泰中元次山爲道州刺史當巡行江華登縣南之亭愛其水石之勝當暑而寒遂命之曰寒亭而爲之記刻石在焉

李邦燮遊記出南門抵蔣家山至小飛來石從山盡處轉入巖腹梯磴而上得石壁數百丈上刻次山記剔去積蘚讀之金石補正右寒亭記在江華東南十里回山下今名蔣家山永州志載此多道州誤三字宗氏以意增也又誤勝爲映并

脫又休時三字及書款一行

唐元結贈洞溪翁詩刻

類書在江華縣洞溪縣境四山之間代宗時有隱者王姓居於此人呼爲洞溪翁元結聞而訪之贈詩刻在溪上江華縣鄭志洞溪翁太宗時人姓張名子厚家於洞溪元次山聞而就之見其容若少壯問其年已九十餘問何以能此翁對曰巖下有泉田環於左右五世居此飲食取足無求乎他乃止次山宿次山贈之詩刻於巖下後不知所終詩見藝文

嘉慶通志案縣志所載洞溪翁姓與類書不合元結贈詩云老翁八十猶能行而志乃云九十餘又云太宗時人攷紹於代宗永泰大歷間刺道州卽上溯九十餘年洞溪翁亦應生於高宗時若太宗末年生至此且百有十餘歲矣縣志所言不足據

唐周魯儒碑

輿地碑目在江華縣薦福寺大和六年

嘉慶通志案全唐詩劉禹錫有送周魯儒赴舉詩并序道州新志云周魯儒延唐人文宗時進士甯遠縣曾志載周魯儒於人物云明月山人大和間進士歷官員外郎知制誥博學工文通達治體今存江華雲巖寺記云云此薦福寺周魯儒

碑疑卽其所撰之雲巖寺記也而志未錄其文無從攷定
永州府舊志案江華志僅有從化鄉興福寺縣西龍巖廟久
失薦福亦殊雲巖寺址荒茫碑宜絕迹矣

湖南通志卷二百六十六

湖南通志卷二百六十七

藝文志二十三 金石九

唐周源訪李真人詩刻

以下寶慶府

寶慶府鄭志高霞山明萬歷間水涸見石上有唐尙書周源

訪高霞李真人詩

湖廣通志李真人名震字三衢別號洞明先生唐顯慶間修

真高霞山白晝冲舉周尙書過訪畱詩勒碑新甲山仙宅

唐高霞山碑

寶慶府志在郡南一百里舊存唐顯慶二年碑

嘉慶通志李真人於顯慶初入此山修道昇舉山下舊有

高霞觀碑蓋卽紀其事也

唐文公祠禱雨記

潘洎文公祠記貞元十年

嘉慶通志案太平御覽引湘川記曰耒陽文斤山上有石牀

方高一丈四面綠竹扶疏常隨風委拂此牀大旱則禱雨時

應又唐潘洎文公祠記引邵陽圖經文公名斤晉咸康中爲

高平令隱於山中得道羽化故名文仙山此碑乃州伯王高

縣宰韓謹羅祈雨有應刻石記其事也太平御覽作耒陽恐

是邵陽之誤

唐文公祠記

邵陽縣志邵陽丞潘洎撰元和三年

唐召伯祠古碑

輿地碑目在邵陽縣城東三十里甘棠渡

唐歐陽詢化度寺碑

新化縣志歐陽率更書道光戊申邑人袁玉田取臨川李氏

重摹本重鐫

唐虞世南廟堂碑殘字石刻

新化縣志虞永興廟堂碑唐石真本絕少嘉慶間北平翁方

綱得見臨川李宗瀚所寶元康里氏舊藏本手摹百二十字

縣人李宗藍從宗瀚請得之道光戊申宗藍族子浚因以勒

石後有方綱自識末有陽湖孫星衍青陽王宗誠觀款宗瀚

及方綱子樹培樹焜同校款

唐顏魯公大字麻姑壇記石刻

新化縣志宋拓顏魯公大字麻姑仙壇記真本今藏道州何

紹基家道光癸巳邑人晏啟林假其藏本以油素雙鈎丙午

十月邑人李洽以啟林鈎本屬唐鈎勒石是刻凡百八十三

行計八百六字後有紹基及鄞縣沈道寬跋識

唐顏魯公放生池碑

新化縣志顏魯公書縣人晏啟林雙鈎本道光戊申縣人魏

鼎薰勒石

唐武岡銘并序

古今書刻柳宗元撰在實慶府城北

名勝志在武岡州武岡山柳宗元為河東柳公綽作

武岡州許志武岡銘唐元和七年四月柳宗元撰鐫在州西

五里同保巖上

唐安鄉縣開元寺卧禪師碑

以下岳州府

古碑攷在岳州府曾子固有跋

唐杜甫過洞庭詩刻

漁隱叢話王直方詩話云蛟室圍青草龍堆隱白沙護江蟠

古木迎棹舞神雅破浪南風正收帆畏日斜雲山千萬疊何

處上仙槎此老杜過洞庭詩也李希聲云得之江心一小石

刻

潘子真詩話元豐中有人得石刻於洞庭湖中詩云蛟室圍

青草云云不載姓氏以示黃山谷山谷曰此杜子美作也

嘉慶通志案方輿勝覽亦引王直方云一條隱白沙作擁白

沙蟠古木之蟠作盤南風正誤作南風止何處作底處

唐秦公墓軼文

岳陽風土記巴陵縣楓橋堡有古冢歲久傾圮耕者得軼上

有文曰大唐秦公墓

唐招屈亭碑

以下常德府

輿地碑目在武陵縣龍期間縣合蔡朝英重修刻石以紀其

事 輿地紀勝招屈亭在常德府城內

唐劉禹錫招屈亭碑

天下金石志劉禹錫撰在常德府

嘉慶通志案明統志招屈亭下引劉禹錫競渡詩下云有碑

尚存恐卽是刻也攷全唐詩載禹錫競渡曲末句云招屈亭

前水東注自注云競渡始於武陵及今舉槳而相和之其音

咸呼云何在於招屈之義事見圖經云云此于奕正所載招

屈亭碑恐卽競渡曲石刻也

唐脩陽山神祠碑

實刻類編董挺撰劉禹錫書劉申錫篆元和四年十月立在

鼎州案挺當

名勝志在武陵縣城北三十里本廟

嘉慶通志案董挺字庶中武陵人由宏文館校書郎歷官大

理評事終荆南節度推官元和七年四月卒劉禹錫為撰墓

志

唐陽山磨屋詩

常德府志在武陵高字厓劉禹錫撰

嘉慶通志案方輿勝覽引劉禹錫陽山廟觀賽神詩漢家都

尉始征蠻血食於今配此山全唐詩載其全篇未知卽此刻否

唐賽陽山文碑

集古錄大和九年

實刻類編賽陽山文劉從素行書并篆額在鼎州

名勝志唐陽山廟碑在武陵縣城北三十里本廟大和九年

刺史劉瑞夫撰

嘉慶通志案集古錄有大和九年賽陽山文跋而未詳其本事及撰書人姓名里居通志略云陽山神祠二碑朗州刺史

劉禹錫書又以前脩祠碑及此賽文皆誤屬禹錫書非是常德府應志引輿地碑目九年誤作元年劉瑞夫作劉端夫攷

劉端夫乃劉迺次子見舊唐書劉迺傳云爲太常博士駁韋

綬諡議知名新唐書宰相世系表亦見端夫名注其官爲吏部員外郎則名勝志作瑞夫恐誤

唐朗州德山故先和尚塔銘

天下金石志僧元會撰文大順元年在常德府

案楚實題作宜鑿禪師塔銘

唐沈公臺碑

輿地碑目在武陵縣城西三里光福寺竹林中今猶存有古

碑題額六字云重遊沈公臺記碑字已漫漶

嘉慶通志案劉禹錫武陵詩有沈約臺榭故李衡墟落存之句則沈公臺古蹟唐時已有之常德府應志誤引輿地碑目云宋建炎年間建非是

唐屈原廟詩碑

常德府龍志崔禮山撰

唐黃仙師瞿童記

常德府志引桃川宮碑符載撰

嘉慶通志案全唐詩符載字厚之蜀人初隱廬山後辟西川掌書記加授監察御史桃源縣新舊志竝載此文新志作貞

元元年八月二十日

唐瞿柏庭記

輿地碑目長慶二年刺史温造刻石紀其事於桃源

嘉慶通志案温造新唐書有傳穆宗時坐與李景儉飲酒得過宰相出爲朗州刺史

唐朗州刺史温造桃源宮題名

實刻類編長慶三年在鼎州

唐桃川宮記碑

桃源洞志温造撰并書

唐瞿童述碑

江淮異人錄在桃源桃川宮長慶五年五月三日朗州刺史

温造撰并書龔爲好事磨去重刻惟存碑側數字

嘉慶通志案唐書藝文志載瞿童述一卷温造撰大曆中辰

谿童子瞿柏庭昇仙造爲朗州刺史追述其事殆卽此碑也

此碑與前輿地碑目所載之瞿柏庭記似卽一碑而年月不

同故另載之

唐桃源觀三洞閣宋君碑

碑文攷董佺書

唐劉禹錫桃源行及八月十五夜桃源詠月詩

全唐詩注禹錫兄子兢跋云叔父元和中徵昔事爲桃源行

後貶官武陵復爲詠月作並題於觀壁爾來星紀再周兢幸

改此郡仰見文字闕缺伏慮他年轉將塵沒故鐫在貞石以

期不朽大和四年兢謹記

唐桃源詩碑

金石錄目劉禹錫撰李□書大和四年

寶刻類編在鼎州

嘉慶通志案劉禹錫於憲宗元和初坐王叔文等黨貶連州

刺史未至斥朗州司馬久之召還見新唐書本傳攷元都觀

看花詩自序云元和十一年自朗州召至京又載遊元都觀

詩序云貶朗州司馬居十年召至京師則禹錫去朗乃在大

和四年之前十四年金石錄所記大和四年据全唐詩注其

兄子兢刻桃源行及詠月詩正在是年則此刻或卽兢所刻

桃源行及詠月詩也因題但稱桃源詩又云李□書似與前

刻有異或係兢同時所刻別詩亦未可知故另列之

唐桃源佳致碑

桃源縣志袁中道云唐劉禹錫題明萬曆三年巡撫趙賢重

鐫

唐桃源山界記

寶刻類編狄中立撰進士徐元書并篆額開成五年立在鼎

州

唐桃源洞詩碑

桃源縣志曹唐題

唐武元衡桃源洞詩碑

武陵源在朗江東流水飛花仙洞中莫問漁郎千古事綠楊深

處翠霞空 武元衡

金石文編桃源洞有武元衡絕句一碑行書三行每行十一

字字大四寸許筆力遒勁丰神秀逸似非後代人筆而不書

年月攷武元衡字伯蒼曾祖載德則天皇后之族弟元衡舉

進士累爲華原令未幾移疾去德宗欽其才召拜比部員外

郎後擢至御史中丞常對延英帝目送之曰是真宰相器憲

宗元和二年拜門下侍郎同中書門下平章事兼判戶部事

後以蜀新定詔以檢校吏部尚書兼門下侍郎同平章事爲劍南西川節度使蘇蕭縣伯封臨淮郡公八年召還秉政後爲怨家王承宗使盜殺害贈司徒諡曰忠愍見新唐書本傳全唐詩載此詩漁郎誤作阮郎題作同苗郎中送嚴侍御赴黔中因訪仙源之事

唐杜牧桃源洞詩碑

花滿西園淑景催幾多紅豔淺深開此花不逐溪流去晉客何因入洞來 杜牧

桃源縣志行書杜牧題無年月碑高五尺一寸廣二尺四寸

唐胡曾桃源洞詩碑

一溪春水徹雲根流水桃花片片新若道長生是虛語洞中爭得有秦人 胡曾

嘉慶通志案胡曾邵陽人咸通中舉進士不第嘗爲漢南從事有詠史詩三卷傳世全唐詩載其所作武陵溪一首卽此詩

唐李羣玉桃源洞詩碑

我到瞿童上升處山川西望使人愁紫雲白鶴去不返惟有桃花溪水流 李羣玉

金石文編李羣玉桃源洞絕句一首刻石洞中行款字數大小與武元衡詩同惟行書筆畫較肥少通武碑之挺秀攷方

輿勝覽列李羣玉於澧州人物云裴休入相以詩薦之遂授校書郎全唐詩錄其詩三卷云字文山澧州人此詩在其內標題云桃源

唐桃源修壇記

寶刻類編憲宗儒撰甘從和書在鼎州通志略碑文攷甘從和並作甘從福

唐桃源山界記

桃源洞志王適書

唐赤山廟碑

輿地碑目在沅江縣東北五十里赤山唐光宅二年立以祀范蠡

范蠡

唐瞿柏庭昇仙碑

天下金石志溫造撰在辰溪縣

以下辰州府

案舊通志疑此碑卽溫造所撰瞿柏庭記刻於桃源者但記與碑俱莫詳其文而桃源辰谿地境各別姑兩存之

大酉洞唐人詩刻

辰溪縣志在縣南十里

唐路恕李吉甫等侍郎竅題名

以下郴州

清河口路恕體仁朝議大夫前守郴州刺史李吉甫貞元十九年歲次癸未拾月戊寅朔式十四日辛丑蒙恩除替歸赴闕長男紳次男緘從行鄉貢進士羅造表

金石文編右路恕李吉甫等題名八分書十行在永興縣侍郎竊恕字體仁京兆三原人大曆八年從父嗣恭討哥舒晃授檢校工部員外郎德宗朝出為懷州刺史遷鄆坊定款觀察使坐事貶吉州刺史以右散騎常侍致仕卒贈洪州都督見新唐書路嗣恭傳後吉甫字宏憲贊皇縣公李栖筠之子以蔭補左司禦率府倉曹參軍貞元初以太常博士出為忠州刺史改稱饒二州憲宗朝為相贈司空諡忠懿見新唐書李栖筠傳後此題名蓋即其官郴州刺史時也案吉甫子長名德脩史稱其亦有志操實歷中為膳部員外郎張仲方入為諫議大夫德脩不欲同朝出為舒湖楚三州刺史附見吉甫傳次即衛國公名德裕武宗朝名相宣宗時貶崖州司戶參軍卒懿宗詔追復太子少保衛國公贈尚書左僕射史別有傳題名云長男紳次男緘攷紳乃中書令李敬元曾孫有詩名時號短李元和初第進士武宗朝為相封趙郡公後辭位以檢校右僕射平章事復節度淮南卒贈太尉諡文肅穆宗時官右拾遺翰林學士與李德裕元稹同時號為三俊德裕當國擢浙東觀察使緘乃德宗朝相義陽郡王李抱貞子官至殿中侍御史二李皆非吉甫之子疑題名所云紳者即德脩緘者即德裕殆初名本與之同後乃改易耳路恕不稱官清河非路姓郡望下又空一字不可解其題名作一行在

李吉甫銜名前文理不甚相屬然書結體大小及行款字數皆合似是同時所題末題進士羅造裘裘當即書字然於漢人碑刻未見

金石補正湖南通志脫京字裘作裘皆審未細也後尚有一題二字當是後人妄鑿

唐梁褒先侍郎竊題名

朝散大夫使持節郴州諸軍事守郴州刺史賜緋魚袋梁褒先因行春經此石室續勒脩口元和式年五月十日先記 西羌安常皎鐫

金石文編右梁褒先題名八分書七行後正書一行在永興

金石補正湖南通志缺修鐫之鐫字褒先單稱先字與浯溪

柳宗直同

案梁褒先郴州志職官未載

唐安政興侍郎竊題名

安政口元和十三年二月六日至此阻水五日故記

金石文編右安政興題名正書四行在永興

嘉慶通志案是題據下韓泰等題名安政下缺文知是興字

又據浯溪元友讓詩刻安政興隴西人

唐楊於陵侍郎竊題名

於陵已紀題於北巖不復重備年月金丹亦同至此巖衡山大

德誠盈續來登

金石文編右楊於陵題名正書五行在永興縣侍郎竅

嘉慶通志案新唐書於陵本傳憲宗時貶郴州刺史無年月惟舊書本傳云十一年貶桂陽郡守題名云已紀題於北巖不復重備年月今北巖題名未見

唐韓泰等侍郎竅題名

朝散大夫守睦州刺史韓泰子增鄉貢進士斐文男師仁男懿

文右秦長慶元年三月自漳州刺史授郴州四年六月轉睦州

八月九日沿流之任處士嚴行立同行黃萬書安政興鐫

金石文編右韓泰題名正書九行在永興縣秦字安平順宗

朝王伍王叔文用事陰結天下名士秦與柳宗元劉禹錫等

皆諂附之憲宗立皆貶謫遠州史稱秦有籌畫為伍叔文所

倚重能決大事以戶部郎中神策行營節度司馬貶處州司

馬終湖州刺史附見新唐書王伍傳其任漳郴睦三州刺史

傳皆不載益略之也

金石補正斐見湖南通志作斐文

唐宋祝侍郎竅題名

前太常博士宋祝大 唐光化四年五月十一日經此

金石文編右宋祝題名正書三行在永興縣

唐桂陽巖碑

金石錄李涉撰八分書無姓名寶曆中立

嘉慶通志案唐時桂陽縣隸連州唐書地理志桂陽下云有桂林山此銘今不知所在李涉洛陽人初與弟渤同隱廬山

後應陳許辟憲宗時官太子通事舍人尋謫岐州司倉參軍

大和中為太學博士復流康州自號清溪子有集二卷全唐

詩采其詩一卷有題蘇仙宅枯松一首則涉必曾至郴州者

故有此銘

唐延壽寺銅鐘

明統志在靖州飛山之陽唐時山有延壽寺後寺廢而銅鐘

為夷人取歸潭洞尚存

唐王思齊碑

方輿勝覽鑿字溪在通道縣西南宋元豐中土人於溪旁得

古碑乃唐人視中將軍王思齊率兵征蠻過此山石險礙負

舟而濟鑄字以記歲月夷人因目為鑿字溪

名勝志在沅州芙蓉谿宋元豐癸亥通道於廣西溪旁得此

碑天下同

唐雲朝山寺碑

澧州志林雲朝山記在慈利縣碑記剝落惟貞觀二字猶未

泯

唐陸宣公墓碑

以下靖州

以下澧州

澧州志林清化驛旁稻羅山今為唐氏祖塋康熙末有唐開禧卜葬穿壙得碑勒唐宰相陸宣公墓七字開禧旋瘞之

嘉慶通志案陸贄嘉興人德宗時貶忠州別駕順宗初卒於貶所後蓋歸葬故今嘉興有其墓不應澧州又有墓志林已辨之

唐李淳風棲真巖詩

以下桂陽州

桂陽州張志在州東鹿峯山後石上年久莫辨

嘉慶通志案李淳風見新唐書方技傳其至桂陽於傳無攷

唐龍山廟碑

名勝志在藍山縣莊武龍者以唐大和間知藍山縣事遂家焉

湖南通志卷二百六十八

藝文志二十四 金石十

後梁重脩黃陵懿節廟記

長沙府

寶刻類編蕭振撰柴叔正書并篆額開平元年九月二十五

日建在潭州

嘉慶通志案懿節廟唐昭宗天祐二年封見唐會要

後唐符王廟鐘

以下衡州府

衡州府饒志在鄱縣莊宗同光二年鑄造每值大旱祭之輒

雨

後唐楚王捨鐵盆

南嶽總勝集在鎮南殿前

後唐何仲舉墓碑

永州府

道州新志在州北二十五里

嘉慶通志案仲舉營道人後唐天成中登進士第馬殷開天策府置十八學士仲舉其一也又出為全衡二州刺史見陶

岳五代史補等書

後唐大德寺碑

以下澧州

澧州志林在新州城北隅寺剎自唐景泰時有羅漢像十七

軸据刺史水之文碑記為吳道子遺筆

嘉慶通志案唐無景泰年號疑後唐清泰之譌故列此

後唐七姑仙女祠碑

澧州志林在慈利縣東三十里七姑山有周樸碑記

嘉慶通志案方輿勝覽天門山在慈利縣五代有道之士周

朴有題天門十六峯詩澧州志林云周樸慈利人居天門山

楚王馬殷父子開天策府權用英賢屢徵不起又載周朴天

門靈泉院詩一首南樓詩二首又載後唐處士周樸墓在永

定縣天門山朴與樸字通用攷唐書黃巢傳有吳興周樸死

福州之亂又全唐詩云周朴字太朴吳興人避地福州黃巢

寇閩欲降之不從見書係唐末人又死於閩不應墓在永定

當別是一人

後晉溪州銅柱文

永順府

復溪州銅柱記 天架上將軍江南諸道都統楚王希範 天

策府學士江南諸道都統掌書記通議大夫檢校尚書左僕射

兼御史大夫上柱國賜紫金魚袋李宏舉撰 粵以天福五年

歲在庚子夏五月楚王召天策府學士李宏舉謂曰我烈祖昭

靈王漢建武十八年平徵側於龍編樹銅柱於象浦其銘曰金

人汗出鐵馬蹄堅子孫相連九九百年是知吾祖宗之慶允緒

縣遠則九九百年之運昌於南夏者乎今五溪初甯羣師內附

古者天子銘德諸侯計功大夫稱伐必有刊勒垂諸簡編將立

標題式昭恩信敢繼前烈為吾紀焉宏舉承教濡毫載敘厥事

蓋聞梓柯接壤盤瓠遺風因六子以分居入五溪而聚族上古以之要服中古漸不羈縻洎師號精天相名映氏漢則宋均置吏稍靜溪山唐則楊思與師遂開辰錦邇來豪右時恣陸梁去就在心百城由已溪州彭士愁世傳郡家總州兵布惠立威識恩知勸故能歷三四代長千萬夫非德教之所加豈簡書而可畏亦無辜於大國亦不虐於小民多自生知因而善處無何忽承間隙俄至動搖我王每示含宏嘗加姑息漸爲邊患深入郊圻剽掠乘侵暴辰澧澧吏告逼郡人失甯非萌作孽之心偶昧戢兵之法焉知縱火果至自焚時晉天子肇創丕基倚注雄德以文皇帝之徽號繼武穆王之令謨冊命我王開天策府天人降止備物在庭方振聲明又嘗昭泰眷言僻陋可俟綏懷而邊鄙上言各請効命王乃以靜江軍指揮使劉勅率諸部將付以偏師鉦鼓之聲震動谿谷彼乃弃州保嶮結寨弄高惟有鳥飛謂無人到而劉勅虔遵廟筭密運神機跨擊披崖臨危下瞰梯衝既合水泉無汲引之門樵採莫通糧糗之轉輸之路固甘衿甲豈暇投戈彭師杲爲父輸誠東身納款我王愍其通變爰降招攜崇侯感德以歸周孟獲畏威而事蜀王曰古者叛而伐之服而柔之不奪其財不貪其土前王典故後代著龜吾伐叛懷柔取無師古奪財貪地實所不爲乃依前奏授彭士愁溪州刺史就加檢校太保諸子將吏咸復職員錫賚有差俾安其

土仍頒廩粟大賑貧民乃遷州城下於平岸溪之將佐街恩向化請立柱以誓焉於戲王者之師貴謀賤戰兵不染鏑土無告勞肅清五溪震讐百越屈平擾理保父邦家尔宜無擾耕桑無焚廬舍無害樵牧無阻川塗勿矜激瀾飛湍勿恃懸崖絕壁荷君親之厚施我不徵求感天地之至仁爾懷甯撫苟違誠誓是昧神祇垂於子孫庇爾族類鐵碑可立敢忘賢哲之踪銅柱堪銘願奉祖宗之德宏舉仰遵王命謹作頌焉其詞曰 昭靈鑄柱垂英烈手執干戈征百越我王鑄柱庇黔黎指畫風雷開五溪五溪之險不足恃我旅爭登若平地五溪之眾不足憑我師輕躡如春冰溪人畏威仍感惠納質歸明求立誓普山川兮告鬼神保子孫兮千萬春 推誠奉節宏義功臣天策府都尉武安軍節度副使判內外諸司事永州團練使光祿大夫檢校太傅使持節永州諸軍事行永州刺史兼御史大夫上柱國扶風縣開國侯食邑一千戶馬希廣奉教監臨鑄造 天福五年正月十九日溪州刺史彭士愁與五姓歸明眾具伴狀飲血求誓楚王略其詞鑄於柱之一隅 右據狀溪州靜邊都自古已來代無違背天福四年九月蒙王庭發軍收討不順之人當都願將本管諸團百姓軍人及父祖本分田場土產歸明王化當州大鄉三亭兩縣苦無稅課歸順之後請祇依舊額供輸不許管界團保軍人百姓亂入諸州四界劫掠盜逃走戶人凡是王

庭差綱收買溪貨并都募採伐土產不許輒有庇占其五姓主
 首州縣職掌有罪本都申上科懲如別無罪名請不降官軍攻
 討若有違誓約甘請准前差發大軍誅伐一心歸順王化永事
 明庭上對三十三天明神下將宣祇爲證者王曰尔能恭順我
 無科徭本州賦租自爲供贍本都兵士亦不抽差永無金革之
 虞克保耕桑之業皇天后土山川鬼神吾之推誠可以元鑒
 靜邊都指揮使金紫光祿大夫檢校太保使持節溪州諸軍事
 守溪州刺史兼御史大夫上柱國龍西縣開國男食邑三百戶
 彭士愁武安軍節度左押衙開江都指揮使知使防遏營金紫
 光祿大夫檢校司徒前溪州諸軍事守溪州刺史兼御史大夫
 上柱國彭允瑄武安軍節度左押衙充靜寇都指揮使金紫光
 祿大夫檢校司徒前溪州諸軍事守溪州刺史兼御史大夫上
 柱國田宏祐武安軍節度左押衙金紫光祿大夫檢校司徒前
 溪州諸軍事守溪州刺史兼御史大夫上柱國彭師佐武安軍
 節度左押衙金紫光祿大夫檢校司徒前溪州諸軍事守溪州
 刺史兼御史大夫上柱國田倬暉武安軍節度左押衙充砂井
 鎮遏使銀青光祿大夫檢校尚書左僕射兼御史大夫上柱國
 彭師榘武安軍節度左押衙前砂井鎮遏使三井都管使銀青
 光祿大夫檢校尚書左僕射兼御史大夫上柱國龔明芝武安
 軍節度左押衙充溪州副使銀青光祿大夫檢校尚書右僕射

守溪州三亭縣令兼御史大夫上柱國彭師俗武安軍節度左
 押衙充金澗里指揮使銀青光祿大夫檢校尚書左僕射兼御
 史大夫上柱國覃彥勝武安軍節度左押衙銀青光祿大夫檢
 校尚書左僕射兼御史大夫上柱國田宏贊武安軍節度左押
 衙左義勝第三都將銀青光祿大夫檢校刑部尚書前守富
 州別駕兼御史大夫上柱國彭師昞武安軍節度討擊副使左
 歸義第三都將銀青光祿大夫檢校左散騎常侍兼御史大
 夫上柱國彭師晃武安軍節度衙前兵馬使前溪州左廂都押
 衙銀青光祿大夫檢校太子賓客兼御史大夫上柱國向宗彥
 武安軍節度同十將前溪州左廂都虞候銀青光祿大夫檢校
 太子賓客兼監察御史上柱國龔貴前溪州大鄉縣令將仕郎
 試大理評事兼監察御史賜緋魚袋彭允臻武安軍同節度副
 使攝溪州司馬銀青光祿大夫檢校左散騎常侍兼御史大夫
 上柱國覃彥仙武安軍同節度副使前攝大鄉縣令銀青光祿
 大夫檢校左散騎常侍兼御史大夫上柱國覃彥富武安軍節
 度攝押衙充靜寇都副兵馬使銀青光祿大夫檢校右散騎常
 侍兼御史大夫上柱國田思道武安軍節度副將充溪州知後
 官銀青光祿大夫檢校國子祭酒兼御史大夫上柱國朱彥蟬
 大晉天福五年歲次庚子七月甲子朔十八日辛巳鑄八月
 甲午朔九日壬寅鑄十二月壬辰朔二十日辛亥立 維天禧

元年十一月十五日移到至十六日暨立記此一行在文首第

金紫光祿大夫檢校兵部尚書使持節溪州諸軍事溪州刺史

兼御史大夫上柱國長沙縣開國伯食邑九伯戶五溪都團練

使彭德口此行在第二銀青光祿大夫檢校國子祭酒知溶州軍

州事兼監察御史武騎尉彭口此行在第二知猗州軍州事彭

君庸知忠彭州軍州事彭文縮知南州軍州事彭光明以上三

當知溶州街名列下知州趙文儻團練彭如遷前三亭縣令彭如

喜三亭縣令彭文雅都監彭文威溪州都監彭如興溶州都監

彭任明統軍使彭如武以上一行題於都揮指使彭文仙知萬

州軍州事田彥存高州巡檢使彭如聰以上三行在第二巡檢使彭如

品在第十洞彭如慧統軍彭仕進排軍指揮使陳文縮巡檢

朱繼顯教練使屈思以上七行在第二靜邊都指揮使彭文勝在第十

溪州軍事推官辛口在第二湘州羅文瞻史軍羅方能在第十

下巡檢羅文貴在第二錄事參軍廖保訓水南都指揮使羅文

彥金唐縣田成益教練使彭進溪州知州彭君善鈐轄覃萬富

五都彭如亮以上三行在第二五溪巡檢使知向化州彭如會知保

靜州軍州事彭光陵知來化州軍州事彭允會知感化州軍州

事軍文縮團練向行仙古州覃萬貴以上三行在第二五溪都招安

巡檢使田思滿左衛龔貴朋知永州軍州事彭君昌以上八行

下溪洞巡檢知武甯州軍州事彭口知富州軍州事覃文勇

知謂州軍州事覃允贊知州朱進通知州符彥貴鈐轄彭如權

鈐轄覃文見以上九行在第二知州田彥勝通判田彥強知州田思

趙施西知州彭允強以上三行在第三銅柱高壹丈貳尺內入地

陸尺重伍斤并石蓮花臺及下有石頭此行在第四

舊五代史馬希範晉天福中授江南諸道都統又加天策上

將軍谿州洞蠻彭士愁寇辰澧二州希範討平之士愁以五

州乞盟乃銘於銅柱希範自言漢伏波將軍援之後故鑄銅

柱以繼之

演繁露楚王馬希範既破羣蠻自以為伏波之後以銅五千

斤鑄柱高丈二尺入地六尺刻誓狀於上立之溪州

方輿勝覽銅柱在會溪城晉天福五年溪州刺史彭士愁納

土求盟楚王馬希範請於朝以立之學士李舉為之銘

王士禎池北偶談陸游南唐書謂彭師鬻不知其世家希萼

與弟希崇爭國希萼敗見執希崇避殺兄名於是命師鬻幽

希萼於衡山使甘心焉師鬻歎曰爾後欲使我弑君邪吾豈

為是哉至衡山與廖偃護視甚謹遂築行府奉希萼為衡山

王詳命金陵元宗為出師定楚亂希萼遂入朝偃師鬻俱從

行馬令南唐書云希崇遣彭師鬻偃囚希萼於衡山師鬻

奉希萼為衡山王臣於南唐十國春秋云希萼入府視事吳

宏彭師鬻見希萼皆釋不殺賜希廣死彭師鬻葬之瀏陽門

外師鬻疑卽師杲也然則彭氏雖奚蠻乃馬氏之忠臣與周行逢據湖南時有謠云滿天太保滿地司空觀此碑所書蓋自馬氏時已然矣

宋彝尊曝書亭集石銅柱記楚王馬希範與溪州刺史彭士愁立誓范金爲柱命掌書記天策府學士李宏舉作記柱高一丈二尺入地六尺重五千斤環以石蓮花臺在今辰州溪蠻境上去府治百餘里以是罕有摹拓本流傳於世卽好古如翟趙曾洪諸家亦未之著錄也予年三十讀歐陽子五代史愛其文辭及覽觀司馬公通鑑編年敘事反詳於國史之紀傳心竊未安因與鍾秀才淵映約分注歐陽子書旣而予從雲中轉客太原訪沙陀北漢故蹟殘碑斷碣摩挲抄撮淵映亦多所攷證不幸客死於燕遺棄盡失從此予無相助者興轉闌珊矣康熙戊午崑山葉徵士奕苞相聚京師語及金石文自言家有銅柱記拓本乃託其郵致具錄記文審定楚世家之誤宏舉止名曰皋彭士愁易以士然其子師杲易以師曷劉劼本靜江軍指揮使不書其官未免太略亦且失實當以記爲正也 溪州銅柱記卷還葉氏求之三十年不得歲在己丑七月忽獲之西吳書估舟中文字完好出於意表檢視摹時跋尾於宏舉本末未之詳乃命裝潢手作冊綴舊題於前續書其末馬希範之喪天策府都尉希廣其同母弟

武陵帥希萼其庶兄宏舉主立希廣而大校張少敵憂之謂曰希萼次長負氣必不爲都尉下且與九溪蠻通好若不得立勢將引蠻軍爲亂幸熟思之宏舉不從少敵遂辭去希廣立未幾希萼果以武陵反合九洞溪蠻分路齊進遂至長沙縊希廣於郊外而支解宏舉此事歐陽子亦略而不書溪州靜邊都向化立誓狀具於天福五年正月記撰於是年五月柱鑄於七月字鑄於八月立於十二月宋天禧元年十一月移暨今所

金石錄補希範馬殷子也殷由梁而唐而晉奄有南夏希範以次襲爵楚王唐廢帝清泰三年賜弓矢冠劍晉高祖天福四年加天策上將軍開府如殷故事溪州卽今湖廣永順軍民府西接梓桐兩林南通桂林象郡五溪諸蠻彭氏最大史稱希範遣劉劼劉全明以步卒五千攻彭士然士然遣子師曷降於劼乃立銅柱爲表命學士李舉記之案碑曰士愁而非士然曰宏舉而非舉曰師杲而非師曷有劼而無全明史云南甯莫彥殊都雲尹懷昌梓桐張萬壽率其本部共三十七州附於希範合彭氏爲四而碑云五姓歸明碑中具彭氏誓詞及希範答語後列彭氏子姓從臣之名字殊醜惡以其與史互異錄之吳任臣十國春秋云通鑑作彭仕愁五代史作彭仕然而以此銅柱作士然爲可信予所得拓本爲士愁

字畫顯著為無可疑未知志伊所見又與予異何也

錢大昕十駕齋養新錄溪州銅柱記馬希範據湖南時所立其誓文首云天福五年正月十九日而不題大誓其誓詞云蒙王庭發軍收討又云歸明王化又云凡是王庭差綱收買溪貨竝都募采伐土產不許輒有庇占蓋其時知有潘鎮不知有朝廷久矣記後列銜名吳氏十國春秋竝不載吾友武虛谷投堂題跋始具錄之記文空虛多攙入宋人題名字迹較劣而知州通判都監鈐轉皆宋時官名斷非天福元刻虛谷未及別白也宋史西南溪峒諸蠻傳彭氏有文綰者知中彭州即忠順州也此刻有知忠彭州軍州事彭文綰蓋即其人中忠字互異當依此刻為正傳稱文綰以景德二年知忠彭州天聖三年為彭儒猛所殺則題名當在天聖以前也吳志伊未見此刻所載記文多誤又不錄誓文予所藏本乃畢尙書總制楚中時所貽此柱今在永順府境人迹罕至推扞頗不易

授堂金石跋銅柱記李宏皋撰臯即馬希範依其父殷所置學士十八人之一也宏皋史皆作臯避宣祖諱刪之舊五代史希範傳希範自言漢伏波將軍援之後故鑄銅柱以繼之今記文稱我烈祖昭靈王漢建武十八年平徵側於龍編樹銅柱於象浦是其事也記文吳任臣十國春秋全見宏皋傳

案記文五溪初甯傳作初輯式昭恩信傳作式昭恩德載敘厥事傳作敬載厥事盤瓠遺風傳作五溪遺風洎師號精天傳作師號消服漢則宋均置吏稍靜溪山唐則楊思與師遂開辰錦傳作宋均甫肇靖溪山楊興師遂開展境溪州彭士愁傳作彭士然故能歷三四代長千萬夫傳感作立千作百亦不唐於小民傳亦作必剽掠耕桑傳則作擾肇創丕基傳肇作大方振聲明傳明作名各請効命傳作各効命土付以偏師傳付作士結寨馮高傳寨作阻固甘於甲豈暇投戈傳脫豈暇投戈惟作因甘於恤彭師杲作馮崇侯感德以歸周傳作崇虎就加檢校太保傳無就字底平壘理傳作居平荷君親之厚施傳作厚德垂于子孫傳于作子敢忘賢哲之踪傳敢作可我王鑄柱庇黔黎傳我王作誕今五溪之眾不足馮傳馮作平溪人畏威仍感惠傳作思納質歸明求立誓傳作棄污歸口求立誓案任臣依記文為傳蓋未收銅柱元文所據名山記及慶道南楚紀或近方志所載是以脫謬至此也記後勒誓詞與彭氏官屬銜名任臣亦未收案題名中馬希廣彭師杲二人竝見歐史希廣字德丕希範同母弟師杲即士愁子史以愁為然果為馮非也十國春秋廢王世家書希廣當文昭王時不著其官師杲傳官亦略證之此碑題銜皆足補遺又州名夷州忠彭州南州高州相州向化州保靜

州來化州感化州古州謂州縣名如金唐官制其職事者大理評事錄事參軍知軍州事別駕鈴轄團練都監巡檢司馬左義勝第三都都將左歸義第三都都將靜寇都指揮使副兵馬使靜邊都指揮使節度副將知後官知使防遏營節度衙前兵馬使節度左押衙溪州左廂都押衙左廂都虞候金澗里指揮使砂井鎮遏使三井都管使巡檢使排軍指揮使教練使討擊副使都招安巡檢使統軍使同十將知軍州諸名地里表百官表未收

金石萃編案五代馬氏王楚時彭士愁引錦溪州蠻入寇在天福四年八月及其子師杲納印請降在五年正月銅柱之立卽嘗是時此事正史所書頗略薛氏及通鑑僅較歐史爲詳然此記文共五千餘字又誓狀二百餘字於構亂歸化始未班班可見其中如士愁作士然師杲作師曷李宏舉作李舉皆足以正諸史之誤詳前人跋中吳任臣撰十國春秋據名山記及慶道南楚紀得有銅柱記文錄入李宏舉傳實則未見拓本故所載譌漏頗多且以彭士然銅柱亦作仕然斷從歐史而辨通鑑之誤不知記文愁字顯然正與薛氏史合是非倒置殊未然也是刻前後題名者七十四人彭氏適居其半惟士愁師杲二人稍可攷見餘皆不得而知矣記述希範之言曰我烈祖昭靈王漢建武十八年平徵側於龍編樹

銅柱於象浦昭靈王卽漢伏波將軍馬援也希範自以爲援後故因伏波故事仿鑄銅柱耳後漢書及通鑑皆不載鑄柱之事據寰宇記嶺南道九德縣古越裳國後漢遣馬援討林邑蠻自交趾循海隔隨山刊木開陸路至日南郡又南行四百餘里至林邑國又南行二千餘里有西屠夷國援至其國鑄二銅柱於象林日南界與屠夷分境以紀漢德之盛後漢書但云緣海而進隨山刊道千餘里而已卽西南夷傳亦未之詳也此記竝載銅柱銘金人汗出四語大足以裨史鑑之缺再攷唐武德初諸蠻歸附始置巫錦溪富敘等州旋置麻陽縣錦州大姓彭氏舒氏向氏因彭氏處以上下溪及保靖等州至楚衡陽王時彭師杲以錦溪獎三州歸附立銅柱於下溪州爲界在今辰州府西北一百十里至宋建隆三年募容延釗平湖湘知溪州彭允殊偕前溪州刺史田宏斌名題中田宏斌等列狀歸順乾德五年漢酋彭允足入朝授濮州牢城都指揮使以其據險持兩端因置內地羈之景德三年辰州蠻攻下溪州刺史彭儒猛擊走之溪州刺史彭文慶率溪同蠻來朝大中祥符六年辰州溪峒都指揮使彭進武數寇邊降詔招諭進武詣吏請罪復勞之天禧元年辰州都巡檢使李守元攻白霧國斬蠻級降其酋三百人而彭儒猛叛知辰州錢絳等斬降千餘人儒猛亡執其子仕漢歸京師未幾儒

猛降詔至明灘歃血盟而遣之授仕漢殿直處之西京後遷歸引羣蠻爲亂儒猛以聞詔嘉其忠天聖七年下溪州刺史彭仕端使其弟仕義貢方物明道初仕端死命仕義爲刺史仕義有子師寶景祐中知忠順州後以罪絕其貢自咸平後始聽二十州納貢歲有常賜蠻人以爲科有罪則絕之後師寶數自新請知上溪州皇祐二年始從之朝貢如故寶元二年辰州結瘵三千款附彭仕義邀擊之有其地自號如意大王補置官屬將爲亂其子師寶攜妻至辰訴父不法知辰州宋守信率兵深入仕義遁其官軍戰死者十六七守信坐貶蠻遂數寇邊吏不能制朝廷遣吏諭許改過裁省五六七州貢奉久之仕義仍歸所掠兵丁率蠻七百飲血就降卽辰州界啞溪據守其姪師晏攻殺之納誓表於朝歸啞溪地竝獻皮向洞地界詔以爲下溪州刺史熙甯初湖北提刑趙鼎言蠻眾欲內附辰州辰州布衣張翹亦上書請先招下富峽二州則餘州皆可郡縣詔下知辰州商度請如翹言因遣章惇爲察訪河北經制諸蠻事以石鑑爲湖北鈐轄兼知辰州助惇經制乃置羈縻州三十六而下溪州大彭氏居之時江北提點刑獄李平招納彭師晏誓下州同諸蠻各以其地歸版籍詔脩築下溪城竝置砦於茶灘南岸名曰黔安戍以兵隸辰州出租賦如漢民遣師晏詣闕投京東州都監彭氏於五

代後反覆不靖如此至元初下溪州彭萬潛改其州爲永順軍民安撫司及明嘉靖中苗大叛承順宣尉彭宗舜保靖宣尉彭蓋臣尚助官兵征討悉士愁之後至今猶爲土司焉蠻人極重銅柱故太平興國七年詔辰州不得移馬氏銅柱而本朝辰州府知府王某以銅柱立千有餘年其文可攷今各崗土司不遵前約妄搆難離或焚廬舍或擾耕桑或掠人民或行竊盜竝非其祖歸命定盟垂示永久之意請將墨捐記文飭示各土司官苗俾各如約遵行永安邊土督撫從之具著辰州府志蓋是記之重於蠻厥又如此百餘年來尙蠻反側不時屢有抄掠致勞軍旅故詳載其始末以告大吏之善爲撫馭者領表錄稱伏波銅柱舊有刺史章公幹刺愛州其柱在境公幹利其財欲椎鎔之土人不知援所鑄以爲神物訴於都督都督移書辱之公幹乃止然則援鑄之柱久已不顯而五季所鑄猶能使苗民懾服金石傳流蓋非偶然而官知府者尙知拓文示眾其視公幹賢不肖相去何如也記文乃遷州城於平岸之下作乃遷州城下於平岸後之題名都指揮使彭文仙作都指揮使皆鑄造時錯誤

金石文編右晉天福五年銅柱今在永順縣之會溪乃沅陵永順二縣交界處上刻記文竝標題街名共二十五行每行五十六字微有參差正書字徑五六分第二行李宏宗街名

一行低八字次馬希廣監造街名二行低三字次天福五年云云二行後列舊詞五行低一字次彭士愁等十九人街名七行亦低三字次鑄立年月日一行低四字共四十二行天曆移登年月一行續刻於記文首標題一行下又有彭德口等五十三人街名散題各行之下空處字蹟俱不端正大小亦不齊恐皆後人續刻故另列於後文首不題書人街名字亦不足取竝多譌繆如諸侯紀功之紀作計忍乘間隙之乘作六常如姑息之常作普天神降社謀神爲人譌社作止又街名內如糖耦等字俱不可識文云烈祖昭靈王漢建武十八年平徵側於龍編樹銅柱於象浦乃用馬援征交趾事交趾女子名徵側及其妹徵貳反攻郡徵側者薨冷縣雒將之女也嫁爲朱載人詩索妻甚雄勇交趾太守蘇定以法繩之側忿故反建武十九年遣伏波將軍馬援等發兵討之明年四月援破交趾斬之事見後漢書南蠻傳及援本傳援沒後追諡忠成侯竝無昭靈王之封疑係馬氏子孫私自追尊其祖之稱耳文又有盤瓠遺風因六子以分居等語攷南蠻傳高辛氏患犬戎欲募能得其將吳將軍頭者願以女妻之帝有畜狗名曰槃瓠遂銜吳將軍頭至闕下帝以女配槃瓠走止南山石室中三年生六男六女後自相夫婦子孫蔓衍卽長沙武陵蠻是也而干寶搜神記曰槃瓠者不高辛氏宮中

老婦人有耳病醫者挑治之有物大如蘭以瓠離盛之以漿覆之有頃化爲犬其文五色因名槃瓠太平御覽卷九百則與史傳異而與劉昭注所引魏略略同文又云師號精天相名婁氏者蠻人名渠帥曰精夫相爲婁徒亦見南蠻傳槃作盤古字通用帥作師夫作天恐刻工之譌又云漢則宋均置吏唐則楊思與師者漢建武二十四年羣蠻入寇遣伏波將軍馬援等擊破之乞降會援病卒謁者宋均矯制受降爲置吏司羣蠻遂平亦見南蠻傳及宋均本傳其云唐之楊思者當是宦黔中招討使率兵六萬往執行章斬之事見唐書本紀及思勇傳楊思勇但稱楊思似不成文然古人往往有之也攷唐志辰州本沅陵郡天寶元年更名又錦州垂拱二年以辰州麻陽縣地及開山洞置溪州天授二年隸辰州李宏舉方輿勝覽五代史補三楚新錄皆避諱作李皋其馬希範題衡江南諸道都統及馬希廣李宏舉劉勅等各銜竝官名地名人名五代史都不載俱可據以補之李宏舉後以馬希範卒立嫡弟希廣而不立希萼爲希萼所殺大鄉三亭二縣本唐舊置竝隸溪州冊與策古字通策又策之別體字子嘗得馬殷所鑄乾封泉寶鐵錢背穿上有策字者正與此柱文同體史改作冊其義雖通非是空虛街名必是後人續刻錢詹事金

石文跋尾定爲宋人所題因知州通判都監鈐轉皆宋時官名又有知忠彭州軍州事彭文縮見宋史西南溪尚諸蠻傳謂文縮於景德二年知忠彭州天聖三年爲彭儒猛所殺題名當在天聖以前予案記後題靜邊都指揮諸衛名大約宋初其人尚有存者西南溪尚諸蠻傳云溪州彭士愁等以溪錦獎州歸馬氏立銅柱爲界建隆四年知溪州彭允林前溪州刺史田洪贊等列狀歸順詔以允林爲溪州刺史洪贊爲萬州刺史此田洪贊疑卽題名所列檢校尚書左僕射之人當亦作史者避諱改爲洪耳又案景德二年十二月荆湖北路言溪尚團練使彭文縮送還先陷漢口五千人詔授文縮檢校太子賓客知中彭州大中祥符八年詔中彭州彭文縮歲賜錦袍彭文縮之姓名屢見宋史其卽一人無疑史又言咸平六年七月南高州義軍指揮使田彥強來貢疑卽此所題之通判田彥強也又言元祐三年知藍州彭士明等各同其州押案副使進奉輿龍節及冬至正旦溪布有差云云亦與此溶州都監同名計元祐上距宋初已百餘年宜非一人恐題名陸續所鐫未必僅止天聖以前也彭氏世有溪州之地分上中下三溪總二十州皆置刺史在宋初猶然空處續題金紫光祿大夫等銜名有富州溶州南州萬州高州古州謂州施州保靜州感化州諸地名具見宋史記文後刻彭士

愁晉詞與楚相約歸順王化無輕攻討迫馬氏亡入宋後漢蠻依舊順逆不常惟銅柱一物被人奉爲故事似甚寶愛故宋史載太平興國七年詔辰州不得移步內馬氏所鑄銅柱又至和二年知辰州宋守信等討彭仕義俘其孥及銅柱嘉祐二年仕義率蠻眾就降辰州亦還其孥及銅柱記文首行標題下續題天禧元年十一月十五日移到至十六日豎立記云者攷史稱天禧元年溪州蠻寇擾遣兵討之或因是年兵亂彼人移此重立或宋令人移其柱於此豎立俱未可知題銜末又有銅柱高壹丈貳尺內入地陸尺重伍阡斤竝石蓮花臺及下有石頽云云一行頽字不可識字迹與天禧元年一行相類恐卽其移立後同記也王貽上池北偶談載此文所錄銜名多脫誤至記文乃遷州城下於平岸似以四字爲句金石萃編謂係乃遷州城於平岸之下之誤恐未必然承順府志溪州銅柱見在承順縣東會溪對岸其柱出土高可六七尺周圍約三四尺六稜中空厚可寸餘鑄字方整如顏柳體深入數分銅質清光潤歷久不磨字亦完整毫無剝蝕相傳埋土八尺外露七尺中空者其下鎔錫灌之上皆以錢築實錢爲人盜盡又闌柱上另有銅頂爲蓋亦爲人盜去重不可致棄入水中

案舊志所載有誤字今據石本正之

後晉精果字鐘及碑

輿地碑目在沅州羅城內有天福鐘及豎碑

沅州府

南唐袁石題字

澧州

寶刻類編徐延祚篆書保大五年在澧州

南嶽福嚴寺吳越七寶塔

衡州府

南嶽總勝集太平興國中賜額般若寺政和六年被回祿後

七年修建昔忠懿王在吳越時嘗以七寶造阿育王塔八萬

四千銅鑄八萬四千鐵鑄八萬四千紙絹印福嚴有七寶塔

舊置於方丈他日既經煨燼巨鐘大石皆鎔裂獨此塔不變

眾謂忠懿願力也

嘉慶通志案吳越王錢宏俶造銅塔四板合成外繪梵夾故

事下各有一保字或人字以區別之嘗以五百塔遺使頌日

本其他皆瘞藏於十三州一軍之內近日錢泳金塗塔攷記

載甚詳而總勝集所載福嚴寺一條竟未之及觀此知瘞藏

之處不僅在吳越州軍管內其言銅鐵鑄紙絹印各若干云

云均足補泳書所未備

桂陽州

南漢崇福寺銅鐘款

大漢桂陽監敬鑄造鐘壹口重二百五十斤謹捨於崇福寺永

充供奉特冀殊因上資國祚次及抗爐民庶普獲利饒大寶四

年太歲辛酉十一月二十四日設齋慶讚訖謹記

金石文編南漢大寶四年鐘在桂陽州城隍廟中其文陰款

正書六行字徑四五分學使徐星伯編修訪得之以拓本貽

予以史攷之桂陽郡本漢置唐改爲郴州屬江南道地理志

云郴州桂陽郡有桂陽監食貨志謂唐自武德四年諸州始

置監鑄錢至天寶中役用減而鼓鑄多天下鑪九十九而郴

有五至貞元二十年李巽以郴州平陽銅坑二百八十餘復

置桂陽監以兩鑪日鑄錢二十萬此桂陽監之所由昉也以

今地理言之郴與桂陽二州自漢置唐皆郴州桂陽郡之地

昭宗乾甯三年馬殷爲潭州刺史遣其將秦彥暉等攻下連

邵郴衡道永六州自是郴始屬馬殷爲楚地三傳至馬希廣

爲其兄希萼所殺自立南漢劉晟先遣使聘楚求婚不許遂

乘亂攻之乾和九年遣內侍潘崇徹攻取郴州自後郴又屬

之南漢至宋太祖開寶四年始得其地後以郴桂陽宜章永

興與甯桂東六縣爲郴州分平陽藍山臨武三縣即桂陽監

置桂陽軍即今之桂陽州也今之湖南省惟郴與桂陽二州

會隸南漢版圖所謂嶺南北十州之一耳餘皆楚馬氏之地

後爲周行逢所據於建隆四年歸併於宋若此鐘今在桂陽

州其款不稱郴州桂陽郡而稱桂陽監并有次及抗爐民庶

之詞可知其地即係當時設監之所矣大寶四年即宋太祖

建隆二年係劉晟之子銀卽位改元之四年距攻取郴州已

隔十年又十年而南漢始亡於宋星伯聞之土人云此鐘自他處移來崇福寺今已不知其遺址矣

〔金石補正〕石鐘在桂陽州城隍廟同治戊辰六月吳春谷太守權州篆爲予拓致之湖南通志所載設爲投年月二

行誤列於前宜改正也攷桂陽州漢郴縣地至唐置桂陽監隸郴州屬江南西道又置平陽縣五代晉省入桂陽監周時

爲南漢所有劉銀大寶四年周已先一年亡矣唐書地理志云郴州有桂陽監元和志云郴州桂陽監在城內每年鑄錢

五萬貫又云郴州平陽縣出銅礦供桂陽監鼓鑄又攷會昌中敕鑄錢之所各以本州郡名爲背文桂陽監錢用桂字在

穿右咸通十一年桂陽監鑄錢官王彤進新鑄錢文曰咸通元寶是郴州銅產唐代甚饒故於此置監鼓鑄南漢仍唐之

舊故云坑鑪民庶普獲利饒也

國初設有銅版乾隆間桂陽州綠紫坳等處歲出砂銅渣銅幾及四十萬斤嘉慶間所出不逮什一今并無之矣餘詳瞿跋

文共五行前三行分刻上下區瞿氏以爲六行非

後蜀應天萬壽禪寺銅佛像

衡州府 南嶽總勝集寺有蜀王孟氏所捨藏經并銅佛像製作皆精

微可觀

巴陵縣志張元怵巴陵遊覽記略云僧引予觀寺中古鐵器攷之年月多五代時物或云西蜀孟昶所遺

靖州 徽州印符

〔一〕統志綏甯縣廢徽州城輿地紀勝云溪崗曾收得古徽州印及虎符

嘉慶通志案綏甯縣五代時爲洞蠻徽州地此印及符乃五代時物

湖南通志卷二百六十八

岳州府

君山寺古鐵器文

湖南通志卷二百六十九

藝文志二十五 金石十一

宋儀制令碑

以下長沙府

儀制令大陽墩

賤避貴少避長輕避重去避來

縣尉 縣尉吳

長沙府呂志長沙霧陽鄉古大陽市舊官道有石碑高六七

尺上刻儀制令大陽墩六六字傍刻賤避貴少避長輕避重

去避來十二小字攷事物紀原宋太平興國中大理孔承恭

奏令各處要路皆刻石揭榜俾民興禮遜厚風俗也

金石文編長沙縣霧陽鄉田間有一碑上刻儀制令大陽墩

正書六六字作二行字徑七八寸下刻小正書約五行字徑

七八分前二行云賤避貴少避長輕避重去避來每行六字

後有一行磨滅不可辨又後一行下存縣尉二字又後一行

下存縣尉吳三字餘皆漫漶未見年月攷宋史孔承恭傳云

嘗疏請令州縣長吏詢訪耆老求知民間疾苦吏治得失及

舉令文賤避貴少避長輕避重去避來請詔京邑并諸州於

要書處設木牌刻其字違者論如律上皆為行之則賤避貴

云云四句本係宋初令文碑所題儀制令是也惟傳言設木

牌刻其字而据事物紀原則云刻石其說互異今石碑見存

豈史傳有誤歟

金石補正石大陽墩石刻距嘉慶末未及周甲而賤避貴較
 行絕無一字可見石固剝蝕殆拓工率劣故邪姑就所見錄
 之案陝西略陽有此刻係瀟熙辛丑立石武授堂有跋云東
 都事略太宗紀太平興國八年正月甲申詔曰傳云能以禮
 讓為國乎何有宜令開封府及諸州於衝要處設榜刻儀制
 令論如律宋史孔承恭傳嘗上疏舉令賤避貴少避長輕避
 重去避來請詔京兆并諸州於要害處設木牌刻其字違者
 論如律然則此令為宋律舊文起於上旨榜之要衝固當宋
 初已有此制然當時未刻於石也癸辛雜誌載律云去避來
 之文太宗嘗問孔承恭曰令文宗貴賤長輕各有相避何必
 又云去避來此義安在承恭曰此必戒於去來者互相避耳
 蓋承恭又申上問為申律意如此但如宗貴賤長輕於義不
 相屬皆傳刻脫誤之過非周氏故書也詳案余所見本長輕
均作恭承是別一本也金石續編亦有跋云此令為宋律舊
亦非周氏之原書矣文榜諸要書通衢始設木牌後因刻石詳見武授堂金石文
 字跋然則此制始於宋初太宗之詔因承恭疏請也予見唐
 六典禮部載凡行路之間賤避貴少避老輕避重去避來宋
 制實仿於此武氏未之攷耳祥案癸辛雜誌又云余嘗扣之
 棘市老吏云所謂去避來蓋避自我後來者以其人自後奔
 走而來此必有急事故耳故當避之也此語亦甚有理

宋鐵佛寺塔內鐵柱文

上生三板依發願文 南無兜率天宮慈氏如來應正等覺願
 與合識速奉慈顏 南無兜率天宮慈氏如來應正等覺所居
 內眾願捨命已得生其中 南無兜率天宮慈氏如來應正等
 覺願以上第一截隨彌勒下閻浮提龍華三會先得授記 往
 生內院真言 東方六行 哩你 娑嚩訶 潭州管内觀
 察判官李思明發心鑄寫於塔普願一切有情同生慈氏內院
 西面以上第一截 千臂千眼觀世音菩薩施羅尼大身真言 那摩
 薩婆若耶 那謨喝囉恒那多囉夜也 那謨阿弭陀婆耶恒
 他羯多耶 阿囉訶羝三東面以上第二截 猿三菩薩耶 那謨阿
 喇耶跋路枳帝 設嚩囉耶 菩提薩埵耶 訶薩埵耶 摩
 訶迦嚩尼迦耶 那謨摩訶薩他摩波囉鉢鉢耶 菩提薩埵
 耶以上第二截 摩訶薩埵耶 摩訶迦嚩尼迦耶 那謨毗捕
 羅毗摩那 素鉢喇底瑟恥多僧弃耶 素喇耶舍多婆阿薩
 囉阿羝喇迦 鉢囉婆阿縛婆悉多慕唎恒曳東面以上第三截 摩
 訶末尼摩 吒軍荼羅陀唎呢 薄伽伐底鉢頭摩波拏 曳
 薩囉婆路迦阿跋耶 奢摩那耶 毗毗陀毒佉三摩鞞舍
 吠瑟吒 薩婆薩埵睡慕西面以上第三截 者那耶 恒姪也
 唵 勃部皤 摩訶阿跋耶 唵 哆摩悉底阿跋耶 鉢吒囉
 毗那舍那伽囉耶 囉迦你吠沙摩訶慕訶閣 阿跋耶 囉迦

奢婆迦以上第四截 囉訖叉迦 薩婆波耶突喇揭底 鉢囉
 舍摩那羯囉耶 薩婆恒他揭阿跋耶 三摩轉駁那羯囉 阿跋耶
 囉 囉迦嚩尼迦 折吒摩矩吒楞訖唎多 舍喇阿跋耶 囉
 迦囉閣多跋折囉 住嚩耶 楞訖唎多舍喇下約 娑視那
 迦囉閣多跋折囉 鉢囉東面以上第五截 囉囉那囉那哩者那
 摩訶社那那囉那利 多婆訶薩囉阿毗囉阿跋耶 囉囉那
 菩提薩埵毗駁阿跋耶 囉囉那 囉囉那 囉囉那 囉囉那
 訖隸奢西面以上第五截 迦囉吒囉畔哆娑囉遮囉迦波囉摩他
 那 布嚩沙鉢頭 布嚩沙那伽 布嚩沙娑伽囉毗囉毗囉
 閣 素誕跢素誕跢鉢囉筏哩哆 駝麼麼 囉囉那 囉囉那
 度嚩度嚩 鉢囉東面以上第六截 奢薩耶 鉢囉奢薩 耶
 耶 婢犁婢犁 只離只離姥嚩姥嚩 姥度姥度 悶遮
 悶遮 度那度那 婢度那 婢度那 親嚩親嚩 伽耶阿跋耶
 伽馱耶伽馱耶 喝娑喝娑西面以上第六截 鉢囉 訶娑鉢囉訶
 娑 毗毗駁 羯隸奢 轉薩那 麼麼寫 荷囉荷囉荷囉
 僧荷囉僧荷囉 度嚩微度嚩微 摩訶曼荼囉 迦囉拏
 舍哆鉢囉細迦 皤婆娑 毗沙那舍東面以上第七截 摩迦
 摩訶菩提薩埵 皤囉那娑訶 進士董叢書開福禪寺傳法
 沙門道嶽鑄經所有上件功德願國泰民安風調雨順法界含

靈俱登彼岸 宋清化元年庚寅歲 李昇鑄字以上第七截

金石跋尾續石鐵佛寺塔柱文上鑄上生飯依發願文乃往

生內院真言潭州管内觀察判官李思明發心鑄寫下鑄千

臂千眼觀世音菩薩陀羅尼大身真言未題進士董護書開

福禪寺傳法沙門道崧鑄經宋清化元年庚寅歲李昇鑄字

在長沙府鐵佛寺金石家未有著錄者今春錢塘梁侍講山

舟以家藏本見貽蓋其弟冲泉侍郎為湖南按察使日適有

修塔之役拂拭得之并賦詩紀其事五金惟鐵易壞鑄刻深

入匪易古鐵文之存於今者唯南漢二塔及此柱皆陰識深

刻點畫有法非近代鑄工所及若楊吳之大安寺香鑪則陽

文隱起字亦欹斜難楷模後世矣

覺羅敦福重修鐵佛寺塔詩序鐵柱如幢貫塔中長丈有四

尺圍圓尺有七寸首微銳有穿下砥平如截頂刻蟠螭重約

百鈞一鼓鎔成完好無缺爰命工剔技繡辭環布文字悉露

上為宋潭州判官李思明飯依慈氏發願文下為觀音大士

陀羅尼咒皆進士董護書寺僧曰道崧鑄工曰李昇計字七

百六十有奇

嘉慶通志案乾隆乙未布政使覺羅敦福重修寺塔相傳塔

頂有鐵壺蘆貯木匣內載唐尉遲敬德督修益塔為真觀時

建柱文則宋清化修塔時鑄也重修時木匣仍置塔頂惟以

塔內揭諦佛像大鐵板四移於塔側彌陀殿前蓋以甄石高

八尺許四方各嵌鐵板一今竝存

案鐵佛寺塔在長沙城湘春門外咸豐壬子粵賊寇郡城

凭高俯瞰當事因毀寺塔鐵柱遺擲荒煙蔓草中者久之

今移至長沙學宮矣

宋慶曆長沙帖

集古錄跋晉賢法帖太宗皇帝萬幾之餘畱情翰墨嘗詔天

下購募鍾王真蹟集為法帖十卷模刻以賜羣臣住時故相

劉公沆在長沙以官法帖鏤版遂布於人間後有尙書郎潘

師旦者又擇其尤妙者別為卷第與劉氏本竝行至余集古

錄古文不敢輒以官本參入私集遂於師旦所傳又取其尤

者散入錄中俾夫啟卷者時一得之把翫欣然所以忘勸也

秦觀法帖通解序太宗皇帝時遣使購募前代法書集為十

卷摹刻於板藏之禁中大臣初登二府詔以一本賜之其後

不復賜世號官帖故丞相劉公沆守長沙日以賜帖摹刻二

本一置郡帑一藏於家自此法帖盛行於世士大夫好事者

又往往自為別本矣今可見者潭絳二郡劉丞相家潘尙書

師旦家劉御史次莊家宗將世家凡六本雖有精蠹然大

抵皆官帖之苗裔

法帖譜丞丞相劉公沆帥潭日以清化官帖命慧照大師希

白模刻於石置之郡齋增入霜寒十七日王濛顏真卿等諸帖而字行頗高與淳化閣本差不同逐卷各有歲月第一卷題云慶曆五年季夏慧照大師希白模勒第二卷慶曆八年重冬月慧照大師希白模勒第三卷則五年六月第四卷八年重冬月第五卷戊子歲孟冬第六卷五年季夏第七卷五年重秋月第八卷五年季夏月模勒上石第九卷八年重冬月第十卷五年重秋月每卷各有慶曆及慧照大師希白重模字不復贅錄

容齋隨筆潭州石刻法帖十卷蓋錢希白所鐫最為善本吾鄉程欽之待制以元符三年帥桂林東坡自僭耳移合浦得觀其藏帖每冊各題其末第二卷云唐太宗作詩至多亦有徐庾風氣而世不傳獨於初學記時時見之第四卷云吳道子始見張僧繇畫曰浪得名耳已而坐臥其下三日不能去庾征西初不服逸少有家雞野鷲之論後乃以為伯英再生今觀其書乃不逮子敬遠甚正可比羊欣耳第六卷云宰相安和殷生無恙宰相當是簡文帝殷生則淵源也邪第八卷云希白作字自有江左風味故長沙法帖比淳化待詔所模為勝世俗不察爭訪閣下本誤矣此逸少一卷尤妙庚辰七夕合浦官舍借觀第九卷云謝安問獻之君書何如尊公答曰故自不同安曰外人不爾曰人那得知已上所書今麻沙

所刊大全集志林中或有之案庾亮及弟翼俱為征西將軍坡所引者翼也坡又有詩曰暮年卻得庾安西自厭家雞題六紙蓋指翼前所歷官云此帖今藏余家

石刻鋪敘長沙帖十卷實秘閣前帖翻本內義獻帖略有增入慶曆間慧照師錢希白摹鐫自五年乙酉至八年戊子訖事嘗觀雜文中載東坡自僭耳移合浦見桂帥程欽之潭帖冊各題其後案此下與前容齋隨筆第二卷云同故不錄今皆不曾在以坡書添入逐卷要是當時題於程所藏碑刻潭無真蹟故闕如也但二卷郊情書第三卷帖何以斷當字分兩行希白善書者於此殆不可曉又有山谷評釋今長沙帖間不存希白臨摹歲月或云土人又私翻木版有叙可辨容齋謂坡僂遺墨今藏其家有數字差異

劉後邨題跋舊潭帖潭帖尤為坡公所賞以為希白作字自有江左風味比淳化待詔所模為勝世俗不察爭求閣下本誤矣以余所見潭帖凡有數本有絕佳者有稍殘缺者有行數不同者有漏落數行者時謂劉相刊二本一畱郡一藏家而後翻開於黔和等州者又不知幾本也於十卷之末或題云慶曆五年或云八年或云六月或云季夏或云模勒上石或無上石二字或云重模若以八年為重模則五年下亦有重模字不應一年內已模而復模也內第三卷□□山濤帖

未有風筆惻感之語容齋隨筆已歎其不成文容齋知其一爾此卷謝發帖云執筆惻感今至執字止濤帖云風尚所勸云云今至風字止卻移筆惻感三字在濤帖之後移尚所勸以下十九字在欣帖之後又第六卷右軍字先後失次尤甚帖字屢經臨摹固已失真劉次莊釋文雖有未盡亦十得五六加以陳去非黃長睿施武子更迭攷辨十得八九若潭帖迺悉顛倒而錯亂之幾成異域神咒矣往往刊帖之時不敢比擬尚方欲自爲帖但異其行數可也亂其文理不可也豈劉公本非博雅或貴重不暇參校或希白雖工於模字而拙於尋行數墨歟鐫刻雖工如不可讀何坡既推潭勝閣近時陳師復善書亦於閣帖有異論余恐蘇陳所見非真閣本爾真者或七八行爲一版或十六七行爲一版皆李廷珪墨模印其墨如漆字尤豐豔有精神蓋熙陵八法既高王著輩亦精其技標題可見非希白敢望舊臨江非不善失之險薄刻削去闕本遠矣帖家故當以閣爲祖絳次之舊臨江次之潭又次之武岡又次之臨江佳者可亂閣武岡佳者可亂絳汝鼎鼎野無以議爲也余晚得一本乃以舊潭前碎案釋文排比裝表懸歷可讀必一老士人舊物惜不令希白見之

格古要論渣化帖頒行潭州模刻一本與絳帖雁行宋慶歷閣長沙僧希白重模本亦佳紹興間第三次重摹者失其真

矣元陳繹曾云希白模刻潭帖風韻和雅骨肉停勻但形勢俱圓頗乏峭健之氣蓋渣化之子也在潭之郡齋

附錄長沙帖翻刻別本

廬陵蕭氏本 法帖譜系右法帖十卷用十千爲號崇甯五年蕭公綸紀其略云皇祐中先伯父太博作邑和州之含山得墨帖於丞相克國劉公舉刻未畢先君殿丞繼之始終六年乃獲成就迄今五十餘年刻缺大半今續完之以藏於家蓋用潭帖刻也慶元間已損失二十餘段其少三百四十餘行 石刻鋪敘廬陵帖十卷亦秘閣前帖翻本皇祐中郡人蕭太傅汝器暨其弟殿丞汝智相繼宰和之含山得丞相劉楚公被賜閣帖翻摹入石攜歸鄉居後五十年崇甯丙戌殿丞之子綸又自修補譌闕中不知何事乃歸郡齋今又百四十年碑石散失不可模搨間有存者蓋數十年舊本蕭之族今盛於吉水之九江

三山木板本 法帖譜系三山帥司書庫有歷代帖板本蓋好事者以長沙舊帖刊勒卷帙規模皆同今已散失不全矣嘉熙庚子備員帥幕尙及見之 閣帖攷正案此則孫北海以長沙新本卽三山本蓋誤

蜀本 法帖譜系余頃得一帖凡數卷於蜀中次序先後高低皆與長沙古帖同初亦疑爲黔江帖今見秦氏真本則顯

然二物矣大率此帖全同長沙古本模刻而字行亦間有增減處既不知所出未敢臆說姑附見於此

嘉慶通志案長沙乃漢郡唐宋皆稱潭州以長沙名帖用古稱其名潭帖則從當時稱也潭帖與長沙帖並非二刻希白模刻始於慶歷五年訖於八年逐卷各有歲月題識可攷無可疑議曹士冕謂至慶歷八年石已殘闕永州僧希白重摹其說與趙希鵠洞天清錄略同語甚含混王澐即据以定潭與長沙為兩帖恐未必然

長沙帖劉丞相私第本

法帖譜系劉丞相既刻法帖於郡齋復依倣前本刻石十卷以歸私第余頃在九江得見故家所藏一本與長沙本絕相似而小異後人有跋云此先丞相私第本也疑即劉氏子弟所跋後復見一本於姑蘇與九江所見同紙墨皆與南碑不類而慶歷等題字止三兩卷有之蓋即劉氏本也

嘉慶通志案此本以卷尾題慶歷摹刻年月只有兩三卷為別於長沙舊本

長沙帖碑匠家本

法帖譜系舊傳長沙官本局鑰不可常得碑匠家別刻一本以應求者余頃收一本與長沙古本首尾略無小異而字體小小不同疑為碑匠家本頃又收一本凡舊刻損闕者皆別

刻數行以易之其餘卻只是舊石此必碑匠所為也嘉慶通志案此本以凡舊刻損闕者皆別刻數行以易之為別於長沙他本

長沙帖南宋新刻本

法帖譜系舊刻燬於鬱攸之變中興以後復刻新石其間凡遇舊刻損闕處並不復刻字亦無卷尾歲月刻手甚繆殊不足觀

長沙帖碑房斷石本

嘉慶通志案此刻以損闕處無補刻又無卷尾歲月為別法帖譜系嘉定間先君帥長沙余隨侍焉時碑房中有斷石一片乃法帖第一卷尾段字行高低正與淳化帖同而絕不類古潭末後亦有淳化篆字此石實不知所從來近歲三山林鳳伯重刻於家直指為古潭帖余未敢臆斷也

嘉慶通志案此帖以卷尾仍題淳化年月為別而云三山林鳳伯重刻於家指為潭帖則是三山另一刻本不止帥庫一本版本矣

長沙帖劉御史次莊家本

嘉慶通志案此帖見前秦觀法帖通解序

長沙帖湯正臣重摹本
山谷題跋秦氏法帖巴蜀自古多奇士學問文章德業權略

落落可稱道者兩漢以來益多而獨不聞解書至於諸葛孔明拔全蜀之士略無遺材亦不聞以善書名世者此時方右武人不得雍容筆硯亦無足怪唐承晉宋之俗君臣相與論書以爲能事比前世爲盛亦不聞蜀人有善書者何哉東坡居士出於眉山震輝中州蔚爲翰墨之冠於是兩川稍稍能書然其風流不被於巴東黔安又斗絕入蠻夷中頗有以武功顯者天下一統蓋百餘年而文士終不競黔人秦子明魁梧喜攻伐其自許不肯出趙國珍下不可謂黔中無奇士也子明常以里中兒不能書爲病其將兵於長沙也買石摹刻長沙僧寶月古法帖十卷謀舟載入黔中壁之黔江之紹聖院將以驚動里中子弟耳目他日以書顯者蓋自我發之子觀子明欲變里中之俗其意甚美書字蓋其小小者耳他日當買國子監書使子弟之學務實求是置大經論使桑門道人皆知經禪則風俗以道術爲根源其波瀾枝葉乃有所依而建立古之能書者多矣磨滅不可勝紀其傳者必有大過於人者耳子明名世章今爲左藏庫副使東南第八將紹聖院者子明以軍功得請於朝爲陣亡戰士追福作佛祠也刻石者潭人湯正臣父子皆善摹刻得於手而應於心近古

人用筆意云

法帖譜系秦子明嘗以里中兒不能書爲病其將兵長沙也

買石摹刻僧寶月古法帖十卷舟載入黔江壁之黔江紹聖院刻石潭人湯正臣父子詳見山谷集中其卷帙之多寡次第之先後字行之長短悉同淳化開帖其所以異者第一卷有篆書三行其後有楷書一行云降授供備庫副使充東南第八副將訓練潭州諸軍潭州駐劄秦世家本其後又二行云長沙湯正臣重摹男仙芝靈芝鐫第二卷至八卷尾各題長沙湯正臣重摹七字卻無淳化篆書及世章銜位又第八卷取卿女壻帖內第二行休字立人作兩點第二卷鍾繇宣示帖再世榮名作榮名正與戲魚帖同第九卷尾題長沙湯正臣摹勒七字第十卷題長沙湯正臣重摹男仙芝爲一行

榕古要論宋秦子明於長沙漢刻僧寶月希白古法帖十卷載入黔江紹聖院乃潭人湯正臣父子刻石

嘉慶通志案此帖雖載赴黔江實刻於長沙亦長沙帖之子本也

宋蘇東坡答張厚之帖

容齋四筆東坡爲張文定公作墓志銘有答其子厚之一書云志文路中已作得大半到此百冗未絕筆計得十日半月乃成然書大事略小節已有六千餘字若纖悉盡書萬字不了古無此例也知之知之蓋當時恕之意但欲務多耳又一

帖云志文謂告數日方寫得了謹遵持納衰病眼眩詞翰皆不佳不知可用否今志文正本凡七千一百字銘詩百六十字云子鄉士作一列大夫小郡守行狀九千言衢州士人語闕上書二萬言使讀之者豈不厭倦作文者宜戒之坡帖藏梁氏竹齋趙晉臣鐫石於湖南憲司楚觀

宋諫議大夫龔夫墓石

天下金石志在長沙府

古今書刻宋龔夫墓石刻在長沙縣北

孫克宏碑目龔夫墓碑在長沙縣北二里

明統志龔夫墓在長沙縣北三里夫長沙人仕宋為諫議大夫與兄奉議明俱以直言斥居嶺表墓石刻曰季子十字碑

龔氏二昆志不在繁詞多自可識其意乾道間諫議子璠等迎二柩歸葬於此仍取刻石立於墓

長沙縣王志趙汝謙任提舉表其墓

金石文跋龔夫見元祐黨籍碑又宋史傳云徽宗立召拜殿中侍御史抗疏論章惇蔡卞之惡又論蔡京治文及甫獄於是三人皆去又上疏乞正元祐后四位號及元符后不當竝立書報聞已而元祐后冊再廢言者論夫首尾建言詔削籍

編管房州繼徙象又徙化徒步適貶所持扇乞錢以自給逢赦合得歸政和元年卒紹興元年贈直龍圖閣六年再贈右

諫議大夫則史竝未卒於嶺外何以有子等迎柩歸葬之事又傳首言夫進士第三簽書河陽判官從會布於瀘後云弟大壯少有重名清介自立從兄河陽會布欲見之不可得乃往謁夫邀之出從容竟日題詩壁間有得見兩龔之語夫為御史大壯勤使早去夫以為畏友不幸早卒則夫有弟而無兄又名大壯而非名明且早卒竝未有官奉議言事之文更非俱以直言貶死明統志之言多不可信縣志云趙汝謙提舉表其墓攷汝謙宋史有傳傳言登嘉定元年進士第為大社令遷將作監簿大理司農丞與史彌遠不合請外改湖南提舉常平易江西等提點刑獄徙湖南既至表直臣龔夫墓則汝謙表墓乃後徙湖南提刑時事而非先官提舉時事也縣志亦誤

宋安撫會從龍碑

長沙府呂志會從龍晉江人慶元五年進士任湖南安撫使撫綏尚獠威惠竝著湘人刻石立祠祀之

嘉慶通志案會從龍字君錫甯宗理宗兩朝參知政事詳宋史本傳傳言其在甯宗朝參政以言者劾罷提舉洞霄宮起

知建甯府丁內艱服除為湖南安撫使撫安尚獠威惠竝行興學養士湘人紀之石改知隆興府以本紀及宰輔表攷之

從龍於嘉定十二年三月除參知政事四月即罷則安撫湖

南當在甯宗末理宗初年

宋四絕堂記

天下金石志沈傳師歐陽詢書杜甫宋之問詩蔣之奇刻在長沙府

嘉慶通志案周必大六絕堂跋此記乃治平四年作詳前道林寺刻下

案道林四絕据周益國文信國二記則唐袁浩所稱四絕謂沈傳師裴休筆札宋之問杜甫詩篇也宋蔣之奇所稱四絕謂沈傳師歐陽詢書杜甫韓愈詩而黜裴宋也益國乃衍四爲六耳子奕正以蔣之奇所刻四絕有宋之問詩而不列韓愈誤矣

宋米黻嶽麓寺碑側題名

元豐庚申元日同廣惠道人來襄陽米黻

金石文編米襄陽題名三行正書左行在麓山寺碑側

嘉慶通志案黻涑溪詩題於熙甯八年此題名乃元豐三年又在後五年蓋其時尚便養官長沙也

案襄陽題名十六字金石文編以爲題於碑側近人謾云在碑陰自嘉慶七年碑左方斷裂襄陽題名遂不復見瀉

山黃本驥游關中得米黻題名並襄陽會思等題名舊拓本遂於咸豐四年上石嶽麓書院 御書樓壁間

宋程暉等麓山寺碑陰題名

通義程暉明迪稽山石彥□子惠梁國虞王□□男閱積政和癸巳歲四月十一日渡□西同遊鹿苑道林晚下缺不圖下

金石文編石程暉等題名正書七行左行在李北海碑陰第三截右

金石補正程暉官荆湖南路提點坑冶鑄錢見陽升觀碑湖南通志載此缺和伯湘者四字脫景德二字下有男閱積來四分書瞿氏謂是後來續刻而於此處仍屬入男閱積二字亦疏矣

宋襄陽會思等嶽麓寺碑側題名

襄陽會思譙國盛木東平呂美問錢唐吳諮同遊岳麓訪光老爲竟日留紹興八年三月晦

金石文編右會思等題名八分書五行在麓山寺碑側米襄陽題名下

宋王仁甫等嶽麓寺碑陰題名

王仁甫自道林拉宗室巖起偕弟明甫濟甫欽甫勤甫嘉甫宏甫文甫同遊嶽麓觀李北海碑歎賞良久歲在庚申五月望日牛元若題

寶宇訪碑錄正書紹興十年在長沙金石補正石題名不書建元据訪碑錄知爲紹興十年湖南

通志於此處未載其文而別錄王口口題名於宋末云在李
北海碑陰第三截左下蓋卽此刻也未審出仁甫二字耳訪
碑錄又載有咸清六年王仁甫嶽麓寺碑陰題名通志據以
列入今碑無之自紹興十年至咸清六年相距百三十年疑
孫氏既載此刻復据他人錄寄之本誤庚申爲庚午遂列於
宋代最後之庚午未檢石墨一勘致舛錯憾不得起九原
而質之

宋張浚城南書院四大字

稽古論城南書院四大字張紫巖得意之筆

善化縣舊志古城南書院在妙高峯之陽張南軒隨父紫巖

家潭州時建紫巖書城南書院四字今存

案張魏公名浚字德遠號紫巖所書有永州新學門銘宗

績長稱其字體似北海而有縱逸之勢與城南書院扁榜

相類則此四字相傳出自公手非誣也

宋宋文公城南詩

奉同敬夫兄城南之作 納湖 詩筒連畫卷坐看復行吟想

像南湖水秋來幾許淡 東渚 小山幽桂葉歲暮請佳色花

落洞庭波秋風渺何極 詠歸橋 綠漲平橋水朱欄跨小橋

舞雩千載事慙慙在今朝 船齋 考槃雖有陸渢渢水雲淡

正爾滄洲趣難忘魏闕心 麗澤堂 堂後林陰密堂前湖水

淡感君懷我意千里夢相尋 蘭潤 光風浮碧澗蘭杜日倚

倚竟歲無人采含薰祇自知 書樓 君家一編書不自圯上

得石室寄林端時來玩幽蹟 山齋 藏書樓上頭讀書樓下

屋懷哉千載心俯仰數椽足 蒙軒 先生湖海姿蒙養今自

闕銘坐仰先賢點畫存彖繫 石瀨 疏此竹下渠漱彼澗中

石莫館繞寒聲秋空動澄碧 卷雲亭 西山雲氣淡徒倚一

舒繡浩蕩忽寒開爲君展遐眺 柳堤 渚華初出水堤樹亦

成行吟罷天津句薰風拂面涼 月榭 月色三秋白湖光四

面平與君臨倒景上下極空明 濯清亭 涉江采芙蓉十反

心無數不遇無極翁淡表竟誰識 西嶼 朝吟東嶼風夕弄

西嶼月人境諒非遙湖山自幽絕 淙淙 一作 琤谷 湖光湛不

流嵌竇亦潛注倚杖忽琮琤竹淡無覓處 梅堤 仙人冰雪

姿貞秀絕倫擬驛使詎知聞尋香問煙水 聽雨舫 絲舟停

畫槳容與得欲眠夢破蓬窗雨寒聲動一川 采菱舟 湖平

秋水碧桂棹木蘭舟一曲菱歌晚驚飛欲下鷗 南阜 高邱

復層觀何日去登臨一目長空盡寒江列莫岑

宋張宣公城南詩

納湖 原原錫潭水匯此南城陰岸花有開落水盈無淺淡

東渚 團團淩風桂苑在水之東月色穿林影卻下碧波中

詠歸橋 四序有佳趣今古蓋其茲橋邊獨微陰回首忘所之

船齋 窗低蘆葦秋更有江湖思久已倦垂綸游魚不須避
 麗澤堂 長哦伐木篇伫立以望日子暮飛鳥歸門前長春
 水 蘭澗 藝蘭北礪側礪曲風紆餘願言植根固芳長慰
 子 山齋 疊石小崢嶸脩篁高下生地偏人蹟罕古井毓
 鳴 書樓 高樓出林杪中有千載書昔人不可見倚檻竟何
 如 蒙軒 開軒僅尋丈水竹亦蕭疏客來須起敬題榜了翁
 書 石瀨 流泉自清瀉身一作觸石短長鳴窮年竹根底和我
 讀書聲 卷雲亭 雲生山氣佳雲卷山色靜隱几亦何心此
 意相與永 柳堤 前年種垂柳已復如許長長條莫攀折畱
 待映滄浪 月榭 危欄明倒景面面湧金波何處無佳月惟
 應此地多 濯清亭 夫容本芙蓉豈不好濯濯清漣漪采之不
 盈把惆悵暮忘飢 西嶼 繫舟西岸邊幅巾自來去島嶼花
 木澗蟬鳴不知處 琮琤谷 幽谷竹成陰縣流著石清不妨
 風月夕來此聽琮琤 梅堤 亭亭堤上梅歷歷波間影歲晚
 憶夫君寂寞煙渚靜 聽雨舫 風吟渡頭雨撼撼蓬上聲忻
 然會心處端復與誰評 采菱舟 散策下亭阿水清魚可數
 卻上采菱舟乘風過南浦 南阜 湘水接洞庭秋山見遙碧
 南阜時一登播首意無數
 右張宣公城南雜詠廿首予朱子嘗所屬和者也南沙虞子
 賢氏受朱子詩翰於其眷棣錢廣而宣公真蹟逸矣余來婁

賢介其友王師衛持弓來徵余言余適於宣公集中得其元
 唱賢且躬至余邸次請余追和未及先爲補書宣公詩時至
 正壬寅冬十二月東維楊楨謹再拜書
 按長沙城南張魏公故宅其子南軒讀書處有納湖南阜
 等號爲十景朱子於乾道三年訪南軒於長沙有城南倡
 和諸詩延及 國朝以城內東南隅爲長沙諸生肄業之
 地顏之曰城南書院從其朔也道光初中丞左輔復書院
 於妙高峯故地十七年丁酉院長賀熙齡得鎮海胡鈞所
 藏朱子二十詠手蹟行書刻而傳諸南沙虞子賢者及元
 楊廉夫補書南軒二十詠并跋文章書刻入經訓堂帖中
 若鈞摹上石嵌城南書院麗澤堂壁以爲士人觀法甚盛
 事也咸豐壬子粵匪寇長沙盤踞書院朱子詩石無恙而
 南軒詩詠歸橋船齋二首其石不存僅餘游魚不須避五
 字若得拓本摹泐而補之以完前哲遺蹟詎非好古者之
 幸歟
 宋朱考亭張南軒定王臺題詩
 寂寞番君後光華帝子來千年餘故國萬事祇空臺日月東西
 見湖山表裏開從知爽鳩樂莫作雍門哀考亭珍重南山路驅
 羸幾度來未登喬嶽頂空說妙高臺曉霧層層斂奇峯面面開
 山間原自樂澤畔不須哀南軒

案定王臺漢景帝子長沙定王發望母之處舊志云其母程唐二姬墓在東門外定王築此望之臺在今長沙城內東隅朱張題詩當在乾道間近人追刻甚劣存此以見前賢遊迹之所至而斯臺亦歷劫不磨也

宋赫曦臺三字

宋子雲谷記余嘗名湘西嶽麓之頂曰赫曦臺張伯和父爲大書甚壯偉

嘉慶通志案朱子年譜云乾道三年九月抵長沙畱止兩月而行又大全集登嶽麓赫曦臺聯句注云乾道丁亥冬九日

宋嶽麓書院記

天下金石志張栻撰在長沙府文見府縣志

古今書刻在善化縣嶽麓山

宋朱文公書道鄉臺三字

古今書刻在嶽麓山寺

嘉慶通志案本傳朱子先於紹興十八年登第釋褐泉州同安簿罷歸請祠監潭州南嶽廟後於光宗紹熙中差知潭州又據年譜乾道三年畱止長沙兩月則朱子宦遊楚南日久宜今各縣相傳書刻遺蹟頗多

案道鄉臺今在嶽麓赫曦山下道中庸亭左前有道鄉祠古今書刻云在嶽麓山寺放嶽麓志宋郊浩號道鄉謫衡

過長沙守臣溫益下逐客令遂風雨渡湘嶽麓山僧列炬迎之後張南軒爲築臺朱子刻石曰道鄉以表之在嶽麓寺畔明萬厯丁巳學道鄒志隆道鄉十三世孫也始於赫曦山下改建臺祠奉祀

國朝康熙四十九年巡撫趙申喬改建臺碑重鑄道鄉臺三大字朱子遺蹟不存

宋朱文公書忠孝廉節四字

長沙府呂志在府學明倫堂

案忠孝廉節四字今府學不存道光丁亥嶽麓書院院長侍御歐陽厚均重摹於書院講堂字大約五尺前列宋晦庵朱子書六字旁列泐石諸生姓名

宋忠節祠碑

嶽麓志紫陽遺蹟朱文公於城隍廟內創立祠堂祀東晉南

宋以忠節沒王事者五人並塑其像碑記其官職姓名

案忠節祠東晉一人湘州刺史譙閔王司馬承起兵討王處仲不克而死南宋四人通判潭州事孟彥卿趙民彥督兵禦金遇害將官劉玠兵官趙聿之金人陷城不屈而死詳見嶽麓舊志

宋沈時等麓山寺碑陰題名

計臺掾保慶沈時子麟合肥王灝□源高□□□□來遊□

宋治熙□□□志

金石文編石沈時等題名八分書四行在李北海碑陰第四
截下保慶即寶慶攷漢石經春秋左氏傳盜竊寶玉大弓之
寶作保乃古文也

宋王容等嶽麓寺碑側題名

王容陳邕同遊慶元戊午十一月廿一日

金石文編右王容等題名正書二行在嶽麓寺碑側

金石補正王容字南強湘鄉人淳熙十四年進士禮部侍郎
陳邕字和父長沙人秘書省正字乾道間官靜江府教授見
廣西通志

宋理宗仙巢吹香亭扁

天下金石志在長沙府嶽麓滄浪谷

嶽麓志吹香亭簷簷谷上仙巢鍾尙書建宋理宗親書仙巢
吹香亭五字

宋潭州大成殿記碑

長沙府呂志真德秀撰寶慶四年夏

嘉慶通志案宋史真德秀本傳嘉定十五年以寶謨閣待制
湖南安撫使知潭州理宗即位召爲中書舍人則寶慶元年
已去潭此記不應作於其時且寶慶止於三年恐志誤

宋眞西山論屬詩碑

西山眞先生論屬詩 從來官吏與斯民本是同胞一體親既
以脂膏困爾爾須知痛痒切吾身此那爾爾爾固我團當如
國吏循今日湘亭一盃酒醜爾爾爾出分春

案右刻在長沙南城壁陰距文忠公祠約二十步前詩大
字八行字多剝蝕唐風或云當作唐朝或又作潭州未知
孰是後跋文小字其十三行僅辨右眞先生國恤民之等
廿餘字後有大明成化庚寅中憲大夫錢澍銜名及淮陽
陳瑛書款又有嘉靖甲子及賜進士第中憲大夫等三行
攷宋史眞德秀字景元後更景爲希浦城人登慶元五
年進士第授南劍州判官嘉定元年遷博士累官遷起居
舍人又兼太常少卿時史彌遠用事力請去除秘閣修撰
江東轉運副使又以右文殿修撰知泉州十二年以集英
殿修撰知隆興府十五年以寶謨閣待制湖南安撫使知
潭州以廉仁公勤四字勸僚屬罷推酷除斛面米中免和
糴以甦其民復立惠民倉五萬石使歲出糴又置社倉別
立慈幼倉立義阡惠政軍舉理宗即位擢禮部侍郎直學
士院尋以主濟王贈典落職去國十年復起爲資政殿學
士以疾卒諡文忠今讀此詩慈憐愷惻之意流溢行間及
攷安撫潭州諸善政固非口惠而實不至者故雖後人追
刻殘碑猶令人珍惜也近又重刻一本矣

宋僉判凌登龍墓志

善化縣王志凌氏世居本邑十都石塘金牌嶺自明迄今已為舊族而子姓相傳但知自明洪武間卜居於此族中有祖山家壘巖矣下有小茅坪附葬者昇棺至其處掘土數尺遇石封藏甚固啟而視之則志也長約二尺餘闊尺七八寸志額八分書凡十字有宋僉判承議凌公之墓考其文蓋自宋紹熙以前居潭之善化其來久矣僉判諱登龍曾祖暉祖煥子斯忠炳炎凡四代凌氏子孫至今繁衍未離石塘故居然但知有明而不知有宋其家譜蓋亡於元末明初而僉判之墓晦而復顯斯亦奇也

宋朱文公書清泉二大字

湘陰縣陳志清熙四年題在縣東三十里石壁上
嘉慶通志案宋史本傳時朱子當在閩主管武夷山沖佑觀中年除知南康軍不應到此題刻

宋石涵山記

長沙府呂志在醴陵縣南六十里元豐中徐剛中撰

宋醴陵潦水池志

長沙府呂志楊大異撰大異醴陵人嘉定間進士理宗時以大理寺丞出知澧州

宋修築師院佛殿記

宋張天覺草衣巖詩刻

湘潭縣志歐陽修撰景祐三年九月十六日
天下金石志巖上有張天覺詩在湘潭縣古今書

嘉慶通志案張商英字天覺相徽宗朝考宋史神宗本紀熙甯五年十一月丁卯貶權監察御史裏行張商英監荆南稅此詩蓋其時作也然据商英傳云責監荆南稅更十年乃得館閣校勘檢正刑房則未知草衣巖詩何年所刻

宋米芾書懷杜處三字

湘潭縣志唐杜文貞公往來衡湘間艤舟宿此有詩宋米芾書懷杜處三字鐫鑿石巖厓上潭人士為建少陵草堂

宋劉錡資福寺詩

湘潭縣志劉錡知潭州六年軍民安輯築室昭山之下居焉張南軒有詩錡嘗遊株州之資福寺題詩壁間云迅掃妖氛六合清匣中寶劍氣猶橫夜觀星斗鬼神泣晝會風雲龍虎驚重整山河歸北地兩扶聖主到南京山僧不識英雄漢只管滔滔問姓名後人勒諸石今在寺中

嘉慶通志案宋史劉錡傳云罷宣撫判官知荆南府岳飛奏雷錡掌兵不許詔以武泰之節提舉江州太平觀鎮荆南凡六年軍民安之魏良臣言錡名將不當久閑乃命知潭州加太尉復帥荆南府攷本紀紹興十一年七月甲寅罷劉錡兵

命知荆南府二十五年十二月丙戌以劉錡知潭州二十七年二月加太尉三十年五月初置荆南府御前諸軍都統制以劉錡兼領之則錡至潭州乃紹興二十五年十二月事至三十年五月復往荆南領兵在潭止四年餘耳荆南府乃江陵建炎二年升帥府傳云鎮荆南六年非知潭州也

宋義井碑

長沙府呂志路太常故宅在湘潭縣南二十里官路側旁有義井明末掘得古碑志路公義井始末旁鐫宋咸淳庚午季冬章仁甫重修

宋張南軒瀉山詩碑

陶汝箱遊瀉山記長橋畔一穹碑巖然觀之是宋南軒張公過此橋之詩刻於石有徘徊念今昔領略到漁樵之句

宋張南軒神道碑

甯鄉縣志宋晦翁撰在瀉山南碑入仆於塗邑令蔣公植之嘉慶通志案嘉靖間蜀楊廷和重修張魏公父子祠堂記略云魏公廢疾諭南軒兄弟曰吾不恢復中原以雪祖宗之恥死不當歸葬先人墓左葬我衡山下足矣乃葬之甯鄉瀉山之南後南軒卒亦附葬焉至是蓋三百餘年矣墳墓所在鞠爲莽葬土人亦鮮有知之者鳳陽胡侯明善以名進士令甯鄉居一年政通人和訪而得之又云亟取責贖之餘建專祠

其右則南軒書院又買田四十畝以備時享之用會衡山劉侍御敬持節按蜀過家見而悅之既之蜀以告予謂子魏公鄉後學也屬爲文刻於神道之右且檄下廣漢訪其遺裔云云則張浚及斌俱葬今甯鄉縣界矣然攷朱子大全集南軒神道碑文卻云葬於衡山未審其故

案李文昭龍塘張氏昭茲錄序略云張氏之先系出曲江

相公弟九皋至宋而篤生社稷魏公公之元子實爲南軒其裔孫鏗當文丞相勤王時起兵相應卒以身殉至明代時習出守延平討寇於尤溪力竭戰死賜冠英坊於縣東今永康邑侯我開^馬講^啟攜其家乘而求志述敢紀其大概如此云云攷張啟禹康熙乙酉鄉科龍塘甯鄉縣地則

魏公之裔有居甯鄉者墳墓必不在衡山也

宋墓巖臺三字

長沙府呂志在甯鄉縣西九十里有石立水涯高可四丈廣十餘丈宋隱士謝英一日至其下忽憶子陵高風命鐫三字於石曰墓巖臺今存

宋周太師題清修寺詩

周益公題跋靖康丁未五月一日高宗卽位改元於南京八月四日先公太師以前太學博士被旨使荆湖南北路與提點刑獄官徧行所部會計金穀事載日曆時年三十有六明

年戊申六月由長沙歷益陽如武陵郡道游清修寺聞詩一篇遺長老宗元而不著姓名因康君跋語始知大略後六十四年當紹熙辛亥冬某叨鎮湘楚適天子新見上帝恩及諸臣之家而先公已封莒鄭鄆漢魏唐六國矣即具奏願以此

邦賜先臣履光乘傳之舊優詔從之遂胙潭國惟是歲月悠遠其在所部獨道州白石洞有八月二十五日題名蓋自湖北回長沙而過春陵也遺事則不可推矣他日偶為諸邑言離騷文章之祖既發端此地盍哀古今詩文刻以傳遠使學者知源流之有自於是益陽宰黃談首摹雜碑數通來此詩在焉初未知為先公也覽之瞿然讀之潛然殆天誘其衷使

心聲手澤久晦復彰以明示神靈來燕來甯之意乎夫生而將命歿而胙土且幸不肖之孤攝官承乏表而出之是皆宜書會主僧善信求敘本末敬書其後四年歲在癸丑十二月一日嗣子某謹記

嘉慶通志案益公父名利建官太學博士見宋史本傳据題跋知利建嘗被旨至荆南故有此題

朱芭蕉橋記
筠清館金石記在湘鄉殘泐存嘉定七年甲戌歲數字餘無可辨不能錄矣

宋石人鐫字

湘鄉縣新志在三十七都易家衝石人二隔溪峙立蓋當時之翁仲也背鐫有文惟甲寅寶祐二年易元治九字可辨按寶祐宋理宗年號

宋楮公祠堂記

唐永徽六年楮公以尚書左僕射諫立武宸妃為所殺賴長孫太尉一言以免猶坐貶潭州都督一日行縣至湘鄉距縣治之北數百步有僧寺曰感應寺側有池公嘗澹筆若有浮雲澹然人異之即其地祠公歲久弗治藩拔碑仆紹定二年邵君自信為宰即故堤遺址封略而濬治焉更為祠堂其上斷碑所勒有遠山嶂嶂翠凝煙之詩又為亭榜曰凝煙為大門榜曰唐都督楮公洗筆池更為堤以環之灌木修蔓蒙茸蔽虧漣水衝陳鳳山對峙實為是邦勝處書來命記成事子惟咸以無心為感艮以不獲其身為見蓋感於所不係感以虛也止於所不見見以理也此人心之良感而實見也方公之待罪長沙也臯婦之勢如燎方揚而輟蹟所繇豪端所沾民之愛也與屈潭賈并儷芳齊榮况筆非有靈也水非有雲也即思而成致愛而存世之相後六百餘載尚懷乎如在也是又奚感奚見而然哉許敬宗李義府擠善逢惡固無足言李勣何為者亦遷延獨對故陳喪邦之言自一忤一合升沈立判升者信乎其得志歲月邁時與事逝浮雲急景何啻朝菌暮草而是心之昭昭可以建諸天

地質諸鬼神者億萬人而一本千百載而一日著在史冊寓諸陳迹是非邪正瞭如目睫所謂得者初無毫髮加益徒起穢以自臭而忠臣良士流風所漸則雖殘碑斷碣過其下者屏營彷彿周流太息莫敢前拜甚則尸祝而社祠之嗚呼是所謂良感而實見者非可幸而致也敬宗既陷忠貞復專史筆變亂白黑類非敬播之舊如謂劉泊之死楮公有力且泊子訟冤之事義府助之而敬宗書之公之大節如此人將公之信乎抑許李之信乎然則士大夫以萬物皆備之身而不以古人自任不以千載自期亦自過其躬耳矣邵君金華名閔也習聞詩書之訓故爲政知所先後其必謂予言然也紹定三年庚寅三月辛丑臨邛魏了翁記并書篆至治元年辛酉九月甲戌錄之鑣於新祠金石文編魏鶴山楮公祠堂記在湘鄉縣東門外楮公祠文十三行行五十字末題紹定三年庚寅三月辛丑臨邛魏了翁記并書篆至治元年辛酉九月甲戌錄之鑣於新祠蓋元人重刻也攷宋史魏鶴山本傳理宗卽位遷起居郎俄權尙書工部侍郎以疾辭乃以集賢殿修撰知常德府越二日爲朱端常所劾詔降三官靖州居住紹定四年復職主管建甯府武夷山冲佑觀則作此記時正謫居靖州日也文中云斷碑所勒有遠山嶠嶂翠凝煙之詩卽天下金石志所載洗筆池斷碑乃楮公湘潭偶題詩末瀟湘中邑宰趙必槐得之池

湖南通志 卷二百六十九 藝文二十五 金石十一

中者也長沙府志載此文縣治之北脫之字而澹治焉焉作之又脫斷碑所勒一句漣水衝陳之衝作橫感於所不係止於所不見二句於下俱有其字轍蹟所繇之繇作由豪端所沾之沾誤治升者之升作合朝茵之茵誤茵前拜之拜誤前而社祠之脫之字亦自過其躬耳矣無矣字詩書誤作詩禮庚寅上多歲字皆當以碑爲正惟劉泊之泊据唐書當作泊蓋翻刻之誤也戊辰夏五予遊此祠親至碑下碑係四方其一面刻此記其三面則刻元至治初元九月張圖南重修楮公祠記讀其文知祠與碑俱毀壞判官彭致堯復興修之圖南爲之記并重刻此文於前也

金石補正据碑祠在縣治之北湖南通志亦云洗筆池在縣北今祠在東門外則非舊址矣文云漣水衝陳鳳山對峙攷一統志漣水在縣西百八十里源出邵陽龍山東流徑縣南入湘潭縣西南注於湘一名湘鄉又云東臺山在縣東十里一名鳳皇山一名望嶽峯南連華蓋下瞰漣水宋王汾東臺山詩有未必龍山勝鳳山之句知鳳山卽鳳皇山東臺之別名也碑書朝茵作茵重刻時所誤邵自信爲湘鄉令通志職官列入時次失考宜据此碑改列理宗朝

宋陽升觀記
陽升觀記 口奉大夫權荆湖南路計度轉運副使兼勸農使

五四九七

南陽縣開國男食邑三百戶借紫金魚袋臣程元佐撰 奉議郎充江淮荆浙福建廣南路提點坑冶鑄錢司句當公事臣程嶧書 朝請郎權發遣提點荆湖南路刑獄兼提舉河渠公事借紫金魚袋臣王澤題額 臣元佐伏奉御前處分專一管句修完司空山朱陽觀繼蒙聖恩寵錫名額賜經加號禮盛文綉實一時之熙事非刻之金石懼無以揚德意之美而永萬世之傳官吏父老冠榻之眾謂臣親奉睿旨董治真祠宜有敘述以紀本末臣不敢辭謹按長沙屬邑攸縣之東五十里連山峻極澗谷通流自谷口涉澗而東十數里山青水碧重巒疊嶂盤薄回環崒然拔翠者十有二峯青煙白雲蚤暮舒卷信靈異之境也按舊記所載自周漢以來如蘇隱者九人皆得道於此其後南齊張固相○帝官為司空棄官避世舉室遊瀟湘至蘇隱舊山欣然卜居司空有道之士也既山居遂性清心恬澹日誦大洞真經三十九章得其妙旨養神育氣凡三十有七年而道成梁天監○辛秋八月既望之夕遂有仙衣玉冊之授至陳天嘉初其徒章馬二士繼隱其舊居閣四年而亦有跨鶴輕舉之異唐天寶七年雖即其居肇建祠宇而地勢窳缺規制猥陋歲歲既久棟宇摧爛○口口谷粗存基構之餘政和二年聖上覽圖籍異其事聞其風之皆廢而晦匿於無聞乃詔漕臣程元佐相視弊陋革而新之於是鬻度僧之符以備金因採山之民以市

材斷蕪聲罔闢罔墜罔墜罔巨阜而臨罔流罔飛罔觀罔峙罔脩罔廡罔環罔翼罔有名者皆有籍有籍者皆有祠不費於公不擾於民不諉於有司而宏敞奐麗凡一百有十楹經始於春三月至秋九月而落成詔易罔陽罔升罔以罔賁罔麗罔加罔麗罔以罔崇罔其道賜大洞真經以顯其迹於是境內冠榻小大官吏與夫都邑之民扶老攜少爭先奔走填噓山谷歡呼踴躍瞻歡欣賀遂相與潔壇塲設慶成之醮罔首罔再罔拜罔天子之壽而亦權喜感激知聖主所以為民祈福之地也夫自梁天監三年司空得道至唐天寶七年凡二百四十有六年而始建祠以興其靈迹自唐建祠逮今又三百六十有六年而聖主一更而新之以闡其真風夫大道之不行也久矣豈天膺以陰贊聖意振揚幽側昭明大道以為至治之本歟臣嘗罔至罔道罔之罔精罔自罔本罔自罔根罔不罔將罔不罔迎罔而罔真罔靈罔妙罔理罔相罔於罔窈罔冥罔之境及其動而接物感而遂通則不可以理詰不可以數推罔其罔歸罔則罔真罔與罔氣罔而已罔二罔氣罔之罔會罔兆罔於罔元罔精罔鍵罔以罔閉罔之罔真罔之罔全罔也罔因罔之罔澤罔滋罔溉罔五罔華罔抱罔一罔歸罔根罔氣罔之罔全罔也罔氣罔固罔存罔至罔隨罔之罔根罔寂罔然罔不罔動罔神罔之罔全罔也罔道罔至罔於罔神罔則罔矣罔故罔靜罔而罔神罔凝罔動罔而罔神罔隨罔入罔變罔化罔妙罔用罔無罔窮罔至罔有罔蹈罔火罔不罔熱罔入罔水罔不罔溺罔御罔風罔而行罔此罔一罔氣罔之罔真罔至罔精罔至罔變罔以罔達罔於罔道罔之罔妙罔也罔而罔世罔之罔所罔謂罔闕罔者罔歟罔聖罔上罔恭罔已罔南罔面罔以罔道罔泣罔天下罔以罔孝罔通罔神明罔考罔禮罔文罔正罔祀罔典罔雖罔山罔四罔神罔祇罔罔罔不罔登罔秩罔簞罔筮罔珪罔幣罔罔罔不罔時罔飭罔故罔萬罔靈罔受罔記

百神儲休而諸福之物莫不墜至此置補國之感所以昭靈
正下者備矣而况乎會真之都集釐之庭受上清之符存靈應
之迹而鹽醴湮廢是宜上心憫惻發德音下明詔飾真館錫嘉
號以昭褒異之意而非以其神僊爲可慕也蓋以謂清樸之行
足以厚俗清靜之風固以爲事行不固之教則道
化行俗習美而其治遂至於無欲而民自樸好靜而民自正端
拱而視天民之阜矣此上之所以尊道崇真之意其於治道不
曰小補方海內又安蠻夷懷服符紹至嘉瑞荐臻狂獄久虛
年穀屢稔上於斯時又豈特尊道崇真而已哉固將稽大典講
盛儀封泰山勒嵩岳詩大澤之博遠關休烈之□□臣卑遠之
迹尙能鼓舞回國固巴歛之聲而國醴醴之醴以國靈德□□
□□固今親被上旨宣布異恩頌述一時之盛而貽之無窮臣之
職也謹拜手稽首而獻頌曰 二氣合德百真大混氣固真全
至道之本國固國今其中有精抱曰不搖固固國神冲清司空
棄榮離俗恬澹虛心溫池之曲砌固所固三十九章固德之厚
興國朝斗霜壇風清月白雲步逍遙霞衣玉冊章馬道圖
羽馭騰猿驚鶴怨爐冷丹砂妙道凌聞真嗣肇建禱祀響答
靈休式顯寥寥奕世幾六百年摧敗堙廢高風莫傳睿主在宥
道貴清靜輝耀希夷振揚幽隱肆命漕臣革故鼎新琳宮華啟
碧瓦朱楹龍賁微名褒隆美號奎畫雲章崇真顯道金鸞燦榜

玉積函經物情改觀幽谷生春羣真來歸上帝俯泣風馬雲車
徘徊福地椒漿桂酒列陳瑤席上眞欣娛百神悅懽儲薦吉祥
保佑我皇天子萬年受福無疆既受帝祉施于孫子璿國玉牒
天地終始 九月二十八日奉御寶批依此刊石 政和三年
歲癸巳十月戊申朔二十五日壬申朝請大夫直秘閣權發遣
潭州軍州管句學事兼管內勸農事兼荆湖南路安撫充本路
兵馬鈐轄借紫金魚袋臣張爲立石

彼縣志在司空山政和二年九月程元佐撰

金石補正石陽升觀碑在攸縣司空眞人祠從未推拓屢屬
攸縣廣文張季農部澤募工打本至今甲戌七月始攜此見
貽文三十六行七十二字眞人頗著靈異邑有旱潦輒昇
以入城官吏建壇祈禱迭驗是亦有功德於民者而如此豐
碑通志僅据邑乘列目云政和二年九月不知碑之立於三
年十月也亦失於搜別矣猶幸志有此條乃得尋踪訪復修
志固不宜輕刪也寺觀附載此文舛譌不少而石有剝泐据
以補之志据全唐文載蘇師道司空山碑系於天寶十四年
十月此碑稱舊祠頽廢粗存基構之餘絕不言及古碑知蘇
碑在爾時已亡無怪今茲之徧搜不得也按明一統志司空
山在攸縣東四十五里南接雲陽連山峻拔左右有三十六
峯舊名麒麟山亦名溫泉山南齊司空張岳棄官隱此因改

今名而明史地理志云縣南有司空山南疑東字之譌陽升
 觀通志升作昇一統志亦作昇云在縣東四十五里舊名朱
 陽觀祀南齊司空張岳躬自唐天寶間宋政和間重建易今
 名與碑所述悉合蘇碑敘述甚詳其略曰按梁任彥昇述異
 記云司空姓張名岳字伯玉清河郡人也齊明帝時仕至司
 空及東昏侯嗣位攜家去闕欲希長生以避世歷壽山人朱
 陵洞浮屠舍宇環壘左右乃歎曰身心清淨安能與世營營
 乎遽聞洞南有麒麟山蒼漢代蘇隱隱此得道駕麟車而沖
 天以是得名於是傾家居焉旦夕誦大洞真經三十九章梁
 天監二年八月全家八十餘口白日沖天陳天嘉初有丹陽
 章馬二先生來曰我二人乃司空弟子也同入此山精修道
 行至四年二月亦跨鶴登仙矣今本述異記無張岳事此碑
 所述大約本於蘇碑蘇碑又云司空山去縣四十五里東西
 廣一百二十里南北一百八十里高二千六百丈下有溫水
 源故名溫泉山亦名紫麟山及司空隱此得道遂名司空山
 馬中有大觀一所天寶七載建造標額為朱陽觀蓋取南嶽
 朱陵洞當此山之南故也文云非以其神仙為可慕可謂立
 言有則惜無以格君心之非也是時崇尚道教詔天下訪求
 道教仙經至繆言玉帝憫中華被金狄之教令帝主天下悉
 歸正道道錄院上章冊帝為教主道君皇帝不久而金人內

犯二帝蒙塵良可哀已碑文呈進勅刊故程元佐諸人皆書
 臣字碑尾題奉御寶批依此刊石它碑未見此式程元佐諸
 人不見於通志職官可據此補之程暉字明迪通義人見麓
 山寺碑陰

宋隱士皮文通詩

攸縣趙志水頭洞在東江鄉鷺山皮文通號楚水神仙卜居

洞側遺詩猶在

宋開梅山歌出梅山歌二石刻

長沙府呂志章惇撰熙甯時

金石文跋史傳言惇以三路兵平赫洽鼎州以蠻方據潭之
 梅山遂乘勢而南轉運使蔡煜言是役不可亟成神宗以為
 然專委於煜安石主惇爭之不已既而煜得蠻地安石憾煜
 沮惇乃薄其實進惇修起居注則開梅山之功實蔡煜也惇
 既冒其功并作此二歌以自誇小人之無忌憚也如此其地
 即今安化新化二縣二歌必磨崖石刻之今不知所在

宋梅山頌

安化縣志著作郎毛漸撰

長沙府呂志毛著作開梅山頌縣尉劉次莊書立石刻於安
 化縣東三十里八里潭磨崖上後經兵火石燬著作孫毛恕
 知衡陽刻於石

金石文跋毛漸字正仲衢州江山人第進士知甯鄉縣甯
經理五溪漸條利害以上察訪使者委以區畫遂建新化安
化二縣漸用是得著作佐郎知安化縣召爲司農丞提舉京
西南路常平元祐初知高郵軍遷廣東轉運判官渠陽蠻擾
邊近臣言漸習知蠻事徙荆湖北路轉運判官時朝廷議棄
地漸曰蠻獠畔服不常非稍威以兵未易懷德今一犯邊卽
棄地非計也不報渠陽既棄蠻復大入抄略覆官軍荆土爲
大擾竝見宋史本傳漸歷官至直龍圖閣知渭州命下卒贈
待制嘗爲江東兩浙轉運副使時患水溢乃疏開浦港悉以
入海自後水不爲害其攝帥涇原夏人犯邊亦治兵遣將破
岩漸蓋有才略經濟之士也劉次莊於元祐中嘗爲清化閣
帖釋文刻石臨江殆亦善書者据秦少游法帖通解序知其
歷官至御史

宋雲亭冥集詩

寬字訪碑錄黃庭堅行書無年月在安化

案山谷澹巖題詩在崇甯三年則此刻當亦在崇甯間

宋安化藏書閣銘

長沙府呂志熊撰開禧丁卯

宋安化縣學增養士田記碑

長沙府呂志壬申七月望日中奉大夫龍圖閣待制提舉龍

興府玉隆萬壽宮奉甯縣開國子食邑五百戶賜金魚袋鄒
應隆撰

嘉慶通志案鄒應隆宋史有傳不詳其貫傳言以敷文閣學
士提舉玉隆萬壽宮拜禮部尚書兼侍讀嘉熙元年拜端明
殿學士簽書樞密院事此碑作龍圖閣待制與傳不合恐史
誤碑無紀年但記干支云壬申以其時考之當是嘉定五年
宋仙人橋石刻詩

安化縣志無名氏

宋陳康國等會仙峯題名

茶陵州志會仙峯在州東二十里有宋宣和合肥陳康國
思忠桂林蔣炳文仲虎廣德倪濤巨濟同遊題名石刻

嘉慶通志案倪濤見宋史文苑傳云字巨濟廣德軍人擢進
士調廬陵尉歷官司勸左司員外郎貶監朝臣縣酒稅再徙

茶陵船塢卒年三十九死之明年金人犯闕朝廷官其一子
此題名蓋卽濤貶官茶陵時也又案周志又作月到巖題刻

云在州東二十里唐陳光問讀書處月到巖額字大三尺許
鐫數仞峭壁上宋陳思忠蔣仲虎倪巨濟及歷代文士各題

詠勒巖內云云似卽此會仙峯題名而云月到巖未知是否
一刻

宋福濟廟記

宋福濟廟記

茶陵州志尹謙孫撰酒祐十一年

嘉慶通志茶州志作寶祐寶祐止六年當是酒祐之譌今改正

湖南通志卷二百六十九

湖南通志卷二百七十

藝文志二十六 金石十二

宋陳日嚴墓誌

以下衡州府

穎川學究陳君墓誌銘

歲昌撰 誌哉善父母曰孝善兄曰

惟孝與友人倫曰曰嚴字孝先孝友之人曰

皇宋故汝州曰曰曰曰曰曰曰曰曰曰曰曰曰

鄉修仁里君之母榮陽鄭氏夫人曰曰曰曰曰曰曰

女也始夫嘉耦族三星之會和鳴分百里之曰曰曰曰曰

曰曰曰曰曰曰曰曰曰曰曰曰曰曰曰曰曰曰曰曰

修居謹養曰曰曰曰曰曰曰曰曰曰曰曰曰曰曰曰曰

洗馬樊公諱沼次男嗣宗對雪賸芳於風雅曰曰曰曰曰

魯山府君先夫人即世君與日新哀毀從制偏侍北堂色養寫

懷曰曰弗果始則承家以襲慶終則持生以自強居衡州衡陽

縣承昌坊積資財巨於人治物產腴於眾噫於親倍甘旨之歡

得非孝乎於弟無財產之異得非友乎既孝且友全之於身與

夫虛譽之徒不可同日而語夫生也若浮脩知必求諸道死且

不朽名實存乎其人洪範五福我得一也虞書五典我得二矣

無何遭疾弗瘳餌藥無應泣伯瑜之杖喜懼空多著葉子之衣

晨昏逮爽身先風樹命逐隙駒大中祥符八年乙卯歲二月二

十一日奄辭孝養享年五十有三吉兆曰求佳城乃卜以當年

八月七日葬于縣之清化鄉玉野里禮也君之齊體故章州潘

府君諱軫之女也美厚柔德貞令婦儀移天堪憾於終天臨穴

更傷於同穴一男二女君之嗣續也令弟日新情追讓果義切

分形應昌早歷門庭因承旨命無慙率爾乃著銘云孝親友弟

爲人大端既孝且友爲世可觀辭毫期温清之養棄稚孺鞠育

之歡何光沈兮響絕使芝焚兮蕙歎嗚呼白楊多悲風蕭蕭邱

壠寒

金石補正石陳日嚴墓誌同治十一年在衡陽鄉間出土撰

人姓氏已泐据文知名應昌莫放其姓日嚴父名亦缺前見

皇宋故汝州五字又有和鳴分百里之曰句後云魯山府君

蓋官汝州魯山縣令者其下又言福州福清縣修仁鄉修仁

里者殆其所占籍耶日嚴行蹟無甚表見文敘孝友亦第云

倍甘旨之歡無財產之異而已乃於八百五十餘年之後誌

石出土得表其人以傳諸後顯晦固有幸不幸也應昌非善

文者而事求其實不泛作諛墓之詞是足取已次男嗣宗四

字添注於旁鞠育書作鞠誤對即剛字永昌坊清化鄉玉野

里可備志乘所采

宋辭佚等石鼓山題名

河東辭佚諸曰清河張公紀仲綱高平過曷彥博會稽夏靈公

西瞻會□□衡陽石鼓學宮治平乙巳中元後一日記石

清泉縣江志在西溪熙甯題名厓背楷書徑三寸案李師尹所撰王幼玉記有張紀夏公酉二人稱郡侯張郎中紀賢良

夏公酉今郡秩官志無張紀而師尹記無年月致郡志遺事類列於唐末宋初得此可資攷證

金石文編石辟伏題名正書八行在西溪下河濱一方石上

其一面卽刻窪尊二字志云在厓背試也据澹山巖題名係時官荆南轉運使當是按部至此也夏噩池州人曾以試光

祿寺丞知長洲見姑蘇志宦績傳此題名自署會稽未知卽其人否張公紀係二名清泉縣志作張紀似誤又中元誤作

上元末脫石字据石刻瞻會下尙有三字磨滅不可辨矣金石補正石鼓題刻搜別數四宋刻之有年月者僅拓得三

段偶於市肆得此舊拓本補錄之窪尊二字不可復見前年修葺書院僧父置諸礎下矣

宋劉摯震孫等石鼓山題名

劉摯莘老來遊跋踏侍 後百八十三年六世孫震孫蒙恩來

持使節拂拭舊題不勝感愴寶祐二年秋九月旦

清泉縣江志在唐大和題名巖外左側震孫題又在左摯題六字大徑寸餘爲一行跋踏侍三字另一行小字稍低一格

餘震孫題四行次行自恩字至拂拭止末行自舊題起至秋

字止九月旦三字爲一行字小半寸俱楷書案宋史劉摯傳

摯謫衡無年月以震孫題推之當屬神宗熙甯五年壬子也跋爲摯子後摯貶新州卒跋請於朝得歸葬進秩加諡昭未

有見考摯有孫孝昌貧不自立清之買田以給見劉清之傳清之衡守似摯有裔開衡或爲蹈後亦未可知然不可考矣

瀟湘聽雨錄莘老與跋俱見宋史震孫號朔齋涓祐中知宛陵吳丞相潛方開居震孫日陪午橋之遊震孫後以召還有

詞畱別詳見齊東野語

宋陸□等石鼓山題名

知郡事陸□□州鈐轄何次公通□□□熙甯監吳□前辰州簽判梁立□從事沈卞同遊石鼓山登臨蒸朱陵閣至西

谿東崑合江亭題名石壁而還熙甯十年丁巳五月廿七日□記

金石文編石知郡事陸□等題名正書九行字徑二寸許在

西谿厓前

宋王定民石鼓山題名

元祐三年戊辰秋八月十有六日提點刑獄朝散郎張公綬拜

宣聖孔子於石鼓之學遂登文會閣燕太守大□□公仲孫宣德郎衡陽令王定民檢法官王詢新息主簿陳知元知元以

是年自學徒登科張公欲策激諸生招□席末定民時兼教職

湯湯以下
○馬既飲與賓客下合江亭觀韓伯雷題
○○○○水環

金石跋尾續案元祐三年禮部試蘇子瞻實知舉是科省元章援狀元李常甯知元蓋亦蘇公門下士矣新息主簿蓋其官階乃選人七資之最卑者熙豐間大興學校然諸路設教授者僅五十三員荆湖南路僅潭州一員元祐初諸州相繼增教授而衡猶未預故定民得以縣令兼教職也文獻通攷載崇甯詔諸州生員不及八十人罷置教授官以在州有科名官兼莅學事則定民必有出身者

金石文編石王定民題名正書可見者十四行後尙有五六行已磨滅僅存鷄石二字可辨在西溪厓壁

金石補正右刻僅見十一行剝蝕已甚據通志補註之潛研所載與志歧異數字皆在缺泐處未審孰是一統志云王定民毫人知衡陽縣兼權教授修葺學宮撰勸學文以告多士亦嘗知湘陰縣無學因勸學宮明統志云元祐間知衡陽縣與此正合邇志職官失載王詢名亦未見官志有陳仲孫知邵州此太守之姓疑是陳矣

宋柳詔等石鼓山題名
左朝奉大夫知衡州柳詔右宣德郎權通判衡州鄭猛右宣德郎衡陽令張鈞湖南提刑司檢法官耿良能前永州祁陽令蔡

觀同遊時學正洪世範預馬元祐七年六月初十日鈞奉命書金石文編右柳詔等題名八分書十二行字徑二寸許在西溪大和題名下

宋程傳文等石鼓山題名

鄱陽程傳文敏叔行部湘東陽若政
江亭遊西谿遂行元祐九年十月
清泉縣江志石題名在西谿懸厓面南極高可望無磴道以上

案舊志朝陽巖題名云鄱陽程博文敏叔書此名傳文未詳孰是又據行部湘東一語敏叔必官荆南提刑轉運者惜職官失載無可攷

宋向公祠碑

清泉縣江志在祠內胡寅撰今祠廢碑在開福寺

濡湘聽雨錄開福寺內舊有祠祀向公子恣今木主亦無惟碑尙存

嘉慶通志案胡寅字仁仲號致堂安國弟之子中宣和進士甲科從楊時受學居衡州嘗一知邵州兩知永州紹興二十一年卒見宋史儒林傳向子恣大梁人紹興元年嘗知道州

見道州新志
宋王光祖石鼓山燕新進士題名

乾道八年冬十月二十有五日知衡陽縣准陽王光祖仲顯適攝郡事燕新進士王居仁鄧友龍友齡於石鼓州學是年三人皆自郡庠登科用以策激諸生教授建安虞誥司戶廬陵口景先學正劉渥學錄董正之預焉酒半下合江亭遊西谿觀石間元祐三年王公定民畝題適與今日同符仲顯喜曰今日之事盡書之因勒之巖石以示異日之三五字

金石跋尾續案范致能合江亭詩序云合江亭即石鼓書院今為衡州學宮韓文公所謂潔淨不可唾者即此處故碑有石鼓州學之稱也范集中與王仲顯唱和之作甚多其題仲顯讀書樓詩云使君青箱家文史裝懷抱平生名教樂雙旌不滿笑忽乘雪溪興來檣秦淮棹邱亭客漂泊夜夜短檠照人云大癡絕我自斷輪妙今朝檣竿起昨夢繞閣阜云有百尺樓歸寄北窗傲滴露細朱黃拂塵靜細縹意仲顯家於江西者歟此與元祐王定民兩刻皆在衡陽石鼓山之西谿儀徵江于九令清泉為予拓致之

清泉縣江志石題名在元祐三年王定民題名厓背

瀟湘聽雨錄案王居仁南軒張子門人常甯人與同里龔益卿齊名益卿朱子門人也常甯志載居仁登清熙十四年王容榜進士益誤也應以石刻為正

案益卿當作益卿詳見後

宋重修諸葛亮廟記

諸葛武侯祠堂記 自五霸功利之說興謀國者不知先王仁義之為貴而競於末塗秦遂以勢力得天下然亦口以亡漢高帝起布衣一時豪傑翕然從之而其所以建立基本卒滅項氏者乃三老董公仁不以勇義不以力之說也相傳四百餘年而曹氏篡漢諸葛忠武侯當此時間關百為左右昭烈父子立國於蜀明討賊之義不以強弱利害貳其心蓋懷懷乎三代之佐也侯之言曰漢賊不兩立王業不偏安又曰臣鞠躬盡力死而後已至於成敗利鈍非臣之明所能逆觀誦味斯言則侯之心可見矣雖不幸功業未竟中道而隕然其扶皇極正人心挽回先王仁義之風垂之萬世與日月同其光明可也夫有天地則有三綱中國之所以異於夷狄人類之所以異於庶物者以是故耳若奮於利害之中而忘夫天理之正則雖有天下不能一朝居此侯之所以不敢斯須而忘討賊之義盡其心力至死不悔者也方天下雲擾之初侯獨高臥昭烈以帝室之胄三顧其廬而後起從之則夫出處之際固已有過人者其治國立綱陳紀而不為近圖其用兵正義明律而不以詭計凡其所為悉本大公曾無纖毫姑息之意願皆非後世所可及至讀其將上表之辭則知天下之物欲舉不足以動之所養者濱斯所發者大理固然也曾子曰士不可以不宏毅若侯者所謂宏且毅者歟

孟子曰富貴不能淫貧賤不能移威武不能屈此之謂大丈夫若侯者所謂大丈夫者耶侯既沒蜀人追思時節祭於道後主用廷臣之議立廟河陽使得申其敬去今千有餘歲蜀漢間往往有祠奉祀不替侯之澤在人者深矣衡州石鼓山舊亦有祠按蜀志昭烈牧荊州時使以軍師中郎將駐兵臨蒸以督零陵桂陽長沙三郡調賦以充軍實今衡陽是也蒸水出縣境經石鼓山之左會于湘江則其廟食於此固宜考昌黎韓愈及刺史蔣防詩碑祠之立有來矣宋乾道戊子之歲湖南路提舉常平范君成象始以圖志搜訪舊蹟得廢宇於榛莽中乃率提點刑獄鄭君思恭知衡州趙君徙于高明而一新之移書俾棊爲記棊惟侯之名不待祠而顯而侯之心亦不待記而明然而仁賢昔時經履之地山川草木光采猶在表而出之以詔來世使見聞者悚然知所敬仰思慕當道術衰微之際其爲有益益非淺也惟棊不敏不足以推本侯胸中所存萬一是則愧且懼焉乾道五年春二月左丞務郎直秘閣新權發遣撫州軍州主管學事賜柴金魚袋廣漢張棊記

天下金石志張棊撰在衡州府

清泉縣江志在石鼓山

衡陽縣陶志成化九年太守徐孚重勒一面重刻朱子石鼓

書院記

金石補正石碑在衡州石鼓山据志謂明代重刻而碑未並無年月姓名碑書宏敞字皆不避蓋徐孚所重書耳范成象提舉常平見通志職官提點刑獄鄭思恭則志所失載知衡州趙君文內獨不書其名而通志職官高孝光三朝知衡州者均無趙姓其人亦見志之漏載不乏也張子初諫直秘閣以劉琪薦除知撫州見宋史本傳

宋張南軒書禮義廉恥四大字

金石文字目錄八分書在衡州府學

衡陽縣陶志明嘉靖間知府李循義重刻

宋石鼓書院記

石鼓書院記 石鼓據蒸湘之會江流環帶最爲一郡佳處故有書院起唐元和間州人李寬之所圖至國初嘗賜勅額其後仍復稍徙而東以爲州所則院之迹於此遂廢而不復修矣圖熙十三年部使者潘侯時德夫始因舊址列屋數間榜以故額將以俟四方之士有志於學而不圖罔圖試因業者居之未竟而去今使者成都宋侯若水子淵又因其故益廣之別建重屋以奉先聖園師之像且羣國子監及本道諸州印書若干卷而俾郡縣擇遺秀士以充入之蓋連帥林侯栗諸使者蘇侯詡管侯鑑衡守辭侯伯宣皆奉金齋割公田以佐其役逾年而後落其成焉於是宋侯以書來曰願記其實以詔後人且有以幸敘

其學者則所望也予惟前代庠序之教不脩士病無所學往往擇勝地立精舍以爲羣居講習之所而爲政者乃或就而襲表之若此山若嶽麓若白鹿洞之類是也逮至本朝慶厯熙寧之盛學校之官遂徧天下而前日處士之虛無所用則其舊迹之蕪廢亦其勢然也不有好古圖舊之賢孰能謹而存之哉抑今郡縣之學宮國博士弟子員皆未嘗考德行道藝之素其所授受又皆世俗之書進取之業使人見利而不見義士之有志爲己者蓋羞言之是以嘗欲別求燕閒清曠之地以其講其所聞而不可得此二公所以慨然發憤於斯役而不敢憚其煩蓋非獨不忍其舊迹之蕪廢而已也故特爲之記其本末以告來者使知二公之志所以然者而無以今日學校科舉之意亂焉又以圖圖在位使知今日學校科舉之害將有不可勝言者不可以是爲適然而莫之救也若諸生之圖以學而非若今之人所謂則昔吾友張子敬夫所以記夫嶽麓者語之詳矣願於下學之功有所未究是以講其言者不知所以從事之方而無以蹈其實然今亦何以他求爲哉易曰養其全於未發之前察其幾於將發之際善則擴而充之惡則克而去之其亦如此而已又何俟於予言哉 賈區之內奇山勝水固多矣而得名播天下者必有大賢君子圖眺畱文字爲之標表焉否則直天壤間一培塿爾衡州城北石鼓山據烝湘之會奇秀甲湖南然晉隋以

前無聞也至唐元和間郡人李寬中者結廬讀書其上繼而韓文公登覽賦詩畱詠宋景祐中賜書院額名與四大書院相埒矣後南軒張先生過之親寫韓詩刻之合江亭而文公朱子爲書院記去書院南僅百武有漢諸葛武侯祠侯以中郎將督賦駐此者囚之時人立祠祀焉南軒爲之記夫以此山無岩崑因之高□□大地之廣若衡嶽而其名直與之齊者得非有二□□不世出豪傑登覽著文字標表爲之□重也與今□□無刻韓詩歸然獨存而朱張二夫子之記□□毀矣字漢圖立德立言之文使之磨滅無以教後人且二先生志同道同□□□□□□□□書院之左不惟使此山益□增重而使游觀之士庶或有所觀感而益加進脩云成化九圍歲在□□三月清明日後學黃巖徐孚□書 衡州府同知海韓通判羅□□□□□□同立石

天下金石志朱熹撰在衡州府

清泉縣江志明末火燬今有二碑俱重刻

衡陽縣陶志成化九年太守徐孚重勒一面重刻張子武侯祠堂記在石鼓書院

金石補正石鼓書院記在衡陽湖南通志金石門未錄其文未見墨拓也學校門附載之而字句微異當以碑爲正碑所缺泐仍據以補注之按玉海衡州石鼓山有書院唐元和

中州人李寬所爲云云卽此碑之文也惟原石已毀明代重刊耳碑云故有書院起唐元和間州人李寬之所爲一統志云石鼓書院舊爲尋眞觀李寬讀書其中刺史呂溫嘗訪之有過尋眞觀訪李秀才書院詩按呂集詩題作李寬中碑後徐孚跋亦作李寬中或謂李景儉字寬中登進士第元和間與呂溫同貶湖南刺衡州溫所贈詩者非卽衡陽之李寬然呂集明稱秀才詩云願君此地攻文字如鍊仙家九轉丹則未第進士非爲刺史可知呂集又有道州春日感興與李景儉聯句詩稱景儉不稱寬中然則呂集作寬中者後人以溫與景儉交好誤以爲景儉因增中字而徐孚遂沿其誤耳碑又云至國初嘗賜勅額嶽志云石鼓書院宋景祐二年集賢校理劉沆請額賜名元黃清老石鼓學田記云宋景祐丙子始賜額丙子爲景祐三年與衡嶽志不合碑述潘時興復書院宋若水踵成其事林栗蘇詡管鑑薛伯直皆佐其役潘熙十下磨泐一字通志引此文作十二年據玉海乃十三年也又玉海嶽麓書院條下云潘熙十五年帥臣潘時廣二齋益額十人是潘熙十五年潘時尚未去湘迨宋若水替代之又逾年而落成乃以書乞朱子爲之記計當在紹熙初矣姑列於潘熙之末通志次於五年之前未淡考矣潘時金華人提舉荆湖北路常平茶鹽事改南路提點刑獄以除知廣州

而去見朱子所撰墓志通志引此記文云東陽潘侯時誤矣宋若水成都人其墓志亦朱子所撰言其爲湖南提點刑獄時石鼓書院廢久前使者潘時營之若水成其終爲增置弟子員以戴溪爲之師割田置書教養如法較此記爲詳林栗字黃中福清人宋史有傳由廣南西路轉運判官改提點刑獄又改知潭州栗與朱子論西銘不合遂極力排擠之至稱爲亂人之首得罪名教甚矣雖助修書院不足掩瑕焉蘇詡管鑑不見於通志職官管鑑括蒼人見前蒙巖題名又萬姓統譜云管鑑字明仲以父澤補官再調江西常平提幹官至廣東提刑權知廣州兼經略安撫使又江西通志管鑑字明仲臨川人以父澤補官佐湖南帥劉琪平劇盜以功累遷至廣東提刑經略安撫使在湖南勸民濟陂池溉田萬六千頃獨郴州和糴新石鼓書院在廣東減潮惠七郡丁租置廣安宅買田以給士大夫南遷不能還者所載較詳括蒼臨川不同疑江西志有誤至書院舊爲尋眞觀及至道三年邑人李士眞卽合江亭故址重建見一統志碑記所未詳也

宋文公書敬以直內義以方外八字

金石文字目錄行書在衡州府學

宋文公書周子拙賦

竇字訪碑錄行書無年月在衡陽縣

宋朱文公書斷碑

衡陽縣陶志未著晦翁二字旁注四明六峯李循義重刻在

衡州府學

宋朱文公書上蔡先生語錄碑

脫去凡近以進高明勿為嬰兒之態而有大人之志勿為終身之謀而有天下之慮勿求人知而求天知勿求同俗而求同理

晦翁

案右碑在石鼓書院行楷書字大約四寸五行十字乃

乾隆戊子郡守劔南義峯李拔所重刻碑首分書題詞略

云紫陽曾講學石鼓有此手書明嘉靖間四明六峯李循

義重刻學宮兵燹埋沒乾隆辛巳修學掘地得之剝落數

字因覓舊本摹刻書院以為入道之權輿以今考之所謂

李循義重刻者疑即陶志所云未署晦翁二字之斷碑也

宋朱文公書上帝臨汝母貳爾心八大字碑

衡州府志在衡陽縣學

宋張孝祥石鼓山題名

清泉縣江志右題名在西谿磨厓字大三寸漶漫不可讀朋

於丞水乾隆二十五年知縣江恂置合江亭後

瀟湘聽雨錄乾隆己卯臘月二日時丞湘江水大落偕友人

於石鼓山麓尋釣臺二大字已磨滅僅存不勝惋惜緣麓而

西崩石臥水際有張安國題名安國為宋張孝祥字號于湖

官粵西經略又嘗知潭州其到衡宜也急命工鑿去其背輕

之昇置合江亭與南軒書並蓋南軒于湖友使兩賢遺墨不

孤是日適命僮子往學宮揭于湖書杜黃裳語兩刻彰於一

日殆非偶然

嘉慶通志案宋史張孝祥傳以集賢殿修撰知靜江府廣南

西路經略安撫使復以言者罷俄起知潭州復待制徙知荆

湖南北路安撫使是于湖南官楚南當俱在孝宗朝

宋張孝祥書盧坦對杜黃裳語

金石跋尾續石張安國書盧坦對杜黃裳語石刻在衡州府

學昔禁行夫問朱子云張于湖字何故人皆重之答云也是

好但是不把持愛放縱此帖卻以不放縱而益工也此帖亦

刻於蘇州學但蘇州橫行此則直耳

衡陽縣志明嘉靖中知府李循義重刻

宋丞湘岫嶼祠壇記

衡陽縣陶志知州事劉清之撰

嘉慶通志案宋史劉清之有傳嘗知衡多惠政蓋在孝宗朝

宋東都口口石鼓山題刻

金石文編西溪有行書題刻十餘行行約五六字字徑二寸

許殘蝕難辨可識者第六行有湘烝之會及後東都等數字耳當是宋人所題江柗清泉縣志失載

宋陳安道石鼓山詩

金石文編石鼓之西溪厓間有石刻詩十一行正書字徑寸二三分漫漶不可卒讀惟首二行近看安知石鼓口遠觀方十餘字及末行陳安道等字似其人之姓名尚可辨而江柗清泉縣志遺之雖未見年月的是宋人手筆前人未錄

宋石鼓山介崖二字

金石補正同治癸酉在石鼓山搜獲介崖二字字徑尺許無年月題款審其字蹟非宋以後人手筆茲與朱陵後洞並附宋末

宋合江亭後巖詩刻

瀟湘聽雨錄合江亭後巖壁有寸許大字漫滅不可盡識年月姓名又爲俗間記名者刊去錢稹石太史于次公比部由粵西歸而過此摩挲不忍去因共讀之得不全七律云
口口來口此州口口偶到合江遊口口雨過口口口口口口
口口油韓愈詩奇封碧蘚朱陵洞古枕寒流肩輿歸去日將暮嗚鳥一聲山更幽蘚石以爲必宋人作

宋潭州修廟記碑

南嶽總勝集鎮南殿西有乾德三年潭州修廟記碑兵部郎中賈玘撰帥臣潘美立

嘉慶通志案潘美時爲潭州防禦使見宋史本傳

宋中書舍人王祐贈道士率子廉詩

南嶽總勝集詩石本在縣之江亭殿甯間碑爲火所焚今銓德觀復刻石紀之

嘉慶通志案總勝集記率子廉於開寶年中又云禮部詔帥臣王公祐禱南嶽攷宋史王祐傳祐於太祖乾德六年後由戶部員外郎出知潞州徙襄州移潭州其知潭州應在開寶中卽贈率子廉詩時也其拜中書舍人則在太宗太平興國中矣此題中書舍人者蓋後人舉其官之清顯者稱之耳唐

宋州有節度防禦團練觀察之分而以知州兼軍政謂之知軍州故知州亦呼爲帥臣

宋重修南嶽司天王廟碑

南嶽總勝集翰林學士蘇易簡奉敕撰待詔黃識篆碑陰有楷書在嶽廟西北碑樓

嘉慶通志案蘇易簡於雍熙三年充翰林學士宋史有傳言其在翰林八年歷官至參知政事復以禮部侍郎出知鄧州

移陳州至道二年卒

宋新修南嶽司夫廟碑

南嶽總勝集右司諫晁迥奉敕撰景德二年七月六日立在嶽廟西南碑樓

嘉慶通志案宋史晁迥傳真宗即位用宰相呂端參知政事李沆薦擢右正言直史館獻咸平新書五十篇又獻理樞一篇召試除右司諫知制誥判尚書刑部帝北征雍王元份畱守京師加右諫議大夫為判官進翰林學士又真宗本紀景德元年十月丁未以雍王元份為東京畱守十二月癸巳雍

王元份疾命參知政事王巨權東京畱守二年八月丁亥翰林學士晁迥先為鄆當作王元份畱守官屬坐輔導無狀責授右司郎中則迥於景德元年十月以前已官刑部尚書十二月以前已加右諫議大夫為判官矣其奉敕撰此碑官稱右司諫必非二年之事云二年七月六日者蓋記立碑之年也

宋新修南嶽司天王廟碑
南嶽總勝集翰林學士李昉奉敕撰景德三年二月二十五日立在嶽廟東北碑樓

宋南嶽司天昭聖帝碑
南嶽總勝集翰林學士李宗諤奉敕撰大中祥符八年九月一日立在嶽廟東南碑樓

嘉慶通志案李宗諤昉子宋史有傳傳言宗諤於景德二年

召為翰林學士大中祥符初從封泰山改工部郎中二年副丁謂為同修宮使三年知審官院為經度制置副使同權河中府事優拜右諫議大夫五年迎真州聖像副丁謂為迎奉使五月以疾卒則宗諤此碑當作於大中祥符元年至八年九月始立石耳

宋奉神述
南嶽總勝集鎮南殿東有真宗皇帝大中祥符四年御製書奉神述
嘉慶通志案宋史本紀真宗大中祥符四年五月乙未加上五嶽帝號作奉神述此其事也

南嶽廟玉冊文
南嶽總勝集禮部侍郎丁謂撰本朝真宗皇帝祥符中始封崇五嶽乃命工部侍郎薛公映給事中錢公惟仍齋玉冊加號司天昭聖帝其妃景明皇后今玉簡尺有五文以金字聯以金繩覆以錦囊

嘉慶通志案宋史丁謂傳謂於大中祥符初由樞密直學士遷尚書禮部侍郎進戶部參知政事攷宰相表列謂進戶部參知政事於大中祥符五年則此文必是五年以前所作也又詳映傳未載齋玉冊事可以補史之缺略

案五嶽加號曰帝而又有妃號殆始於此歷代因之三代

以前有柴望有方望第曰五嶽視三公而已

宋御製醮告汾陰禮畢文

南嶽總勝集鎮南殿東有天禧三年御製醮告汾陰禮畢文

宋朝賢送單大師詩石

南嶽總勝集在銓德觀

嘉慶通志案總勝集載宰相王欽若送單大師歸嶽詩七律

一首又云眞宗朝敕差冲靖天師單惟嶽來住持提舉嶽門

宮觀則單大師名惟嶽所謂朝賢者當卽王欽若也而宋史本紀及欽若傳皆不載此事

宋修藏記

南嶽總勝集陳堯咨撰在勝業禪寺

嘉慶通志案陳堯咨曾以知制誥知潭州見宋史本傳當在

眞宗時

宋集賢章岷記

南嶽總勝集篆書乃記景祐乙亥樞密學士孫沔貶永州夢

南岳中宮王靈輿眞人事也在中宮

金石文跋案章岷字伯鎮登天聖五年進士嘗爲平江軍推

官文聲甚著范文正公有和章岷從事門茶歌及同登承天

寺竹閣詩見中吳紀聞孫沔字元規會稽人以秘書丞爲監

察御史屢行景祐元年冬至日冊后沔奏非制又同安縣尉

李安世上書指切朝政被劾奏請勿治黜知衡山縣又上書言時事再貶永州監酒見宋史本傳

宋宣獻詩

南嶽總勝集在銓德觀

金石文跋宋宣獻末綬也宋史有傳大中祥符元年賜同進

士出身仁宗朝官至參知政事卒贈司徒兼侍中諡宣獻攷

宋人推當代書家每以綬與李西臺並稱又史傳稱其幼聰

警穎有奇骨爲外祖楊徽之所器愛徽之無子家藏書悉與綬綬母亦知書每躬自訓教以故博通經史百家文章爲一時所向徽之卒遷奏補太常寺太祝年十五召試中書眞宗

愛其文遷大理評事聽於秘閣讀書又云綬性孝謹清介言

動有常爲兒童時手不執錢家藏書萬餘卷親自校讐其筆

札尤精妙朝廷大議論多所裁定楊億稱其文沈壯滄麗及

卒帝多取其書字藏禁中則此刻其亦金石中之特健藥敷

傳不詳其卒年以宰輔表攷之當在康定中

宋釋迦文佛四大字

南嶽總勝集石曼卿書在南臺禪寺前石崖上

金石文跋曼卿與范文正公歐陽文忠公文忠公稱其工

於畫筆畫道勁體兼顏柳又王直方詩話云曼卿以書名世

然大字愈妙嘗讀龜山寺三佛名榜最爲雄偉張文潛有詩

云煌煌三佛榜鐵貫全石鈕開張宮室正渾實山岳厚井水
駭龍陸蟻封觀驥驟真能道盡其妙子攷曼卿書惟長城棟
光等題名刻於汴都者今廣西龍隱洞有慶元中重摹本不
知何以得至南嶽有此書也曼卿名延年卒於康定二年宋
史作幽州人蓋本歐陽公所撰墓表東都事略則云宋城人
宋南嶽沖退醉石

南嶽志在朱陵洞刻沖退醉石字

嘉慶通志案章晉字隱之成都人注太元經與邵康節友善
神宗時上其書錫爵不受封爲沖退處士後至南嶽尸解成
道事載南嶽總勝集攷宋史章晉列於隱逸傳云成都雙流
人博通經史尤長易太元著發隱三卷明用善宗道之法知
以數萬道之用三摹九據始終之變蜀守蔣堂楊察張方平
何鄭趙抃咸以逸民薦一賜粟帛再命州助教不就嘉祐中
賜號沖退處士王素時爲州囚更其所居鄉曰處士里曰通
儒坊曰沖退由是益以道自裕尊生養氣憂喜是非亦不以
撓其心形嘗訪里人范百祿謂曰子辟穀二十餘年今強力
尚足子亦嘗知以氣治疾之說乎百祿因從扣太元晉爲解
述大旨熙甯元年卒年七十六

宋修廟碑

南嶽總勝集嶽廟嘉應門外修廟碑熙甯三年諫議大夫燕

度所立節度推官吳居厚撰

宋玉冊碑

南嶽總勝集鎮南殿西眞宗皇帝上帝徽號冊文玉冊金貫
寶匣紹興元年三月內孔彥舟盜毀不存此文元祐元年六
月十日監官黃安期刊石

嘉慶通志案孔彥舟焚掠潭州趨衡州事詳宋史紀傳

宋蘇軾南嶽道士率子廉記

南嶽總勝集中書舍人王祐贈道士率子廉詩東坡居士蘇
軾作記並書在銓德觀紹興中住持黃庭觀道士陳子常再
刻之於本觀閣下

金石文跋東坡於元符二年自昌化移廉州又移舒州節度
副使承州居住行至英州復朝奉郎提舉成都府玉局觀則
游跡並未至南嶽不知何時書此記

宋壽嶽二大字

顧璘遊衡嶽前記度飛來船石觀宋徽宗壽嶽大書

衡州府志刻在祝融峯下巨石上

宋蓮花峯天下名山四大字

衡州府志在嶽廟西宋徽宗題

嘉慶通志案顧璘遊衡嶽後記云方廣寺有宋徽宗金書榜
曰天下名山懸正殿額此嶽廟西石刻恐近人所摹也又案

南嶽志云天下南嶽四字見圖攷志傳爲宋徽宗筆未知卽此刻否

宋重刻雲龍寺記

南嶽志唐李文本撰黃庭堅書崇甯二年二月在法輪寺前

唐雲龍寺記下

宋陳瓊嶽山壽甯觀題

閣前千頃碧琅玕喬嶽蒼松苦歲寒此是萬年峯上竹何須更待雪中看 了齋陳公以元豐己未擢進士三名後數年爲博士校書郎以鯁直不得久居中徽廟初政召爲諫官忤蔡京謫揚州管庫欽聖持其事改知無爲軍明年又自署庭宰掾官瓊闔坐忤曾布出守海陵崇甯元年蔡京相除名勒停編隸袁州移廉移郴五年春正月以彗星卜碑而京罷相凡黨人皆得歸故今嶽山壽甯題所謂丙戌四月益公東歸道所從出也後元豐一百二十年當慶元己未臨邛魏某始以進士起家又二十有八年當寶慶丙戌某得罪南遷四月七日渡湘卽公題題之日會壽甯道士唐從善以是日掘地得公石刻介郡人張南仲杞求一語記歲月嗚呼人嘗涉於憂患則見似而目動聞名而心惕故於公之忠孝大節所願學也若夫出處歲月之適相似則吾甚懼焉

嘉慶通志案陳瓊字瑩中了齋其就也考宋史本傳事蹟與

鶴山跋語大略正同其移郴州後稍復宣德郎又以其子正彙告蔡京事下獄併逮瓊安置通州又徙台州五年復承事郎卜居江州有譜之者令居南康纔至又移楚宣和六年卒靖康初詔贈諫議大夫召官正彙紹興丙子高宗特賜諡忠肅以表之

宋御製八行八刑條碑

衡山縣志宋大觀元年學士鄭居中奏乞御筆八行刻石立之碑今尙存

金石跋尾續宋史徽宗大觀元年三月甲辰立八行取士所謂八行者蓋取周禮大司徒之六行而益以忠和謂知君臣之義爲忠達義利之分爲和也八行之中以孝悌忠和爲上睦嫻爲中任恤爲下是歲六月庚午令諸州學以御製八行八刑刻石從江東轉運副使家桺奏請也八月庚午資政殿學士中太一宮使兼侍讀鄭居中乞以所賜御書八行八刑模刻於石立之學宮從之

嘉慶通志案寰宇訪碑錄載八行八刑碑九一在山東觀城一在陝西興平皆大觀元年六月一在陝西涇化一在河南臨穎皆二年四月一在陝西高陵二年五月一在臨潼二年十月一在河南滎陽一在某縣皆三年八月一在江蘇崑山政和三年七月刻此碑縣志但紀鄭居中乞刻學宮之年未

知立於何時

宋集福殿碑

南嶽志大觀二年立

宋移建皇帝本命殿碑

南嶽總勝集通直郎權潭州通判兼軍州事趙岍撰并書立

在銓德觀

金石文編廣西臨桂屏風山有大觀四年侯彭老程公慶記

為趙岍書自號梵仙山人當即撰此碑者岍時通判潭州而

長沙府志未載

宋朱陵宮記

南嶽總勝集在招仙觀政和二年轉運使建安張徽撰

宋修玉冊文

南嶽總勝集鎮南殿東有政和丙申修玉冊文轉運副使聶

山立

宋修聖像記碑

南嶽總勝集鎮南殿東序有政和七年轉運副使聶山修聖

像記碑

宋南嶽上清宮石碑

南嶽總勝集去廟東七里吳人徐靈期真人修行之所政和

元年徽宗皇帝賜號明真洞微真人今宮基見存石碑傳云

舊有仙雞報曉因喫仙草不死聞有樵人見而不能捕大厯七年元和先生張太空者李泌之師居之得道後入元陽宮尸解大中元年韓威儀慕其風而居之修符亦得道

宋嶽廟祭告文

南嶽總勝集紹興元年十月二十四日帥臣向子諲祭告文

在鎮南殿側

金石文跋向子諲字伯恭臨江人建炎中知潭州金人移兵

湖南率軍民以死守紹興元年移鄂州主管荆湖東路安撫

使詳宋史本傳傳又言子諲以徽猷閣直學士知平江府金

使議和忤秦檜意致仕退閒十五年號所居曰薌林卒年六

十八攷樓大防薌林居士文集序云公卜居臨江多植巖桂

又素慕香山自號曰薌林有船曰泛宅高宗親書大字及企

疏堂以寵其歸

宋祭顯助侯廟文

南嶽總勝集嶽廟有北廟侍郎廟紹興五年四月一日准敕

封顯助侯廟湖南安撫向子諲修祭文碑

宋折參政謁南廟詩碑

南嶽總勝集在嶽廟勝業禪寺

嘉慶通志案總勝集又載其詩題作葆真居士樞密折公彥

質題題攷折彥質於紹興六年三月自左朝議大夫試兵部

尚書諸路軍馬事都督府參謀遷端明殿學士簽書樞密院事十二月罷見宋史宰輔表

宋奉安青記

兩嶽總勝集紹興三十年資政殿學士知潭州魏良臣撰在嶽廟

嘉慶通志案魏良臣見宋史

宋陳從古南嶽題名

顧璘遊衡嶽前記在絕頂

宋彌明碑

金石林時地考端平二年七月立道士軒轅彌明隱居南嶽水簾洞

南嶽志字多磨滅不可讀

嘉慶通志案衡山道士軒轅彌明見昌黎石鼎聯句或云韓文公以文潛稽自寓姓名耳洪慶善年譜謂必有是人朱子攷異云軒轅反切近韓字彌字之義又與愈字相類或著之言近是仙傳拾遺有彌明傳及南嶽總勝集謂軒轅彌明隱居嶽麓抱黃洞恐皆因昌黎之文實其事也此碑立於宋時僅見趙靈均書及南嶽志未知何人所作

案嶽麓志云禹碑北石山修曠古有道家者流於巖下修鍊丹成飛昇遂名爲抱黃洞土人建崇真觀此不詳年代

而在蟒患之前則漢魏間事其非彌明固矣又云衡山志稱西晉初年鄧郁靜息崇真觀中羽化未幾而觀頽亦非彌明也至東晉洞有蟒患自是以來榛莽蕪蕪安所得隱居之所總勝集所云未知所據則謂軒轅彌明爲韓文公自寓姓名理或然也

宋御製化道文

兩嶽總勝集在銓德觀

宋奏復中宮額記

兩嶽總勝集張觀撰八分書

宋忠靖王碑

兩嶽總勝集嶽廟有忠靖王殿王姓張氏案吳致堯碑云王諱扈唐天寶間家於滑之白馬一云鄧州南陽任俠尙氣置金鎗袖中以擊不平者安史之難張巡許遠提孤軍守睢陽築臺募死士得南霽雲以爲將因乞師於賀蘭進明進明弗許二人誓云以斷指爲信死爲岳瀆厲鬼不放進明逾月皆死王夢其家曰吾得請於帝矣命輔南嶽爲司徒王諱傳記不一或諱翼或父或軫或巡或稱五代時人今止取臨淮棄指亭爲寶本朝政和二年孺人黃安俊作亂辰州祈禱感應申奏敕封靈祐侯八年因沅州賊潘宗巖作亂奏請加封祐順靈顯公建炎初潭州奏請特封忠靖王告在本廟昭烈廟

額在衡山行宮近又封威顯王

嘉慶通志案萬曆沅州志載有政和六年十月封祐順靈顯

公尙書省割中有搖賊黃安俊作亂云云而未及先封靈祐

侯加封之語則政和八年以前已封祐順靈顯公矣與南嶽

總勝集所載不合又王諱抹南嶽志作怵或又作扞恐皆誤

南嶽雜詩

南嶽總勝集在銓德觀

岳山圖碑

南嶽總勝集在嶽廟

衡州府饒志舊有碑刻七十二峯圖久裂草莽中吉水鄧淮

取而彌完之覆以亭在祝融頂上

祭儀碑

南嶽總勝集在嶽廟

禁斫山碑

南嶽總勝集在嶽廟

宋南嶽大壽字

衡州府饒志刻在祝融峯下字大徑丈三山黃桂書

金石劄記於南嶽拓得福壽二大字無年月題款檢閱湖南

通志僅載壽字云三山黃桂書蓋卽此刻也南嶽名勝絕無

古刻或云風雪凍裂石不久畱或云繕修祠廟多爲匠石剝

取矣

宋朱陵洞題刻

張元怵遊南嶽記朱陵洞旁巨石率可跌臥宋元人多題刻

其上

南嶽志朱陵洞有泉懸若挂簾亦名水簾洞有石刻朱陵太

虛洞天字水濺處刻天下第一泉字又飛瓊濺雪偉哉奇觀

字

宋南嶽九仙飛昇之壇六字

衡州府饒志王靈輿修真九仙觀觀前有石方廣數丈鐫九

仙飛昇之壇六字尙宋時遺迹

宋杜工部墓碑

耒陽縣志淳化元年九月望

嘉慶通志案衡州府志作趙師古撰題作題耒陽杜工部祠

記攷碑文云因爲志於墓前則當作墓碑爲是

宋義塾碑

耒陽縣志在隱靜寺龍圖閣學士王雱爲谷司農撰

金石文編攷宋有兩王雱十篇齋養新錄云一字元澤安石

之子附安石傳一澤州人雲之弟官右奉議郎見繫年錄予

案宋史王安石傳安石於熙甯八年二月復相因進三經義

成加尙書左僕射兼門下侍郎以雱爲龍圖閣直學士辭則

撰此碑者安石子也惟据史言零邊此官即以病辭不拜呂惠卿勸帝允其請則零實未爲此官豈撰碑時正命下之日耶

宋靈顯廟額碑記

宋陽縣張志邑人進士羅諤撰文林郎知衡州府宋陽州主管學校勸農營田公事侯口書進武校尉權韶州仁化縣尉秦允修鐫石乾道四年十二月朔

宋紫陽觀碑

宋陽縣張志在縣北清熙九年建推官蕭世記

宋杜工部墓門題字

有唐工部杜公之墓 景定癸亥夏孟 縣令王禾立石

宋陽縣張志景定間縣令王和立

金石補正石杜甫墓門題字在宋陽湖南通志題作杜工部墓碑禾作和均非王禾宜章人清熙十四年進士舊唐書杜甫傳云甫游衡山寓居未陽啗牛肉白酒一夕而卒於未陽元和志云宗武子嗣業自未陽遷南柩歸葬於偃師縣元微之撰墓志亦云子美歸葬偃師是杜墓不在未陽也然韓昌黎題杜墳詩云今春偶客未陽路悽慘去尋江上碑則未陽自有杜墓證以此刻益信矣杜工部祠堂記云子美出瞿塘下江陵登岳陽樓覽衡嶽抵未陽適江水暴漲爲驚濤所漂

僅得遺韓因壘土築虛冢瘞之一統志云唐工部員外郎左拾遺襄陽杜甫墓在縣北韓洲上韓洲之名當即因此未陽志云杜甫墓在縣治北二里解縉有詩云蔡倫池上霧如紙杜老祠前秋日黃爲問韓洲江上水流傳三日到衡陽是杜之有墓相傳久矣茲漢漁隱云大抵賢者所在人各引以爲重不妨未陽自葬子美之遺韓而嗣業所葬元稹所志乃在鞏縣首陽斯言近之矣湖南通志謂柩雖遷而冢未嘗毀亦自有理若如祠堂記所云僅得遺韓則安得有柩耶不足据

宋衡州進士題名記碑

宋陽縣張志文天祥撰自祥符訖嘉定

嘉慶通志案宋史文天祥傳咸清九年起爲湖南提刑十年改知贛州則此記應作於是時

宋金廂橋記

宋陽縣張志承議郎通判衡州軍州兼管內勸農營田公事田事浚撰進議校尉瓊州瓊山縣尉李說立石德祐改元正月望日

宋李芮直釣巖詩刻

瀟湘聽雨錄直釣巖無械仙翁隱處在未江上游九十里舊名鋤雲洞今洞門有 國初人題曰飛龍洞近水一石刻洞靈源三字書爲漢佐張良書未暇浚考又浦南佳處四字元

至正六年李從善書又一詩為宋進士李芮字秀穎號爽白作詩云無械仙翁去巖垂直約名重開茅葦慕仰見斗山明便覺天光近從教俗眼驚登臨試一覽心目得雙清乾隆壬午春兩過之因記其概

嘉慶通志案衡州府志列李芮於宋進士云太常丞未陽縣張志引邑諸生譚可嘉小記謂舊志所載唐李使君詩乃宋李史君之謫史君蓋翰苑之稱耳李史君名芮字秀穎號爽門宋之進士從善即其從姪孫

宋宣蹟碑

未陽縣張志在鬱衝鋪為徐宣義撰記

嘉慶通志案宣義必是其人之官階宣義郎也未知何名

宋人雙蹲左巖題名

瀟湘聽雨錄常甯縣城外雙蹲書院左為學宮舊基面臨宜水際水有岩因土名不雅馴康熙間縣令張菊人芳為易名曰學巖相傳岩穴渙不可測磨崖為宋人題名大約五寸多漫滅可識者令○丞○巡○□□嘉祐三年□□放舟同遊云云巖上舊有亭基蔗畦為書學巖二字碑立於上

宋昭武侯德政碑

襲蓋卿撰文 常甯自數十年來令之得遂始終者蓋不多見矧戊戌煨燼之餘更代尤為不常或半載而去或數月而去

濫而不知決年凶而不知救民將安賴自昭武侯來宰是邦聽獄甚寬惜民甚切人無桎梏之虐吏絕舞文之奸消一時爭競之習還三代禮儀之風百里之民咸樂其政果誰安之耶自春徂夏人以艱食為病侯夙夜不遑加意賑給仁恩浸孚此又惠政之大也歷五載之久始終如一如侯者甯多見耶是誠不可不記也侯名閑字誠夫時慶元二禩七月初吉書

衡州府饒志宗室昭武侯閑紹熙三年任常甯縣居官五年寬厚愛民民勒石頌德

案嘉慶通志職官名宦皆載趙閑而碑文無姓蓋宗室例不書姓也湖廣總志以為李閑誤矣

宋景星寺修路記

常甯縣葛志寺在縣東三十里寺前路砌一小刻有云咸淳壬申歲毀砌

宋承節郎何邦維碑

常甯縣志何氏記墜田有巉巖幽奇未有何邦維者為皆長以捍邊獠有功官承節郎所立碑篆猶存

雙蹲二字

瀟湘聽雨錄雙蹲書院距城南里許院後兩石對峙若蹲踞然石上八分書題刻雙蹲二字宋王居正襲蓋卿讀書處王師南軒襲師朱子皆常甯人明時建書院其地蔗畦至為之

捐給膏火延師課士稱盛

衡州府舊志在常甯縣舊學後奇石對峙如蹲踞狀上鐫雙蹲二字結構遒勁類晉人筆意有詩

案龔益卿朱子語錄姓氏作龔蓋卿字夢錫卽誤昭武侯

德政碑者益字當誤考語錄所載問答數十條皆甲寅所

聞蓋光宗紹熙五年朱子差知潭州荆湖南路安撫時也

王居正据前石鼓題名當作居仁

宋大理寺評事段昇墓碑

鄱縣林志在縣西炎陵前一里許昇寄籍江西致仕後徙居

康樂鄉檢田洲歿葬於此冢墓巋然有碑可識

湖南通志卷二百七十一

藝文志二十七 金石十三

宋李建中澹山巖詩

以下永州府

瀟隱叢話零陵郡澹山巖秦周貞實之舊居余往歲嘗遊之見李西臺黃太史詩刻愛其詞翰雙美因搦本以歸真佳玩也西臺詩石刻漫滅九字不可辨因闕之詩云常思羽衣人宅此岩崖傍口口通大道元關掩中黃古朴宮殿口偃亞松桂香洞戶漏夕月木罽生口陽疊齒上層巖露井連曲房斷壁橫廣幕蠹石排吟口蠶痕燕穴空乳溜虬鱗張清泉弄春口靈草經冬芳自笑老倒容誰口刀圭霜金版佩上籍玉音歌洞章口口夜森立絳節朝飛揚咫尺仙路南喧囂機世忙浮埃走車馬奔迸多事場真地擁煙霞根本無爲鄉不到久歎息一來徒悲傷但聽鏗華鐘所得心耳涼 宋朝能書者李西臺宋宣猷東坡謂李俗而宋寒殆是浪得名又謂建中書雖可愛終可鄙終不可棄余於西臺書不多見獨見其永州澹山巖詩清勁簡遠不減晉唐人書則東坡之論有不然而者矣惟六一居士云五代之際有楊少師建隆以後稱李西臺二人筆法不同而書名爲一世之絕山谷云李西臺出羣拔萃肥不臞肉如世間美女豐肥而神氣清秀者則二公之論得之矣山谷因李君貺借示其祖西臺草聖并書賦詩

云當時高蹈翰墨場江南李氏洛下楊二人沒後數來者西臺惟有尚書郎篆科草聖凡幾家奄有漢魏跨兩唐紙摹石鏤多彷彿會未得似君家藏側理數幅冰不及字體欲傾墨猶溼明窗柴几開卷看坐客失牀皆起立新春一聲雷未聞何得龍蛇已驚蟄仲將伯英無復應邇來此公下筆親使之早出見李衛不見右軍能偏人山谷此詩許可如此真不虛美矣

賈真齋法書贊洸化工部郎中李公建中字得中國初自熙陵右文尚古時有二臣曰李得中蘇太簡亦篤好焉得中自西臺御史踐奉常網羅放失其書滿家太簡以參預部彙中秘書萃諸僭偽國所藏天眷甚渥錫于賈章無算然得中翰墨入神品世所珍秘太簡無傳焉今觀其書良然金石文跋李建中京兆人見宋史文苑傳太宗太平興國八年進士甲科釋褐大理評事歷官至工部郎中判太府寺真宗大中祥符六年卒年六十九傳稱其幼好學蜀平侍母居洛陽聚學以自給攜文遊京師爲王祐所延譽性簡靜風神雅秀恬於榮利前後三求學西京曹司御史臺尤愛洛中風土就構園池號曰靜居好吟詠每遊山水多題題自稱巖夫民伯善書札行筆尤工多構新體草隸篆籀八分亦妙人多摹習爭取以爲楷法嘗手寫郭忠恕汗簡集以獻皆科斗文

字有詔嘉獎好古勤學多藏古器名畫有集三十卷傳又言建中以大理評事出為岳州錄事參軍再遷著作佐郎監潭州茶場改殿中丞歷通判道鄧二州轉太常博士攷其時當俱在太宗朝得中久宦荆南宜涪溪亦有詩刻惜子遊涪溪搜求未得耳

宋賈黃中送潘守詩

七言四韻詩一章送新知永州潘宮贊若冲赴任 翰林學士賈黃中上 駕鸞行中已著名頌條暫慰遠民情道途行去乘

輶貴鄉里過時書錦榮鈴閣曉開江月滿戟枝寒照雪峯明知君遊刃多餘暇莫忘新詩寄鳳城 軍事推官將仕郎兼秘書省校書郎潘孝孫奉命書 大宋雍熙四年中元日鐫

金石叢石正言先零陵輯補零時拓手誤遺下二行失其時

次遂疑卽是潘衢今補拓改正詩寄刻朝陽巖

金石補正賈黃中字媯民史有傳雍熙初掌吏部選除官吏

品藻精當史又稱其多所薦引然未嘗自言人亦莫之知潘

若冲或亦所薦引也潘若冲知永州通志職官誤冲爲仲永

志載此刻誤試爲兼

宋郭師符朝陽巖詩

秋日同知州潘贊善朝陽巖閉望歸郡中書事 宋太僕寺丞

通判軍州事郭昭符 白帝呼龍駕雲旌西上金天調玉燭九

○字似霄 聳黛凝不乾二水飛藍健相續紫皇詔換魚須竹盃蓋

朱杉來作牧波神一夜收風湍烈缺先秋靜林麓會巖照水明

朝旭○衝崖擁奇木山閣吟煙薄暮鐘酒旗拂雨臨○溪似

屋二放謔身外光景促短續人間片時綠金刀莫○

○長嘯○祿梨梅漿酸○才熟○新味○

素絲○明○青玉○情日去無羈東逸思涼飄繞煙谷

言涉淥水紗裳輕朱鞅追風桃花速迴看山下多麋鹿浩歎

○鴻鵠○來刁斗轉分明永夜公堂守幽獨

○金液以下

金石叢石行楷書十五行字體圓渾猶宋初體格惜佚其時

次案官表昭符爲宋眞宗咸平初通判所云潘守贊善卽潘

若冲乃雍熙時出守舊官表列之太平興國間誤也

金石補正永志所載闕論甚多十八行作十五行亦非末行

第五格隱約似熙字永志謂在雍熙時者可信也傾美祿祿

字當是祿之誤

宋宣撫記

宣撫記并序 宣德郎守秘書丞知永州軍州事騎都尉借緋陳

瞻述 聖上以萬富清夷九有豐稔明德率踰於古道至仁允

被於羣生爰命近臣特行巡撫勸官守奉詔條以臨泣勤恪諭

耆老教子孫以忠孝農桑仍示優恩並加宴設零陵古郡湘水

通川有齒危髮秀之徒凡四百人相與歌詠進而稱曰我后恤
養衰老化洽黔黎雖代厯義軒理稱堯舜未有念及遐僻惠加
疲羸存問之旨若今日之盛也思欲明示子孫刻之琬琰俾永
遵德教垂聖朝無疆之休豈不同快餘年哉瞻任忝親民敢不
從眾乃於郡之西偏巖曰朝陽直紀皇猷就刊貞石 侍禁閤
門祇候權管三司大將軍將荆湖南北路同巡撫郭威朝奉大
夫尚書司封郎中權勾當三班院兼同權判刑部荆湖北路巡
撫上下缺

嘉慶通志零陵縣志云咸平初年記石刻見存
金石書右行書十五行蓋有十六行後佚一行耳寄刻朝陽

巖壁先零陵始摻得之

金石補正永志三司上脫轄字末兩行巡撫字俱作巡檢按
巡撫之稱見於列傳者不少大智禪師碑陰呂文仲題名結
銜稱巡撫使則又有石刻可据也此文亦云特行巡撫宋時
固有巡撫之稱特不常置耳宗氏疑宋無是官改為巡檢齒
危髮秀見王文憲集序猶言秀眉也宗氏凡改為髮禿均誤
宋陳瞻朝陽巖詩
題朝陽巖秘書丞陳瞻 巖面郡樓前巖崖瀑布懸曉光分海
日碧影轉江天向暖盤樓鶴迎寒餞釣船次山題紀處千古與
人傳

金石書右正書六行不著年月零陵補志作咸平三年据官
表也

金石補正永志脫知州事三字陳瞻湘陰人雍熙二年梁灝
榜進士官至大理寺丞

宋朱昂等送新知永州陳秘丞詩

送新知永州陳秘丞赴任 翰林學士知制誥判史館事朱昂
赴郡逢秋節晨征思爽然過橋猶見月臨水忽聞蟬野色藏溪
樹香風撼渚蓮此行君得意千里獨搖鞭 尚書比部員外郎
直史館洪湛 零陵古郡枕湘川太守南歸得意年茶味欲過
衡岳寺橘香先上洞庭船錦衣照耀維桑地同年家於衡石鸞
翻飛欲雨天若到活溪須熾棹次山遺頌思依然 秘書丞直
集賢院劉騰 秋風清緊雁初飛半醉搖鞭出帝畿名郡又分
紅施去故鄉重見錦衣歸剖符雖暫宜皇澤視草終須直紫薇
從此南軒多倚望好詩芳信莫教稀 開封府推官秘書丞直
史館孫冕 桂林南面近徵黃又愛江鄉出帝鄉新命不辭提
郡印舊山重喜過衡陽樓臺滿眼滿湘色道路迎風橘柚香知
有太平經濟術政閑時節好飛章 秘書丞李防 昔年同醉
杏園春別後花枝筴度新彼此宦遊疏翰墨等閒交面起絲綸
比且拜拜榮親未必須萊子畫錦何嘗只買臣布政莫爲三載
計清朝臺閣整搜人

金石齋石正書二十三行不著年月奇刻朝陽巖

金石文字目錄正書在永州府

嘉慶通志案陳秘丞即前題詩之陳瞻朱昂洪湛並詳宋史

文苑傳李防史亦有傳

宋王羽朝陽巖詩二首

朝陽巖詩二章 殿中丞知郡事兼護軍王羽題 石岸盤危

磴煙和曉日濃長桐應待鳳占水必藏龍老樹藤多附層崖路

莫從平磯看浪沒峭壁任苔封蕭韻生羣籟嵐光簇眾峯何時

有達士棲此信疏慵 東向水西阿無時物景和松陰不映戶

曉日在煙蘿人蹟如行少山禽似語多清高知隱者塵慮自消

磨 天禧戊午歲正陽月記

金石齋石正書十行字與潘陳諸刻俱相類戊午為天禧二

年 金石補正永志護軍上有兼字石本所無

宋徐陟華嚴巖題名

子客居少暇時遂勝遊聊用濡毫志其歲月天聖三年仲秋望

日朝奉郎試秘書省校書郎權永州軍事判官徐陟題

金石文編徐陟題名正書四行省縣志誤作丞

金石齋石正書四行客居原作恪居案說文恪本作愨俗作

恪此以客作恪蓋假借通用且聊用濡毫零陵補志誤釋作

得意今審正

金石補正瞿氏据零陵宗志輯入致多舛譌永志仍誤一字

何也以客作恪亦無左證

宋孫蒼舒等華嚴巖題名

國子博士監市征孫蒼舒江陵節推知零陵縣王務本 皇宋

景祐四年

金石萃編正書三行字數不齊左行

金石齋石係行書王氏作正書誤零陵補志以景祐作嘉祐

亦誤

宋王文恩華嚴巖題名

子前授鄜延路分都監因入界破虜賊寨傷折兵甲特降斯地

於今年二月二十二日到巖開安泊至二月二十七日受詔卻

赴西垂任使久在岳關優游遂性清閑可知時康定元年仲秋

二十一日新授鎮威監護王文恩題

嘉慶通志案右刻正書九行左行見零陵縣志考宋史是

時元昊寇鄜延故題名有破虜賊寨之語

金石補正省府志均有脫誤宋史帝紀康定元年正月元昊

寇延州執總管劉平石元孫都監黃德和坐棄軍腰斬王文

恩為分都監故得從末減責降也破虜賊寨恐是諱飾之詞

耳

十一月七日題

金石萃編正書五行

永州府舊志案零陵補志未遺題字年書丙戌則仁宗慶歷之六年也

宋潘衢等澹山巖題名

中都外郎知郡事潘衢子莊殿中丞通理郡事陳規正卿太常博士監市征李寔公實軍事判官洪亶景純軍事推官李洙希真 慶歷七年十一月五日

金石萃編正書六行陳規史傳稱字元則密州安邱人靖康末金人入侵犯鎮海軍節度使劉延慶其徒祝進王在夫為盜犯隨郟復等州規為安陸令以勤王兵赴汴至蔡州道梗而還建炎元年累知德安府與劉錡領兵同死守後移知廬州疾卒此題殿中丞通理郡事傳無一語及之不知即其人否

嘉慶通志案廣西棲霞洞慶歷四年九月題名有潘衢自署其貫稱榮陽街云尚書都官員外郎新知永州蓋其時已有知永州之命而未到官也市征金石萃編誤作市等今据零陵縣宗志改

金石補正五日下午向有題字題下似是記字諸家皆未之見洪亶建昌人慶歷二年楊亶榜進士其任永州判官永志以

為八年任者非通志職官誤李洙為朱洙 宋潘衢等華巖巖題名

中都外郎知郡事潘衢子莊殿中丞通理郡事陳規正卿太常博士監市征李寔公實軍事推官李洙希真 慶歷七年十一月 月 〇 〇

金石萃編正書五行較澹巖獨無洪亶殆以亶先經題名耳 按當是 實不與

宋澹山巖奉安御書頌 文見永州府舊志

零陵縣志都官員外郎知永州王願撰皇祐三年四月 宋高澣朝陽巖題名

虞曹外郎知零陵郡事高澣子淵田曹外郎通守郡事雷儼仲容同游皇祐五年八月二十八日子淵題

潛研堂目錄正書皇祐五年八月在永州府 嘉慶通志高澣等題名正書八行在朝陽巖

金石補正通守雷儼通志職官作推官恐誤

宋沙門居一華巖巖題名

沙門居一嘗住持是院皇祐癸巳歲重陽日齋 下九字全泐

金石補正正書四行行七字字徑寸許前人未著錄

宋柳拱辰等澹山巖題名

至和二年乙未六月十九日尚書職方員外郎知永州軍州事

柳拱辰以久旱躬禱於零陵王之祠因憩此巖是日得雨時殿直齊懷德大理寺丞章詢判官李方推官蘇台文錄事參軍張服司法參軍李光序零陵縣令孫思道零陵縣主簿張拯信安進士趙揚武陵進士魏堂從行男新黃州司法參軍平奉命題

金石萃編趙揚宋詩紀事載抗揚拈二弟皇祐閒拈爲江源令抗揚與俱名勝志載引流聯句一詩有拈序云公暇事休與弟抗揚坐東軒樂然盤桓共爲詩章云云是趙揚爲拈之弟史拈傳拈字闕道衢州西安人此題趙揚爲信安進士信安爲衢州江名正與拈同貫拈傳不爲附載無事蹟可攷

金石文編澹山巖至和二年六月柳拱辰題名有信安進士趙揚案王安石廣西轉運使蘇安世墓誌云女適單州魚臺縣尉江山趙揚攷衢州唐宋皆稱信安郡西安江山則皆衢之屬縣也揚後官荆湖南路轉運判官見宋史南蠻傳亦有題名見後又自稱會稽趙揚

案右題名正書十二行蘇台文之台宗志誤作臺

宋柳拱辰朝陽巖題名
尚書職方員外郎知永州柳拱辰禮賓副使湖南同提點刑獄李用和尚書比部員外郎通判永州尹瞻至和二年乙未九月四日遊此朝陽巖

金石萃編正書八行

宋柳拱辰等華嚴巖題名
知永州柳拱辰通判永州尹瞻郴州令郭震至和二年十一月二十日遊此

金石萃編正書五行左行
宋尹瞻澹山巖詩

澹山巖詩 尚書駕部員外郎監零陵郡事尹瞻 峩業元化精斬巖大塊坼駭若盤古時呀然巨靈擘狀怪嘔風雷勢遶吞山澤寒暑中外分居僧甘窟宅

金石萃編正書七行

宋柳拱辰柳子厚祠堂記
子厚謫永十餘年永之山水亭榭題詠固多矣韓退之謂衡湘以南爲進士者皆以子厚爲師其經承子厚口講指畫爲文詞者悉有法度可觀今建州學成立子厚祠堂於學舍東偏錄在永所著詞章漆於堂壁俾學者朝夕見之其無思乎至和三年丙申二月二日尚書職方員外郎知永州柳拱辰記

金石萃編正書十三行

永州府舊志案右刻今在華嚴巖側宋時祀子厚蓋在此今其西仍爲郡學子厚祠則專在愚溪矣
宋柳拱辰尹瞻火星巖聯句詩
尚書職方員外郎知永州柳拱辰同尚書比部員外郎通判永

尚書職方員外郎知永州柳拱辰同尚書比部員外郎通判永

州尹瞻暮春遊火星巖聯句詩

千里熙醇政靈巖喜訪尋

登亭雲擁座

拱辰

身徑筍成林 瞻 樂逐天風遠 拱辰 塵隨宿霧

沈 瞻 綺羅紅作隊冠蓋綠交陰

瞻

下顧關河小寒知洞壑深 拱辰

辰 松枯存舊節花老見初心

拱辰

旌榮嵐光潤鶴巖野氣侵 瞻

朋遊敦雅契吏隱共知音

拱辰

愧翁歸拙難攀子厚吟 瞻 城

樓傳晚 瞻 南陌騎駸駸 拱辰

至和三年丙申閏三月二十五

日

金石補正石刻十二行行十五字正書至和三年即嘉祐元年

是年九月改元詩刻在閏三月故應稱至和也詩云愧

翁歸拙難攀子厚吟似子厚亦有火星巖詩抑即西亭甘韻

邪翁歸未詳何人

宋尹瞻火星巖詩

尚書比部員外郎通判永州事尹瞻

郡古時和諍訟銷使君

乘輿忽相招畫船載妓遊巖寺紅旆搖風過野橋就石開樽俎

樹脚撥雲策杖上山腰鳴騶未許歸城去遠望寒林隔水口

金石補正石刻不著年月當與聯句同時使君即柳拱辰也

聯句詩云綺羅紅作隊此云畫船載妓詩酒風流猶有香山

眉山韻致當時未有是禁耳

宋盧臧三巖詩並序

永州三巖詩有序 潭州湘潭縣主簿權永州推官河內盧臧

撰 永之東南三巖相望身堅貫險外峻內夷溽瀟之閒號為

佳絕火星巖斬亂石怪聳于傍曲紫斜通後瞰山腹往時黃

冠師宅其側塑火星像為人祈福今字壞基存緇徒構宇而居

朝陽巖後阜前江呀淵邃旭日始且華榮先及小亭巋然立

于右岸澹山巖依山而上緣穴而下深入虛廣踰數十畝秦始

皇時周正實之居今為佛圖山富竹樹澹竹為多其後斜穴百

步迤邐而出捫蘿蹬石復有小巖大抵永山類多崑穴茲三者

為極勝至者賞其外塵空而移寒暑也子嘉祐丁酉二年被臺

符承幙中之四月始到永未幾遍歷所謂三巖者且酷愛澹山

虛廣遂櫛其巖石惣刻三詩偶漕臺俞公按部游巖遂持詩以

丐廣屬公好奇博雅既賞會於巖下又從而繼其聲焉其從游

者題名于別石時六月六日也 火星巖 巖扁瞰羣阜疇昔

道官鄰熒惑標名舊浮屠締構新石寒長滴乳地潤不生塵吾

到期深入虬蛇勿噬人 朝陽巖 瀟湘峻岸傍巖穴號朝陽

全會江雲勢先分海日光高深驚險易冬夏返溫涼誰肯弃塵

世探窮仙者鄉 澹山巖 誰聞仙窟宅非與眾巖儔樹響晴

翻雨風涼夏變秋禽靈嘯復斷雲怪吐還收深羨羣僧住嗟予

莫少聞

金石齋石正書三十行序題高下不齊其避貞作正注為御

名案仁宗名偏旁從真此蓋避嫌名也

宋俞希孟三巖和詩

范陽同年示及零陵三題率然為答甚愧妍唱 荆湖南路轉運使尚書祠部員外郎俞希孟 火星巖 信美真靈宅呀然洞府通皇家尊盛德南夏享陰功廟貌鄰炎帝峯名比祝融遊人思所謂無獨愛嵌空 朝陽巖 旭日多橫照幽巖得粹華次山名此地瀟水匯其涯峭壁生雲葉危根濺浪花終攜羨門侶晨坐曠東霞 澹山巖 巖腹潛雲拂清涼十畝聞天雷盤古穴人識寶陀山壞像煙嵐溼高僧歲月閑聖時無適客佳境付禪關

金石萃編正書十六行

金石文編澹山巖俞希孟三巖詩首有范陽同年示及零陵三題率然為答甚愧妍唱云云十八字金石萃編脫去其云

范陽同年者即前盧臧也

宋張子諒等澹山巖題名

知軍州事張子諒率通判張德瀉同遊幙中麻延年魏景邑令夏鈞從大理丞陶弼校書郎章望之選吏李綱盧臧實預焉嘉祐己亥四年五月二十六日己未臧題

金石萃編正書八行陶弼史傳字商翁永州人由陽朔主簿

歷知邕州徙鼎州辰州忠州順州加東上閣門使未拜而卒此題大理丞則傳所略傳又稱弼能為詩故其詩雜見方輿

勝覽后邨千家詩合璧事類集錦繡萬花谷集粵西詩載

後邨詩話諸書中其所著邕州集宋詩紀事采之又史傳稱章望之字表民建州浦城人由伯父得象蔭為祕書省校書郎監杭州茶庫累光祿寺丞致仕此題校書郎蓋未監茶庫時也傳又稱其北游齊趙南汎湖湘西至汧隴東極吳會山水勝處無所不歷有歌詩雜文數百篇此題知軍張子諒同遊蓋南汎湖湘時也其為詩則夏書二篇見宋文鑑 金石補正石刻在朝陽巖補元厂內萃編及湖南省府志均作淡巖題名談

宋吳太元等華嚴巖題名

本州軍事判官吳太元前道州軍事推官鄭平本州錄事參軍張仲回本州司法參軍宋翔東安縣尉范沐口永州員外參軍胡亞夫嘉祐四年八月望日題

金石萃編正書七行左行

永州府舊志秦王昶鄭下缺一范下缺三嘉字剝缺三今悉從零陵縣志惟嘉祐宗志誤作景祐今更正之 金石補正永志胡亞下有夫字石本所無殆據官表添入邪

亞字下似無餘地惟左旁似有一小夫字然亦不全不顯矣吳太元諸人通志職官俱失載吳太元瑤州人慶厯元年張唐卿榜進士

宋張子諒等澹山巖題名

張子諒中樂陳起輔聖麻延年偃夫魏景晦翁廬臧魯卿夏鈞播之同遊嘉祐祫享後十一日

金石文字目錄嘉祐四年十月祫享明堂此題當在是年十月

金石萃編正書六行左行

宋朝陽巖三大字

朝陽巖 嘉祐五年二月五日張子諒書盧臧題記

金石萃編朝陽巖三字正書一行高五尺七寸廣二尺小正

書二行刻於大字左右

宋朝陽洞三字

朝陽洞 張子諒書盧臧題記

永州府舊志案張子諒朝陽巖三字在上巖朝陽洞三字在

下洞水涯

宋宋任等澹山巖題名

皇宋嘉祐庚子六月己巳日提點刑獄度支郎中宋任仲堪同提點刑獄供備庫副使靳元翊公弼按部回游此

金石萃編正書六行

嘉慶通志案零陵縣宗志庚子下多歲字

宋徐大方等朝陽巖題名

徐大方冲道率曹元卿舜臣麻延年仙夫萬孝寬公南黃致適道盧臧魯卿游臧題嘉祐辛丑上元後二日

金石萃編正書六行左行

金石補正右刻亦在補元厂內萃編以為淡山巖通志因之均誤

案嘉慶通志云零陵縣宗志作朝陽巖題名恐金石萃編

誤今詳徐大方後此一日又有澹山巖題名則此為朝陽

審矣

宋徐大方等澹山巖題名

司刑丞權郡徐大方同上幙權倖麻延年點閱御書警巡馬公

弼零陵令夏鈞從奉宸前知懷遠曹元卿邵陽幙萬孝寬前荔

浦令黃致前湘潭簿盧臧預游嘉祐辛丑上元後三日臧題記

金石萃編正書八行

宋蔣緯澹山巖詩

題澹山巖 郡進士蔣緯 風生崖木響竊散洞門寬幽徑盤

危入青天一面看三冬僧定暖五月客游寒縱有通神筆亦應

圖出難 嘉祐六年正月廿四日孫州院孔目官褒上石并書

金石萃編正書八行

宋陸訛澹山巖題名 聖宋嘉祐辛丑歲六月三日轉運使尚書刑部員外郎直集賢

院陸誥介夫按部游此攜家人與仙姑同至

金石萃編正書七行陸誥史傳稱餘杭人進士起家簽書北

京判官加集賢校理通判秦州判太常禮院吏部南曹提點

陝西刑獄徙湖南北轉運使直集賢院進集英殿修撰知桂

州至邕州集左右江四十五崗首詣麾下補置將吏更鑄印

軍聲益張召爲天章閣待制知諫院道除知延州知成都熙

寧三年卒此題轉運使尙書刑部員外郎爲傳所略其云按

部游此者卽至邕州集左右江崗首之時也

金石文編陸誥澹山巖題名中之仙姑當卽元祐辛未高公

傑題名所云何仙姑也歐陽公劉貢父皆紀何仙姑知謝仙

火事當時信爲眞仙然貢父謂謝仙火乃南方賈人自刻姓

名紀其物歐公謂仙姑晚年羸瘦皺黑第一衰嫗又云死後

都無神異二公乃博達有識之儒故能不爲世俗所惑而辨

其繆觀誥以轉運使按部游此攜家人與仙姑同至及高公

傑宿何氏仙姑家覽仙姑得道處之語則知今傳奇中以何

仙姑列於八洞神仙中其來有自也金石萃編以誥按部游

此爲至邕州時非是

金石叢案誥先爲湖南漕後帥廣西故瞿氏云唐宋世主好

道崇元士女皆習方術仙姑既起凡眾何爲馳逐勢要自炫

怪蹤此題家人與仙姑同至其亦春秋之筆與

宋馮璟等澹山巖題名

馮璟唐輔會蕭固幹臣蕭注岳夫魏景晦翁何廓伯達張子山

景仁蕭澈子源辛丑秋社日遊

金石萃編正書六行左行蕭注史傳字巖夫臨江新喻人舉

進士攝廣州番禺縣以破儂智高功擢禮賓副使廣南駐泊

都監知道州拜西上閣門副使居邕數年坐貶秦州團練副

使累起爲邠州都監累知桂州此題不書年號但云辛丑秋

社日稽其時爲嘉祐六年蓋知邕州時便道遊此而題也

金石文編蕭固亦新喻人見宋史李師中傳王安石爲撰墓

志固凡三知桂州今廣西臨桂有嘉祐三年七月題名乃其

最後知桂州時也後值申紹泰反貶官則嘉祐五年事此題

辛丑爲嘉祐六年蓋固去廣西任歸經此而題者

金石補正蕭固天聖五年王堯臣榜進士蕭注慶曆六年賈

黯榜進士馬璟萃編及通志作馮璟余所見並無偏傍豈石

經磨泐邪

案馮璟永州府舊志作馬璟

宋闕河澹山巖題名

都官外郎闕河挈家遊此嘉祐壬寅正月九日記男常案敵當

孫陽侍行

金石叢石刻正書五行荆人未見先零陵始入之補零而遺

男下八字今補正

金石補正萬姓統譜闕河尚書郎熙甯進士此刻在嘉祐七年已稱都官郎中則所謂熙甯進士者恐有舛誤省府志均脫時字省志並脫未行

宋宋迪澹山巖題名

嘉祐八年三月初八日轉運判官尚書都官員外郎宋迪遊

金石文編澹山巖有嘉祐八年宋迪題名攷迪字復古雒陽人與兄道字公達皆以進士擢第竝處曹郎悉善畫山水師李成運思高妙筆墨清潤當時以為秘重又善畫松或高或臥或孤或雙至於千萬株森然殊可駭見宋郭若虛圖畫見聞志及元夏文彥圖繪寶鑑瀟湘八景之名蓋始於唐末五代米元章謂李營邱已有圖据事實類苑云度支員外郎宋迪善為平遠山水其得意者有平沙落雁遠浦歸帆山市晴巒江天暮雪洞庭秋月瀟湘夜雨煙寺晚鐘漁郎落照請之八景好事者多傳之與沈括夢溪筆談所載略同又湘山野錄謂長沙八景臺宋迪度支工畫有平沙落雁等名謂之八景僧惠洪各賦詩於左則又似此圖名目實始於迪蓋八景圖正迪官荆南轉運判官時作而湖南舊志職官無其姓名故為表而出之

金石書石刻甚小用筆極似鍾紹京迪益不獨以畫擅長也

案宋迪題名金石萃編云正書四行永州府舊志云係行楷

楷

宋解舜卿等羣玉山題名

解舜卿梁宏董乾粹馬定周均劉湛治平二筆清明晦一日同游以上潘景純張名之下另書

金石書石正書兩方在中山亭側潘景純熙甯時郡守蓋續題者

金石補正馮定永志誤作馬定此題左行宗氏亦未言

宋梁庚等澹山巖題名

新賀州桂嶺令梁庚子西泊弟零陵令宏正卿進士真隱甫陪郡幙項隨持正新清湘尉蔣忱公亮進士周鎬毅甫同游治平乙巳九月十四日題

案石刻金石萃編作正書七行左行梁庚作梁庚縣志府志審正係行楷庚實庚今從之

宋項持正等澹山巖題名

持正子西公亮巨卿毅甫隱甫同游治平貳年九月十四日隱甫題

甫題

金石萃編正書六行左行

宋鮮侏澹山巖題名

轉運使河東鮮侏步按上六州一監渡瀟湘一水厯三門崑九

龍洞至永遊朝陽澹山二巖悉非人力乃神物所造之景通判樂成縣合梁宏共行治平二年十一月三日題石

金石萃編正書七行

金石文編宋至道三年分天下為十五路天聖中析為十八元豐又析為二十三其時荆湖又分為南北路置轉運使攷王存九域志南路為潭衡道永郴邵等州及桂陽監當即此題名所云上六州一監也

宋樂咸澹山巖詩

尚書都官郎中通判軍州事樂咸 門開巖底洞沈沈賣乳雲泉矢路深香石峭峯千載異龍潭幽穴四時陰僧居築室隨高下客到畱題見古今南出零陵一舍地清瀟堤上好追尋 治平三年正月十五日書 住持傳法沙門□□立石

金石萃編正書七行

金石補正前飛白書六字諸家未見去書作矢王氏作出瞿宗作矢均誤通志有立石一行而缺先字永志失錄樂咸署通判官志以為推官或經遷轉

宋陳藻等澹山巖題名

尚書都官部中知軍州事陳藻君章尚書虞部員外郎通判軍州事周惇頤茂叔郡從事項隨持正零陵合梁宏巨卿同遊治平三年四月六日題

金石萃編正書八行

宋梁宏等朝陽巖題名

臨江梁宏巨卿廬陵董乾粹承君東都張堯臣伯常王獻可補之治平三年季秋二日偕游

金石文編正書五行

宋程濟等朝陽巖題名

荆湖南路提點刑獄公事尚書職方郎中程濟治之尚書虞部郎中知軍州事鞠拯道濟尚書比部員外郎通判軍州事周惇頤茂叔治平三年十二月十二日同遊永州朝陽洞

金石萃編正書五行

湘僑聞見偶記周子題名在朝陽洞下西壁巖屋中不慮風雨

宋范子明等澹山巖題名

前八桂倅范子明同永嶼項隨合梁宏掾董乾粹遊澹山治平丙午膺月吉誠叔題

金石萃編正書六行左行

金石補正萃編八下誤多日字案明統志云八桂其名本出仙經後人因植八桂於堂前故又以名郡潘溪董鴻道詩云二十年前八桂回八桂蓋即桂州也

宋沈紳澹山巖題名

治平四年正月壬申轉運判官尚書屯田郎中會稽沈紳公儀行春陵遼瀟水還經澹山寺

金石萃編八分書五行

宋沈紳等華嚴巖題名

荆湖南路轉運判官尚書屯田郎中沈紳公儀尚書虞部郎中知軍州事鞠拯道濟尚書比部員外郎通判軍州事周惇頤茂叔治平四年正月九日同遊永州華嚴巖

金石叢正書五行字方嚴三巖相類疑即周子所書

宋周元公澹山巖題名

比部員外郎通判永州軍州事周惇頤治平四年二月一日公牒歸春陵鄉里展墓三月十三日迴至澹山巖將家人輩遊姪立男壽燾姪孫蕃侍

金石萃編正書七行周惇頤史道學傳道州營道人東都事

略作春陵人案春陵見後漢光武紀春陵節侯買注云春陵鄉名本屬零陵在今唐興縣北唐興縣名武德四年所改天寶初改延唐縣後唐天福中改延喜縣宋乾德初改甯遠縣

是春陵本唐興縣之鄉名偶見於光武紀其地本與營道為鄰觀周子自題云公牒歸春陵鄉里展墓可知其家在營道先墓在春陵傳著其貫而東都事略則用其先墓所在之古鄉名也傳又云以為分甯主簿調南安軍司理參軍移郴之

桂陽徙知南昌歷合州判官通判虔州熙甯初知郴州為廣東轉運判官以疾求知南康軍因家廬山蓮花峯下卒此題凡三見前治平三年題尚書虞部員外郎通判軍州事後治平四年二次題比部員外郎通判永州軍州事皆傳所不載又侍遊者有男壽燾姪立姪孫蕃而傳祇載男壽燾不及立蕃且但稱壽官至寶文閣待制不詳事蹟書譜引魏鶴山集稱濂溪先生帖遂甯傅氏藏則周子有書名也書錄解題載濂溪集七卷是有詩文著述也而傳皆不載惟東都事略載其南安司理之後有通判永州一語較史稍詳宋詩紀事載壽字季老一字元翁元豐五年進士初任吉州司戶次秀州知錄終司封郎中澉水志載其題金粟寺庵詩蓋官秀州時作也又元翁詞翰之妙前輩多稱之語見朱子文集紀事又載壽字次元元祐進士為貴池令官至寶文閣待制成都文類載其壽雪軒詩咸淳臨安志載其遊天竺觀激水詩是嘗至浙至蜀矣凡此皆可廣史所未備也

金石跋尾續右周茂叔題名在永州澹山巖其文凡七行五十四字宋史道學傳敘元公歷官頗詳獨不及通判永州得此可以補史之缺史容注山谷外集云濂溪二子壽字季老後改元翁於熙甯五年黃裳榜登第終司封員外郎壽字通老後改次元於元祐三年李常翁榜登第終徽猷閣待制本

傳但云壽終實文閣待制而不及壽官位亦爲漏略茲因題名而牽連及之

宋鞠拯等澹山巖題名

尚書比部郎中知軍州事鞠拯道濟尚書比部員外郎通判軍州事周惇頤茂叔軍事推官項隨前錄事參軍劉璞零陵令梁宏司法參軍李茂宗縣尉周均治平四年三月十四日同遊永州澹山巖

金石萃編正書八行

宋鞠拯等朝陽巖題名

鞠拯項隨安瑜鞏固李忠輔蔣之奇治平丁未秋九月游朝陽巖

永州府舊志正書五行左行

宋鞠拯等朝陽巖題名

熙甯改元守倅浚儀鞠拯四明魏羔如上巳日瞻敬火星巖遂遊朝陽洞境趣幽絕莫名其狀徘徊盡樂因筆以紀歲月

金石叢正書六行

金石補正魏羔如倅永州通志職官不載宜據補之

宋荆延年等澹山巖題名

荆延年歐陽問趙良范成之張處厚熙甯己酉二月十七日遊

金石萃編正書五行

宋范敏求等華嚴巖題名

范敏求李唐輔曹甫胡正甫甫鞠甫 似子甫 似甫李輝甫熙甯二年冬十月七日同遊曹謹叔題

金石叢行書六行

金石補正永志於鞠字下注云似子字甫字番之子字不該予下是儀非甫又云同旁多水子作子皆謬番之同字並不從水名字稱予者甚多宗氏何以爲謬耶李唐輔名公度見涪溪題名

宋曹洪叔等華嚴巖題名

熙甯六年冬十月七日曹洪叔胡正甫陳輝甫胡子發題案上題名作李輝甫此作陳輝甫疑有一誤否則或兩人

與

宋楊永節等澹山巖題名

供備庫使前知全州軍州事楊永節公操前提舉廣西常平太常丞關杞蔚宗河陽節度推官知零陵縣事楊巨卿信甫熙甯七年三月十九日同遊

金石萃編正書七行

永州府舊志案右刻似徐浩書三人分題不連屬

宋柳應辰澹山巖記

零陵多勝絕之境澹山巖爲甲觀東南一門而入廣袤可容千

人竇穴嵌空物象奇怪有不可得而狀者中貯御書歲度僧一人僧徒惟利居處之便而不顧蔽映障遏之弊連葺接楹重基疊架疣贅延蔓殆將充滿甚者囊穢積聚煙爨熏蒸道燧陰黑非秉炬不能入太守丁公僑處事剛嚴始至大不憚悉撤羣僧之舍俾居巖外惟書閣殿像得存餘一椽一木無敢留者他日公率應辰大理寺丞楊傑河陽節度推官楊巨卿同至遊覽層構一空眾狀在目開築塞為通豁破昏暗為光明實人情之所共快若石田藥曰之處皆晴景所及客有言物理顯晦固亦繫乎時耳熙甯七年甲寅九月十五日尚書都官員外郎通判永州軍事柳應辰記

金石補正 永志障誤漳徹誤撤共快上誤多所字又石刻廿一行宗氏以為十行大誤

景真者廓清而培護之邪

宋柳應辰火星巖遊記

昭昭兄至和中以職方員外郎來守零陵宣布條詔百廢咸治建州學明教化之本作土風記盡民俗之事乘暇數為火星巖之遊磨崖題詠於此為多竊觀暮春聯句尤極佳思研鍊精切傳布人口熙甯七年應辰亦以職方通理茲郡徧覽遺蹟惻然

追感噫相去二十二年矣悠悠歲時人不可見江山風物甯石異於當年每到躊躇久不忍去武陵柳應辰明記

金石補正 書九行在零陵城西南一里火星巖昭昭兄即柳拱辰也李蓋本字說文本從不一在其下此乃從十則當時俗書也宋六朝唐碑中多有之

金石補正 通志府學舊在府城外唐刺史章甫建後遷愚溪宋至和中郡守柳拱辰遷建城東高山之麓與記所言建州學者相合土風記志乘藝文所未載書之不傳久矣宜據此存其目也記又云磨崖題詠於此為多是昭昭遺蹟不止此數即暮春聯句至今始顯可見古刻固存不乏特無人緝求之耳

宋楊巨卿等澹山巖題名

河陽節度推官知零陵縣事錢塘楊巨卿信甫率大理寺丞監潭稅泉南蘇頌澹道零陵縣尉葵邱盧綜貫道同遊澹山徧尋巖穴之勝子儼道輔有期不至熙甯七年九月戊戌謹題 梓

作石永洪此在前

金石萃編 八分書十行楊巨卿兩度遊澹山一在正月一在九月夫以官為縣令而能題名紀遊則其居官政績從容餘暇可知而稽之浙江通志杭州府志俱不載其人蓋修志不廣采金石則人物遺漏文獻無徵積病由來已久附識以為

昭昭兄至和中以職方員外郎來守零陵宣布條詔百廢咸治建州學明教化之本作土風記盡民俗之事乘暇數為火星巖之遊磨崖題詠於此為多竊觀暮春聯句尤極佳思研鍊精切傳布人口熙甯七年應辰亦以職方通理茲郡徧覽遺蹟惻然

昭昭兄至和中以職方員外郎來守零陵宣布條詔百廢咸治建州學明教化之本作土風記盡民俗之事乘暇數為火星巖之遊磨崖題詠於此為多竊觀暮春聯句尤極佳思研鍊精切傳布人口熙甯七年應辰亦以職方通理茲郡徧覽遺蹟惻然

志乘家之勸

金石文編沛卽酒字酉字古文作𣎵故从酉之字用此其義

可通

宋魏泰朝陽洞詩

題朝陽洞 七鑿混沌死萬竅從此生海水能幾何吐口下渴

鯨歸期不妨晚霜日背林明 熙甯□□魏泰□□

金石書前於楊巨卿題名見道輔二字疑是魏泰適得泰此

詩審其名上剝蝕處上存臣下存丁其下似書干支而不可

辨當是甲寅乙卯之閒也考宋史歐陽修傳泰嘗橫行漢南

規占田園恃爲曾布婦兄布執政後又譖修之子棐於布其

所作臨漢隱居詩話極詆永叔信非正人卽其論詩以有味

爲主此詩安見其有味乎

金石補正右魏泰詩不見年月永志列於熙甯云名上剝蝕

處上存臣下存丁今以拓本再四審之一無所見其言不敢

信也案魏泰亦見於澹巖李昭輔題名係崇甯甲申所刻此

詩當次於崇甯初庶幾近之朝陽洞上宗氏增一題字石刻

所無不可晚誤作不妨晚

宋楊傑澹山巖題名

熙甯甲寅歲十月十一日承乏長沙局因祠零陵王迴至此華

陰楊傑英甫記

金石萃編正書六行左行楊傑史傳字次公無爲人舉進士
元豐中官太常者數任元祐中爲禮部員外郎出知潤州除
兩浙提點刑獄卒此題華陰楊傑英甫與傳不合疑別一人
嘉慶通志案楊傑官大理寺丞見涪溪題名又按迴至此零
陵縣宗志作適至此

湖南通志卷二百七十一

湖南通志卷二百七十二

藝文志二十八 金石十四

宋李燮等火星巖題名

都官郎中知零陵郡事李士燮和叔職方員外郎通判郡事柳

應辰明明 熙甯八年乙卯十二月十一日臘同遊火星巖次

遊朝陽巖

金石齋石正書七行在中山亭亭舊在羣玉山之背今惟崖

石而已

永州府舊志案宋史禮志建隆初以戌日爲臘三年有司議

以戌日爲臘前七日辛卯行蜡和峴奏言蜡蠟也不宜異日

卒從之是歲蓋十一日達戌也

金石補正江西通志李士燮字和甫宜春人初名梁登慶麻

六年第爲人剛正不撓嘗知郴州吏民畏愛未嘗見其笑容

仕至職方郎中据此題名則字和叔非和甫知永州非知郴

州疑江西志誤或亦嘗知郴而志於其知永略之

宋王辟疆澹山巖詩

熙甯九年正月上旬太常博士王辟疆題 洞府深沈別有

天炳然精貫碧屏巖鬢開混沌千年斲破蓬萊一朵山日玩

嵌空僧不厭時探幽怪吝愁還若教元子當初到官使朝陽播

世間

金石補正強當是強字之俗訛諸家皆作疆永志舛誤甚多始未見拓本耶詩云兩門相貫碧屏巖卽柳應辰記所謂東南二門也乃作炳然精貫尤謬

宋蔣之奇澹山巖詩

題澹山巖 蔣之奇字穎叔 零陵水石天下聞澹山之勝難

具論初從巖口入地底始見殿閣開重門乃知滋潤最殊絕洞

內金碧開祇園寬平可容萬人坐仰視有若覆盎益虛明最宜

朝日照陰晦常有元雲屯盤虬天矯垂乳下異獸突兀巨石踞

香山一抹在崖壁人跡悄絕不可捫靈仙飛遊享此供常駕蹕

馭乘雲軒我來正逢春雨霽氛翳開廓陽景溫呀然雙穴露天

半籠絡萬象將并吞只疑七竅混沌死五竅亡失兩竅存神奇

遺跡未泯滅至今猶有斧鑿痕雲牀石屏極隈隩昔有居士常

潛蟠避秦不出傲徵召美名遂入賢水源咸通嘗爲二蛇窟元

暢演法蛇輒遷從茲其中建佛刹樓隱不復聞世喧惜哉此境

久埋沒但與釋子安幽禪次山子厚愛山水探索幽隱窮晨昏

朝陽迫迫若就徑石角禿鬪如遭髡豪篇矜夸過其實稱譽珉

石爲瑣瑣環觀珍賞欲奄有不到勝處天所慳嗟予至此駭未

覲不服稱讚徒驚歎恨無雄文壓奇怪好事略與二子班蕪詞

願勒岳上石勿使歲久字滅漫熙甯九年正月廿二日過此書

周甫張吉刊

金石萃編正書十八行

金石文編此詩不見姓名而金石萃編及縣志皆屬之蔣之奇史傳言穎叔於神宗時由殿中侍御史貶道州監酒稅此詩蓋其時所題也詩中云雲牀石屏極限陝昔有居士嘗潛蟠避秦不出傲聘召美名遂入賢水源考零陵記曰周貞實零陵人居淡山石室秦始皇下詔徵之三徵皆不起遂化爲石宋零陵令王淮澹巖記略與之同周貞實作周正實避宋諱嫌名改也今縣志猶作正非是志載穎叔此詩脫去靈仙飛遊享此供以下四句餘亦多譌字當据石刻補正之

金石補正此詩作於元年諸家皆誤爲九年潛研獨不誤其書故徵信而可貴也宗氏云悉從拓本補正而標題四字失載猶可謂拓工所遺其以蔣之奇六字系於過此書之上何也萃編已載於詩刻之前而云王司寇佚蔣之奇六字又何也一株之株舊志不誤反以爲誤舊志所誤卒未校改又何也其餘譌字亦多

宋蔣穎叔澹山巖題名

澹山巖零陵之絕境蓋非朝陽之比也次山往來湘中爲最熟子厚居承十年爲最久二人者之於山水未有聞而不觀觀而不記者而茲巖獨無傳焉何也豈當時隱而未發耶不然使二人者見之願肯夸其尋常而遺其卓犖者哉物之顯晦固有時

何可知也蔣穎叔題

金石萃編正書九行左行蔣穎叔名之奇常州宜興人史傳稱其以蔭得官擢進士第至太常博士又舉賢良方正英宗擢監察御史神宗立轉殿中侍御史坐貶監道州酒稅改監宣州酒稅新法行爲福建轉運判官崇寧元年累除觀文殿學士知杭州以疾告歸卒此題不著年月亦不著官位當是監道州酒稅時所題其監道州也由畔歐公之故爲清議所薄穎叔必有不得意者故題云物之顯晦固有時何可知也其大指已見乎詞矣穎叔能詩零陵縣志載其遊澹巖七古一首又載其遊朝陽巖七古一首王弇州稱其工書有蘇黃法則此題句百餘字亦足貴也

宋石角山和柳應辰詩

無窮當時共指白下 外今日行青嶂中案牘暫休聊自適藍 興乘興若爲同九疑秋約心先到巖口 斑桂子紅口 途同望日 尚書職方外郎通判軍州事柳應辰上石時皇宋熙寧丙辰仲秋下游日也

金石補正石詩殘泐不知何人所作前當有明明原唱也首行所缺書之似是零陵道三字第三行當是和詩人姓名全蝕矣石既磨泐拓亦不精惘然石角題刻從未善錄已已夏

屬譚仲維搜獲四段恐尚有遺縑樓在永日久其輯府志時
廣搜金石乃距城數里而近卒未過訪可訝也

宋柳應辰等石角山題名

續○○○○通判柳明明判官沈子瞻同遊石角亭又東遊至
此愛其清曠之景後

金石補正石刻前後失拓神宗朝與柳應辰同時而任判官
者志不載一人沈子瞻不知何名不見年月附前詩後

宋柳應辰澹山巖題記

熙寧九年十月二十七日太守李公士燮召游澹山巖巖之風
物氣象真隱者之所居竊思次山子厚雅愛山水在永最為多
年獨於茲巖無一言及是必當年晦塞未為人知惟大中十四
年張顥有石室記略載其事是歲懿宗改元咸通迨今二百一
十七年矣後之游瀟湘者以不到澹山為恨幽絕奇勝實亦可
觀之地通判零陵郡事柳應辰記

嘉慶通志正書十行

金石叢石室記想亦刻石柳氏猶及見之張顥大中時郡守
也

宋秦日新等澹山巖題名

儀真秦日新得之嘉興潘景純和叔長沙李茂宗慶儒熙寧九
年十二月中秋同遊

永州府舊志行楷書四行

宋胡奕澹山巖詩

一景曲彎彎初遺號澹山崖邊煙草亂石上雨苔斑客往長時
望僧居永日閑幾迴將欲去心只在巖間 熙寧九年丙辰歲
安定胡奕題

金石萃編正書六行

金石叢石零陵補志改一景作一徑今從元刻

金石補正萃編及省府志均失載標題三字

宋趙揚澹山巖題名

至和乙未歲予為舉子過零陵陪太守柳侯拱辰禱雨因至澹
山巖於今廿三年始得再遊其間絕景勝致當日賞愛之處髣
髴如舊觀石間題名緬懷柳侯久為異物使人惘然不能自己
熙寧丁巳清明前二日荆湖南路轉運判官尚書屯田員外郎
會稽趙揚題永州軍事判官衡陽黃鎮同來

金石萃編行書八行

金石文編案元豐三年趙揚尚為轉運判官則其在官之久
可約略得之題云至和乙未云云即前題名事也

宋蒲宗孟等東湖題名

石勝志在零陵縣東山之西熙寧間蒲宗孟奉使荆南與朱
思平喬執中彭次雲李士燮暨官屬來遊題名

金石文編攷宋史蒲宗孟傳宗孟於熙甯初爲集賢校理奉命察訪荆湖兩路奏罷辰沅役錢及湖南丁賦遠人賴之喬執中史亦有傳云王安石爲政引執中編修熙甯條例選提舉湖南常平蓋正與宗孟同時官此故有此題名王安石於熙甯二年參知政事此刻當在二年之後又彭次雲見廣西臨桂冷水巖有元豐二年和陳倩詩石刻題銜云權發遣提點刑獄公事秘書丞當即其人

宋項衛等石角山題名

石角亭在零陵郡城之東五里唐柳子厚之所命名也元豐戊午中春戊辰尙書郎知州事廬陵項衛口甫率尙書外郎通判州事保定王承渥繼先尙書外郎松陵丁餽伯才郡從事黃鎮公望相與游其上適意終日遂書于石

金石補正九行正書王承渥省府志以爲推官得此足勘其誤并可補其里貫黃鎮衡陽人省志以爲推官府志据澹巖題名改爲判官此刻署郡從事或其時兼攝參軍或經遷調歟項衛丁餽不見於志丁餽不署府寮其亦謫居者耶石角亭志亦失載可据此補之

宋孫碩等澹山巖題名

長沙孫碩景博陳勛彥成衡陽黃慧由明衡山侯天麟叔祥同遊元豐二年四月題

金石文字目錄正書元豐二年四月在永州府

嘉慶通志案右刻見零陵縣志考長沙孫成象長子頊字景修咸平間進士終太常少卿次子頤官靈川令見劉摯撰成象墓志此題名之孫碩字景博當即頤頤之族兄弟

金石補正慧字見左傳說文及西京賦小爾雅云慧教也與明字之義相近又案石刻上半其字偏左疑此字未全侯天麟元祐五年鄉舉

案石刻黃下通志作惠永州府舊志作慧云攷陳逸人碑

篆文慧同忌籀文則從巽從心與惠異其字則行書今以府志攷攷較詳於通志改惠從慧

宋張申等澹山巖題名

凌江張申仲甫廬陵毛君卿正甫衡山侯天經元則汴陽盧綜貫道衡陽黃廣成壽翁長沙馬初平祖衡元豐己未季秋六日同遊

金石萃編正書五行

宋米芾書秀巖二字

零陵縣志武朝陽巖西亭宋邑令王淮鐫米元章秀巖二字於上

永州府舊志案秀巖二字臨武亦有之亦王淮所刻蓋淮素藏此書所至模勒耳

宋朱正一澹山巖詩

祥符朱正一畱題澹山巖 秦會羽客駐真跡唐有禪翁嗣結緣石竇去深開洞府天門明顯逗風煙香山聳迹傳危壁怪木盤根長絕巔千古靈踪誰可問脚躡瞻想不知還

金石竇石刻行書六行漸染米體知其為宋人筆攷宋史朱昂傳其子以正字為派行此當為其族人

金石補正永志列元豐間不足為據茲附宋末

宋陳遵等澹山巖題名

朝請大夫郡守陳遵朝請大夫通判蔣僅宣義郎前監鹽張仇軍事判官時宥縣尉劉日章元豐八年乙丑六月十一日同遊

金石萃編正書六行陳遵史傳字亨伯自江甯徙永州登進士第累知雍邱縣徽宗將以為御史而遭憂畢喪為廣西轉

運判官欽宗立積官至光祿大夫徙知中山金人再至受圍為步將所害此題元豐八年為郡守傳全不載當別是一人

金石文編陳遵題名在澹山巖署銜云朝請大夫郡守而宋史忠義傳不載金石萃編疑其別是一人攷遵為廣西運判

乃崇甯五年見臨桂龍隱巖題名在元豐八年後二十二年

宋蔣僅火星朝陽澹山三巖題名

蔣僅屢遊元豐乙丑題

金石萃編正書二行

案永州府舊志三巖文並同通志作澹山縣志作朝陽特

各舉其一耳

宋李氏義莊記

侯延慶同莊記元豐中永州守吳潛撰刻於永州

宋李氏義莊後記

侯延慶同莊記吳潛撰李楷刻

宋王子京澹山巖題名

余謫居零陵踰年邂逅建安練亨甫潛夫亦有嘗道之行同遊

是洞且世之所謂名山洞府者雖未嘗周游而歷覽如建之武

夷溫之鴈蕩台之天台處之僊都皆天下勝絕處也余嘗為部

使者探奇索幽殆無遺矣然求是洞之聳拔峭竒寬容昭曠風

雲含虛日月匿景蓋未之有也以四山之勝尚無有若是洞者

則天下之洞不待遍觀而後可知也元祐二年孟冬十九日遵

萊王子京碩甫題男樛榿隨之

金石補正正書十二行行十四字在巖頂同治癸酉始搜得

之王子京史無傳立朝何職遷調何事均未得悉練潛夫有

陽華巖詩得此刻知其名亨甫矣

宋張綬狄咸華嚴巖題名

張綬狄咸同遊花巖巖元祐三年十月廿七日關山住持口正

進士周賈刊

賈宇訪碑錄石刻在花巖巖定二年盛口題名石隅
金石萃編正書四行左行

嘉慶通志案零陵縣宗志正上缺字作筮又以進士周賈四字係於張綬之上更以紀年月日係於進士之上尤謬

宋張綬刻蔣之奇朝陽巖西亭詩

遊朝陽巖遂登西亭詩有片 晉陵蔣之奇 朝陽巖在瀟江

之西去治城不遠永泰二年元次山為道州刺史詣都計兵至

零陵訪而得之以其東嚮更名曰朝陽方是時結有盛名於世

故永州之守口獨孤恂竇必為之翦荆棘建茅閣結又為之銘

與歌其後柳子厚繼為之詩而朝陽之名始大著予至永則邀

口登其巔有閣焉其名不雅予以子厚詩攷之正所謂西亭者

也遂口之為西亭而系之以詩云 口口口口口口口口口口城

嶽岑俯瀟碧亭豁延陽明口口口口口口口口口口口口口口

來涓涓玉鏞鳴疑身雲雷窟尙帶魚龍腥寒江淨瀉鏡怪石森

開屏幽鳥馴可羅潛蛟深莫督梯險接層樓冠頭聳危亭俯睨

極元窗仰攀窮青真襄曠出物表高虛挹元英惜哉非吾土不

得憩此生舊業寄陽羨故園依普陵秋風瀟湖白春色頤山青

一從神芻去遂使猿鶴驚迂疎暗時機屏瑣叨官榮謫粟分所

宜媿惡顏已盈人生詎有幾世累吾方輕願言解羈紲上疏還

舊纓甯居召魂魄恬養休性情紛華屏外慕沖澹巖中局窮年

伴農圃畢志先疇耕 朝陽巖西亭近世相傳失真治平丁未
中穎叔由御史謫官道州始考正其名而作是詩今過零陵語
太守周處厚遂刻之巖石口異時不失其傳也元祐四年四月
二十日德興張綬題進士口齊書

金石叢石正書二十四行前人罕有搜及者蓋亭圯崖斷惟

拓畏阻所致今得之為至幸也

金石補正通志山川載此刻舛錯甚多永志据石刻錄之亦

復訛缺六字審未細也張綬五峯岩題名云被旨督捕邵永

蠻寇礮岩題詩署街權提點荆湖南路刑獄公事此跋正其

提刑時也通志職官以張綬為永明令恐誤張綬字文結德

興人嘉祐八年許將榜進士權將作監丞按實昭宣使宋用

臣不法事神宗直之蔡京議鑄大錢綬力諫不便自是忤權

臣久歷外任著有梅溪詩集見江西通志

宋林邵澹山巖題名

林邵才中還自春陵遊澹山巖夜宿僧舍明日再遊遂之衡陽

元祐五年季夏二十二日題 憲使按部過此題石左朝請大

夫知永州軍州事周處厚命工刊之

金石萃編前行書五行後正書二行

金石文編此題名後知軍州周處厚題有憲使按部過此題

石之語則林邵必是官判湖提刑者而舊志未收

宋裴彥英等朝陽巖題名

江陵裴彥英俊明蘇臺許師嚴希道宜春夏侯績公愆元祐庚午七月旦同遊僧法達續來

金石書右刻正書五行前人未見

金石補正永志誤同爲日誤續爲隨

宋許師嚴華嚴巖題名

後五十五年師嚴口零陵縣令恭親 先祖少卿權郡日題名不勝愴感元祐六年三月望日謹題

金石書右正書五行師字下已模糊由五十五年追溯乃景祐四年其時郡守爲許瑛證以前後題名始定爲許姓而嚴字乃隱然可辨矣

金石補正通志職官有許師古爲零陵丞而無許師嚴朝陽澹巖題刻亦見許師嚴名均不著官宗氏所定嚴字零字均已全蝕宗氏以意度之并据以補入官表莽矣惟以景祐四年郡守許瑛合之固當定爲許姓耳

宋王觀等澹山巖題名

元祐六年八月十八日王觀巨未許師嚴希衛單師惠連文縝同遊是晝江融君題四明鍾成亦至

金石萃編古篆六行

金石書右江融書王觀題名純用古文變體如元作示祐作

閣皆古文字年作艸本古老子日作以本華嶽碑王古文當作

禾而此作丕則假借玉字觀偏旁作赫乃華古文惟見字古

或作尙而此作冑微變三爲夷字古文許字言旁作心參孫

彛集記字偏旁師作呆見戴明說篆正作宋本古孝經嚴古

孝經作巽而此作絲亦微變希作訂本古老子道作夨本華

嶽碑道下屬乃單字古文非唐字也惠作燮案崔裕暑古

應作燮表光遠集綴始作夷此蓋兩參之連作連遊作連皆

古文連下影當是文字古老子文作彩此少變其意文下燼

乃續古文省志作彥率非也江古作距此變用輕灑偏傍不

從蟲而從屯蓋用碧落文融字而變從省書且虫字古文本
作今也錢詹事謂是江澈者誤君下錫字舊審作錫非是細
審當爲邊字偏旁上從人則雜取過迄等字古文而附益
之邊即邊字古文此人必號君逃也題義雲章作體此作議
變反爲正鍾古文作鏗鍾而此作鏗亦變體也
金石補正王華岳碑作丕八此作丕小異宗氏以爲假借
玉字未盡然也汗簡載有(字)忠恕缺音道下一字頗與
此相似左右各多一筆瞿宗兩家均釋爲單當不誤汗簡文
作(字)云見說文雖今本所無要必有据文文音義皆同宗
氏以古老子文字爲證石旁作(字)與(字)大異矣徹古文作
(字)徹見說文解字此从水旁其爲澈字無疑錢詹事之言最

足徵信宗氏反以為誤耶其云用碧落文而變从省書已屬
紆曲至云由古文本作人則更不相涉人之與公未
可混淆君下瞿氏作錫瞿氏精於篆籀當有所據宗氏釋為
邊殆非其說云走上从人則雜取過迄等字古文而附益之
已極支離且下半亦非止字也下半頗似从尼而字不可識
仍從瞿氏作錫

宋高公傑等澹山巖題名

元祐辛未歲九月因檢潦田楚人高公傑子發吳人許師嚴希
道自賢女廟下宿何氏仙姑家翌日口涉江遊龍宅覽仙姑得
道處因宿僧舍明日遂入歸德福田等鄉沙門文真男敢同來
子發書

金石萃編正書八行左行

嘉慶通志案零陵縣宗志日下涉上無缺字

宋程敏叔等火星巖題名

程敏叔劉資明邢和叔元祐七年九月二十日自朝陽洞過此
試茶

試茶

金石叢石行楷書七行在火星巖字已蝕損

宋劉蒙等朝陽巖題名

臨川劉蒙資明原武邢恕和叔河東安惇處厚元祐七年九月
二十一日泛舟渡江同遊朝陽巖

金石跋尾續右劉蒙等題名六行在永州朝陽巖此三人者
惟蒙不見於宋史恕惇皆在姦臣之列恕本程門弟子為溫
公所知而險狡反覆遂與章蔡為死黨惇西蜀名士東坡送
詩有舊書不厭百回讀熟讀深思予自知之句當亦矯矯自
好者其後章惇與同文獄兩人甘心為之鷹犬欲追廢宣仁
誣元祐諸賢以惇逆可謂喪心病狂者矣惇一入樞府恕僅
終待從生前所得幾何乃令後人見其姓名詬罵不置小人
之無忌憚可惡亦可悲也恕坐蔡確事責監永州酒史有明
文惇傳但云哲宗初政罷為利州路轉運判官歷夔州湖北
江東三路不知何由至永考惇廣安軍人而自署河東蓋舉
郡望而言恕自題原武而史作陽武恐是史誤

金石萃編正書六行邢恕安惇俱見史姦臣傳恕鄭州陽武
人哲宗立累遷右司員外郎起居舍人坐黜知隨州改汝襄
河陽再責監永州酒此題即監酒時也安惇廣安軍人上舍
及第調成都府教授擢監察御史哲宗初罷為利州路轉運
判官歷夔州湖北江東三路是在元祐中未嘗官知永州不
知何以得與邢恕同遊或者嘗官於此而史脫略耳

宋程博文朝陽巖題名

元祐壬申季秋庚子日同臨川劉蒙資明原武邢恕和叔來遊
朝陽洞都陽程博文敏叔書

嘉慶通志案右刻見零陵縣志据石鼓山題名程敏叔有行部湘東之語則敏叔必官荆南提荆轉運者

金石叢石正書五行字徑數寸

金石補正通志職官劉蒙知永州不詳里貫此署臨川可以補之江西通志劉蒙字資深宜黃人治平二年彭汝礪榜進士司馬溫公薦為御史臺主簿歷官朝議大夫蒙為人清潔不可干以私居家友愛所得蔭補先二弟而後二子鄉里稱之資深與資明不同疑是志誤或有二字宜黃與臨川又不同臨川宜黃皆隸撫州當以其自署者為確邢恕監酒通志云陽武人陽蓋原字之誤程博文見江西通志云樂平人皇祐五年鄭嶸榜進士王安石當國問趙抃江南人物抃以博文對自開封戶曹擢為條例司首上參羊事歲減費十八萬緡出知南劍州州有灘甚險博文請以度牒募僧鑿治妖氛起龍門博文縱囚使擊賊自效賊平囚亦如期還積官至司農少卿湖南運判此正其運判時所題也惟鄱陽與樂平岐異樂平鄱陽皆隸饒州當是志誤閩書亦作樂平人云元豐間知州事政尚寬平以僧牒募民鑿黯淡之險行舟無患歷官司農少卿所敘南劍州事較詳此題在元祐四年當由閩

宋孫覽等朝陽巖題名

入湘者

高郵孫覽傳師自桂林移慶陽同臨川劉蒙資明原武邢恕和叔永豐盧約潛禮遊朝陽巖時資明守零陵元祐癸酉三月八日

金石文跋孫覽宋史有傳歷官江淮發運使進寶文閣待制由桂徙廣又廣西臨桂雒山有其元祐六年三月題名證以此題名自桂林移慶陽之語皆合

金石叢行書五行

宋劉蒙等朝陽巖題名

臨川劉蒙資明守零陵原武邢恕和叔責監鹽酒稅長沙從事南陽周玠元錫訟徹過郡同餞倅海陵阮之武子文棟官營道置酒滄州亭遂遊朝陽洞是夕子文宿火星巖僧舍元祐八年癸酉四月十一日記

嘉慶通志案右刻見零陵縣志倅舟下當有脫字莒道恐是營道之譌阮之武時通判永州見後澹山巖劉蒙題名金石叢石行書十行倅字下當是海字莒道實營道末尚有記字

金石補正右劉蒙等再題名瞿氏未見宗氏見之仍未校改何也滄州亭在朝陽洞臨江見永宗建置興廢無攷

宋邢恕等小隱洞題記

予責官零陵歲餘不知有所謂石角者一日臨川劉蒙資明方

武邢恕和叔

金石補正詩十二行款四行行書此刻始見於永志未錄詩篇名勝志誤嘯為蕭通志山川亦載之譌七字其以為朝陽洞者未知其為奇刻也魚屋屋當是尾石有泐文或以為屋字則於義為合於韻似不甚叶

宋邢恕華嚴巖詩

題花巖巖 一簇僧房路屈盤不踰城郭到林樹何人為假丹青手寫入輕綃挂壁看 元祐八年邢恕和叔

金石萃編行書八行時恕方責監永州酒稅案舊志脫標題四字今補之

宋邢恕朝陽巖獨遊偶題詩

獨遊偶題 頽然一睡足巖澗尚潺湲面几卽山郭寂無人世喧 邢恕和叔

潛研堂目錄行書在永州府

金石叢石行書五行極似蘇書

金石補正石刻在沈香洞右當與愚溪詩同時入石通志山川所載尚有一首云濯足臨澄碧和雪臥石室浙憑天風生披襟當呼吸石刻無之或非獨遊詩也

宋劉蒙等華嚴巖題名

臨川劉蒙賈明靜海阮之武子文原武邢恕和叔同遊華嚴巖

名同纂入志也

宋邢恕題愚溪詩

溪流貫清江湍瀨亘百里龍蛇幾盤紆雷雨忽奔駛石渠狀穿鑿怪力祖誰氏突如見頭角虎豹或蹲峙橫杠互枝柱小艇俄紛委蘋藻翳泓澄松竹蔭崖溪兩山東鳥道側岸數魚屋繚然闕深幽梵宇疊危址鍾唄雜灘聲亭臺森水底凭欄幾游目杖策時臨履酒杓間茶鑪棋枰延晷曷放懷得天倪清嘯謝塵滓忽忘兒女縛似接羸秦子願予抽謀身霜鬢處垂耳雅意在延齡丹砂夙充餌馬得茲結廬悵念遠桑梓 右題愚溪寄刻朝陽巖石之左元祐八年癸酉十二月丙辰時謫零陵將去矣原

宋元祐甲戌正月丁丑和叔題

永州府舊志案宗志脫阮之武子文五字以年月置前

金石補正元祐甲戌即紹聖元年也四月改元故正月尚稱元祐

宋劉蒙等澹山巖題名

左朝奉大夫知州事劉蒙右通直郎通判州事阮之武躬闕御書同遊管界巡檢張準知零陵縣事婁瑄祁陽縣令陳衍東安縣令徐處仁零陵縣尉陳寬夫與焉紹聖改元仲秋十二日徐處仁題

金石萃編正書十行徐處仁史傳字擇之應天府穀熟縣人由進士甲科為永州東安縣令蠻人叛處仁入崗開示恩信

變感泣誓不復反此其官東安之政績也後仕高宗初為大名尹北道都總管卒此題在紹聖改元正其令東安時也

宋劉用之等澹山巖題名

紹聖元年甲戌九月七日臨川劉用之行可帥永豐盧約潛禮富川吳克禮子仁同遊零陵澹山巖劉芑盧景防侍行

金石萃編正書五行

金石文編劉用之据廣西臨桂龍隱巖紹聖二年盧約題名用之署街稱朝散郎經略按撫使司句當公事此題名在其前一年當是赴粵西任時道經零陵也

宋張詢澹山巖題名

陽翟張詢承言紹聖二年四月初二日乘興游此以雨作遂宿於惠明院

金石補正石刻在王辟強詩之上五行行書

宋楊公實澹山巖題名

東山楊公實紹聖乙亥仲夏十八日曾遊是巖

金石補正石刻在王辟強詩下方四行正書左行

宋承天思等澹山巖題名

姑蘇承天思靜之衡陽育峯口日同閩唐豐子口時紹聖乙亥仲夏十九日遊此巖可戀數口未足而返題

金石補正六行行書左行在王辟強詩下方右方時上似龍字數下似各字承氏出衛大夫承成之後唐有承宮承晏宋有承敷承之承實

宋曾孝雍澹山巖題名

朝請大夫曾孝雍解江華道由寺下一遊遂行乙亥季秋晦

金石書正書四行字數不齊在曹公美之前孝雍哲宗時知道州故知為紹聖乙亥也

宋張茂先澹山巖題名

紹聖乙亥孟冬五日陪范公滄父曹守季明遊澹山巖郡倅張茂先題

茂先題

金石萃編正書四行

金石文編范滂父名祖禹華陽人中進士甲科從司馬溫公
修通鑑在洛十五年書成溫公薦為正字元祐初擢右正言
改著作佐郎與山谷同修神宗實錄以著作郎兼侍講又召
試中書舍人擢右諫議大夫遷給事中禮部侍郎入翰林為
學士其議論皆關天下大體後以紹述事與言不見聽請外
以龍圖閣學士知陝州復為言者論修實錄詆誣與山谷同
貶其在講筵言簡而當東坡稱為講官第一自元祐間居要
路與東坡志同道合力持國是東坡集中有贈答詩後沒於
煙瘴年五十八東坡為之墓志攷宋史本傳云元祐中為翰
林學士宣仁太后崩紹述之論已興有相章惇意祖禹力言
惇不可用言者論摠連貶武安軍節度副使昭州別駕安置
永州賀州徙賓化而卒而東都事略則云祖禹初提舉明道
宮繼責武安節度副使永州安置再貶韶州別駕賀州安置
與本傳微有不同又攷哲宗本紀公與趙彥若黃庭堅同於
紹聖元年十二月責授散官滂父永州安置至三年八月責
授昭州別駕賀州安置又黃芾山谷年譜云紹聖三年正月
范公安置永州任淵注山谷集云滂父紹聖二年坐史事安
置永州三年移賀州四年移賓州元符元年九月再移化州
十月病卒徽宗即位有旨許歸葬較史傳所記更為詳贍蓋

滂父於二年春到永至三年秋始移賀此題刻於二十年十月
正其謫居永州時也新安曹季明後於三年三月復有題名
此稱曹守根其時官永州郡守耳

永州府舊志案程氏遺書外書范滂父皆作滂夫蓋本號滂
夫尊之者稱滂父耳

金石補正曹季明通志職官誤季為季

宋曹季明華嚴巖題名

新安曹季明紹聖三年三月初九日來遊男友夫及度受侍

金石萃編行書四行

宋朱養源等澹山巖題名

武陵朱養源臨江鄒德常上饒周濟叔餘杭唐欽叟宣城侍其

希聲潯陽周亨甫紹聖四年三月十二日同遊

金石叢行書七行金石萃編作正書誤

宋曹長倫等澹山巖題名

新安曹長倫元友弟長明德昭韓國魏中孚誠老衡陽黃元翰

長蜀郡范冲元長同遊紹聖丙子仲夏十三日江南鄒洵壘題

常題

金石萃編正書六行左行范冲史儒林傳字元長登紹聖

進士累官翰林侍講學士以龍圖閣直學士奉祠卒史

不著冲之里貫據此題知為蜀郡人而其時為紹聖三年丙

子蓋初舉進士也宋詩紀事又稱沖爲祖禹長子紹聖元年進士建炎中官翰林學士守衢州坐與趙鼎有連落職衢州府志有贈了空長老詩爛柯山洞志有遊爛柯山青霞洞天詩皆其守衢日作也可補史之略

宋唐節澹山巖題名

錦溪唐節公禮唐恪欽叟紹聖四年閏月九日

金石萃編行書五行唐恪史傳稱字欽叟杭州錢塘人以蔭登第調郴尉歷仕至靖康初累拜少宰兼中書侍郎以觀文殿大學士中太一宮使兼侍讀二年金人偪立張邦昌仰藥而死此題兩見皆在紹聖四年是其官郴尉時而不自署其官但其真一曰餘杭一曰錦溪錦溪是茗水分流入臨安者非其真而餘杭則真也與傳之稱錢塘者異然傳有知潭州請往錢塘埽墓然後之官遂改杭州之語或因其先墓在錢塘故以爲錢塘人歟又唐節字公禮在唐恪之前似節爲恪之兄但事蹟無考

宋范正思等澹山巖題名

高平范正思子默東沂畢冲子虛吳郡富爲子宣愚溪張縱純

中元符元年十月十九日

金石萃編正書五行范正思仲淹之孫純仁之次子史附見其兄正平傳云正平字子夷父純仁卒詔特贈澤澤官其子

孫正平推與幼弟幼弟似卽謂正思也又云蔡京當國言正平矯撰父遺表又謂李之儀所述純仁行狀妄載中使蔡克明傳二聖虛亡之意遂以正平逮之儀克明同詣御史府正平將行其弟正思曰議行狀時兄方營窀穸之事參預筆削者正思也兄何爲哉正平日時相意屬我且我居長我不往兄弟俱將不免不若身任之遂就獄云云此題高平范正思子默與正平之字子夷同用子字信爲正平之弟惟傳稱范仲淹其先邠州人後徙蘇州吳縣此題高平吳縣無高平之稱或邠州舊名新平郡又可謂之高平耶

金石文編元氏族大全范姓下曰高平又廣韻五十五范下云姓也出南陽濟陽二望考今山東省曹州府屬魏晉時置爲濟陽郡其鄆城縣周時又置爲高平郡則高平卽濟陽也蓋文正公望出濟陽故子默題名自標其望爲高平耳古人姓名上必標所出之郡望後代僅書其見居土著者非是永州府舊志案紹聖四年二月范忠宣以武安軍節度副使安置永州聞命就道其到永州謝表有曰身蒙篤疾已繫兩目之盲舟覆長江僅救全家之溺則諸子必皆隨侍貶所可知忠宣儉德避難居永州與人書但云每日閉門食餽既不知身之在遠見客但問寒暄掃榻奠枕揖客對臥其軀晦至矣宜乎溪巖間不畱名字幸有正思一題而思公者得以考

公之迹人謂公好名好名豈如此哉

宋畢君卿禱雨澹山巖題名

元符二年夏五月不雨二十有一日知軍州事朝奉大夫畢公

君卿躬禱於零陵王祠因過澹山石室行未數里甘雨隨車司

戶參軍程郡司法參軍李師聘零陵縣尉許師古從行鄰謹書

於石

永州府舊志此刻行楷書八行若字微損亦似君字許師古

零陵補志誤作師立今改正字體極似朱巨川告身

金石補正畢公名君卿省府志均誤作若君卿亦嘗知柳州

明統志云畢君卿元祐間知柳州郡初無城君卿始築之民

賴以安通志職官哲宗朝有畢卿知永州蓋脫一君字也程

鄰名失載大觀間有程鄰為廣南西路安撫使係程節之子

當即其人李師聘官志列於徽宗朝云耒陽令或是後來遷

調其為永州司法參軍則所未載

宋孫欽臣等澹山巖題名

長沙孫欽臣仲恭東都賈材彥成春陵王憲將明弟棠叔華元

符二年己卯六月初七日戊寅同遊勝境遲留累日泛舟東下

自禾還潭

金石書右行書八行左行金石萃編作正書誤

宋晉之晞仲等澹山巖題名

己卯仲夏一日晉之晞仲思道農師光道粹甫君宜遊此謹題

金石書右行書四行左行本不著時代惟農師為陸佃號攷

佃本傳以紹聖初元祐史案斥外由海州移蔡州徽宗立召

還未知何以於元符二年嘗至永州疑史有佚文也

金石補正五日通志作二日永志作一日均誤永志列元符

二年按名姓相同尚恐別是一人僅僅字之偶同別無他證

而遽以陸佃當之并以此疑史有佚文如不知蓋闕之謂何

惟此刻確是宋人手筆次宋未俟攷

宋蔡毅等澹山巖題名

隴陽蔡毅允元眉山陳續茂訓韓城范直方師厚高郵秦湛處

度元符己卯十一月十五日遊

金石萃編正書二行左行在林邵題名之左秦湛見詞綜稱

其字處度觀子官宣教郎載其謁金門詞一闕又見宋詩紀

事嘗為韓應胄作枝巢詩先得兩句云云見詩說傳永史文

苑傳秦觀高郵人元祐初累官國史院編修官紹聖初坐削

秩徙郴州此題在元符二年己卯是侍父貶所時也

金石文編攷黃山谷有晚泊長沙示秦處度詩乃崇寧二年

作又有題秦少游詩有長眠橘州風雨寒之句任淵注處度

少游之子少游北歸至藤州卒於江上其子處度護喪棗嶺

于潭

宋韓川澹山巖題名

大名韓川北歸一游弟球子意姪康也康國康伯侍行道士
何守靜偶至此元符庚辰歲六月二十二日題

金石萃編正書六行左行韓川史傳稱字元伯陝人元祐初

薦為監察御史累以龍圖閣待制守穎川徙虢州與孫升同
受責由坊州鄜州貶屯田員外郎分司岷州團練副使道州

安置徽宗立復故官此題在元符三年庚辰正其安置道州
時但自署其貫為大名傳則為陝人殆大名是祖貫耶

金石補正河南超化寺有韓川題名在元祐七年八月當即

其人惜未得拓本一證之

宋重刻蔣緯澹山巖詩跋

進士蔣緯

時前昔郡守王公世則遊是崑讀此詩至青天一

面看輒驚歎曰崑中奇處此句道盡遂相與為詩友士大夫雖

傳誦此詩至今終不知其因今復易新刻竝敘其事以示觀者

建中靖國改元中春望日四世孫務敏謹識

金石萃編行書十五行字數不齊

金石補正王世則通志以為長沙人太平興國八年擢進士

第一揭范石湖鹿鳴燕詩則桂林人也并敘之并省府志均

誤作並

宋張適等澹山巖題名

張適安時迪安道遵安會遠安行招陳莘子野蔣彥才之美唐
逸元道同游壬午中春十八日

潛研堂目錄壬午中春益崇甯元年也

金石萃編正書五行

金石補正張迪德與人大觀三年買安宅榜進士張遵南城

人元符三年李釜榜進士

宋黃庭堅澹山巖詩

題永州澹山巖山谷老人黃庭堅 去城廿五里近天與隔盡

俗子塵春蛙秋蠅不到耳夏涼冬暖總宜人巖中清磬僧定起

洞口綠樹僊家春惜哉淡山世未顯不得雄文鑿翠珉 淡山

淡姓人安在徵君避秦亦不歸石門竹徑幾時有瑤臺瓊室至

今疑回中明潔坐十客亦可呼樂醉舞衣閩州城南果何似永

州澹巖天下稀 政和六年住持僧智口刻石

郭毓新照錄澹山巖在永州零陵縣南二十五里易山接零

陵山水記宋黃山谷始題識之今洞中一石載山谷詩七律

二首南宋王南卿阮者九江人有絕句云涪溪已借元碑顯

愚谷還因柳序稱獨有澹巖人未識故煩山谷到零陵今山

谷詩碑摹本雖剝蝕尚有可觀

金石萃編山谷老人七古詩二首豫章黃先生文集亦載此
二詩皆無歲月攷年譜崇甯二年置鄂州十一月有宣州謫

命三年自潭州歷衡州永州全州靜江府以趨貶所三月泊
浯溪十四日到永州有題澹山巖詩二首是此詩作於崇甯
三年三月也

金石文編山谷澹山巖詩正書七行字數不齊末有政和中
僧刻石一行秦漢篆隸書二十十字俱作廿卅山谷書此
詩二十五作廿五從古也然詩體以七字爲句似當作二十
爲正否則欠一字便不成句矣惜哉澹山世未顯任淵注山
谷集本作次山次山於永州有浯溪及朝陽巖銘澹巖無有
蓋是時未知名也又第二首回中明潔坐十客注云元次山
有大回小回中詩言其水之回洑也此借用今審石刻實作
淡山後人據任注磨改作次山形迹顯然又今志載此詩回
中俱誤作山中石刻本作回與集本合然此字亦有磨改痕
益後人轉欲據誤本改山也任注淡山曰零陵土人謂淡山
以淡竹得名或云嘗有淡姓居之予攷宋王淮記云昔有澹
姓者家焉遂名澹巖又唐張顥記云古有老人處其下以澹
氏稱因名蓋後記爲是故山谷用之淡與澹古通用字故前
人記載不一此刻末有政和住持僧名智下一字上半已漫
滅似高又似嵩姑缺之蓋山谷於崇甯三年題此詩至政和
六年寺僧始爲之勒石也

嘉慶通志案石刻首行山谷姓名下又有庭堅二字蓋近人

見石刻模糊慮人不知故重磨此二字以標識之
金石補正智下所缺是甚字

宋黃庭堅水字橋石壁題刻

零陵縣志在城西四十五里邑人黃佳色記云水字橋旁
黃山谷有題識今剝蝕不可讀

宋黃庭堅朝陽巖題名

崇甯三年三月辛丑徐武陶豫黃庭堅及子相僧崇廣同來

零陵縣志朝陽巖洞門左右石壁如半環黃山谷題名於
壁磨石鐫之

金石補正右山谷題名分刻左右各三行行字不齊海琴在

承久迄未得見譚子仲維爲予搜出之顯晦固有時也徐武
爲永州司法參軍見通志職官陶豫見浯溪詩刻

宋李昭輔等澹山巖題名

李昭輔魏泰黃大臨姚天常蔣存會紆下缺甲申仲冬游澹山
巖

金石書右刻小篆四行篆法秀勁甲申八字雙行書於末行
之後不著年代案紆會布子坐黨事流永王明清揮塵錄所
謂空青蓋指紆也大臨當是山谷兄弟行其爲崇甯甲申無
疑

永州府舊志案汪浮溪撰紆墓銘云文肅公免相言者指公

嘗夜過韓儀公家議復瑤華事且受父密金請付吏詔自申
寶永州入元祐黨建炎時官紆知衢州又云公之謫永州也
黃庭堅魯直過焉得公詩愛而讀之手書於扇其篆隸行草
沈著痛快得古用筆意据此則此刻必紆所書也

宋慕容選澹山巖題名

長沙慕容選公才周伯常達夫自陝西歸里中沿幹零陵特遊
澹山口瞻禮金僊遍遊諸洞次日設僧粥浴逸邈之城下崇甯
甲申仲冬五日湘東朱炳明遠書

金石萃編行書六行字數不齊設粥飯浴殆在澹山寺也飯
僧爲檀越功德次之僧粥亦飯僧之意至設僧浴則創見此
題豈僧浴不易舉亦待檀施耶

宋曹湜等澹山巖題名

開封曹湜邵陽周奇同遊澹山巖崇甯四年六月八日

金石萃編正書三行

宋朱彥明等朝陽巖題名

朱彥明宜春劉聖澤長樂韓陟明崇甯乙酉□□□□□□□□
同□

金石叢行書四行末一行缺

金石補正五行永志誤乙爲元末行存一同字宗氏未見宋
史忠義傳朱昭字彥明府谷人宣和年死節史未敘宣和前

事蹟此刻又泐其里貫不審卽此人否

宋鞏鑿澹山巖題名

眞定鞏鑿辨叔躬閱御書至此歷覽古跡愛其巖穴幽邃氣象
爽然罕□見也徘徊抵暮而歸時大觀二年三月十有七日
男庭實庭實庭老侍行庭實奉命題

金石萃編行書七行

嘉慶通志案零陵縣志見上所缺乃目字又末庭實奉命
題作庭實奉命題

宋蓋侗澹山巖題名

胸水蓋侗公愿因祀靈顯行次巖下就謁住持芳師訪其古跡
歷覽而歸時大觀戊子季春晦日題

金石萃編行書五行

永州府舊志石刻極似米書零陵補志公愿今審實
愿字

宋鞏鑿澹山巖後題名

大觀庚寅閏中秋朝奉郎通判永州事鞏辨叔之題

金石叢石行書二行在李公彥詩左字超逸得椿愛州意

金石補正石刻在王栴題名之左宗氏謂在李公彥詩左者
誤

宋黃□□澹山巖題名

豫章脩水之源楚相春申之裔伯氏之亞於菟之儔有宋宣和歲在壬寅澹山之麓勞農班春劇之崖壁零陵守臣爵里姓字爰告後人大字子綝樊楚孫拱辰從行並觀九兄山谷老人二

詩爲之憮然小字

金石齋右刻行書銘詞五行零二字小行書二行案山谷諸鼻有大臨仲堪皆以八元命名此人隱寓其文殆叔豹也官表宣和時守僅有黃同而署江夏舊望又無一言及山谷當又是一人闕以俟攷

金石補正湖南通志載麻陽同天寺碑照甯間黃叔豹撰叔豹時爲縣尉也此刻在宣和壬寅相距三十餘年宗氏疑爲叔豹所題未知其審

湖南通志卷二百七十三

墓文二十九 金石十五

宋黃同澹山巖詩

乘暇率僚友訪澹山祇閣御書清談久之偶成以豁其思
陰蕭爽訟詞稀乘暇齋莊一陟危雲漢昭回神聖畫珠璣焜耀
古今詩清談習習風聲起薄嘜霏霏雨脚垂它日玉堂誇勝踐
畫圖應展澹山奇 同遊者為誰譙國曹宗文元伯廬江何兒
太和長沙何谷應求臨江何昌辰利見吳興沈元彥端宣和二
年歲在庚子季冬十有七日江夏黃同學古書

金石萃編行書十行字數不齊史有何兒昭武人附見忠義

馬伸傳伸依程頤門以學受中庸以歸兒復受學於伸伸歿
兒嘗輯其事狀但傳不言其宣和時有官永州之事未知即

一人否也

宋襄陽盛澹山巖詩

題淡山巖□□□□襄陽盛□并□ 黃公邱整人闕遍山
水奇晚觀淡巖作獨許天下稀我初頗未信及到迺愧之偉茲
過奇特驟暗心驚疑神靈繡幽秘無乃弗許親捫苔漸深入歎
愕不自持穹窿但一石轉轉周四維廣容千人矚高建五丈旂
巨勢裂地軸虛懸豁天扉森然萬幕張鬱若會雲垂危燈過別
洞絕壁浮煙霏幽房瞰窈窕屏榻如舊治雲霞起坐隅翠嵐蒼

人衣頓覺從來山榛莽驕土塢化石事茫昧馳她知是非井曰
儼避處芝田畱舊畦云昔隱僊宅此理固亦宜元柳蹟不到隱
顯當有時憶我半紀荆已與茲山期了然蘭臺夢宛渡瀟湘
今來恍如昨始悟非人為甯嗟嶺幽遠特爾足自怡無窮軒冕
客有幾能遊斯天應出此境以慰遐荒悲 予自政和五年始
校中秘書書臥館下即嘗夢至此山事具別記

金石審右行楷書十一行後小行書一行字學北海而參米
體極為秀整時次不著案其後識政和五年在秘書而詩云
半紀前則必宣和三四年間至承也其題款襄陽盛三字以
上俱被人磨去襄上一字存其半似亦襄字案襄州襄陽郡
宣和初升州為府此云襄襄陽蓋謂襄州襄陽縣也盛下一
字尚存八字揣之似泰字宋史宣和時貶承未見有盛姓者
湖北通志襄陽人物類亦不載其人書闕有間遺佚者可勝
計與

金石補正永志誤三字詩云憶我半紀前以六十年為一紀
計之當在紹興十七八年然無左證仍從宗氏列於宣和四
年柳即柳之俗字

宋王資仁等澹山巖詩
遊澹山巖詩 朝奉郎通判邵州軍州權知永州軍州事王資
仁 □山之景真尋幽我來為款窮冥搜嵌崿豁自呈露天

匠巧野非人謀撐空突兀幾千仞奇偉萬狀不可侔羣仙祕護人蹟絕元柳不到誰雕鏤惜無好語寫形似歎息欲去仍遲留維予六客信心賞一洗萬古塵中遊 宣教郎簽書道州軍事判官廳公事陳□ 我聞澹山之崑深且幽崆嵌窳寶堪尋搜禪龕剝落氣尚古龍象忽從初誰謀神山窟宅信有口功出天造非人俾弼緘礪呵駭未見石壁字隱苔侵鏤山靈疇昔莫教秘巨蟒豈得於中留比來珠璣重滿把我幸蠟屐欣從遊 文林郎知永州零陵縣事王管勸農公事彭從虎 竹苞未翦山雖幽福庭勝槩難窮搜天公念此久閉塞密召五丁詒厥謀巽維一夕啟窳寶光圓寶闢端相俾方床翠屏廣羅列藥臼香山深挾鍤道人振錫蟒潛遁處土化石崑中留訓狐昨夜又鳴報果是五馬今朝遊 建炎二年歲次戊申十二月五日澹山惠明禪寺傳法沙門善琦磨字

金石補正石王資仁等詩各自書之王彭兩詩行書陳詩作艸體銜名年月正書又是一人手筆則上石時所書也前後共十七行彭從虎合零陵志系於慶元時誤王資仁不見官志陳簽判名泐僅存左旁言字王詩云維予六客信心賞其三人無詩

宋尚用之澹山巖詩

呈琦老禪師用之謹封行建炎庚戌上春十有三日用之同文

發先輩偶遊澹山巖長老琦公接余於寺外且曰不預探知不獲遠接余笑謂之曰訓狐不相報否琦老即謂余曰提刑道力行不動塵鬼神容有不知余嘉其不以偽告而味其言之高也因成二詩以答其意借用山谷老人韻江都尚用之 我來訓狐無所聞老人戲我不動塵道愧未嘗分寸得心灰要似尋常人斷岸危絆藤蔓古殘僧靜對桃李春次山不遇遇山谷倬有妙句垂堅珉 岳深樹綠春長在岳暝雨霽雲初歸天愛護持有神物蛇去因果無狐疑石田藥曰誰與刻香山乳竇苔生衣未聞城南閩州比此景自是寰中稀

金石萃編行書廿二行字數不齊宋詩紀事蒙亭唱和長句張洵倡尚用之和有序曰嘉祐中經略吳公及即伏波巖之左以為亭名蒙漕使李公師中記而鑱於巖之崖亭久埋廢記亦堙沒紹聖改元龍圖閣胡公宗回帥桂林惠使梁公出其家藏蒙亭記以觀胡公斥基而新之云云詩從粵西詩載錄出此題是建炎庚戌距紹聖改元又三十七年不知即一人否紀事不詳用之事蹟而此則著其貫為江都人姑識以備攷

金石文編澹山巖有尚用之和山谷韻詩案用之字仲明會官廣西提點刑獄臨桂諸巖有其宣和閒與張洵同遊題名洵字仁仲浚儀人時官廣西廉訪使者蒙亭倡和詩共五人

首爲浚儀張洵次卽用之次爲晉江呂源次爲三異李昇之次爲邵武葉宗諤也用之稱江都尙用之與此題名正合紀年爲靖康改元丙午季夏乃在此前四年事石刻見存廣西臨桂縣伏波巖其爲一人無疑詩序嘉祐紹聖云云乃溯其從前蒙亭册始事宋詩紀事從粵西詩載傳錄不全遺其倡和年月故金石萃編疑之今爲補正冷齋夜話載陳瑩中北歸過南昌言鄒志完北還至永州澹山巖有馴狐凡貴客至則鳴志完將至而狐輒鳴寺僧出迎志完怪之僧以狐鳴爲言志完作詩云云此尙用之謂長老琦公有訓狐不相報否語及我來訓狐無所聞之句蓋正用鄒道鄉澹巖故事也訓與馴古通用字

永州府舊志案倬字下省志缺今審實有字序味字誤刻作昧詩比字誤刻作北今改正訓狐惡鳥名與飛鳴正合墨木夫謂馴訓通用乃致誤之由但以馴狐爲訓狐則不可借也宋善琦尙詩跋

提刑學士一日同文發先輩來遊澹巖且不預知忽爾輦鑪入寺善琦驚而復謝不獲出山遠迎台旆學士曰訓狐不相報善琦則對提刑道力行不動塵鬼神容有不知而公乃笑迤邐歷觀巖穴頗聽妙語琅清風習習其德可稱如周茂叔越二日詣城謝公於行衙伏承佳篇見惠一覽使人神怡氣逸舊石刻

之與山谷黃公同傳其盛美建炎中春望日住巖賜紫善琦謹跋

金石審右刻正書七行字數不齊在尙用之詩後零陵補志刪改數字今仍依元本善琦則對下省數語從補志建炎下書仲春乃元本疏處神怡補志作神王則誤審拓本故也

永州府舊志案宋徽宗時以紫衣度牒佐宮觀費紫亦濫矣此僧守御書或得自中賜文發先輩當是老僧僧亦以先後輩稱耶

金石補正用之詩引亦稱文發先輩宗氏以爲老僧殆非宋錢伯言贈澹山一師頌并跋

戲書送澹山入院 伯○雲本無心出岫水豈有意趨東勢或使之然者何妨巾拂談空子好逢場作戲我方置散投閑世味久如嚼蠟合向茲山往還庚戌五月二日零陵太平方丈東軒 澹山零陵古招提也復占幽巖之勝異時桑門非号宿老不可妄使棲此一師學通三昧識悟眞空飛錫廬陵來遊衡嶽湖湘檀士皆信向而樂皈禮之零陵郡守吳公從眾之請遂入是刹密學侍郎錢公愛師有素作頌贈行其辭溫潤粹美使人翫讀無斁蓋公之文章如良金玉無施不可發爲頌詠乃其餘事師實重德其賜願勒諸石永爲是山之光云零陵從事劉在中跋 住持比丘守一立石

金石補正右刻分兩截上截十一行行書下截十三行又立

石一行正書案侍郎錢公即潘正夫詩所稱遜叔侍郎者伯

言也其稱密學者嘗為樞密學士也伯言有澹巖詩又有和

潘正夫詩時為建炎四年此頌後題庚戌蓋亦其時所作伯

下所缺當是言字可無疑矣澹巖詩云願受自耕祿和潘詩

萌茨信我無三顧此頌云我方置散投閑語意正同太平方

丈者太平寺之方丈也官志高宗朝知永州者並無吳姓郡

守吳公莫攷其名劉在中亦不見官志又案此磨古刻為之

者行間有邵獄掾韓外聲七等字而年月姓名均無所見頌

詞下又有康文銓蘭谷紀游七字蓋後人所題并識

宋李公彥澹山巖詩

題澹山巖 臨川李公彥 地靈欲借一握天神剗鬼劃無畀

堅欵然滅輪空而圓陽鳥飛景光自寫古藤繞石翠欲牽石果

垂紛紛如拳中有巖竇吐細泉六月客坐寒入肩昔聞修蟒何

蜿涎誅茅剗木不敢刺誰令結此殊勝緣化作寶坊可棲禪我

非貴客來塵軒訓狐挾狡聲亦先飛上巖荆枯樹巔喚起山丁

夜不眠浩翁有筆大如椽七字要與山俱傳續貂愧我著便

千古一笑夔憐螭 地人相傳巖舊為二蟒所據故唐以剗不

載之文字今置羅漢閣其中矣有訓狐巢於其巖之上夜或出

飛鳴則旦必有貴客來遊故云 住持傳法沙門善琦刻石

金石審右刻題二行詩十四行後語五行皆正書不著年月

必建炎時人也

金石補正右李公彥詩不著年月永志以為建炎年者以刻

石之善琦見於尚用之詩跋也通志職官徵宗朝李公彥為

江華令宗氏以為佚職者非永志江華官表李公彥政和元

年任湛剛六年任然則此刻當在政和間也宗氏乃云必建

炎時人亦自相矛盾矣江西通志李公彥臨川人字成科累

官宗正卿素為朱勝非呂頤浩所知及當國引退除兩浙發

運使入為吏部侍郎平居與謝溪曾挺齋相倡和有宮詞百

餘首及潛堂詩話文集

宋錢伯言澹山巖詩

老眼遍四方茲焉真鮮儷室圓懸磬如天側偃蓋似誰移巨蟒

宅孰受祖龍馭祇以澹竹名佳哉亦少味 造化其偶然剗山

作深谷近壓瀟湘頭迴據九疑足千齡隔仙凡跬步變寒燠石

田儻可種願受自耕祿 右零陵澹山巖二首建炎四年庚戌

仲冬朔會稽錢伯言遜叔題

石正書

金石審右分書每首六行題款四行零一字共十七行也未

正書一行舊志鹵莽多致魯豕如祇以作祇同佳哉作佳哉

近歷作迹歷迴據作過據而錢伯言字本剗蝕誤作伯吉末

行楊臨漢疑楊賦齋所臨樸木夫不錄入省志職由於此今皆一一正之

永州府舊志案此刻用唐隸多變漢法如充作六殺作殺皆變體也。說文從同而此從迥則漢碑元譌也。攷徽宗本紀宣和七年知海州錢伯言奏招降寇益即此人

金石補正宗氏校此仍誤二字甚矣。審碑之匪易也使字湘字則石本全蝕矣。楊臨名不見於官志

宋潘正夫錢伯言澹山巖和韻詩

澹巖六韻李承遜叔侍郎兼寄惠照禪老河南潘正夫 祝融之南近湘濱地出天開截翠珉金闕不關塵世路丹葩爭發澗

宮春遲留杖屨尋真慣悵望煙蘿入夢頻奕罷空懷爛柯客雲深多失避秦人高懸石棧仙風迴靜對巖扉濯色新借問詩翁與禪伯如何導往許為鄰遜叔當約寺僧瑛書巖中次韻奉和藁著太尉

澹山見示長句 伯言 澹巖宛在進江濱多少篇章刻翠珉

聞道鳳凰將九子恰逢花木正中春是日春分快遊豈為知名久歷覽驟知嘯侶頻林外鳥聲應報客溪頭梅子已生人茅茨信我無三顧物象因君遂一新試約攜筇採蕪草幽風何必與天鄰

金石萃編草書廿三行

永州府舊志伯言二字省筆并書實以吉字以制八分款始能斷其為伯言近人省筆連書兩字名蓋早有濫觴矣

金石補正齊府志所誤略同而永志較多何必上省志作土參府志作幽嵐審之均不敢信

宋孫仲益澹山巖題名

孫仲益北歸過零陵太守趙君宰置酒於澹山與時昌辰李師武王子欽同集紹興甲寅十月廿九日

嘉慶通志案右刻見零陵縣志云大書橫巖壁極似海岳

金石補正宋詩紀事孫觀字仲益晉陵人大觀三年進士政和四年中詞科高宗朝仕至戶部尚書提舉鴻慶宮有鴻慶

集粵西文載孫觀紹興開謫象州寓桂林喜其山水作十詠今廣西巖洞多有其題名伏波巖一刻為去桂時所題前乎此者八日此云北歸過零陵蓋自桂來也通志職官有趙宰

知永州此題所稱趙君宰似字而非名疑志有誤

宋董弁澹山巖題名

青社董令升罷官廣西還過零陵來觀澹山同王紹祖趙佃夫宋傳道飯巖下思長老以其師燈禪師所書桷棟頌顯上人以

懷素千文墨本相示千文真蹟余家所藏嘗刻石鄉里詢顯則同郡人也蓋得之余家豈意兵火流離之餘乃復見此顯亦可謂好事矣因語及鄉里相對感歎紹興乙卯歲春三月戊寅題

金石跋尾續石董令升題名首云青社董令升罷官廣西還

過零陵令升名奔徽猷閣待制道之子兩世皆有文學令升

以不肯禁程氏學被黜亦南渡人士之卓卓可稱者而史不爲立傳不知其在廣西居何職也未題紹興乙卯歲春三月戊寅依篆體卯即酉字而紹興紀號卅二年閏不值乙酉歲當是紹興五年乙卯卯篆形相似摹刻時容有差譌爾攷李心傳繫年要錄紹興六年奔自起居舍人遷中書舍人兼權禮部侍郎七年正月以集英殿修撰知衢州五月改題舉江州太平觀閏十月轉徽猷閣待制知嚴州以殿中侍御史周葵論劾落職與宮觀廿二年復以徽猷閣待制提舉台州崇道觀尋落職廿六年以左中大夫知婺州卅二年提舉洪州玉隆觀引年告老詔復敷文閣待制復爲言者所論降集英殿修撰然則孝宗隆興乙酉在令升告老後三年無緣遠官嶺外此題名爲紹興五年可無疑也據繫年錄紹興五年閏二月有廣西提點刑獄事董芬名與碑稱罷官廣西相合故定以爲鐫刻之論

金石萃編篆書十二行中敘懷素真蹟之顯晦亦書家法帖之故實識以備攷

金石文編董令升題名有云千文真蹟余家所藏嘗刻石鄉里攷胡仔漁隱叢話云藏真千字文真蹟舊蓄於江南李氏紙尾有後主錯金書題云懷素僧草聖戴叔倫詩云詭形怪狀巖台宜誠哉是言其後此真蹟又轉蓄於董令升家紹興

開歸天上矣

宋張昭遠等喜雨頌

試將丹懇○青霄還語田疇萬里焦不是湫龍解興雨元來滴滴自心苗禱旱何妨抵死求分明在處有神湫只消一念精誠格立使風雷布九州幽谷從來分外清那堪雨過月華新行將高謝浮名事卜築巖旁効○真 零陵不雨澹滄長老思公率寺僧禱於巖中獲應喜甚賦頌索僕爲和之紹興戊午七月旦日茅山居士張昭遠書 頌上澹滄長老○遠謹封 熇熇炎威遍野飄流金爍石土山焦精誠不作軒雷轉孰與人間濟藁苗救旱無方種種求老龍誰識隱嵩湫茅山居士興慈願一叱風雲四○州桺子相逢競喜忻應期甘雨一番新了知潤物無窮意祇在維摩此念真 紹興八年戊午零陵夏旱公私百種請求而陽威益熾也宮使徽猷一日避暑山○物焦勞遂運慈心飯僧持咒禱於嵩中龍王○期而應藁苗再活遠近忻幸是知精誠感格非偶然矣了思山林野人不量鄙陋述傷三章以勤稱慶伏蒙召顧曲垂光和詞華墨妙豈敢覆藏謹刊崖壁庶傳悠久而了思之謬偈故無所取抑且鐫于石尾其猶蠅驥之附也是年中秋日住○○了思題

金石補正石刻在澹巖張昭遠稱宮使徽猷而詩云行將高謝浮名事疑是謫居於永者宋史有張昭遠傳字持正滄州

無隸人在真宗朝別一昭遠也又有張昭本名昭遠則尤在

宋初矣

宋張公柄棟頌

只遮百衲破棧價值碑礪碼礪假饒天地崩壞其柰長生不老
有時聊用蒙頭萬事撲滅如火有時憑它蔽身忘卻寒暑侵惱
日用縱橫莫測俗漢怎生尋討賴有多口全公不惜眉毛傾倒
雖然句句渺廉纖軒知已踏長安道又被鹿門老作家執筆
然為一堵字畫酋勁逼羲之展開燦爛同日杲知師端是箇中
人故將分付君宜寶 澹巖思老曩在鹿門燈禪師會下燈公
愛其疏財重義故書全大道衲棟歌遺之比因遊巖思出燈書
相示索僕為頌謬作古風以贈 紹興己未廣溪茅山居士書
宮使徽猷張公柄棟頌 住山傳法沙門永思上石

金石審石刻行書十八行後款二行字近聖教序鹿門燈禪

師名法燈字傳照成都人見釋惠洪所撰塔銘茅山居士深

於禪說殆無盡之流其名侯攸

金石補正永志誤謾為謬誤了為永并脫焉字茅山居士昭

遠自號也宗氏以為無盡之流者未見喜雨頌耳

宋汪藻書華嚴巖三篆字

華嚴巖篆書高四尺三寸廣一尺五寸 紹興甲子浮谿翁書篆

金石萃編案浮谿翁者汪藻也宋史本傳載其紹興八年上

所修日歷升顯謨閣學士知徽州逾年徙宣州為言者所論
奪職居永州此題甲子為紹聖十四年殆此正藻居永時所
題也

金石文編浮谿集柳先生祠堂記云紹興十四年予來零陵
則浮谿翁於甲子年到永又据明胡堯臣浮谿祠記文謂奪
職居永州積十有二年更四赦不復用先生泰然處之愠不
見色

宋游何澹山巖詩

渡過瀟江日已曛影和明月共三人名岳近郭別州少好事更
誰如我真絕頂有天浮碧樹凌秋無暑斷紅塵終當早棄人閒
事來與山僧作並鄰 紹興乙丑七月幙谷游何蕭卿乘月獨
遊澹巖書事兼簡零陵宰君李兄秀實

金石萃編八分書十一行

宋張浚澹山巖詩

微猷張公雷題澹巖巖額偷閒切欲訪巖局恍若桃源洞裏春
平世自無憂國患徘徊愁見避秦人 昔周處士 避地巖中天然一穴透融
光廣闊能容萬頃簞纈念塵寰苦炎熱人人付與一襟涼 紹
興十五年十月口日門生右修職郎永州零陵縣令主管學事
勸農公事李發立石右朝奉郎直微猷閣權發遣永州軍州事
張浚書

金石補正張澗知永州省府志列端平年趙希楸之後李發
令零陵列慶元年彭從虎之後均誤李發吉水人

宋永州太平寺鐘銘

右迪功郎永州軍事推官趙濬右儒林郎永州軍事判官許顥
右朝散郎權通判永州軍州主管學事劉襄左朝奉大夫權知
永州軍州主管學事梁仲敏分四行起空寂中無間斷者非竄
非靈壹利那開漏滿大千非聲非形以悉檀成以慈悲檀以歡
喜聽粵無始來如眼而寤如醉而醒九莫之函瀟湘之會梵釋
之庭紹興庚午臂再浹辰楛吏是銘

永州府舊志右書凡九行每行八字係小篆尙完整其鐘分
三方末方之下層書前街名及銘辭上層及餘二方均鑄檀
施士女姓氏錢數字似篆似真其募緣賜紫僧妙空數字尙
可辨識庚午歲乃高宗紹興二十年也

金石補正右太平鐘銘共七方銘詞在末方末句云楛吏是
銘未署名姓氏載云顯謨閣學士汪藻撰未知所据或據舊
志書之瞿氏固未見拓本也宗氏見之而銜名四行前後倒
置又誤趙濬爲趙正許顥爲許岳并補入官表而不自知其
誤抑亦疏矣書用古文居多宗氏以爲小篆亦未甚確粵古
由字宗氏誤釋爲從莫古疑字見汗簡及單疑生豆寺符在
太平門唐之龍興寺也元豐四年更名鐘在今城內謙樓明

嘉靖開廢寺爲宗藩別邸移置或在其時
宋稽古閣記

天下金石志汪藻撰在永州府學

宋張浚永州新學門銘

新學門銘陽款 宋紹興甲戌冬十二月永州學南門成太守
廬陵彭侯所建也太守視民以身以王事爲家事政治既舉又
思有以教化之得蜀文翁禮殿繪像本使工次第摹寫堂上勵
士子以儀刑之學復建斯門闢壘塞導勝氣氣象偉甚學舍廚
廡從而易新示勸之意厚矣宜銘之詞曰 人不知學莫適禮
身學而不行不學爲均行之伊何惟一惟誠孝弟忠藎本之於
心成之於性守之以仁日積月化粹然其醞可以格天可以感
神可以正物可以化人發爲辭章德人之文施於政事君子之
名其道甚大與天地并凡爾爲士勿替于勤欽之勉之無媿此
門 特進提舉江州太平興國宮和國公張浚撰并書 門生
右朝請大夫知永州軍州主管學事兼管內勸農營田事彭台
立石并篆額

金石叢右銘正書十二行末上石銜一行字體似北海而有
縱逸之勢與城南書院扁榜頗相類真魏公書也公以紹興
十二年封和國公十六年以特進提舉江州太平興國宮與
此正合此刻久沒土中道光元年零陵令丁煦復建府學始

掘得之完好無缺神物信不可掩與

宋張浚書忠字

忠字長三尺五寸廣二尺五寸

金石書右刻在新學銘背乃磨荆人碑所為內隱見點刑等字必宋人之不足取者故當時即被踏毀也攷浚本傳紹興七年以秘書少監分司西京居永州九年復官十六年貶居連州二十年徙永州高宗本紀二十年八月量移張浚永州連丞比鄰則庚午冬初必已至永此刻雖不著年次然與學門銘同刻自當列於移永之始也

金石補正右碑陰府志題曰宋張浚書忠字跋而系諸紹興廿年案跋既云與學門銘同刻則當列於紹興廿四年乃以意定之謂庚午冬初必已至永當列於移永之始殊非信實碑無署款何由定為魏公手筆竊意新學門銘本刻於舊碑之陰後人磨削碑面摹勒此字歷時久遠遂附會為魏公書耳磨削古刻儻父所為魏公不若是之滅裂乃謂舊碑為宋人之不足取者當時即被踏毀亦太唐突矣

宋彭合等環翠山題名

事廬陵彭合子從同監郡長樂張登明陟新甯遠縣宰開封李仁剛得之教授劍津袁拱欽辰東安令王牒不潛彥前郴陽決曹零陵郡同初修新湘潭尉祁陽汪宏

賞環翠紹興乙亥二月十有二日

金石書右刻正書八行在郡治後梅孝女祠內石厓上其地本唐萬石山故址彭合更為環翠山也厓間石刻舊以在郡後園人不得見故著錄家皆不稱自王宸蓬心為守闔門通道游觀者亦但知謁孝女未有問及古刻者先零陵輯補志時以苔蘚初剔拓本漫漶命續辰審字多所謬誤今躬率信洗石搨墨多見二十餘字刊誤八字如以張登為張浚當時本不甚信第求魏公遺蹟結想過殷致成疑似今果於祠外別得魏公題名以慰先人之思小子之慕而此刻又已審正豈非大幸也邪

金石補正永志甯遠下多一縣字石刻實無之也又廖誤袁于誤賞玉誤王汪宏下未審出中字宗滌樓於此刻一再審之尚有譌缺知諦視石刻未可意定亦正不易也彭合紹興進士知臨江軍獨浮稅之害後為京西總領見江西通志而不言其守永州首缺二字通志作知郡當不誤然已全泐矣李仁剛有涪溪古今石刻集錄一卷見通志藝文亦著古之士惜已久佚鄧同初紹興八年進士汪宏中紹興廿四年進士李廖鄧汪職官志均失載

案右刻即嘉慶通志所載梅姑祠石厓題名也但永州府志修於道光之年其拓舊為密故今從府志不潛宋宗室

時同名者不一舊志疑為武翼大夫士訖之子文林郎不
潛謂之王牒蓋王室之同譜牒者否則當為玉牒也

宋彭合環翠亭題名

○籀○紹興癸酉夏守密國郡乙亥春開○○○曰環翠男商
○老孫堯輔堯臣堯咨堯俞○侍野翁廬陵人

○金石審正書六行野翁蓋彭合號也

○金石補正永志脫夏字并誤老為少彭合子商老字仲伊官
至南安通判漢老字季皓以門蔭累官直秘閣孫堯輔字道
夫蔭授贛州錄事進知連州均見江西通志商下所缺是老
漢二字

宋張魏公環翠亭題名

紫巖張浚同郡倅長樂張登謁太守廬陵彭公合於環翠酌泉
巖○○觀景物之勝俟月而返浚子姪杖机拘姪孫炎默炳從
行紹興乙亥端午後六日浚題

○金石審石刻正書七行魏公筆也十二年荆先零陵求魏公

遺迹了無一得近辛巳新學銘出土丁亥秋日續辰偶過萬
石婆娑其下始獲明人九巖之刻得證其譌又於孝女祠右
廟瀾之側愴恍見紫巖字急去穢器洗滌其舊染深喜僅缺
兩字此事大慰素心因為詩紀之

宋澹山巖趙貞婦碑

勅衛共伯之婦猶有取於柏舟辟司徒之妻亦或封之石窮矧
茲懿德屬在近支義既○於有家恩豈拘於從爵從義郎不厚
○左監門衛大將軍士圃妻曹氏承芳后族懿德宗盟流離兵
革之餘確守閨門之操事姑盡其孝道賴爾安全愛子教以義
方使之奮立是皆有古女師之盛德可以為今宗婦之表儀嘉
賢嗣之肖家○○○之○○○郡遂開湯沐之封○○○
○責辨加之服往承○○○淑○○○特封○○○郡夫人奉
勅如右○○○行 紹興二十七年四月二十四日
湘僑聞見偶記澹山嵩中舊刻宋末宗室貞婦紀事駢文首
四句云衛共伯之婦云云高懷祺介亭少時曾手搦其文介
介之弟為余追述惜忘其姓氏及後見介亭為周之駿室節
婦李氏請旌首聯即用此四語也
○金石補正石趙士圃妻曹氏誥詞其子不忌判永州刻之於
澹山志未錄文按碑分三截上截橫列誥詞二字中截較諸
下截當是記刻石之由別有年月而剝蝕已甚約卅餘行行
約十八字可辨者寥寥竟無一句成讀不能錄矣永志官表
又未詳不忌判承之年仍以誥詞內年月系之攷史不忌字
仁仲曾祖宗暉父士圃北遷遙拜集慶軍節度使此稱左監
門衛大將軍史所不載當在未遷拜之前史又云不忌方七
歲每思慕泣涕既長力學母曹氏問之對曰吾父嘗未報非

敢志富貴也登進士調金華丞治蒙何汝翼編配他州邑人
懼服法當超秩請回授其母故事止封令人高宗嘉其志特
封郡夫人此刻詰詞即其事也史又云除不忌永州通判損
民輸米倍收之數辨靖州冤獄數百人德之繪像以祀是
不忌在湘亦卓有政績可傳者有賢母必有賢子信然也後
官至招慶軍承宣使卒贈開府儀同三司封崇國公不忌爲
太宗五世孫故曰近支其稱后族者蓋仁宗后曹氏之族也
流離兵革者靖康之難士圃北走高宗南渡宗室隨行也永
志未見拓本据湘僑聞見偶記以爲宋末人誤矣猶有取作
曾見美或封之作獲封於亦誤

案貞婦碑刻於紹興丙子湘僑聞見偶記誤作宋末由未
見拓本之故今從拓本審出百有餘字而金石補正攷證
特詳故著錄以表潛德云

宋程迥等澹山巖題名

蓬澤程迥德遠拉歷溪高祈應之魏邸趙彥旣安行開封王維
子厚同遊男恪與同年子趙潛夫侍行紹興丙子仲冬六日記
金石萃編正書六行史宗室世系表太祖三子廷美封魏王
有十子長高容郡王德恭彥旣德恭之六世孫承節郎公瓌
之子

宋張九成亦樂堂記

亦樂堂記慎領入前缺一役於功名而缺十沈缺九適聞零
陵有屋數椽分書曰亦樂近踰鄉里云缺四歌宰缺三四缺三
安缺其樂云何缺八樂其中仰不愧缺天俯不缺口缺耕
衛之所以樂豈不以仰不缺而俯不作缺知耕衛未於心與
於慮缺十患也深操心也危缺五仰不愧缺十不缺三作缺十故升缺升
堂缺直道缺六自今茲缺卅觀缺卅自缺十繫
興戊壘八月八日缺九也缺山陽張缺題

金石補正右亦樂堂記廿行行十六字分書前人未著錄惜
剝蝕已甚不能讀其全文筆意與亦樂堂銘出一手銘序云
禮部侍郎張公子韶記之即此刻也子韶名九成見宋史碑
書困作未衛作與其作丁紹作繫寅作壘

宋胡銓亦樂堂銘

亦樂堂銘在大分書揚雄有言朱丹其轂一敗則赤吾族孔子曰
雖在縲絏之中非其舉也夫丹轂榮也雄曰爲憂縲絏辱也聖
酒有取憂樂豈關於榮辱也哉上饒方疇耕道建炎戊申銓同
季進士也繫與戊午又同朝是季冬銓以狂瞽被譴而耕道旋
亦去國十有四年而通守武岡平溪蠻三十年之寇乙亥呂疏
直忤要臣被逮賴上恩寬謫零陵久之名其堂曰亦樂禮部侍
郎張公子韶記之戊壘與廬陵胡銓感仲尼子雲之言而申曰
銘銘曰 穀丹族赤縲絏不辱陋巷易安鬼瞰高屋赫補食前

患靡履使眉斧伐性妙在獨樹蕪哲茲理至樂常足我思古人自反而縮

金石萃編正書二十二行案此銘胡銓所作不見於澹庵文集周必大撰忠簡公神道碑稱公年二十試太學建炎二年廷對行所在考官初以冠多士或畏其切直實第五即碑所云建炎戊申銓同年進士也戊申為建炎二年紹興和議公上書數千言大略謂王倫誘致金使欲劉豫我秦檜腹心大臣尊陛下為石晉孫近傳會遂參政事願辛三人頭羈留金使與問罪之師時八月十一日也辛亥有旨銓書凶悖劫持其前爵流昭州後改監廣州都鹽倉即碑所云紹興戊午冬銓以狂瞽被譴也方疇史無傳張子韶名九成除浙東提刑力辭與祠以歸未幾召除宗正少卿權禮部侍郎碑書紹作繫別體字戊申據上文耕道以乙亥被逮則此當是戊寅為紹興十八年

雷州也攷宋史高宗本紀紹興二十四年十一月以通判武岡軍方疇通書胡銓及他罪除名永州編管蓋命下在二十四年冬而次年始到永州

永州府舊志案聚字本紹古文崔希裕略古作聚此特參用之非別字也壘字本汗簡壘下拓本作奧細審以上有一畫已隱蓋本作真夏字下不從大古老子冬字作卑頗與此類其上不應有畫下亦不當作大耳姑俟知者

金石補正與古冬字宗氏釋作夏非所謂上有一畫已隱者石微泐耳以亦樂堂記證之尤不得作夏記作於秋銘作於冬也餘亦有誤

宋王佐澹山巖題名

金石叢王佐宣子越中南宋名元也紹興己卯知永州軍事其遊澹山巖題名僅存呂行中書後

宋呂行中澹山巖名

右判府左史狀元王公題名下缺英遊勝跡與山谷先生相望而兼微自有此山以來不知有此一段奇否行中得以職從邁挂名左方以託不腐非幸與右從口郎零陵縣令呂行中謹書

金石叢右刻小真書四行為陳梅所題名所掩乃惡僧彌昌所磨贖者此後尙有小真書僅贖張錢數字餘盡磨去王宣

子題名尚存紹興已三字依稀可辨蓋亦小真也行中良吏不腐固宜獨不爲宣子畱方尺地乎

金石補正石呂行中題跋石本有殘泐處據永志補注之呂行中字聖與東平人紹興廿九年令零陵王佐爲之建種愛堂揚誠齋爲之撰記言其宰零陵時民有扞格而險健者諭以禍福使幡然徙義租賦之非常者悉蠲除之是良吏也其後內召誠齋復以詩送之判府左史狀元王公者卽佐也永志云王宣子題名尚存紹興已三字余未之見容齋三筆論判府知府之別言國朝著令僕射宣徽使使相知州府者爲判今世葦爾小壘區區一朝官承乏作守吏民稱爲判府

宋劉芮困齋銘

困齋銘 大谷山劉芮 方耕道通判武岡氣直而好義臨事不避難力平溪洞積年之寇一境安靜施及旁郡亡何忌嫉者不欲顯白其功附勢者又能文致其罪坐獄踰年賴天恩深厚姑謫零陵耕道感激修省思有以報稱於是胡邦衡名其室曰困齋張欽夫記之耕道又以銘見屬芮何敢辭銘曰 澤无水困有言不信柔能掄剛樂天弗競豈無人爲拯此困病拔本塞源遂志致命我觀聖人惟深惟幾三而陳之窮測萬微或以樂死或以憂生或明而晦或晦而明春水發源漫漫浮天霜風冽冽草枯木折六爻降升吾義則正二體變化吾心則定澤下而

谷剛得其中水上而冽惟塞必通嗚呼至哉棟辯益明窮通真怨誰謂困中有此至善

金石萃編八分書十七行

金石文編右困齋銘在零陵縣張欽夫卽南軒南宋後避眞祖諱敬字改也

宋劉董等澹山巖題名

東平劉董子舒臨江蕭賓擇可淮陽王光祖仲顯以乾道戊子六月上休日來遊澹山巖

金石萃編正書五行左行

金石文編澹山巖乾道戊子劉董等題名有淮陽王光祖仲顯案石鼓山題名光祖時官衡陽令外舅錢少詹跋慈恩塔王評題名八月上澣云案漢制公卿以下皆五日一休沐唐會要永徽三年上以天下無虞百司務簡每至旬假許不視事以便百僚休沐則唐時十日一休沐矣休沐亦謂之休澣唐書劉晏傳質明視事至夜分止雖休澣不廢也未時百官旬假循唐故事故有上澣中澣下澣周益公撰光堯丁亥本命道場滿散朱表有日踰中澣之句攷其日乃十月二十一日又撰四月十八日丁亥本命道場朱表亦云日近中休然則每月之二十日爲中澣日上澣必月之十日矣一旬之中止一澣日今人以上澣中澣下澣當上旬中旬下旬既失其

旨又休沐惟有官人乃可用之不當通之士庶也今據此澹山劉董題名曰上休日及後趙仲義題名曰上澹日李震等題名曰中澹日諸刻證之少詹之言益見精確

宋胡華公等萬石山題名

長樂胡華公丞郡瀟陽攝事是邦以乾道己丑六月中秋日偕西洛石長孺來遊男梓孫浚侍行

金石齋正書五行在今郡治後梅孝女祠石厓上字爲風雨所漂半已漫滅前人罕有搜剔者

金石補正胡華公號邦實見寒亭題名宗氏彼跋云寶慶府志孝宗時有知邵州胡華無公字恐即其人此云丞郡瀟陽則非知邵州矣

宋黃彪萬石山題名

南昌黃彪彪甫乾道己丑仲秋十有一日假郡事越二年春八日題此以紀歲時子俊棧滌榮學榘登侍

金石齋右刻八分書五行在梅孝女祠內李拔詩刻之左隸法瘦勁年久石漸平滑就讀約略得半拓之僅見數字耳

金石補正下八永志作十有一三字既作假人日作八日此拓本字極明顯與宗跋不合滌樓卽未細審不應懸殊若此此必近來好事者所爲非重刊卽剗鑿也姑就所見錄之

宋黃彪澹山巖題名

郡守黃彪禱請於順成侯廟祀事畢天宇廓然因至澹巖觀二父遺刻感歎久之時乾道己丑十一月二日男俊棧滌榮學榘登繼來

金石齋右刻行書四行案柳昭昭畢君卿題名禱雨零陵王楊英甫題名祠零陵王益公愿題名祀靈顯曹季明題名祀靈顯應惠侯而此又作祀順成侯或云所祀乃龍神亦聞卽唐刺史昌圖之祠所舉四朝封號有異同耳未知孰是

金石補正黃霏字彪甫臨川人慎於用刑子學官至大府卿孫塢知肇慶府見江西通志文云觀二父遺刻一指山谷詩一指宣和王寅諛詞題記也

宋黃彪朝陽巖題名
主郡吏南昌黃彪彪父暇日攜子俊棧滌榮學榘登遊朝陽巖摩拂蒼厓觀伯父太史題刻歎慨久之表姪九江夏孝章同來乾道辛卯百五日

金石萃編正書六行黃彪當是山谷之姪題云觀伯父太史題刻者卽指洞門左右石壁山谷題名也今山谷題名已失

拓矣
金石補正右刻在補元厂內萃編棧作棧永志崖作厓彪父

通志並不作彪文宗氏何以言其誤耶

宋黃概澹山巖題名

武夷黃檗之乾道九年四月隨侍父以計事行郡來遊

嘉慶通志案右刻見零陵縣宗志

金石補正右刻在劉董題名之右文云隨侍父以計事行郡則其父是官於湘者官志孝宗朝有黃洧為轉運判官朱子撰其墓誌有被旨按行諸郡入舂陵界云云疑即其人洧籍建甯此署武夷蓋是舊稱宋不以武夷名郡縣也

案朱子文集黃公墓碣公諱洧字清臣建甯人累官廣南東路轉運判官改使荆湖南路多惠政被旨按行諸郡入舂陵界長子概文林郎監文思院門此題名云隨侍父以計事行郡與墓誌合武夷建甯名山故以自署云

宋徐樞萬石山題名

西安徐樞被命假守以清熙乙未之秋抵郡公退無事頗成園林之趣每至七地愛其幽曠無塵俗氣燕坐常終日丁酉秋九月因命蒔荷于池增雨中打葉之勝且記歲月於石開男徹徹敦敦堦階陽戚信厚侍

金石鑿右刻正書六行郡後梅孝女祠前舊時縮水成池非山泉有源之水其地本岡阜開濬難而填淤極易近則已成平陸矣丁懋儒之疑九巖在此亦非無因但不得即以池為東湖耳

金石補正徐樞知永州通志列光宗朝殊誤可據此易之

宋潘時等澹山巖題名

金華潘時開封王寅 缺 王遵蘭溪邵夢祥同 缺 清熙乙巳春三月下缺

金石補正右刻三行行存八字分書下截殘泐潘時字德鄰由提舉荆湖北路常平茶鹽改南路提點刑獄後知廣州復知潭州安撫湖南王遵以清熙九年判永州乙巳為清熙十二年

宋朱文公題周濂溪像贊

濂溪先生像贊 道喪千載聖遠言湮不有先覺孰開我人書不盡言圖不盡意風月無邊庭草交翠 晦菴題

零陵縣志周子遺像在濂溪書院乃南宋時通判方疇自

九江府從先生諸孫得之前郡守魏紹芳重刻奉祀

永州府舊志案道州石刻周子像右有後學秀水卜大同刊

八字左有知州錢兌同知張鉉通判吳湯輔上石等字永州

石刻像則又 國初魏紹芳所摹刻皆非方耕道元本也瞿

中溶以魏為宋時守蓋由縣志六百年一語致誤今並刪之

宋張釜澹山巖詩

丹陽張釜以使事經從零陵同郡太守徐梓主管僊都觀口燧來迎釜借用山台先生韻紹熙壬子中爍廿有八日 澹巖類

古隱君子一見可洗千劫塵清曠信因世閒境經行如畫圖中

人山泉涓涓不礙塵靈草冉冉非關春題詩因咎口選子冷眼
閱盡惟唐琅 真樓窟宅在人境應有鸞駕乘雲歸物華粉見
訝三島墜脈遠來從九疑有石可礪食藥齒有泉可濯凝塵衣
清選未足鷄報午一尊會合人生希

金石叢八分書十七行詩字俱秀勁鉗懋平子當是道士名
號也攷宋史張綱傳綱潤州丹陽人紹興二十年參知政事
以資政殿學士致仕卒諡文定汪應辰論駁之孫釜再請特
諡章簡樓攻媿外制集廣西運判張釜直秘閣知廣州制云
紹興舊弼之孫以家學登世科湖湘明敏散之宜廣右謹將
輸之要蓋釜先提舉湖南常平調廣西此稱使事殆倉政也
綱傳末附載釜慶元間為諫官力排道學諸賢累官至簽書
樞密院事則其人華而不實者矣

金石補正 永志載此舛誤極多其尤甚者以燧來逞為愁平
子且為之說曰鉗愁平子當是道士名號謬矣鉗字亦未的
確墜古地字錄作墜義不可通真僊下脫窟宅二字則此句
成五言矣餘不悉舉

宋洪彥華澹山巖詩
澹巖紀遊 嚴陵洪彥華叔昞 聞說澹巖天下稀乘閑得得
叩巖扉中虛上透真奇觀□□□□悟機 右一 朝陽巖
自次山顯鉗錫潭由子厚彰山水得人名始重不元不柳□達

黃 右二 辟秦人去幾千年介石于今尚塊然指口載魚行
播口爭如流水亦稱賢 右三 暗巖別是洞中天石曰石某
仍石田因口巖扁知命戒食□□□復言旋 右四 老僧持
鉢傍山門古寺蕭然一味清骨相山林非富貴不應曾有訓狐
鳴 右五 紹熙甲寅重九前二日住山祖傳立石

嘉慶通志詩七律五首正書十七行已為景定甲子文子璋
刻詩其上故字蹟不完不能全錄
金石叢右刻五首左行字為文子璋詩所掩讀竟不能成篇
惜哉

金石補正右詩書刻俱劣故後人不甚愛惜之通志以為七
律并脫昞字永志以叔昞為題字皆未細審之故以余諦眎
之不可辨者十二字耳王俊題名內洪彥華自署教官此前
一年或已為教官矣後知武岡軍見真西山薦狀樓攻媿外
制集

宋滕瑱澹山巖題名
楚村真逸滕瑱伯真父

金石補正官志滕瑱孝宗朝合平江光宗朝合宜章今宜章
野石巖有其詩刻紹熙二年所作此題不著年月附光宗末
宋王俊等澹山巖題名
路分王俊邦傑教官洪彥華叔昞判官趙汝忱德恂推官葉天

休嘉承戶曹攝零陵縣趙不揉從朴慶元乙卯季夏十有二日
同至

金石萃編正書五行史宗室世系表太宗九子長元佐封漢

王汝忱即元佐七世孫善強之子太宗六子元偁封鎮王不

揉即元偁之五世孫乃武節郎士粹之第四子從事郎

永州府舊志案宋史職官志有路分鈐轄路分都監本征行

使職後蓋所在皆設焉

宋徐齊澹山巖題名

後二十八日臨川徐齊用之自潭如桂王臣因復載酒與洪叔

兩俱來

金石審石刻正書四行王司寇設置嘉祐辛丑之後今始得

而正之

宋俞俞澹山巖詩

吳興俞澹子清以職事行郡至零陵訪澹巖解后甫田翁點沂

伯金華蔣用之子先少憩觀覽因賦此詩慶元三年四月二十

有一日傳聞此地稀來為細搜奇眩眼珠泉滴擡頭玉乳垂

虛明天廣大重疊石參差坐久衣襟潤聲翻笑語隨幽深多怪

巧高下複逶迤歷覽仙君蹟難酬太史詩自然千古意形詠愧

蕪詞
金石審石行書九行學朱巨川告身而頽放過之

永州府舊志案樓鑰外制集俞徵知常德府話詞有云有公
廉之操得溫厚之稱則其賢可知此云行郡則此時必已遷
憲使矣

金石補正永志所載有譌俞徵知常德府在光宗朝其遷擢

志不及詳此云以職事行郡則為憲司矣蔣用之時為永州

推官志不言里貫據此知為金華人翁點當亦官於永者志

無之

湖南通志卷二百七十三

湖南通志卷二百七十四

藝文志三十 金石十六 宋

宋澹山巖覺皇臺三字

王淮澹巖記洞外一戶广下搆一佛寺上鐫覺皇臺三字

宋澹巖二篆字

澹巖字長四尺廣三尺慶元己未重陽永州通判徐大節篆右零陵令

王淮上石款左

金石文編澹山巖洞門外上鐫篆書淡巖二大字長丈許

宋王淮朝陽巖題名

零陵令君王淮伯清慶元庚申歲閏口月廿有二日招北嶽王

沈叔甫桐鄉口致祥和之過水西憩火星巖淪若石上口飲朝

陽洞竟日乃還男荷侍行致祥敬題

金石萃編行書四行在黃彪題名之左宋史有王淮傳字季

海婺州金華人歷仕高孝二朝未嘗令零陵則別一人也題

云過水西憩火星巖方輿勝覽火星巖在永州西江縣地勝

景清為零陵最奇絕處零陵縣志巖在羣玉山之側明嘉靖

中改名德星巖餘俱無攷

金石補正萃編及湖南省府志俱誤沈為沈并缺朱回二字

浙中三茅觀胡渠題名內有北嶽王沈叔甫者即此人也後

於此題十七年

宋王淮柳巖題刻

柳巖橫勝篆書伯清令男稽書旁款小篆字

金石叢石刻在柳文惠祠後里許平地石巖上巖石久為石

工所侵削已失真面巖口惟存王伯清一記伯清以荆題刻

久失之矣

金石補正無年月王淮題字而其子書之當與記文同時即

附於後稽永志誤作稽

宋王淮柳巖記

柳巖記篆三小零陵人世傳有巖在愚溪之右柳司馬嘗遊焉既

而失厥所在三四百年間守令屢徧索不獲郡人常以為憾子

來為邑乃得此巖谷中荆榛篠蕩楚茨葛口網繆錯雜蒙龍其

上即口剪伐芟夷烈火而焚之谷崖始突然而出崢嶸削拔委

曲延袤如張屏郭巖局豁然於中巖之內爽塏寬潔可游可宴

其奧窈究巖之外竅穴如鼻如口如窗如戶透遂貫通不可悉

數觀者無不駭愕歎息皆曰此巖密邇愚溪寥寥數百年莫有

知者今一旦軒輅呈露豈非地靈固秘有所待而後出耶子以

為柳司馬紀永之山川最詳遠至於黃溪微至於石渠皆口之

記茲巖近且顯儻嘗游焉甯無一語及之若以為傳之者妄今

乃果有是巖此殆不可曉也然既嘗傳其名固當藉柳以為重

柳在零陵鬱堙久矣巖音似之茲乃得披蒙昧而觀日子誠

有力馬初遊西山然後知向之未始游遊於是乎始予於此亦云口口訪古尋勝者邑士潘立國立基嘉泰元年四月朔口門王淮伯清記黃才雲刻

金石書石行書三十四行用筆絕似蘭亭敘巖石皆黑而此石獨白質細潤惜為之人蕪燥非復本色矣丁亥伏日余始遊斯巖為廓清其地埽除亂石洗滌塵沍伯清之迹於是始彰

金石補正永志缺助予二字及夷門夷字並誤如曠之曠為窗其黃才雲刻四字余未之見此後接刻王困道題名此四字不知所在此也宋史有王淮字季海金華人孝宗時相卒於清熙十六年蓋別一人又有王沔之弟亦名淮濟州人任殿中丞謫定遠主簿亦非此王淮也記有遠至於黃溪云云案

柳柳州黃溪記云北至於涪溪西至於湘之源南至於瀧泉東至於黃溪東屯其間名山水而村者以百數黃溪最善又有黃溪聞猿詩

宋趙仲義澹山巖題名
嘉泰癸亥仲春上澣日東都趙仲義來游澹巖徜徉終日男師曹師屬侍行

金石萃編正書六行史宗室世系表太祖四子次子德昭封燕王師曹師屬皆德昭七世孫師曹之父伯逸師屬之父伯

道皆贈從義郎

永州府舊志案世系表師曹為伯逸子師屬刻處稍離而近伯道自應右屬為伯逸次子方與題名相合仲義蓋伯逸字也王司寇分屬二父則補鑿矣

宋徐夔澹山巖題名

歷陽徐夔宜伯貳郡春陵被憲檄之長沙道由淡巖熾舟登覽勝槩而去時嘉泰癸亥五月十有一日 口寺僧致瑄上石金石補正永志失齋勝槩二字徐夔名不見官志宗氏既見此刻仍未据補官表何也

宋魏子師拱秀亭題名

壽春魏子師臨川王叔弼嘉泰癸亥孟冬廿有五日同來

金石書正書四行在羣玉山背按是五行

宋孫介宗澹山巖題名

晉陵孫介宗光裔來守春陵之明年引年休官得請還家淡巖知名尚矣熾舟縱遊一覽勝槩遂欲忘歸男君陳孫繼會晞會象曾憲會侍行嘉泰甲子正月三日 口門住山致瑄立石

金石書行書八行極似平原鹿脯帖

宋李震等澹山巖題名

開封李震亨仲汧陽段晉龍伯津鄭山王圭粹伯來游領月臺之風漱石井之泉摩抄山谷老人永州淡岳天下稀之詩徘徊

觀音嶺窮幽極勝醉心溢目而后歸時嘉泰甲子季春中幹日

金石學編正書八行

宋臧辛伯澹巖詩殘刻

嘉定甲戌口口字六十六字以缺六辛伯書侍行缺下元柳搜奇

口口字六詩傳眼看巖字六明卻有天涵口字六藤穿壁鏤

晴缺七古望斷飛鴻夕照邊

金石文編此刻正書八行行十二字其下半截為臧澹乙丑

王亞夫磨刻題名故文不全其姓名并不可攷後五行七律

詩一首也

金石叢案省宗官表有甯宗時通判永州臧辛伯殆卽此人

金石補正通志巖誤峯并缺邊字永志晴誤暗又十六字三

字誤刊在小注內涵卽涵字兩志均誤作涵永志并作涵涵

尤非涵與下句藤字爲對也夕照二字兩志亦均缺

宋易被澹巖詞刻并跋

被奉陪判府判諸丈爲澹巖之游回視融之仙巖全之確巖

殆相長雄使被向不以罪斥則安知天下有此清勝謹以詞紀

其實被皇恐再拜 自古清勝地江帶夷山蓼夸娥孽此石碑

不獨嶺之南初見仙巖第一再見確巖第二今見澹巖三邱壑

皆有分品第不須談 望前驅陪後乘被晴嵐出城一舍而近

峭壁與天參不使塵埃浼腳忽覺煙雲對面鶴馭可同躡杖屨

從歸去此樂湘潭 晉羊叔子嘗登峴山言詠終日慨然與自

有宇宙便有此山之歎中郎鄒湛謂公聞望必與此山俱傳是

知山川顯晦有時因人而重仙確二巖以待讀直院尚書易公

發揮於唵眺之餘遂增融全之勝零陵澹巖元柳搜奇未之見

也黃太史足蹟一到詩句流人間而天下稀之名始著今茲星

履經從訪古歌以水調大書同遊以壯泉石太史聲名相爲輝

映豈偶然者邪暉輩獲陪杖屨枚鏡之翠珉以爲巖洞之光云

嘉定丙子夏六月下泮朝請郎權知永州軍州事沈暉跋奉議

郎權通判永州軍州事呂昭亮書

金石補正石刻上截十五行行書下截十三行正書前人未

搜出易被甯鄉人攷見涪溪詩跋沈暉沈千之曾孫卽刻元

祐黨籍碑於融者彼刻係嘉定辛未在此前五年蓋由融州

量移永州者其里貫則古嘗也呂昭亮呂頤浩之孫嘗刻高

宗手札係嘉定十四年在此後五年署衡行司農寺丞或卽

由永判內擢者仙巖卽老君洞明統志云在融縣東五里詳

真仙岩跋易被有岩亭賦石刻在焉確巖明統志云在全州

北十五里巖上有飛泉噴瀉如練中有觀音像蓮花臺旁有

一穴深窳秉燭可入又名漱玉巖

宋雷筠澹山巖詩

起仰高山積有年忽看巖巖鎖雲煙一塵不到非凡地六月當

知不暑天皆有秦人嘗穴處世從山谷始名傳品題自古因人重我漫邀僧煮石泉 清源雷筠端父嘉定丁丑杪冬八日行那來遊與僧文思酌衡嶽茗誦山谷詩徘徊久之因識歲月

金石萃編正書七行

永州府舊志石刻係行書字徑二寸餘骨氣雄強用筆似山谷

宋呂昭遠澹山巖題名

自天地開闢而巖竇奇觀已出神剌鬼口之巧疑非因人之力也浯溪石與天齊之名以元次山刻題而顯繼得山谷老人題詠而重是不人而若永州澹巖之名何以於山深宵明倬始發輝於山谷天下稀之句是綸使郎中先生畱公又篇章之妙翰墨之工光賁洞穴繇此知茲巖勝槩因山谷題品於前而名始彰復因我公題品而名益揚不其幸歟用是公之詩刻之石為巖局重 嘉定戊寅二月之吉議郎權通判永州軍州攝州事呂昭遠謹書

錫八分書蓋其上幸未磨去猶可見也畱郎中當指雷筠昭遠後知武岡軍見省志官表

金石補正寰宇訪碑錄載劉錫題名云舊有嘉定戊寅呂正書劉書即刻其上此即是也永志載此闕譌不一而足呂

君之名是昭亮不是昭遠以易校詩跋證之尤可無疑此因刻畱詩而跋之故云以公之詩刻之石宗氏以題名標之亦未得實

宋王枏澹山巖題名

通守王枏仲方攜家來遊嘉定己卯三月二十六日

金石書右刻行書二行在鞏辨叔題名之左

金石補正王枏為通守通志職官失載石刻正書尙有唐人筆意永志以為行書非

宋董與錢澹山巖詩

厥初誰剖混沌殼光明僅透天一握龍門鑿斷工有餘剗劃巉巖開灑落我來沆碭千厓高潤雨萬丈聲蕭騷巖上風煙巖下水曉尋丹竈夜漁舸 嘉定十二年重九日鄱陽董與錢書同

游開封斛逮

金石補正此亦前人所未見七行行書永志官表董與錢知道州嘉定十一年任此正知道州時也通志失載斛氏見姓氏急就篇北齊有斛子慎又宋有斛繼善紹興間知汀州見萬姓統譜

宋王子申澹山巖詩

坤靈肇擘天幻奇一到倦凡覺兩歧處士清風存萬古詩翁雅句見當時洞深不礙煙雲逸丹就那知日月遲更上層臺瞻佛

象魏無法語勒狐疑 郡丞三山王子申攜家偕臨汝董叔雲
子蒲孫同游時嘉定庚辰孟冬九日男憲孫穎孫侍行因畱唐
律以紀歲月云

金石叢石刻行楷書十八行金石萃編作正書十四行非也
宋董居誼羣玉山詩記并鍾某和作

陔叢函函常杜門不出適秋晚風清約領衛鍾子正借館賓
陳叔宜誦積因與同訪宅仙洞洞之下舊有羣玉山漫
莫省其處山中道士云隱在山之陰圍圃中猶有字刻可踴
蔽爲甚人蹟罕到余亟與同來二三密隨其所之極其所止而
休焉徘徊四顧怪石林立峭拔透人眼成畫去東南十許步
有隙如扉疑通乎山之巔而藪蔓棘雜錯相拒不可著足未
免俯僂攀援而升山回路轉巖實畢露爭奇獻巧應接不暇出
而舉手相賀凡一山高下妙處皆了然在吾人胷次矣繼而約
副將趙聲遠循前日之所經歷命斤誅穢隨勢取踐以達于山
之趾後月餘又得翻經臺故基以據于山之會盡取當時造化
融結之功貫而爲一自是無入而不自得或謂此山距郡城能
幾豈無前輩題品而湮沒經歲若無聞焉何邪余曰天下事久
則廢廢則興如環無端不容終詰者不獨此山也余今日幸而
與之相遭苟弃之而弗顧則此去興廢又未可量宜立游亭以
昌厥後原囑聲遠爲董其事越旬日而成因賦五詩於其上

遂爲山中復此一段奇觀然人之好惡不同物之隱見有數更
數十年後又安能保興廢何如哉煙霞痼疾不能自己度不滿
識者一笑臨川董居誼仁甫 羣寓零陵過一年每憐兩腳負
山川忽從榛莽窺神祕似與仙家有宿緣石刻嘉名歲月多苔
封蘚蠹欲消磨天成有景無人問不著新亭奈爾何浮世晷塵
不可干漫山琮璧照人寒客來莫認爲頑石具眼還須作玉看
頃年曾入道山來天上圖書不受埃今日有懷羣玉府又從人
世得蓬萊經臺石磴鬱深幽曲折中藏自一邱鑿破藩籬都是
路從今任是永人遊嘉定十三年冬十月甲子 山有奇觀地
之靈也然非經大賢題品則亦不顯永之羣玉山昔固嘗有鐫
字以紀名者後復湮廢今歲□□□□□□陪侍郎先生披
荒訪古山神拱揖囑獻奇恠遂建亭臺以□歷之爲詩章以勸
蔽之吾知山之勝蹟自此足以播佳名於不朽與涪溪淡岩相
爲伯仲雖欲晦之而不可得□敬借嚴韻爲先生賀云門生鍾
□惶恐百拜上 坤維借重屢經年咳唾珠璣散四川底事杖
藜蕭水上只因泉石要攀援石涵溫潤秀峯多元費天工巧琢
磨荆棘滿山煙雨暝時人不復記云何山靈有意巧相干遊賞
前盟恐久寒多謝經營臺與館不將玉石混淆看主人領客渡
江來車馬駢填漲霧埃祗恐考槃成趣後得賢將復詠臺萊□
□□遍尋幽作記拳拳賀小邱若使蚤知羣玉□□□□□

紀清遊

〔金石〕石右刻行書二十四行首二行全蝕記文上截爲兩浦所侵削字多隱約後半尙明顯可讀縣志僅載一詩今得五首居誼事實詳寓賢傳

〔金石〕補正石董居誼并鍾某和詩在火星岩雲洞永志未詳晰之居誼作僅錄詩篇誤爲剗通志載此記於山川作宅仙洞記永志載於名勝作羣玉亭記多與石本歧異要當以碑爲正鍾某和詩瞿宗皆未之見居誼記有約領衛鍾子正語此詩當卽子正所作而其名已泐其所稱侍郎先生者卽居誼也詩有咳唾珠璣散四川句居誼嘗制置四川也明統志云羣玉山在府城西巨竹清脩古木樛曲怪石萬狀地勝景清一郡之奇觀也宋嘉定間侍郎董居誼謫居於此江西通志居誼字仁夫臨川人淳熙八年進士屢遷左司諫起居舍人充金國生辰使至金會有內變悉得其國中事宜以歸除工部侍郎寶章閣待制爲四川制置使在蜀鎮靜不擾永志寓賢傳云以張福之亂責居永州

宋董鴻道羣玉山亭遊記

嘉定庚辰冬十一月日南至鴻道自臨川來省親零陵一見語鴻道日子近從構井中得羣玉一山之勝結亭其中將與汝落成之越二日侍嚴君由朝陽巖過宅僊洞至其地徘徊亭上怪

石環列私自臆度此邦勝處恐似是甚多猶未以爲異也繼而由鳳石登前山之巔凭高眺遠江山城市了然在目而心始異之後復由石門上翻經臺屹然一石與臺相對擬名之以香鑪峯臺之下疊石如芝又擬名之以芝巖嚴君皆然之飯已聽菜道庵抵暮方還越三日領衛鍾公又約遊淡巖巖中明敞固可喜然斷石橫道其景可一目而盡又二日再來訪是山點檢曠昔所見觸眼逾奇此心至是始大異矣是日於萬竹蔭中又得一峯如列屏障左右有兩石蹲立中可容小亭嚴君欲榜以翠巖方此經理而鴻道將擊舟東歸因思此行畱僅兼旬如愚溪三亭諸巖前輩以殊勝名者足蹟幾徧而委蛇曲折中有不盡之意能令人係戀而不忍去未有若此山者也羣玉落成而鴻道適至○翠巖○○○○○○非於此山○尾○有宿緣乎因畱○○刻○○○以紀歲月云漫滅以下

嘉慶通志行書十七行案實字訪碑錄有董鴻道涪溪詩此刻但見其名鴻道而年月皆合然涪溪並未見有董鴻道詩豈卽此刻之誤耶

〔金石〕石右刻在羣玉山前近青蓮臺行書十七行字法如率更鴻道不著姓名當時臨川董居誼關羣玉山鴻道其子也〔金石〕補正石刻亦在雲洞省府志均有闕誤茲據石本錄之一統志云羣玉山有洞曰宅僊永志謂在南山記云過宅僊

洞蓋自南來也明統志云宋郡守彭合新學舍得異石如鳳作亭覆之記所謂鳳石者卽此三亭在縣東山之麓一曰讀書林亭二曰湘秀亭三曰俯清亭唐縣令薛存義建柳子厚有記亦見明統志翻經臺不詳其與廢居誼已云故基蓋歷久無致矣文云畱僅兼旬則此刻當在十二月

案此刻末二行文字存沒通志與府志稍異非於此山宿緣乎因畱刻以紀歲月云十五字通志所有也當非無据而意增之者今從之以俟他日拓審云

宋羣玉亭三字

金石叢石正書直榜姓名俱蝕疑與羣玉山三字皆重居誼所書

木火星巖羣玉山三字

零陵縣志田山玉記石壁刻羣玉山三字大二尺餘爲宋朝人書

〔金石補正〕石二刻皆無年月姓名羣玉亭爲居誼所書容或有之要亦未足徵信羣玉山則尤屬臆測茲附宋末

宋高惟月澹山巖題刻

三山高惟月以慶元戊午校秋試於零陵竣事嘗遊澹巖觀山谷畱題後廿九年謁宋分符莫秋復游觀景物之依然歎歲月之遽邁歸興翩翩賦念奴嬌一闕 巖扁不鎖算空洞深窈是

誰初鑿帝遣六丁持月斧亂把雲根鏡剛駭目奇觀恍如崩浪洶湧從天落謫仙何處翠珉佳句如昨 惆悵白首重遊多情還似與青山有約且對清尊醺勝賞休想舞衣歌樂景物依然頭顱如許何事嗟漂泊翩翩歸興故山無限林壑 嘉慶通志案是刻當是寶慶丙戌零陵縣宗志載其詞云王昶拓本未全

〔金石補正〕慶元戊午後廿九年是寶慶三年丁亥也宗氏云丙戌誤石本詞刻在前宗氏錄在題款後亦非 宋住山僧某澹山巖題名

乙酉季冬來尸茲山越明年秋有同道寶岳普濟上座相過數月禪宴之餘徜徉口斯無或少厭時寶慶丙戌冬 住山不_缺 〔金石補正〕六行行書前人失搜

宋許綸澹山巖題名

前守零陵永嘉許綸任滿東歸攜累來游妹婿鍾光大甥侯希璉錡鎡澄侍行時紹定庚寅正月二日題

〔金石萃編〕正書五行字書無釋字似當作龔唐武后所製聖字此仿而書之而有誤也

宋張友仁澹山巖詞

郡丞晉陵張友仁仲父目紹定庚寅二月十六日遊澹巖賦水調歌 石屋勢平曠峭壁巖巖崑崙妙哉天造地設誰復謂神剌

疇昔涪翁題品會說人寰稀有豈特冠湘南越取聊輕健相與上高寒 遊奏者君莫問意其間祖龍文密至今草木尙愁顏贏得功成丹鼎久矣乘風而去跨鶴與驂鸞猶有白雲在鎖日繞禪關

金石萃編正書十行

宋吳千能澹山巖詞

澹氏人安在縹緲九霄間我來惟有石屋周覽百尋寬一曲中分夷險兩隔空光平布滿洞貯清寒高致自堪仰何必論金丹周賢士知此意薄秦官一牀一枕依然猶伴白雲間門外俗塵如海門裏道心如水談笑足回瀾此事無今古不信叩嶮山伊雒吳千能守瀟湘八閩月迺得遊澹巖真天下奇觀也賦水調刻諸石弟千兕子奕侍客蔣涇曹昌佑偕行紹定庚寅清明日

金石萃編正書十一行字數不齊

金石文編高斯得恥堂存稿永州續惠倉記云千能新鄭人永州府舊志右刻瘦逸得褚愛州筆意雅同洛魚豢魏略云漢五行忌水故去水而加佳賢古文

宋盧世甯等澹山巖題名并袁鎮詩

聖宋紹定四年辛卯歲九月中旬東陽盧世甯子安偕承陵袁鎮安之周珣國寶因送住山寮公重領院事再遊斯巖偏覽山

谷羣公題品徜徉終日塵襟頓清臨風分袂書此以記歲月鎮偶得一絕句併呈諸丈就煩匠者刻之斯崑同志者幸勿我晒口鎮呈 誰道靈仙壁石開天然瓊室與瑤臺涪翁旬裏會相識料想煙霞許我來 右一 石門定與玉京連會著方壺不老仙猶有當年丹竈在空崑寂寂鎖寒煙 右二

宋衛樵等澹山巖題名

紹定壬辰二月既望郡守中吳衛樵山甫通守四明魏峴居甫偕推官權零陵縣事上饒余銳子允校官王庭簡夫以勸農來樵謹書

金石萃編正書七行似柳誠懸

金石補正通志職官魏峴誤作琚余銳誤作銳

宋婁續澹山巖詩

紹定六年歲在癸巳二月二十六日郡丞嘉興婁續祖題永州淡崑 崑扁寂寂幾經春中有神仙隔世塵不假棟梁爲大廈盡藏今古往來人

金石萃編正書八行

宋術樵澹山巖詩

嵌巖洞谷到會多無奈冥搜暗索何此處雲穿風月透短筇渾
不待捫蘿 慚槐州家一事無薄遊還愛小蓬壺若憑妙筆丹
青寫應勝從來八景圖 紹定癸巳五月既望郡守中吳術樵
山甫題 口門僧住山了緣立石

金石叢正書八行

宋婁續祖萬石山題名

通判永州嘉興婁續祖以紹定五年十二月二十八日到任越
明年六月二十五日被命權州事口中元日侍親來

金石叢正書五行

金石補正志缺以字題名末有所吉羊三字乃近來庸俗
所為宗氏錄入并誤祈為遊非也嵩洞厓石間每鐫刻長命
等字及嬰孩小名者風俗然也祈吉羊亦其類耳

宋郭三聘澹山巖詩

憶昔遊澹巖文社四為侶相逢各少年抱負俱有素訓狐聖得
知夜半叫已婁主人知客來倒屣相告語且言龍王神多有靈
異處慙歎扣名吉兆齊確許未幾三先達陸續香漢去轉眄
三十載獨我尙困沮行將買餘勇猶幸有孤注乘輿偶重游寓
敬香一炷再拜問龍王前約何可負朱衣願點頭成就在此舉
擬欲鑄堅珉紀此一奇趣 涪溪郭三聘次尹紹定癸巳中秋

借唐可大周術仲重游感舊賦詩問訊龍王之神刻翠琰以彰
靈蹟姑俟異日殊老證明

金石萃編行書十五行字數不齊

宋王淦澹山巖題名

嘉熙戊戌中胄十有七日襄陽卻塵王淦困術挈家徠游萊人
習隱盧汝聖題侍行

金石萃編正書四行左行以號冠乎姓名之上則始於此題
蓋在嘉熙二年南宋末之風尚矣

金石文編案王淦字淵道臨海人秦國公之望孫也紹興五
年以恩補官魏了翁薦知衡陽縣多善政見浙江通志題名
稱字曰困術困古文淵術古文道姓名與字俱合似即一人
惟据金石萃編以卻塵為號則王淦當為湖北之襄陽人並
非浙江之臨海人又紹興五年至嘉熙二年相距百餘年時
代亦不合豈浙江通志所載有誤或另是一人與

永州府舊志案此御塵困道與習隱聖鄰皆一人上下書兩
號當是祖貫襄陽南渡居浙者浙志紹興必紹熙之譌自當
為一人也淦好用古字而陽字從易則說文所非然漢韓勅
碑兩用之不得謂無本矣

金石補正案兩浙金石志載有永州通判王淦墓志在臨海
南鄉白巖寺其略云公諱淦字困道姓王氏會祖綱祖之望

考鈇公以紹熙五年郊霈恩補官後以舉主及格改知衡陽縣政聲既著輿誦攸歸適永口闕倅遂以公奏辟驥足方展遽得疾而卒實嘉熙丁酉六月一日也據此知浙志紹興確係紹熙之誤非別一人也此題名正在判永之時不數月而卒矣其自題襄陽者嘉定赤城志云王之望襄陽人字瞻叔紹興初寓臨海宗氏謂祖貫襄陽南渡居浙不誤矣其自題卻塵者墓志云曾次坦蕩自號卻塵暇日飲酒舒暢吟詠聯篇有卻塵集數卷是困道為初字卻塵為後來自號也湖南省志於神宗朝載其為衡陽令殊誤并不及永州通志可補之墓志載其衡陽政績有平反枉獄及平高垓峒寇等事並宜據以立傳

宋王困道柳岩題名

卻塵王困道同口隱廬鄉來游戊戌三月廿六日

〔金石叢〕右刻正書三行在王伯清記後前淡岩作聖鄰而此用一字作廬鄰豈又一人耶抑可單舉一字耶

〔金石補正〕紀年但書干支不著建元以淡岩題名證之知為嘉熙二年隱上所缺是習字

宋張口之跋會宏正詩後

巖以淡名郡志謂古有不鹽食老人處其下稱淡氏因以名巖茫味難信至云秦人周正實辟世之地理或有之意其欲深絕

人世口塵故名淡耳山谷題詩云去城廿五里近天與隔盡俗子塵巖雖奇初無聲色臭味可以娛悅人耳目鼻口故俗子罕到俗子安足計自秦以來千數百年中間元火山柳子厚摟挾佳山水幾徧而此巖獨不及其淡可知得山谷口言始顯然竟坐去城相遠郡雖當舟車往來通道士大夫非酷嗜幽趣者鮮有輟程訪焉今都運口曾公先生以湘喜易節八桂道經口口口口赫奕之秋乃有解轡淹辰訪口口於俗子罕到之地可口與世俗異好矣古之高人勝士聞見固有不齊然皆山林之味勝於市朝故吐為文詞發為事業拔出口俗遠甚味公兩詩清幽閑雅淡口不華與巖相似持是以廉一道其能激濁揚清獎靜銷躁化口俗而古之無疑矣山川以人重公江西人先朝忠節公子忠節慶元間以學禁去嘉定更化累詔不就天下高之公風節是似所以重此巖者不獨以詩也清祐壬寅良月既望門生從事郎知永州零陵縣主管勸農公事兼弓手蔡兵軍正張口之謹跋 住持僧仁口監工 毛尙刊

〔金石補正〕廿五行正書會公不詳其名以湘臺易節八桂及江西人忠節公子二語攷之知為宏正也宏正以湖南提刑調廣西轉運使其父名三聘諡忠節此其入桂時經過所題之詩詩為明人劉養仕磨去淨盡間存一二筆蹤乃是篆文甚可惜也宏正又有浯溪詩即是年季秋所題此刻在十月

計是年當抵桂州崔氏謂二年壬寅正官湖南提刑逾年去
任誤矣廣西元岩隱山水月洞均有其題刻其會孫天驥跋
水月洞詞云癸卯調廣西運使想係歷年稍遠記憶微差耳
三聘傳云侂胄指爲趙汝愚腹心坐追兩官與祠跋所謂以
學禁去者指此傳又云尋差知郴州提點廣西湖北刑獄皆
辭不赴跋所云累詔不就者卽此

宋趙與泳澹山巖詩

玲瓏巖竅倚空霧靄山巔氣鬱蒸征途倍喜憩美蔭石室沉
乃來清風屈曲兩門最虛敞不斤不斧誰施工高城郭喧轟
外詩在煙雲縹緲中我來情思良不惡盡洗朱墨塵埃曾惜哉
距城稍遠邀歸鞭未著心冲冲天開地闢此巖峒山谷品題名
始穹安能廣作萬間屋震凌風雨皆幷幪 麥秋邵農隨侍郎
侯杖屨復遂澹巖一遊浪吟古句聊誌歲月清祐乙巳八月下
澹郡佐趙與泳題 住山元秀上石

金石叢右刻行書二十二行其文如翫上從甘蔭下從長巖

中從貢仲冲冲皆俗誤也

宋趙與泳羣玉山詩

偶侍郎侯口遊羣玉山浪吟二絕聊記歲月肯高祐乙巳菊節前
一日郡佐趙與泳題 玲瓏奇石繞林間屈曲高低未易攀非
斧斤誰運巧偏來琢就此蓬山 右一 此景元來已不凡

高人那更脫塵寰清幽爽境舒情思頗賞無非吏事閒 右二
金石叢行楷書十行案宋史宗室世系表秦王九世孫有與
詠此刻水旁必史文刻誤也

宋高不傳澹山巖題名

蒙城高不傳壽卿澹八戌冬領春陵郡清十戌春丐祠得檢季
秋望後三日道經澹巖巖舟岸下登山入洞瞭然一鏡歷覽奇
觀以快曠曠方豁然涪翁所謂澹巖天下稀之句昔聞而今見
之亦自謂無負此行時領學生彥準館人合沙林掀羅夢協偕
到乃慧明主人元秀爲之領袖云

零陵縣志高不傳案府志表乃清祐時通守清八想是清
祐之八年戌必歲字之譌十戌當是十歲

嘉慶通志案高不傳作蔡西山祠記乃清祐九年則此清八
戌戌字當是戌字之譌蓋謂清祐八年戌申也下云清十戌
者則謂清祐十年庚戌也宋宋人往往有此等語惟上記天
干下記地支似更無謂宗志謂皆歲字之誤疏矣

金石補正高不傳知道州省志載之永志云清祐八年任亦
合舊府志以爲通守恐誤或會權攝耳後恭帝時又知桂陽
軍方而豁然而當讀爲如省府志均關之清八戌冬戌字之
中微有石勒痕與下戌春戌字迥異宗氏乃謂清八下果係
戌字殆爲乃翁曲護也石刻十行宗氏作八行亦疏

宋虞廷永州學釋奠詩

先君滄江守三池丁祭衙齋所賦 洙泗微言日夜行天高地
 下昨猶今□□□六經意識得皇皇萬古心宗廟百官誰不
 見朱絃疏越有知音同人得似三池盛屬目冠裳儼若林 廷
 假守二水秋丁釋奠衙齋靖惟湖湘理學自周公倡之五峯
 南軒繼之遠有端緒因記先君舊賦和韻述懷錄呈別駕並東
 僚友寶祐元年秋八月丁未會稽虞廷 正學昭昭費力行湖
 湘一派到于今好翻愚帚詞筆手密察濂溪理窟心二水秋清
 嚴奠禮九疑雲□想韶音詠歸也覺西風好須信詩□在泮林
 金石文編右刻在永州府學虞廷之廷說文解字訓極巧視
 之也从四工廣韻上聲二十八彌知演切又視戰切解與說
 文同展字从此字得聲也涪溪張仲題名云丞郡二水此題
 名又云假守二水二水或以楷書永字拆開言之或因後人
 謂瀟湘二水至永州湘口合流言之亦未可定攷水經注但
 言湘水並無所謂瀟水古瀟字作瀟玉篇始作瀟說文云瀟
 清深也廣韻入聲瀟下云深清也酈道元水經注瀟湘之浦
 下亦云瀟者水清深也廣雅云瀟清也高郵王給諫念孫疏
 證又引湘中記曰湘水清照五六丈是納瀟湘之名矣是瀟
 湘之瀟取清深之義後人以瀟湘為二水者非予案廣韻平
 聲瀟下云水名又唐柳子厚愚溪詩序云灌水之陽有溪焉

東入於瀟水又云予以愚觸罪謫瀟水上蓋以瀟湘為二水
 名實始於唐至宋祝穆方輿勝覽遂有瀟水出九疑山之說
 自後瀟湘並稱無有知其非者矣

金石補正永志校補完備惟九疑雲近疑仍誤經並缺近字
 耳須信下頗似清字石已殘泐仍從宗氏作詩通志職官誤
 廷為珏

案右詩刻華嚴巖行書十四行字數不齊金石萃編誤以
 為十三行嘉慶通志滄江下脫守字以下多缺字金石書
 從拓本審出齋所微言朱絃疏越有裳儼湘理雲想韶好
 須信詩在泮二十二字今悉補正之

宋趙帥幹游澹巖詩

權府帥幹趙公題澹巖 山行 愛殺瀟湘境山行知幾重風
 清秋思重雲淡曉光濃隔水時呼艇緣崖自策筇巖扁聊問訊
 把酒欠從容 聞飛狐 舞毒山中誇巨蟒聞經巖下化靈狐
 不知昨夜飛鳴處會報溪翁到此無 山谷碑 長記兒童膝
 下時便聞山谷澹巖詩江湖老矣瀟湘過始得摩挲石罅碑
 雷神廟 此洞當年本祀雷棟梁見我忽傾摧寺僧為報山靈
 說不用驚疑俗客來 丹爐藥臼 巖中二子已飛仙藥臼丹
 爐尚儼然無奈故鄉心正切未由此地結清緣 石井 酌泉
 石井喜無涯喜與貪泉隔嶺西況有中秋明月輕舟同載下

涪溪 賈祐甲寅秋蘇谿趙立作住山元秀上石

金石鐫石行書二十八行用筆洒落其署名一字獨小而帶草舊番作立零陵補志番作世而連下一字為名細視又似在字今姑仍舊書立字而題但書帥幹以關所疑

金石補正趙帥幹名立零陵舊志不誤補志以為世永志又云似在字皆非案廣西伏波崑有其題名云薛溪趙立德成以寶祐甲寅歲閏六月十有一日攜家東歸此詩云江湖老矣瀟湘過云無柰故鄉心正切云輕舟同載下涪溪正其東歸過永所題也宋史有兩趙立一為徐州人建炎四年死節一為重慶人德祐年死節此題名者疑即宋末之趙立也史附張珏傳云以上書迂賈似道被謫德祐初起為大社令湖北提刑使惟史云字德情與立所自署之德成不同史言被謫亦不言其入桂立稱蘇溪又係自號而非里貫未可遽以為是姑識俟考緣崖之緣通志作經肆毒之肆永志作舞均形似而譌飛狐上亦是狐字當是書寫之誤舊縣志作孤補志作咏向涉形近通志刪此一字永志以意改之云應作聞與諸詩標題殊不一律又風輕之輕永志作清曉陰之陰永志改作光專輒矣輯詩詞則可錄金石則不可

宋鍾有大澹山巖題名

景定壬戌春正月晦零陵令鍾有大以返繡使俞計院宿此巖

寺二月望再待判府邱秘丞劭農題名以紀事云

金石萃編正書六行

金石文編俞計院當即後涪溪仲春題名之俞揆也宋時有審計院設官專司會計錢穀出入俞揆蓋由審計院官出為荆南提刑故有計院之稱鍾有大零陵縣志職官未載宋文有年澹山巖詩

為愛溪山來永州黃茅白草使人愁驅車遙指嶠峯去峯在瀟江最上頭江轉峯回景奇絕澹山嵌寶真天設摩抄丹竈酌石泉髣髴曾遊今幾劫徵君徵君苦避秦一秦人又一秦人青山踏破無肩鐫何地堪逃世上塵 景定壬戌四月望郡從事眉山文有年題於是吾宗默庵開堂之三日也 住山應遠上石

永州府舊志行書九行字極飄忽

宋張孝先等澹山巖題名

臨淮張孝先郡人卿槐錦江陳時中謁靈祠就過澹巖景定壬戌荔節後三日書石以紀行

金石萃編正書五行卿槐卿姓見風俗通云虞卿之後然無一人登史傳者此云郡人豈永州著族耶

宋陳宗禮澹山巖詩

永州澹巖天下稀山靈妙斲浩翁知蹲狎翔鳳獻穎異中有仙佛來娉媿我生骨相口冰雪心境相口口懽悅緣稜自笑來已

運猶見巖前古時月 景定壬戌陳宗禮書住山應遠上石

金石萃編行書十行陳宗禮字立之淳祐四年進士累直煥

章閣遷秘書監以監察御史虞慮言追兩官送永州居住景

定四年拜侍御史此題在景定三年壬戌正居住永州時也

嘉慶通志案零陵縣志骨相下缺一字作全懌悅上缺一

字作符生

金石補正陳宗禮廣昌人淳祐四年雷夢炎榜進士縣志骨

相下作全字懌悅上作符生二字以余審之全字僅存一捺

符字僅存上半未可遽定永志以竹頭之字為壽云義同等

或借通儔較符字為長錄金石而出以己意非余所知也錢

潛研云審碑為難若事專輒則不難矣緣輕作緣徑亦誤

宋張遠猷澹山巖詩

巖竇天下奇黃詩天下稀洞明無所隱石執爭欲飛雷鼓今猶

在澹仙何未歸磨崖文斷滅苔蘚卻成衣 景定癸亥中秋二

日會稽張遠猷書

金石萃編行書六行

宋釋紹珪澹山巖詩

使君得佳句簡巖如猗那著之巖石中千古不可磨 住山僧

紹珪謹誌

金石萃編行書三行字數不齊在張遠猷詩後

金石補正石張遠猷并紹珪詩萃編及湖南省府志均分為

二刻非也紹珪刻張詩因題四語使君即指遠猷耳永志執

作執僧上脫門字誌作志均非其云王蘭泉載此刻末無山

僧紹珪等字尤誤萃編有之惟誤珪為瑤耳且門誌二字不

似永志之誤

宋華嚴嚴景定癸亥詩

游華嚴巖偶得一絕漫呈○長老○道人○上人○ 人如

泡影隨時滅嚴號華嚴振古存今世摩抄前世刻晚鐘山寺口

黃昏 景定癸亥中元題

金石萃編行書五行

嘉慶通志案零陵縣志載此詩為僧長修作華嚴上缺一

字作嚴號摩準作幸畱又中元作中冬

永州府舊志案此刻荆有三行其一書題華嚴巖二行書銘

○○○長老三行有沙門字蓋僧詩也長修二字恐誤

金石補正宗氏見有前三行而仍未錄入且多闕誤茲悉正

之長修蓋即長老之誤作詩者○○○道人也弟一字似遁

宋文有年朝陽巖羣玉山詩

朗吟曉過瀟江曲錦色平鋪亂川綠翠屏突兀一千尋獨上高

岡展遐矚不知威鳳何處鳴但見燭龍初出浴神仙洞府寄山

阿中有寒泉鏘佩玉仰看峭拔俯漣漪似與幽人隔塵俗漫郎

好事破天荒此意吾儕當陸續 右朝陽巖 零陵舊有舜遺
風玉帛充庭萬國同畱得琮璜滿空谷更將戮磬貯當中款款
躋攀緩緩歸約回徒勿相隨鱗皴夾道皆千尺祇聽松風亦
自奇 右羣玉山 景定甲子邵農日郡從事眉山文有年

案右刻見永州府舊志今据金石補正正其訛

宋文起傳澹山巖詩

拭目澹巖景鶯花三月時洞堆鐘乳石林擁梵宮基泉瑩宜烹
茗屋穹好筆詩勝遊情未倦又促解舟維 果山文起傳汧流
省親來觀勝景

金石叢右刻行書十一行在唐可大題名下起傳父子璋官

道州佐不知其爲丞爲倅州志佚之

宋永州修城記

零陵縣志景定甲子夏教授吳之道撰

宋劉錫澹山巖題名

景定五年冬十有一月乙酉永嘉劉錫自道之瑞來遊子思侍

濂溪友劉元禧因赴南宮偕行

金石萃編八分書七行

寰宇訪碑錄舊有嘉定戊寅呂口正書劉書即刻其上

宋文子璋澹山巖詩

舟纜澹巖前巖扁不計年臺高先得月石透可通天洞古依禪

剝碑殘紀昔賢勝遊回首望林麓鎖雲煙 景定甲子仲冬蜀
東如齋文子璋自道之吉巖舟岸下學家來遊男起傳道傳侍
金石萃編正書十三行字數不齊

宋陳梅所澹山巖詩

陳梅所應角軒伯甲子仲冬初七日 天下人知此一巖霜清
杖履雅宜閑閣峯儘有堪怡處猿鶴多時望客還 住山彌昌
上石

上石

金石叢右刻正書五行僧款一行即刻呂行中題名之上本
不著年次因在呂後且咸瀆乙丑彌昌立石者計當爲景定

甲子也

金石補正永志晴作清登覽作怡處均非此亦以意改者

宋杭一民澹山巖題名

汧杭一民咸瀆乙丑清和時來

金石文編正書三行

宋王亞夫等澹山巖題名

襄陽王亞夫資中郭應酉石泉卷子炎咸瀆乙丑夏閏六月同

來僧彌昌立

嘉慶通志案右刻見零陵縣志

金石補正王亞夫理宗朝知衡州見通志夏閏者是年閏五

月也永志誤日爲月并脫住持二字

宋馬德元寶全器火星巖先後題名

錦城馬德元伯忱清湘寶全器宗叟古洪趙時演德繪廬陵王

國望介圭咸淳丙寅仲春同遊

金石叢石正書六行案宗室世系表時演爲魏王廷美次子

廣平郡王德隆八世孫

丙寅秋社日寶宗叟趙德繪王介圭重遊浚儀趙時澤德潛偕

來

金石叢石正書五行在巖內案宗室世系表魏王廷美長子

高密郡王德恭八世孫時澤史從木作樛誤

宋中山亭三字

金石叢石刻在羣玉山背橫榜下署三山王三字其名不可

辨案題名有三山王熊祥甫子申殆即其所書

宋王熊等羣玉山題名

三山王熊祥甫昌元崔天覺道夫廬陵周士模叔規京兆胡興

祖隆父京兆楊益孫直翁瀘南李泰孫伯和肯咸淳丙寅菊節

前同登

金石叢石正書五行近中山亭其間殘碑沒字者甚多

宋趙與訥羣玉山題名

合沙趙與訥仁甫廬陵趙若訥文重長沙周起宗子高古洪趙

時演德繪廬陵王國望介圭宋咸淳四年閏正月廿九日同遊

金石叢石正書五行與訥秦王德芳九世孫若訥則魏王廷美

三子穎川郡王德夔之九世孫也

宋趙與訥澹山巖題名

咸淳己巳仲秋望諭合沙趙與訥仁甫以郡博士攝守倅出

郊勤麥偕攝令廬陵劉伯文致平行竣事就訪古迹寺僧請書

以記

金石萃編正書五行太祖第四子德芳封秦王與訥爲德芳

九世孫希璫之第二子澹山巖唐張顥記云盤伏兩江之間

周迴二里有巖竇可容萬夫古有老人處其下以澹氏稱

因名方輿勝覽云中有澹山寺樓殿屋室隱躍縉中雖風雨

不能及四顧石壁削成旁有石竅古今莫測其遠近

金石補正末行上石人名諸家均失載

宋度宗字民銘及燕堅龍謝表

御製宸翰錄 字民銘 泣事必公拊民必惠邇者有訓命既

切至咨爾令長望以勿墜宣朕實意斯爲愷悌 名已融言恭

準頒賜御製字民銘口已望關祇受錢石訖者伏以天頒一札

父母斯民地重八愚子男之國咨爾承宣之令懋哉撫字之心

口口惶懼惶懼頓首頓首若稽我朝洪惟理考子告汝訓必廉

忠而公勤爾聽朕言以恭寬而體恕靈驚百里膏沐萬方垂憲

言於後人式克口口今日恭惟皇帝陛下堯仁舜德周誥商盤

念先王之惠困窮首嚴飭吏謂縣正之掌政令無易口口誣漢
口於德音重異申於明命口假爲邑長祇在宅生治石磨刊口
與銘於肺腑口城保障敢不竭於懇忱口口無任瞻天望聖激
切屏營之至所有鐫石宸翰墨本壹軸謹隨表上進以聞口口
惶懼惶頓首頓首謹言咸淳柒年肆月日燕口口上表 嘗
觀先朝名臣作邑以視民如子四字置諸座右朝夕親至矣
哉字人者之龜鑑乎洪惟本朝以仁立國以口口口以禮義廉
恥淑士大夫暨我理皇揭字民一訓敬于有位子以陶四十一
年之盛治而開千百萬世之太平皇上嗣無疆大愿服念在
民一日行天下一兩遭舉廢戩食幾詔小大之臣各欽乃職猶
懼弗誠咸清庚午親製字民訓越數日洵製字民銘天筆肆頒
雲漢昭回萬姓咸曰大哉王言又曰一哉王心口代匱男邦昭
受明詔厥有感於先臣龍學肅昔在天禧出幸臨邛縣削木爲
檣施信於民而民信之口不肖懼不克率乃祖攸行謹拜手稽
首對揚王休陽城有言撫字心勞催科政拙此近民者所當加
之意苟違此銘天厭之天厭之咸淳柒年肆月日燕堅龍百拜

恭跋

金石叢石篆額四字銘行書五行下二層表正書四十五行
豐碑螭首環以雲龍樹零陵縣儀門燕堅龍燕肅之後燕肅
知臨邛削木爲牘事見宋史本傳肅子度孫瑛俱有傳瑛死

靖康之難其家累世以忠節循良著聞觀其後跋可謂不限
家聲者矣

金石補正案史咸淳六年正月丁卯御製字民牧民二訓以
戒百官而於製銘則略之表云親製字民訓越數日洵製字
民銘可以補史之闕表有洪惟理考云云跋亦有暨我理皇
揭字民一訓之語事在寶祐四年三月燕肅曹州人字穆之
以著作佐郎知臨邛縣最後進龍圖閣直學士故表稱龍學
也湖廣通志云燕堅龍知零陵縣民苦吏追攝乃刻木爲牘
凡訟有連逮者書其姓名使自召之作字民銘刻石縣治則
誤以此銘爲堅龍作矣刻木爲牘疑卽燕肅臨邛事而誤屬
堅龍通志因之未能改正永志載此文譌缺十五六字

案燕堅龍表前一行銜名元缺嘉慶通志詳列銜款云咸
淳七年四月迪功郎權永州零陵縣事燕堅龍撰或据舊

志補之與

宋趙口口澹山巖詩

淡巖偶成 清江趙口口似德繪巖局二里鎖煙霏天下名山

此本稀硬石穹空誰運斧寒泉滴雪欲添衣仙遊塵外杜蘿老

僧住山間筍蕨肥自歎微官猶縛我儻容卜築定忘歸 咸淳

壬申九月

金石萃編行書十一行

嘉慶通志案金石萃編脫首行澹巖偶成四字又以前俞希孟和盧臧詩題范陽同年示及云云十八字誤綴於此刻九月下今据零陵縣志改正

金石補正趙君名泐宗氏云似德綸二字審之未確

宋永州貢院二字

貢院 文天祥書楊履順立

文信國復永州守楊履順書某嘗論一世人物紫朱其綬唱呵車塵若是者駢肩矣求其忠義貫日月處漢賊危疑之間臨大節而不可奪至於殺賊奴取孳纒也如此事付度外豈不慄慄大丈夫哉父母講傳百年間吾見先太師一人而已某官鍾岷峨之秀嗣羹鼎之勳忠臣之門天人之所共祐國士之器君相之所簡知石崖齊天唐中興頌功處也公來其間甯不感慨今蜀道難公收拾羣人手揮天戈一節之還從甘棠刻第二頌旂常濯濯光於前聞人某何幸身親見之歸隱空山望湘雲千里不圖使者遽陟吾境仰惟明公張主斯文經始棘院以相龍飛興賢之盛大張門顏使某也得執事從君侯所以厚我不同他人小人雖無能為役烏乎敢辭貢院二字僭易奉上進之惟命未諧握手往來心聲庶幾古道之概臨紙拳拳

永州府舊志案右貢院額零陵補志攷文山年譜斷係度宗

九年所書書中所稱先太師謂楊巨源也宋史本傳巨源字子淵成都人客居益昌善騎射涉獵諸子百家之書吳曦叛巨源陰有討賊志與安丙密誓又邀朱好義見丙謀決憂事泄遂以二月乙亥未明好義率其徒入偽宮巨源稱奉使有詔入內逆執殺曦丙奏功於朝以巨源第一補承事即俄轉宣撫司參議官後以蔽功不平為安丙所殺巨源死忠義之士為之扼腕聞者流涕李珣投醴其冤朝廷亦念其忠賜廟贈實謨閣待制官其二子以崔與之請官給其葬加贈實謨閣直學士大中大夫嘉熙元年特諡忠愍此稱太師必理宗所加贈而史略之長子履正終大理卿履順蓋次子也

宋淵潛洞三字

金石叢石正書直題姓名時代俱蝕字法似出宋人手在羣玉山之尾朝陽巖之東

宋掘堂記

零陵縣志武縣丞曾迪建會口撰

宋石角山題刻

零陵縣志武志在縣東北五里許石上多宋人題識

宋澹巖佚名詩刻

口口比遊澹巖因成一詩敢用拜呈 行盡瀟湘山復山犁舟來扣澹巖關幽深雖與塵寰隔空闊猶容俗駕攀是處名山有

湖南通志卷二百七十五

藝文志三十一 金石十七 宋

宋盧察題浯溪詩

留題浯溪 太子中舍知蒙州盧察 口後聲名人始貴真卿

筆札次山文二賢若使生同世口口悲不放君 天聖辛未

九年八月作嘉祐丁酉二年口月男臧上石

金石文編右盧察詩正書九行在磨崖碑之顛嵒臺之左前

人未見

宋盧察再題浯溪詩

再題浯溪 殿中丞盧察字隱之 逆擊滔天亂大倫忠邪淆

雜竟何分欲知二聖巍巍力止在浯溪一言文 明道元年作

嘉祐二年十二月男臧上石

金石文編右盧察再題浯溪詩正書五行不齊在嵒臺左前

人未見

永州府舊志案盧臧嘉祐中爲永州司理河內人

宋陳統浯溪詩

讀元顏二公中興頌碑 提點刑獄公事尚書祠部郎中陳統

中興碑頌口崢嶸三百年來蠹不生湘水無窮流善價口山長

在聳高名文傳幼婦詞原贍翰灑崩雲筆力精按部艤舟思訪

古拂塵珍賞眼偏明 經浯溪元次山舊隱 次山曾此隱溪

壑水清漪廢宅羣山合高名千古垂修墓森釣渚樂石聳豐碑

唯有喬林色蒼蒼似昔時 景祐五年十月二十四日 內殿

崇班口口祇候同提刑柴貽正同賞 進士鄭絃書進士周賈

刻

金石文編陳統詩正書十七行字數不齊在磨崖壁間浯溪

新志遺去前一首而以後次山舊隱一詩屬之書人鄭絃謬

甚又羣山合作羣山在皆當以石刻正之

金石審宋史兵志有內殿直有散祇候各有都虞候指揮使

兼同提刑無攷

宋宋運判浯溪題名殘字

東缺十搆缺九字缺中藏口樹口居口口出遊則口口口不口

口勝也僕自春陵口道過此久不能去因識歲月口厓八口三

月初九日口口口轉運判官口口口口口宋口口題

金石補正右行書爲李若虛磨去改刻其詩僅存八行四十

字行字疏落筆致朗潤惜不得其全矣厓上是慶字尙有下

半又字可辨此刻未見著錄益皆忽過之耳

宋王恽浯溪題刻

皇祐辛卯歲中冬廿有式日河南王恽因安題

金石文編右古篆一行刻於修復浯溪記元友讓詩碑後仁

古文作恽从于心疇篆文作囑或作囑竝見說文因古文國

古文四聲韻云出義雲章然以仁疇為名文義似不相屬或因疇字从壽作詈竟借為壽字亦未可知

金石補正辛作三本王存又切韻卯作共本石經日字

作公姓見汗簡出諸家碑固古亦以為方字變見華岳碑而

此作公从寸又與寸古文往往兼用也題作公代本義雲

章切韻餘詳瞿跋

宋狄青涪溪題名

皇祐壬辰孟冬儂寇復邕管宣徽南院使彰化軍節度使狄青

奉詔致討明年季春朔凱旋過此 石州軍事推官掌機宜武

緯 大理寺詳斷官太子右贊善大夫掌機宜馮炳從行

金石文編石狄青題名正書五行在涪溪磨厓右攷廣源州

蠻儂智高於皇祐四年四月反五月陷邕州及橫貴等八州

圍廣州嶺外騷動楊旼安撫久無功乃命孫沔余靖等討賊

仁宗猶以為憂時狄青以彰化軍節度使知延州權樞密副

使上表請行乃改宣徽南院使宣撫荆湖南北路經制廣南

盜賊事置酒垂拱殿以遣之時智高還據邕州青出奇兵大

敗智高遂遁去復為樞密副使遷護國軍節度使河中尹還

至京師帝嘉其功拜樞密使事詳宋史及東都事略今廣西

臨桂有大宋平蠻碑及平蠻三將題名皆其事也据三將題

名青以皇祐五年正月破賊二月班師至桂林詔換河中旌

節召還樞密與此云季春朔凱旋過此正合後有武緯馮炳

二人銜名竝云掌機宜宋制招討使得奏辟隨軍書寫機宜

文字此青之從官也亦見三將題名儂智高者平蠻碑云賊

之巢穴曰廣口州交阯之附庸也父為交阯所戮遂棄其州

奔南蠻界中情號自名其居曰雲南道又曰南天國再名其

年曰景瑞曰啟歷云

金石補正石州上尚有兩字已泐省府志均未言之三將題

名內稱權攝諦審拓本石上似是權字亦僅存下半可辨或

係前權二字邪石州宋屬河東路今山西永甯州地

宋柳拱辰等涪溪題名

皇祐六年甲午歲正月廿一日尚書職方員外郎知永州柳拱

辰同尚書駕部郎中分司周世南祁陽縣令齊術遊此

金石文編涪溪東厓有柳拱辰等題名正書五行字徑二寸

許方與勝覽云柳拱辰其先青州人五季避地荆楚為武陵

之青陵人年六十即有挂冠之志初亭於青陵館名橋曰歸

老案曾肇元豐類藁有歸老橋記為拱辰作也洪邁容齋五

筆謂拱辰以天聖八年王拱辰榜登科殆應辰之兄明統志

載拱辰通判鄂岳州有惠愛弟應辰子平猷等相繼擢第人

號武陵五柳容齋五筆又載蔣世基述夢記云至和三年八

月知永州職方員外郎柳拱辰受代歸闕祁陽令齊術行至

巖竇莫如此地最寬閑真人仙去知何在陳迹空留警世頑許真君石牀修道處極高峻

住山致瑋立石

金石補正石刻人名已泐不著年月以立石之致瑋證之當附嘉泰末孫介宗徐夔兩題皆是僧所刻也

宋火星岩佚名題記

前缺行九字下躬其字則荒涼望其林則翳履其涂則崎嶇

阻煥然一新種植林木鬱然而茂

阻三字平缺兩行三孫侍行

金星補正石刻前人未見九行正書前後漫滅年月姓名俱

已無存文云以奉香火云創建殿閣當是記火星觀之事盧

臧詩序有往時黃冠師宅其側塑火星像為人祈福今字壞

其存緇徒構宇而居云云此記有結廬字疑即盧臧所謂緇

徒也然觀之興廢末由攷其歲月附宋末

宋曹公美等澹山巖題名

宋江曹公美許醜老同遊 己卯仲夏望日

金石齋正書二行年月書下截作三行

金石補正石刻在會孝雍題名之左永志列元符二年疑與

孝雍同時人也未必非是然究無可證不若通志次宋末之

為慎矣

宋淵冲子火星巖題名

尋勝閑題意歸於默不能思之觀崖之北 淵冲子

金石齋正書五行字類顏清臣隱其姓名而寓言見道君子

哉若人弗可及也已

湖南通志卷二百七十四

